

R 440
1962/5

ШАРК ЮЛДУЗИ

ЎЗБЕКИСТОН ЁЗУВЧИЛАР СОЮЗИНИНГ ОРГАНИ

5b
2

№ 2

5

1962





«Правда» дегани ҳақиқат демак.
Бу — ростлик, түғрилик, адолат, инсоф.
Ундан озодликнинг зәҳнига кўмак,
У билан саҳарда туғилган кун соф.
Ильич ҳақ йўлини ҳақиқат деган,
Ильич шу жарчини шундай атаган.

Ленин ҳақиқати «Правда»сидир.
Қолмас беътибор ҳаттоқи вергул.
Ҳар хабар ишчи қалб ифодасидир.
Ленин — правдахон: суратин кўргил!
Ленин ўқир экан ўз газетасин,
Тинглайди хаёлда баҳт нашиласин.

Йўқдир тиним куни «Правда»нинг, боқ!
У содик юракдай бетўхтов чорлар.
Тилар: дунёдошлар бўлсинлар ўртоқ,
Даф бўлсин қонларга ташна ўжарлар!
Ўзгача бўлмоғи мумкинми ахир!
Унга Ленин ўзи ўлмас муҳаррир.

М. ШАИХЗОДА.

R 440
1962/5

ШАРК ЮЛДУЗИ

ЎЗБЕКИСТОН ЁЗУВЧИЛАР СОЮЗИННИГ ОРГАНИ



ОИЛИҚ АДАБИЙ, ИЖТИМОИЙ-СИЁСИЙ

ЖУРНАЛ


ХХХ ИИЛ ЧИКИШИ

5

Энг
№ 2

МАЙ

1962



«ҚИЗИЛ ЎЗБЕКИСТОН», «ПРАВДА ВОСТОКА»
ВА «ЎЗБЕКИСТОНИ СУРҲ» БИРЛАШГАН НАШРИЕТИ
ТОШКЕНТ

Петрусь БРОВКА,
Ленин мұжофоти лауреати

„Правда“ни ўқийди Ленин

Ешлиндан ёдимда саңланур ҳамон,
Түләнин, хаяжонға тұлар-у дилим
Дөворда әрқын бир сурат күраман:
«Правда»ни ўқийди Ленин.

Хонада күлади оқ тонг яноғи.
Бақор ёғдиради уйга нур селин.
Ана, иш столда субхидам өғи
«Правда»ни ўқийди Ленин.

Нұзларіда қақнар орзу құдрати,
Күради у жортнинг ҳар зафар, шонин:
Қад нұтариб домна, түғен туради,
«Правда»ни ўқийди Ленин.

Чүккідан күринур йироқ-йироқлар,
Авлодлар босади авлодлар йүлін.
Қүриңда шовуллар олтын башоқлар,
«Правда»ни ўқийди Ленин.

Жанговар ҳақиқат ноҳајни янчар,
Жасоратта ундар ботирлар наслин.
Носмонавт иетидан космонавт учар;
«Правда»ни ўқийди Ленин.

Ченсиз ўлка бўйлаб незади қуёш,
Бизнинг интилишда қуёшча ёлжин.
Дунё уйғонади. Шодман беқиёс
«Правда»ни ўқийди Ленин.

Валентин КАТАЕВ

„Правда“нинг биринчи сони

«Қора денгиз тўлқинлари» эпопеясидан парча

Бир маҳал Гаврик туйқусдан Петянинг орқасида пайдо бўлиб:

— Мен билан вокзалга борасанми? — деди.

Шу пайт Петянинг эс-хуши дарсни ёдлаш билан банд эди, шу учун Гаврикнинг ҳозир ишда эмаслигига ҳайрон бўлмади. У бошини яна ҳам тезроқ тебратиб:

— Нари тур! — деди.

Лекин Гаврикнинг юзида ғалати, сирли, тантанали бир жилмайиш борлигини, айниқса соchlарини кўнгил билан тараб, янги чит кўйлак устидан янги камар боғлаб олганини, шими ҳам яхши дазмолланганини, оёқларидаги ботинкалари эса фақат у ёқ-бу ёққа чиққандагина киядиган ботинка эканини кўриб, муҳим воқеа юз берганини пайқади. Ҳақиқатан ҳам, Гаврик бу кийимларини жуда эҳтиёт қилиб сақлаб, муҳим пайтлардагина кийиб чиқар эди.

— Вокзалда нима қиласми? — деб сўради Петя.

— Газета олиб келамиз.

— Қанақа газета?

— Ўзимизнинг газета. Кундалик ишчилар газетаси, оғайнини. Тўғри Петербургдан, куръер поездидаги келади. Оти «Правда».

Петя яқинда Петербургда ишчилар газетаси чиқармиш дегин овоздани бир эмас, бир неча марта эшитган эди. Шу газета учун ишчилардан пул йигилган, бу пулларни Петя кўрган ҳам эди. Бу пулларни ишдан қайтганда тоғро Терентий ёки Гаврик олиб келиб, яхшилаб санаб, кейин бўш «Жорж Борман» монпансье қутичасига солиб қўярди. Терентий буларни ҳар ҳафта почтага топшириб, квитанциясини яна шу қутичага келтириб солар эди.

Иифиладиган пуллар кўпинча танга ва майдада чақалардан: бир тангалик, ўттиз пуллик, ярим тангалик, ўн пуллик, олти пуллик, ҳатто икки пуллик чақалардан иборат бўларди. Бир сўмлик ва уч сўмлик қогоз пуллар камдан-кам тушарди. Шундай сийқа чақалардан бориб-бориб каттакон кундалик газета сингари қийматли бир нарсанинг ҳосил бўлишига одамнинг ҳеч ақли етмас эди.

Мана энди майдада чақалардан шундай газета ҳосил бўлибди. Уни «Санкт-Петербург — Одесса» куръер поездининг почта вагонида олиб келишаётган эмиш.

Очиғини айтганда, ҳар кун эрталабдан қаро кечгача дарс ёдлаш Петянинг меъдасига ўлгидек теккан, шунинг учун бир оз дам олишга қарши эмас эди. Бундан ташқари, вокзал деса ўзи ҳам учиб турар.

вокзал унга ҳамма вақт оҳанрабодай таъсир өтарди. Бир-бирларини кесиб ўтган ҳадди-ҳисобсиз рельсларнинг ўзиёқ тасаввур кучини тўлқинлантириб юборар, равонгина чўзилиб кетган бу рельслар номаълум юртларни ўйлашга мажбур қилар эди.

Петя Гарбни кўрган. Лекин ҳали Шимол бор. Шимолда кўз илғаёлмайдиган ниҳоят зўр образ — Россия, ватан, унинг бағрида она-Москва, Санкт-Петербург, қадимиј Киев, Архангельск, Всігла, поёнсиэ Сибирь, ниҳоят, Лена ётиби. Лена эса энди оддий дарё эмас, номи Ходинка ё Цусима сингари қонли воқеалар билан боғланган тарихий жой бўлиб қолган. Худди ўша ёқдан, Шимолдан, тутунлар, туманлар ичидағи Питердан бугун куръер поезди «Правда» газетасини олиб келиши керак.

Петя билан Гаврик «Одесса Главная» вокзалига келганида, Петербург поезди аллақачон перронда турган эди. Поезд кўк ва сариқ рангли, узун, яп-янги Пульман вагонларидан тузилган. Вагонлар орасида яшил ранглилари бўлмаса ҳам, ҳали ҳеч вақт кўрилмаган иккита вагон бор эди. Петя билан Гаврик шу вагон ёнида беихтиёр тўхтаб қолишиди.

Бу вагонларнинг ташқарисига тахта қопланган, қабзаси, деразала-рининг бурчакларидағи бандаклари, чет тилда ёзилган бўртма ҳарфлар ва ҳалқаро ётоқ вагонлар шеркатининг тамғаси қуёшда мислари билан товланиб туради. Буларнинг ташқи кўриниши кемаларда бўладиган ўзгача салобати билан кишини ҳайрон қолди.

Болалар бир-бирларини тирсаклари билан туртишиб, декадентчасига юқориси ранг-бараңг камбар ойналар билан безангандеразалардан ичкарига мўралаб қарашди. Улар йўлчилар тушиб кетган бўш вагоннинг ҳашамини, пасти локланган қизил ёғочли, усти ғижим баҳмали демовларни, эрталаб ғижим бўлган оппоқ чойшабли ўринларни, оқ лолаларга ўхшаган электр лампочкаларини, кўк тўрларни, оғир тунч түфданларни ва йўлларга тўшалган поёндоzlарни кўрибвой-войлаб юборошиди.

Иккинчи вагонда эса ҳамма ёғига шишалар, закускалар териб ташланган буфетни, эҳром шаклида турғизиб қўйилган салфеткаларни столлардан йигишириб олётган фракли лакейни кўриб оғизлари очи-либ қолди. Бу оппоқ салфеткалар худди гипсдан қўйилгандек қаттиқ эди.

Гаврикни айтмай қўяқолайлик, ҳатто чет элларни кўриб келган Петя ҳам дунёда бундай вагонлар бўлиши мумкинлигини қозиргача кўз олдига келтирмаган эди.

Петя жило берилган қалин ойнага бетини қаттиқ босиб туриб шипшиди:

— Вой-бўй!

Ойнада тер босган бурнининг изи қолди.

Гаврик эса кўзларини қисди-да, ғалати бир заҳарханда билан ғижинниб:

— Бойлар тушади,— деди.

— Илтимос, вагонлардан нарироқ турилсин! — деган дағал овоз эшитилди. Бу овозда чет эл кишисининг оҳангি бор эди. Шундан кейин энгига форма тужурка, бошига ётоқ вагонлар ҳалқаро шеркатининг шапкасини кийган проводник болаларни қаттиққўллик билан вагондан итариб ўтиб кетди.

Гаврик бурнини жийирди, кейин қўлинни букиб, унга тирсагини кўрсатди. Яқин Тегирмонларда бу қилиқ мазах ва нафратнинг бориб турган аломати ҳисобланарди.

Лекин проводник олий мақом одам бўлгани учун Гаврикнинг қилиғига парво қилмади. Шундан кейин болалар багаж вагони томонга қараб кетишиди. У ерда вагондан панжара қопқоқлик ясси саватлар ту-

ширишаётган эди. Тұғри Ниццадан Веркмейстернинг гул магазини адресига Петербург орқали юборилган Парм гунафшалари билан атир гуллар қопқоқ панжарасидан күриниб турарди. Яңғы узилган, йўлда анча ётиб қолган бу гулларни енги билан цилиндрига мотам лентаси тутиб, әгнига очиқ рангли калта пальто кийиб олган жаноб Веркмейстернинг ўзи вагондан тушуртиар. ҳаммол аравасига юклаётган ҳар бир саватга икки никоҳ узукли бармоғини эҳтиёт билан тегизиб қўяр эди.

Болаларнинг димоғига вокзалдаги темир-терсаклар, тош кўмирларнинг дағал ҳидлари билан бирга ёвсан гулларнинг одамни ҳайрон қолдирадиган ёқимли бўйлари ҳам кирди. Бу ҳид Петянинг хотирида Неаполь вокзалини жонлантириб юборди. Неаполь вокзали Одессаникига ўхшаса ҳам, лекин у ерда хурмо ва агава ўсимликлари шоҳ ёйиб ётарди. Уша ерда йўқолиб қолган қизча эсига тушди — қизчанинг оқ-сарик кокилида қора банди бор эди. Петянинг юрагида яна айрилиқнинг ширин дарди уйғонди. У ҳозир ўша қизни худди кўриб тургандек бўлиб кетди.

Лекин шу чоқ Гаврик уни енгидан ушлаб, газета-журнал тойлари юкланган катта арава орқасидан олдинга судраб кетди. Икки ҳаммол аравани зўрга-зўрга итариб борар эди. Асфальтда тақиллаб кетаётган кичкина чўян ғилдираклар тагидан учқунлар чақнаб чиқарди.

Болалар «Правда»нинг қайси тойда эканини билишга тиришиб, арава ёнида чопиб боришарди. Аравани перрондан вокзалга итариб киришди. У газета киоскаси ёнида ғижирлаб тўхтади. Орган сингари каттакон қилиб бўёқли дубдан ясалган бу нақшбанд жовон-киоска юзлаб китоблар, газета ва журналлар билан тиқилиб кетган эди.

Петя пойтахтдан келадиган бу янги нарсаларни томоша қилишини яхши кўрарди. Ишқ-муҳаббат, саргузашт ва жиноят романларининг кўзга яққол ташланиб турадиган муқовалари; «Сатирикон», «Будильник» журналларининг каррикатуралари; «Лейхтвейс ғорлари», «Нат Пинкертон», «Ник Картер», «Шерлок Холмс» номли китоблар уни ҳаяжонга соларди. Дорга ёйилган кийимлар сингари ҳамма ёқса осиб ташланган бу китобларнинг муқовалари машҳур чет эл хуфяларининг оғизларида трубка ё трубкасиз олинган кичкина суратлари билан безалган бўлар, министрчасига каттакон беканбард қўйиб, эски мода цилиндр кийиб олган машҳур рус хуфяси Путилин булар орасида қандайдир тўлпори, оддий кўринар эди. Ҳафтада бир чиқадиган суратли «Оғонёк», «Солнце России», «Весь мир», «Вокруг света» журналлари, айниқса яқинда пайдо бўлган янги, ғалати «Кўк журнал» ҳам уни озмунча ҳаяжонга солмасди. Чиндан ҳам кўк рангга бўялган бу «Кўк журнал»ни ушласангиз бармоқларинги кўкариб, думоғингизга керосин ҳиди гулиллаб урарди.

Одам ақлида хилма-хил афсонавий фикрлар, ғоялар, сюжетлар ўй-готиши зиммасига олган бу ўн минглаб, юз минглаб босма саҳифалар ҳақиқатда мудҳиш бир бемаънилилкни ҳас-пўшлаб ётганларига қарамай, Петяга эс-ҳушини олиб қўядиган дараражада таъсир қиласди. Шунинг учун ҳам у ҳозир шулар олдида афрайиб қолди.

Бу орада «F.-Ж. т. й.» ҳарфлари ўйма қилиб ёзилган пеш тахта олдига газета тойларини бирин-кетин ағдариб тушира бошладилар. Киоска ижарачиси узун соқол, семиз бир чол эди. Эгнидаги шаҳарча пиджаги тагида олтин занжирли жакети кўриниб турарди. Бу чол кичкина пенснесини қизил-пушти бурнига тез-тез тўғрилаб қўяр, накладнойларни варақлаб, уларга қалам билан белгилар чизарди. Шляпа кийган, чўртан балиқнинг ўхшаш юзидағи кўзларидан заҳар томиб турган озғин бир хоним эса қучоқ-қучоқ газеталарни чаққо-

лик билан пеш тахтага ташлайди, қачондан бери навбатта тизилиб турган газетачилар ва шаҳар газета киоскаларининг эгалари буларни дарҳол олиб кетишарди.

Озгин хоним:

— Элликта «Новое время», ўтизта «Земщина», юз элликта «Биржевик», юзта «Речь». Навбатда турган ким, келинг! — деб қағиллаган овоз билан қичқирав, чинқирав, шу замоноқ қучоқ-қучоқ газеталарни елкада ё бошда вокзал майдонига кўтариб чиқиб кетишарди.

Вокзал майдонида эса бу газеталарни бутун шаҳарга тезроқ тарқатиш учун аравалар, извошлар кутиб туарди.

Гаврик навбатнинг кетида тўпланиб турган бир неча киши орқасидан жой олди. Бу одамларнинг афтилари киоска эгаларига ҳам, газетачиларга ҳам ҳеч ўхшамас эди. Булар кўпроқ ишчиларга ўхшашарди. Буларнинг баъзилари билан Гаврик танишлардек саломлаши. Булар пеш тахта тагидан жадал чиқиб кетаётган қучоқ-қучоқ газеталарга бетоқатлик билан қараб бир нималар дейишарди.

Улар Петяга нимадандир хавфсирашаётгандек кўринди. Ахир навбат уларга ҳам келди.

Юзи чўртсан балиқникига ўхшаган хоним бу нотаниш одамларга дағдаға қилиб:

— Сизларга қанақасидан? — деди. Бу хоним ўз мижозларини яхши биларди. Буларни эса биринчи марта кўраётган эди. Шунинг учун сўради: — Сизларга қанақасидан?

Мўйлови силлиқ тарашланган, галстук тақиб, байрам пиджаги кийиб олган анча ёшли бир ишчи пеш тахтага ўмганини босиб туриб:

— Бизга «Правда» газетасидан берасиз, — деди. Эгнидаги байрам кунларида кийиладиган пиджак бўлса ҳам, бари бир, ундан мой ҳиди келиб туарди. — Мен сизга айтсам, биз Ген заводидан, Ропит фабрикасидан, ремонт устахонасидан, Вайнштейн ун тортиш фабрикасидан, Шавалд пароходчилигидан, иннайкейин, Зур ва шеркатларининг мебель фабрикасидан келган вакиллармиз. Ҳозирча ҳар биримизга элликтадан газета берсангиз деб илтимос қиласми.

Хоним ғайри табиий бир овоз билан:

— Нима дедингиз? «Правда»? Бундақа газетани энди эшитишм, — деб чолга юзланди: — Иван Антонович, шеркатимиз «Правда» газетасини оладими, а?

Чол нақладнойлардан бошини кўтармай, айни замонда мижозларга кичкина, ғоят ўткир кўзларини норозилик билан юргутириб:

— Нима гап? — деб сўради.

— Аллақандай «Правда» деган газетадан уч юз нусха сўрашялти, — деди хоним.

— Аллақандай газета эмас, кундалик ишчилар газетаси, — деди Гаврик. — Газета қонторасининг адреси Санкт-Петербург. Николай кўчаси, 37. Балки сизда йўқдир?

— Олганимиз йўқ, — деди чол, парво қилмай. — Эртагами-индингами келиб хабар олинглар.

— Кечирасиз, бундай бўлиши мумкин эмас. Бизда телеграмма бор, — деди ёши қайтиб қолган ишчи.

— Олганимиз йўқда.

Ёши қайтиб қолган ишчи тутоқиб кетди.

— Олганимиз йўғингиз нимаси! — деди-ю, қошларини чимириб олди. — Черносотинчиларнинг «Янги замони» олинади, кадетларнинг «Речи» олинади-ю, ишчилар газетаси «Правда» олинмайдими? Унда сизларнинг ифлос ҳурриятингиз қаерда қолди?

— О, бунақа сўзларингиз учун ҳозир сизни... София Ивановна, дарров жандармни чақириб келинг!

Еши қайтиб қолган ишчи бароқ, бўз қошларини яна ҳам баттар жи-йириб паст овоз билан:

— Лаббай?— деди.— Балки, яна солдат ҳам чақиравсиз? Ленада-ғы сингари, а?

— Э, Егор Алексеевич, нима қиласиз у билан ади-бади айтишиб ал! Бекор вақтингиз кетади,— деди томирлари ўйнаб чиққан қўлига игна билан кўк-хира рангда сурат чизилган, фуражкали йигит. Бу йигит, афтидан, Шавалд пароходчилигининг вакили эди.— Жонини сұгуриб олиш керак!— У шундай деб қичқирди ю, юзи чўртсан балиқникига ўхшаган хонимни итариб ташлаб, чолга қараб интилди. Хонимнинг бошидаги шляпаси қийшайиб кетди.

Петя кўзларини юмиб олди. Унга ҳозир даҳшатли бир ҳодиса юз берадигандек туюлган эди, лекин бунинг ўрнига чолнинг йифи аралаш овозини эшилди.

— Йўқ, урманг! Йўқ, урманг...

Петя кўзларини очганда, Гаврик пеш тахта орқасига ўтиб олиб, тантанали бир қиёфада пастдан пачкалаб «Правда» газетасини олаётган эди. «Правда» арzon баҳо, сарғич қоғозга босилган. Номи эса худди шу сўзининг ўзига ўхшаш тўғри, салмокли ҳарфлар билан терилган.

— Жаноблар, билиб қўйинглар, биз чакана савдо қилмаймиз!— дерди хоним қизишиб,— насияга беришади деб ҳам хомтама бўлманглар! Ё газетанинг ҳаммасини— минг нусхани биратўла оласизлару пулинни нақд чўзиб қўясцзлар ё бўлмаса хайрлашасизлар— сизларнинг бу яланг оёқлар учун чиқариладиган «Правда»нгиз эртагаёқ Петербургга қайтарилади, бу ерда насияга пуллагунча ўша ёқда куйиб кета қолсин!

Газета ҳамма сотиб оладиган қилиб арзоқ чиқарилар эди. Уша пайт бошқа газеталар ўн пулдан турса, «Правда» тўрт пул турарди. Лекин минг нусха учун биратўла йигирма сўм тўлаш керак — бу эса ўша маҳалларда жуда катта пул ҳисобланар эди.

Олтига вакил чўнтаклиарида бор пулларини қоқиб чиқариши. Санашса — ҳаммаси ўн олти сўму етмиш тўрт тийин экан.

Хоним бидирлаб:

— Яланг оёқлар, гадойлар, исқиrtlар, яна булар сиёsat билан шуғуланишади,— деб орқасини ўғирди-да, тўр қўлқопли қўлини газета боғламига қўйди.

Шавалд пароходчилигининг вакили:

— Жиндай сабр қиласиз,— деди.

У биринчи клас залига чопиб бориб, кумуш соатини буфетчига гарсв қўйди, ундан ғижимланган беш сўмлик қоғоз пулни кафтида кўрсатиб дарров қайтиб келди.

Шундай қилиб, ўн минутдан сўнг Гаврик билан Петя елкаларида бир қучоқдан «Правда» газетасини кўтариб Яқин Тегирмонга қараб бораради.

Бу янги газета бошлиқларнинг ижозати билан бутунлай ошкора нашр этилса ҳам, Петя ўзини давлат жиноятчиси деб ҳис этарди. Шаҳар полициялари ёнидан ўтаётганларида Петянинг кўзига улар орқадан шубҳаланиб қараб қолишаётгандек кўринар эди. Тўғрисини айтганда, қисман шундай ҳам эди.

Бири гимназия талабаси, иккинчиси мастеравой бўлган бу ўсмирларга эътибор қилмасдан бўлмас эди. Нимага десангиз, булар елкаларида ўроғлиқ бир нарсани кўтариб олиб, кўчаларда шахдам одимлар билан жонланиб боришар, бунинг устига гимназия талабаси тева-

рак-атрофига олазарак бўлиб қараб-қараб қўяр, мастеравой эса астарча одим ташлаб «Варшавянка» куйида бутун кўчани тўлдириб қаттиқ ҳуштак чалиб борарди.

Болалар уйга яқинлашганлари сари одимларини тезлатиб боришди. Юриб эмас, қарийб югуриб бордилар. Гаврик елкасидаги юкини гоҳо ирғитиб, газета сотувчи болаларга таълидан қичқириб қўяди:

— Янги кундалик ишчи газетаси — «Правда»! Қизиқ телеграммалар! Ленада бўлган отиш тафсилоти!

Гаврик шундай деб қичқирганда кўзлари ҳарорат билан чақнаб турарди.

Яқин Тегирмонга етай деб қолишганда Сахалинчикда Гаврик бир неча газетани таҳидан суғуриб олди-да, буларни боши устида еллатиб кучи борича югуриб кетди. Йўл бўйи қичқириб борди:

— Подшо министри Макаров давлат думасида: «Шундай бўлган эди, яна шундай бўлиб қолади!» деб айтди. Битсин жаллод Макаров! Яшасин ишчилар «Правда»си! Ишчилар «Правда»сини сотиб олинглар! Бир сони икки тийин туради... Шундай бўлган эди, лекин бундай бўлмайди!

Ахири завод-фабрикаларга етиб келишди. Энди Гаврик ўзини бемалол тута бошлади, чунки у ўзини эркин, мустақил тута оладиган дунёси шу ер эди. Сим тўрига олтин ҳарфлар ёзилган дарвоза, фиштин корпузлар, баланд трубалар, «Кокар» маргарин заводининг бетондан қалпоқ бош қилиб ясалган минораси, минорадаги ниҳоятда зўр плакатда тасвир этилган юзи елпич товоқдай ошпаз, у товоқда узатиб турган ҳовурули пудинг. Водопровод станцияси, депо, элеваторлар...

У ер-бу ерда Гаврикнинг овозини эшишиб, кўк кўйлак ва могоғ фартукли ишчилар дарвозалардан югуришиб чиқишиар эди. Баъзи ишчилар газета солиб Гаврикнинг қўлига чақа ташлар, Гаврик ҳам бу чақаларни ашаддий газетачилар сингари дарров оғзига солиб оларди.

Бир ерда тартиб бузилганини кўриб городовой ҳуштак чалган эди, Гаврик унга узоқдан тирсагини кўрсатди. Шундан кейин болалар шил этиб тор кўчага уриб кетишиди.

Энди Петя хавфли, мароқли ўйинга берилиб кетгандай, ҳеч қандай қўрқувни сезмас эди.

Бирдан орқаларида оёқ дукури эшишилди. Болалар ялт этиб ўғирилишди. Пиджагини қуш қанотларидай силкитиб, бир киши чопиб келарди. У қинғир оёқларида қийшайиб югурап, йўл куий қичқириб келарди:

— Ҳой! Шумтакалар! Тўхтат!.. Пссс...

Петя олдин бу газета олмоқчи шекилли деб тўхтади, лекин бир минутдан сўнг хато қилганини англади. Ўзи томонга югуриб келаётган одамнинг қўлида калта резинка таёқча, пиджагининг ёқасида эса Рус халқи иттифоқининг уч рангли ленточка-белгиси бор эди.

— Қоч! — деди Гаврик.

Лекин резинка таёқчали одам етиб қолган эди, Петя пақиллаб таёқ тушганини сезди. Бахтига, таёқ бошига эмас, елкасидаги газета ўрамига келиб тушди, фақат қулоғига хиёл тегиб ўтди.

Атрофига қофоз йиртиқлари учиб тушди.

Гаврик ғазабидан бўйилган овоз билан:

— Тегма! — деди. У қичқирмади, балки ёввойи товуш билан чинқириди, кейин резинка таёқли кишини бўш қўли билан кўкрагидан шундай қаттиқ итариб юбордики, у одам орқасига учиб кетиб, йиқилиб тушишига ёз қолди. — Тегма, турқи совуқ! Погромчи, иттифоқчи! Улдирман!

Гаврик нафрат тўла ўткир кўзларини «иттифоқчи»дан узмай, елкасидаги газеталарни тушириб, орқасидаги Петяга узатди.

— Ма буни! Чоп ремонт устахонасига! Дружиначиларни чақир,— деди Гаврик, лабларини ялаб туриб. У жуда бидиллаб гапирди. Петя дружиначиларнинг нималигини билмаслиги мумкин эди, буни ўйлаб ҳам ўтирумади.

Лекин Петя Гаврикнинг гапига жуда яхши тушунди. У газеталарни қуҷогига босиб олиб, тор кўчада жон-жаҳди билан чопиб кетди.

Энди Гаврик билан «иттифоқчи» тош кўча ўртасида юзма-юз турарди. Гаврик ҳамон лабларини ялаган, бурни билан оғир-оғир пишиллаб нафас олган ҳолда ўнг қўлини секин чўнтағига солди. Чўнтағидан



қўлини яна шундай секин чиқарди. Энди қўлида тифи ялтироқ кастет бор эди.

Гаврик душманнинг худди бол арилар талагандай шишган, қора қўтириб, кўэсиз юзини, парқи қинғир олиниб, соchlари тор пешонасига тушириб таралган калласини ва бағри тош муттаҳамларда бўладиган жинояткорона-пасткаш илжайишини бутун умр эсда сақлаб қолгисем келаётгандек унга тикилиб туриб:

— Улдираман! — деди яна.

«Иттифоқчи»:

— Қани, ўлдириб кўр, ифлос! — деди ю, резинка таёқчасини ўқталди.

Лекин Гаврик панд бериб, Петя орқасидан чопиб кетди.

У орқасидан этик дукурини эшишиб борди. Бу дукур жуда ҳам яқинлашганда Гаврик бирдан ерга ётиб олган эди, «иттифоқчи» унинг устидан думбалоқ ошиб, ерга шалоплаб тушди. Гаврик дарров устига миниб олди. Кейин ўзини унутиб, «иттифоқчи»нинг мўмга ўхшаган қора калласига кастет билан тушира кетди. Ҳар урганда:

— Тегма! Тегма! Тегма! — деб тақрорларди.

Ана шундан кейин «иттифоқчи» войлаб туриб қўлини чўнтағига сўқдида, қора пўлатдан ясалган кичкина тўппончасини чиқарди. Кетмакет бир қанча ўқ узилди, лекин Гаврик тўппончани ўшлаб турган қўлини оёғи билан маҳкам босиб олган эди, шунинг учун ўқлар йўлга ётқизилган тошларга тегиб, фақат учқунгина чиқарди.

«Иттифоқчи» хўнграган овоз билан:


— Городовой! Полиция! — деб додлади, кейин ёнига ағдарилиб, Гаврикнинг оёғини қаттиқ тишлади.

Гаврик войлаб юборди. Энди бир-бирига ёпишиб ерда думалана кетишиди. Агар ремонт устахонасидан ёрдам етиб келмаса, ўз рақибидан икки баравар кичкина, заифгина Гаврикнинг ҳоли нима кечарди экан — буни билиш қийин.

Қўлларида водопровод трубаларининг кесиндисини кўтариб бешга дружиначи етиб келди. Улар «иттифоқчи» қўлидан тўппончани, резинка таёқчани тортиб олишди, лунжига тоза ўхшатиб туширишиди, Гаврикни эса суюб устахонага олиб кириб кетишиди. Бу ҳодиса шу қадар плитоблик билан ўтдик, ўқ овозини эшишиб юргурган постдаги городовой етиб келганда тор кўчада «иттифоқчи»дан бўлак ҳеч ким йўқ эди. «Иттифоқчи» эса ерда, «Коковар» мой ва маргарин заводининг деворига суюниб олиб, оғзидан қон тупуриб ўтиради.

Шу кундан бошлаб олдин ишчилар районлари ва слабодкаларда, кейин эса шаҳар марказининг баъзи ерларида янги, кундалик «Правда» газетаси сотила бошланди.

МИРЗАКАЛОН таржимаси



Қүйнга ошиқишан

Лирик достон.

I

Айни баҳор эди.
Далалар, боғлар
Яшил духобага чулғанар эди.
Қүйш майсазорни суйиб ардоқлар,
Шудгорда чумоли уйғонар эди.

Ғамза-ла чайқалса чинорнинг бўрки,
Анҳор симоб янглиғ ёнса кўзимга:
— Мунча беқиёс,— деб,— бу баҳор кўрки,—
Савол берар эдим ўзимга.

Адирда сайр этмоқ шундай ҳузурки,
Алвон лолаларни босиб юзимга:

— Мунча ҳам серзавқ,— деб,— бу баҳор кўрки,—
Савол берар эдим ўзимга.

Табиат бошлиған ҳусн кўриги
Барнолар суҳбатин солар эсимга:
— Нечун ўзгача,— деб,— бу баҳор кўрки,—
Савол берар эдим ўзимга.

Билсам,
Коинотнинг сирли чўлига
Одамзод куёвдай ташлабди одим.
Орзуманд табиат унинг йўлига
Поёндоз қилибди бори-бисотин.



II

Айни баҳор эди,
Сўлим, жилвагар...
Қўксим ошён эди жўшқин ҳисларга.
Лекин қойилмасман ғазалхон дўстлар —
Ўхшатса кўкламни фақат қизларга.

Кўкламни онага этаман қиёс,
Оламга татувчи саховати бор.
Шафқатли қўллари қилганда эъзоз,
Юзлар яшнаб кетар,
Кўзлар беғубор.

Кўкламни онага этаман қиёс:
 Унинг нафаси-ла уйғонар ҳаёт.
 Олам гўзаллиги,
 Севги,
 Эҳтирос
 Навбаҳор туфайли мангубарҳаёт.

Кўкламни онага этаман қиёс:
 Мардлик ва матонат туғилар унда.
 Ҳаттоқи инсон ҳам айлади парвоз
 Беҳилар гул ёзган мусаффо кунда.

III

Бўрондай пишқириб «Восток» қўзғалди,
 Кўк сезди кифтида одам қадамин.
 Бир футбол тўлидай айланиб қолди
 Қуий-қўйиларда мўътабар замин.

IV

Гоҳ чўкиб,
 Гоҳ қалқиб қора осмонда
 Нўхотдай юлдузлар мўлтирадар ювони,
 Кундуз деб ўйласанг,—
ўхшар хуфтонга,
 Тун десанг,—
бир ёнда ловуллар қуёш.

Хув пастда—
 Она Ер, жўш урган ҳаёт,
 Томирдай туташар дарё, денгизлар.
 Булут аро йўлда суради хаёл,
 Гўё қўнмоқ учун текис жой излар.
 Қанча йироқ кетсанг азиз диёрдан,
 Чиройи дилингга яқиндир шунча.
 Ёрқинроқ туюлар тоғдаги қорлар,
 Қўркамроқ туюлар боғдаги ғунча.

Шунда хотирингдан ўтар энг олдин
 Илк бор дарсхонага қўйганинг қадам,
 Отангдай нуроний, камтар муаллим
 Қўлингга авайлаб тутқазган қалам.
 Ғалвирлаб ташлайди тоғларни одам,
 Одам селларнинг ҳам йўлини боғлар;—
 Лекин биринчи бор олганда қалам,
 Қалдираб қоларкан жажжи бармоқлар.

«Икки карра икки — тўрт»ни уқгунча
 Гўдак минг олимнинг захматин тортар,
 Ортар соат сайин унда тушунча,
 Устоз чаккасида оқ тола ортар.

Қайдан олди экан оддий муаллим
 Бунчалик муҳаббат,
 Бунча бардошли.
 Бугун коинотга ташларкан одим,
 Унинг ҳурматига эгамиз бошни.

V

Авлодлар оромни ахир тарк әтган
 Юлдузлар бўлсин деб бизга қадамгоҳ,—
 Беҳисоб тунларни бедор кузатган
 Улуғбек кўз нури парвозда ҳамроҳ.

VI

Ингирманчи йиллар,
 Серташвиш йиллар...
 Тун билан тортишар қор сочган зиё.
 Ҳовлида изғирин тинмай чийиллар,
 Қабинетда эса яхлайди сиёҳ.

Бармоқ-ла тароқлаб шарф попугини,
 Қишининг қўшиғини тинглайди Ильич:
 Кўзининг ўнгидаги элнинг бугуни
 Ва юртга эртага қўнажак севинч...

Шўнғиб кетади у гоҳо хаёлга,
 Гоҳ бирдан бузади оғир сукутни:
 — Кўмир берилдими бева аёлга?
 — Етим-есирларнинг оёғи бутми?

Оппоқ пат тўзитиб,
 Тополмай йўлин,
 Булутлар ҳиллирар намхуш докадай.
 Кўкка назар ташлаб,
 сўрайди Ленин:
 — Циолковскийнинг соғлиғи қалай?

Ҳали сигир билан ер ҳайдар деҳқон,
 Юртдан ювилган йўқ жангларнинг доғи.
 Аммо коинотга бизларнинг ўғлон
 Энг аввал унишин биларди доҳий.

Қайдан олди экан улуғ муаллим
 Бунчалик муҳаббат,
 Бунча бардошни!
 Бугун коинотга ташларкан одим,
 Унинг қаршисида эгамиз бошни.

VII

Осмон нақадар кенг,
 Нақадар равшан,
 Турма мунча қам тор,
 Зимистон мунча.
 Николай Кібальчич кафтдай дарчадан
 Юксакка термилар кўзи тингунча.

Ингирма еттида,—
 Юрийга тенгдош.
 Уртада — саксон йил.
 Үзга бир тақдир...
 Парвоз айламоқчун ёзганда қулоч,
 У турма тошида этилди таҳқир.

Уни кўрмаганман,
 Қандай ҳам кўрай,
 Бирга тасаввурни чархлашмаганмиз,
 Бирга адирларда қилмаганмиз сайр,
 Бирга ўрмонларда адашмаганмиз.

Аммо
 Табассумли беозор кўзи,
 Жаъдар ранг қошлари хаёлда доим,
 Юлдузга тикилиб айтган ҳар сўзи
 Ҳамон қулоғимта оқар мулойим.

Хаёлкаш эди у.
 Эҳтимол кўп қиз
 «Бағринг тош экан» деб қилгандир таъна.
 Улар билмайдики,
 кечаю кундуз
 Кибальчич қалбida сўнmas пўртана.

Деҳқон дастурхони саҳродай қақраб,
 Гўдаклар кўзидан оққанда зардоб,—
 Бепоён ўлканинг шўрига қараб,
 Кибальчич дилини ўттарди азоб.

Қўнглида азобу
 Лабида ханда,
 Ҳуркитмас эди у қушни ҳам.
 Бироқ
 Шоҳни ўлдирмоқ-чун бомба қилганда
 Қўли ҳам,
 Дили ҳам сезмади титроқ.

Ердаги занжирни парчаламасдан
 Инсон уча олмас ахир фалакка!
 ...Осмон нақадар кенг,
 Нақадар равшан.
 Турма мунча ҳам тор...
 Кибальчич якка...

Томирлар гурсиллар дамларни ўлчаб,
 Сукунат бўғарди борлиқни гўё.
 Халоскор узатган арқонга ўхшаб,
 Дарчадан қўйилар кумуш ранг зиё.

Эшикка урилар ўлим нафаси,
 Йўлакда жаллодлар ташлайди қадам,
 Қўлни беихтиёр кўксингга босиб,
 Николай, неларни ўйладинг бу дам:

Эҳтимол кўрарсан дил кўзи билан
 Баҳтин сўроқлаган ишсиз дайдини.
 Ёки давраларда айтилмай қолган
 Қўшиқлар тилингни қитиқлайдими?!

Яна жонландими хотиротингда
 Севгилинг кипригин ҳуркитган кулки?
 Тасаввур этарсан
 Сутдай ок тунда
 Сенсиз яшнайдиган гулзорни балки?!

Йўқ, йўқ,
Үйлар эдинг қора ҳибсда
Соф ссмон қадамгоҳ бўлажак дамни.
Сенинг орзуларинг сайр этган издан
Учиб ўтадиган баҳтли одамни.

Азоб чиғриғида қийналмиш танинг,
Қаләм ҳам туюлар болғадай вазмин.
Турманнинг девори —
дафтаринг санинг,
Қонининг-ла чизардинг ракета расмин,

Фарзандинг йўқ эди,
Бесинг йўқ эди,
Қанотли ўйларим — меросим, дединг.
Ўзим учолмадим,
Ватан кўкида
Авлодлар парвози —
парвозим,
дединг.

Кайдан олди экан бу оддий одам
Бунчалик муҳаббат,
Бунча бардошни.
Бугун коинотга ташларкан қадам,
Ўнинг қаршисида эгамиз бошни.

VIII

Лабимдан аrimас ёшлиқнинг тоти,
Тўйларни, меҳмонни севардик жондан,—
Дастурхон тузалса, ахир, наввотни
Меҳмонлар бир ёндан...
Бизлар бир ёндан...

Ҳаёт зинасига ташладик қадам,
Сирин очаверди бизларга дунё.
Кейинча билсакки,
Шакар ҳам, қанд ҳам
Бир олис оролда бўларкан бунёд.

У ажиг оролдир.
Юксакдан боқсанг,
Туюлар мисоли олов ранг нуқта.
Гўёки ундаги гиёҳу харсанг
Юрак қони билан бўлмиш омухта.

Элга бисотини очган онадай
Кўпчиб лорсиллайди серҳосил тупроқ.
Ногоҳ қолиб кетса ҳассанг далада,
Дарров дарахт бўлиб ёзади япроқ.

Ёдимга солади жўхоризорни
Ел билан ўйнашган шакар қамишлар.
Шу ерда дехқонлар кутар баҳорни,
Дехқонлар шу ерда ҳаттоки қишлиар.

Қиши дедим, аммо қиши атаб бүларми
Изғирин эсмаса, құнмаса қиров.
Қиши деб бүлармиди,
Порлаган қорни —
Хатто тушида ҳам күрмаса бирор.

Оролнинг баҳори уланар ёзга,
Саратон кетидан келади құклам.
Қачон қайга боқсанг, ташланар күзга
Ямяшил,
Ямяшил,
Ямяшил гилам.

Қүёш ер бағырлаб ўтади қалқиб,
Нур лов-лов қуиілар йүлларингизга.
Түрт фасл офтоб еб оролнинг халқи,
Шоколад ранги ҳам күчмишдир юзга.

Ерілган товонлар хаёлта келар
Езайин десам мен қандга қасида,
Уннинг миришкори беарада йиллар
Етимча әди-да ўз үлкасида.

Сочи оқарса ҳам пойафзал күрмай,
Она ер бағрини йиғлаб кезгап у.
Тошларнинг қирраси ўтмас ханжардай
Яланг оёғини минг бор кестап-ку.

Юртма-юрт тентираб яратди-ю бөг,
Хордиқ ололмади ўзи момиқда.
Балки оролдаги харсангу гиёх
Товонлар қони-ла бүлмиш омухта...

Шакар қамишлари шовлаган ёқдан
Бугун деңқон қайтар қомати тикка.
Товон-ла ўшишган намхуш тупроқдан
Күч-қувват оқади гүё иликка.

Гүдаклар туғилар оқ уйда яйраб,
«Инга-а»си юракни айламайди хун;
Қоматга келтирап қулоқни сайраб,
Еп-әрюф жаҳонда күз очгани-чун.

Ҳаётни ҳаёт деб атаб бүлурми
Бир нағас сұнаркан оламда ханда.
Эл гүё әмади ишонч ва нурни
Фиделнинг юзига севиб боққанда.

Юксакдан қарасанг,
Эслатар Куба
Уммон лабидаги олов ранг холни.
Фазокор,
Күриб қүй зым-змё тунда
Күнгил күзи билан
 ўша оролни:

Чайқалиб сирлашар қамиш ўзаро,
Киём югуради ҳар бир томирдан.

Қол-қора самолёт далалар узра
Күнғиздай ғұнғиллаб қолади бирдан.

Ұқлар чавоқлады тун сукутини,
Самолёт үғридай пусиб қочади.
Шакарпояларнинг аччиқ тутуни
Буралиб-буралиб күкка учади.

Эл учун тузалган дастурхонларнинг
Күрк ва ободлигин ёндириган кимдир,
Лаблари ширали болажонларнинг
Шакару шодлитин ёндириган кимдир?

Соқолдор йигитлар күтариб қомат,
Бўғиздан тутади ўғри бойқушни:
Деҳқоннинг терини топтаган номард —
Капитал исмли бой қўшни!

Қўни-қўшнинг бўлса,
Қўришса баҳам
Фаму қувончингни, ошу тузингни,
Бир соат сафарда бўлганида ҳам
Софиниб қайтса у кулган юзингни.

Қўни-қўшнинг бўлса,
Сенинг меҳмонинг
Унинг уйида ҳам яйраб ўлтиrsa.
Шунда уни кўриб қайишар жонинг
Ўйқудан киптриги ногоҳ ҳўл турса.

Билдирмай ташласа кўзингга хасни,
Билдириб бошингга отар бўлса тош,—
Тандаги оғриқдан ёмонроқмасми
Бунақа қўшни-ю, бундай қариндош?

Бошин тиқмайди ҳеч бўйинтуруққа
Ҳуррият болини тўйиб тотганлар,
Алвон ранг байроқдай порлоқ уфққа
Бир олам умид-ла севиб боққанлар.

Азамат фазокор!
Дунё айланисиб
Парвоз қиласар экан соғу саломат,
Қанди тилимизни ширин айлаган
Кубалик дўстимга мендан салом айт!

IX

Тошкент оқшомлари нақадар сўлим,
Порлар чироқларнинг заррин маржони.
Нурда тўп садалар ювар кокилин,
Фароғат эмади одамлар жони.

Бирорни иш кутар,
Бирорни висол,
Бирорлар шошади санъатга ташна.
Чинорнинг остида бир нафас дам ол,
Зекн сол атрофга йўловчи ошна!

Кўриб қўй шаҳарнинг янги юзини,
Мұхташам бинолар чиройига боқ.
Атрофга таратиб гуллар исини,
Ажриқзор ўрнида гуркирайди боғ.

Пастқамлик эди-ку бу йўлнинг ўрни,
Бугун «ЗИЛ» қатнайди мисоли моки.
Чамалаб кўрдингми ўтган умрни,—
Не учун тутатдинг, дўстим, тамаки?

Ҳар яшил япроқнинг хосияти бор,
Тингла,
Тилга кирав ҳаттоки ғиштлар.
Сенга,— шоир бўлсанг, берсанг эътибор,—
Гугурт қутиси ҳам илҳом бағишилар.

Тарих сатрларин эринмай кавлаб,
Хаёлда жонлантир совуқ тунларни;
Тишу тирноқ билан филларни овлаб,
Киши хом гўшт еган қора кунларни.

Давра ўртасида гулхан ловуллаб,
Инсоннинг қозонин қайнатсин,— дея,—
Кўкдан Прометей олов ўғирлаб,
Элга жонин қўшиб этганди ҳадя.

Кўҳна бир афсона дейдилар буни.
Балки афсонадир... Менга эса рост!
Ахир, Прометей ёритмиш тунни,
Бу хислат одамга,
Одамзодга хос.

Юлдузлар имлаган ўша бўшлиқда
Менинг ватандошим сайд этар бу чоғ.
Қўёш мақтовини солиб қўшиққа,
Дилда ардоқланар бу она тупроқ.

Иигит қарздор бўлса, татимас экан
Чаманда ҳар қанча яйраб-кулгани.
У парвоз айлади
Прометейдан
Инсоннинг қарзини узиб келгани.

X

Фазокор
Юртимнинг жонбахш ёғдусин
Жумлаи-жаҳонга сочиб боради.
Она тупроғидан узмасдан кўзин,
Кўкда илк сўқмоқлар очиб боради.

XI

Африка ётади ҳансирағ пастда,
Саратон иссиғи ўтиб жонидан.
«Восток»ка бурди-ю юзини аста,
Энтиқди ҳайрат ва ҳаяжонидан.

Ха, инсон учмоқда,
Учмоқда ростдан,
Осмон пештоқида ярақлар номи,
Йүқтөб құйғандай бүлди бехосдан
Асрий салобатин Миср әхроми.

Диний ақидалар самовий йүлда
Чувалған салладай қоларди түзиб.
Беҳишт деганлари ахир чин бўлса,
Юрий қайтмасмиди олма, нок узиб...

Ха, инсон учмоқда бизнинг «Восток»да,
Коинот тинглайди унинг қадамин.
Қўл чўзсанг етгудай туюлар кўкка,
Гўёки жо бўлар кўкснингга замин.

Фуур-ла қад ростлаб қитъа шу онда,
Талпинди фазокор бўсағасига.
Эллик милион қабаш,—
Қўли кишанда,—
Офарин ўқиди рус оғасига.

Африка жўшади,
Жўшади саҳро.
Барханлар бўронда қайнабди, дема:
Уйқуни тарқ этган Африка тўё—
Эрк излаб сафарга отланган кема.

Бу ердан ўтганда ногоҳ адашиб,
Құшларнинг жигари бўлади кабоб.
Нотаниш кўзларни қиздай алдашиб,
Гоҳ ёнар, гоҳ сўнар олисда сароб.

Кумнинг нафасидан ҳовлиқар юрак,
Кум ҳамла қилади боғу баҳорга.
Биқини куйғандай,
Нили-муборак
Тўлғаниб қочади чакалакзорга.

Аммо улуғ қитъа қарғишу қаҳрин
Эркни топтаганга чоғлабди ўқдай.
Африка жўшади.
Келгиндиларнинг
Товонин чақади тупроғи чўғдай.

Африка жўшади.
Энди яйрамас
Хурмо соясида золимнинг жони.
Африка жўшади.
Раҳмидил ҳабаш
Тош стиб кузатар хира «меҳмон»ни.

Ердаги жаниатдай ўлкада токай
Үйинчиқ кўрмасдан ўтар болалик?
Киши ўз уйида яйраб юролмай,
Токай зўравондан олади ҳадик?

Токай умидларинг ғунча ёзмасдан,
Чўлнинг чечагидай топади барҳам.

Чўчима, раққоса!
Там-там сасидан
Энди янграб кетсин саванналар ҳам.

Ким айтар офтобни эмган чеҳрага
Жиљваю табассум ярашмайди, деб?
Яшил воҳалардан ҳайдаб саҳрора,
Ким яна қақшатар уни «дайди» деб?

Наҳотки одамзод зўр идрок билан
Кўкда сайр этмакка топганда чора,—
Бирони паст дейлар,
Бирони баланд,
Бирони оқ дейлар,
Бирони қора.

Қишин парчаларин ҳасдай супуриб,
Мағур ҳайқиради фил қомат қитъа:
— Қани, ким қонимни сувдай шимириб,
Оппоқ суюгимни отмоқчи итга?

...Булут қочаётир унинг кўкидан,
Юзини қуёшга буриб турибди.
Метин қовурғалар туртган кўксига
Лумумба юраги уриб турибди.

Фазокор!
Оламни айланар экан,
Шу диёр садосин тўйиб тинглаб ол.
Юксакдан қарасанг дил кўзи билан,
Лумумба қабрини кўрасан яққол!

Үқ саси тинмабди бу юртда ҳамон,
Лек азиз мозорда унгандир майса.
Кошки ватан учун жон берган ўғлон
Шу онда уйғониб,
сенга жилмайса.

Йўлдош қанотидан қўзғалган шамол
Кошки ярасига баҳш этса роҳат.
Юртим елларидан топади даво
Ахир ҳар аламу
Ҳар бир жароҳат.

Мен уни ҳали ҳам унуганим йўқ,
Чақмоқдай нигоҳи хаёлда ҳамон.
Дўстлар даврасида эди дилкаш, шўх
Душманни ҳар сўзи қўймасди омон.

Севиб силаганда ўғлиниг бошин,
Тишлари садафдек ярқирап эди.
Хорганга куч берса,
Тўйдирса очни,
Чўян ранг юзлари барқ урар эди.

Бўйинни маржонмас, қучганин арқон
Дилим ҳам, элим ҳам унугани йўқ.
Ерилган лабидан силқир эди қон,
Бир гала газанда урар эди дўқ...

Табаррук қабрини қотил этиги
Инсон топмасин деб пайхон айлабди.
Асрлар жабрини,
Қоннинг изини
Яшириш мумкин деб бекор ўйлабди.

Африка жўшади,
Жўшади саҳро.
Барханлар бўронда қайнабди, дема.
Уйқуни тарқ этган Африка тўё —
Эрк излаб сафарга отланган кема,

Лумумба юраги уриб турибди
Метин қовурғали қитъа кўксиди.
Юзини қуёшга буриб турибди,
Фазокор учмоқда унинг кўкида.

XII

Коинот ардоқлар инсон зотини,
Йўлига кўз тутар ерда хотини.
Айрилиқ аччиғин тотгандা одам,
Яхшироқ туяди висол тотини.

Майли, коинотта бориб кел, дейди,
Бориб кел, ҳориб кел, ғолиб кел, дейди.
Қуёшдай балқиб қайт кунчиқар ёқдан,
Бир шода юлдуз ҳам олиб кел, дейди.

Ариқлар лабида ниш урган кўкат
Тортмайди жувоннинг ихтиёрини.
Ўзи ҳам сезмасдан куйлади фақат,
Фазодан кутади сўйган ёрини.

Далалар ётибди тўкиб салобат,—
Буғдой сепувчининг йўлига муштоқ.
Баҳор чиройига мафтунман.
Фақат,
Бу аёл туюлар менга гўзалроқ.

Юзида товланар вафо ва тоқат,
Мовий кўзларида ловуллар оташ.
Ҳаяжон түфенин яширап фақат
Она, юрагига солмайин, деб, ғаш.

XIII

Меҳрибон онажон, азиз онажон,
Болалик кўйлагин тарқ этди елкам.
Ҳамон кўксингизни қиласиз қалқон
«Озор бермасин, деб, ўғлимга ел ҳам».

Олисроқ шаҳарга кетсан илм ызлаб,
Қузатган эдингиз кўзга ёш олиб.
Ҳар оқшом чўккандা соғинч-ла эслаб,
Мени кутардингиз иссиқ ош олиб.

Ханжардай пармалаб булут-рўйжани
Кўк сари учганда фазокор ўғлон,
Эҳтимол уммондан зўрроқ жўшгандир
Она қалбидаги ҳаяжон, туғён.

Баҳодир бўлса ҳам фарзанди элда
Ёлғиз юбормоқца кўнарми юрак.
Шошиб қолганингда бермоқ-чун далда
Ахир она керак,
Онажон керак!

Муздай тун қўйнида ҳолдан тойгандা.
Қўллар излар экан бўшлиқда тирак,—
Фарзанд сочин силаб бермоқ-чун далда
Ахир она керак,
Онажон керак!

Она билмайдики,
Фазода бу дам
Қалби ўғли билан бирга учади.
Ҳатто рус элини мўрмаган одам
Уни ғойибона суйиб қучади.

Қоп-қора бўшлиқда чўғдай милтиллаб,
Оҳиста сузади ёлғиз фазокор.
Нимяшил Ер узра қутлуғ йўл тилаб,
Унга қўл силкирди волидан-зор.

Офтобда оқарган серкатақ дурра
Сирғаниб тушибди елкага бошдан,—
Совға қилмабмиди фарзанди унга
Илк бора кўлига теккан маошдан.

Она кипригида кўз ёш излари,
Пирпирап мижжада ипакдай ажин.
Ким ҳам айта олур:
Буларнинг бари
Ҳаяжонданмикин, кулгуданмикин?!

Эҳтимол, шу онда фазокорини
Ёнида кўрмоқни қиласди орзу.
Ахир очмоқ учун осмон сирини
Бошқа оналарнинг ўғли ҳам бор-ку!

Муздай ертўладан қаймоқ келтириб,
Қайноқ сомсаларни узса тандирдан.
Дастурхон ёнида исков ўтириб,
Судъбатни бошлашса ўрдану қирдан...

Йўқ, йўқ!
Бу хаёллар сўнар учқундек,
Юзлари ёнади мисоли лола:
Фазокор бўлсин деб,
Баланд учсин деб,
Муҳтарам оналар ўстирад бола.

Қаптардай «ғу-ғу»лаб кулганда фарзанд,
Рангдор ўйинчоқни таниб олганда.

Олпоқ құлларига тутқазсанғыз қанд —
Түгмадай оғзини излаб қолганда,

Волида юзида ифтихор балқир,
Қувонч ұз тұғонин бузиб жетади.
Она бу құнлардан ҳатлаб бесабр,
Орзу қучоғида сузиб жетади:

«— Олим бұлсın,— дейди,—
Чарчаса ногоҳ
Үйқұмни тарқ этиб чой дамлаб берай.
— Һөңбөн бұлсın,— дейди —
Үғлим әкжан бое
Бағрида баҳтиёр салқынлаб юрай.

— Күйчи бұлсın,— дейди,—
Яңграса сози,
Дарёлар лол қолсın, гуллар яшнасін.
— Лочин бұлсın,— дейди —
Қанотин ёзіб,
Тотсын юксакларнинг заңқу нашъасин».

Майли,
Минг җижронга оналар рози,
Фақат баланд бұлсın фарзанд парвози.

Ёшлиги қайтгандай күтарар у қад,
Кекса әмбәларидә уйғонар оташ.
Ҳаяжон түгөннін яширап фақат
Келин юрагига солмайин, деб, ғаш.

Бұлнің хавотирдан, онажон, йироқ,
Үғлингиз яшиндай қоюшиб бормоқда.
Күк қаби ложувард, күзгудай порлоқ
Океан устида учеб бормоқда.

XIV

...Океан,
Океан,
Улуғ океан,
Чеҳраси офтобдай илиқ океан.
Күрланға соғмасдан тұлғанасан гоҳ,
Гоҳ тойдай узасан сўлиқ, океан.

Қай шоир земасдир мавжингта мафтун
Багрингда минг қуёш күлкиллаган он,
Сенинг мадхинг қилиб, беором Нептун
Қай шоир уйига бўлмабди меҳмон!

Тунлари тубингга тўкилган юлдуз
Марварид бўлади дейди кишилар.
Балки атрофингда кечаю кундуз
Тўлин ой шунинг-чун ипдай эшилар.

Хазинанг сочмасанг кафting тўлдириб,
Балиқчи ўчоғи совиб қолади.
Сирли оролларда бир дам ўтириб,
Сендан булутлар ҳам қувват олади.

Сүнг сочиб ўтади жавоҳирингни
Далаю боғларга, тоғу яйловга.
Шунчалар кутарми ҳеч ким шеъримни:
«— Қачон келтирадар,— деб,— шоирим совға».

Яшил соҳилдаги тошу майсани
Мунча ҳам меҳр ила ўпасан тинмай?
Инсоннинг қалбига ўшшатдим сени,—
Жўшасан кўзингга уйқу илинмай.

...Океан,
Океан,
Улуғ океан,
Тасодиф, хатарга тўлиқ океан.
Бир сапчиб ушлайсан булут этагин,
Тап тортмай чақмоқнинг зарда-дўқидан.

Довуллар бош урса қўксингга баъзан,
Ҳар наъра тортишинг осмонга етар.
Қоядай тўлқинлар бир-бири билан
Ширақайф сингари муштлашиб кетар,—

Гоҳ оёқ тиравар сенинг қаърингга,
Гоҳо бўй чўзишар оқ қошли тоғдек.
Азамат кемалар қайнот бағрингда
Довдираб қолади писта пўчоқдек.

Уфқингга кўз тикиб, йироқ соҳилда
Хотинлар кутади балиқчиларни.
Она ва қелинлар бераркан далда,
Йигитлар қаршингда таъзим қиласми,

Фазо ҳам инсонга бўй эгган дамда
Ҳеч ким океангага қиласми таъзим...
Фазокор дўстимдан сўрдим:

— Баланддан
Қандоқ кўринаркан уммони-азим?
Дарғазаб океан боши остида
Наҳотки қитъалар ётар болишдай,
Наҳотки тўлқинлар элларни элдан
Ажратиб ташлай деб тун-кун олишгай?

Фазокор бир нафас ўй суриб қолар,
Заминни салмоқлаш эмас-да осон,
Сўнг дер:
— Беш оғайни бўлса қитъалар,
Океан — ўртада ипак дастурхон,

...Океан,
Океан,
Улкан океан,
Бешикда тебраниб кулган океан.
Бориш-келиш қиласа оламнинг аҳли,
Үртада кенг кўприк бўлган океан.

XV

Океанда чайқаб бир яноғини,
Осиё елига бир юзин тутиб,

Ҳали ҳам юволмай уруш доғини
Етар Япония узала тушиб.

Кошкы бир меҳрибон келиб тузатса
Үн беш йил муқаддам чиққан ярани.
У кунни эсласа, тасаввур этса,
Сесканиб кетади жиши бадани.

Чоллар ҳассасига иягин тираб,
Мудраб ўтиради соя-салқинда.
Рикшалар ўтарди йўлда пилдираб,
Иссиқдан тиқилиб жони ҳалқумта.

Бўй етган барнолар чиқиб шийпонга,
Атрофга сузарди қийғоч кўзини.
Бевалар шошарди раста, дўконга
Сира битиролмай ками-кўстини.

Олисдан желарди замбарак саси,
Лекин парво қилмас ўрганган қулоқ:
Гўёки урушнинг бундай шарпаси —
Ёзда ҳансиратан момақалдироқ.

Бирдан қалқиб кетди
офтоб осмонда,

Оёқнинг остида чайқалди ер ҳам.
Ажал ёпирилиб шу бир аснода,
Кўж юзин қоплади қоп-қора елкан.

Пастак остоңада хаёл сурғанлар
Туриб эшигини очолмай қолди.
Анҳорлар бўйида сухбат қурғанлар
Бошпана ичига қочолмай қолди.

Дағшат-ла портлади атом бомбаси,
Нафаси айлади тошларни ҳам кул,
...Унутмас у кунни япон ўлкаси,
Ҳамон у тупроқда унмас экан гул.

Баҳорлар кетидан уланар баҳор,
Шаҳарлар қурилар, қазилар ариқ.
Орзуга Еримиз желтан каби тор.
Фазокор осмонда очмоқда қўриқ.

Уни елкасида қўтарди қўкка
Икки юз миллионли заршунос злим:
Бири пўлат берди,
Бириси — пахта,
Бири таом берди,
Бириси — илм.

Одамзод қуёшнинг эзгу ошиғи,
Унинг висолига интилар ҳар он.
Дейлар:
«Ер — инсоннинг она бешиги»,
Бешикда яшарми бир умр инсон?

Гулдан тулга кўчиб ахир болари
Чаман лаззатини totар тўйгунча,

Энди қоинотнинг сайёralари
Кутсин йўлимизни мисоли ғунча,

Тез қунда ошиқлар маъшуқасига
Ипга юлдуз териб қилади тортиқ.
Чоллар ва ғампирлар иссиқ фаслда
Кумуш ой бағрида олади ҳордиқ.

Шунда хәёлимдан бир-бир ўтади
Бомба яратганлар,
Қилич қўйганлар.
Наҳотки разиллар кўр табиб каби,
Дардни даволаш-чун маргумуш танлао?

Наҳотки йўргакдан илк бор чиққанда
Оlam чиройидан бўлмаган у лол?
Наҳот қулоғига уқилмас ханда,
Тақадек туюлар қўзига қилол?

Улуғ умид билан ҳовли четига
Наҳотки экмаган биронта дарахт?
Бомба ясармиди,
Инсон зотига
Заҳру адватдан бўлмаса жарахт?

Йиллар ўтаверар.
Боғлар улғайиб,
Ер бетин қоплайди мисоли баҳмал.
Қиличдан ясалар нозик гулқайчи,
Гўзаллик олдида тиз чўкар ажал.

Хиросима узра қўйл чўзган ёлим
Аммо ўчармикин киши ёдидан?
Гўрида тўлғанар бечора Колумб,¹
Минг бора афсус еб қашфиётидан.

Мен эса мағурман.
Бўлмаса шеърим,
Битмасди «Восток»нинг балки бир винти...
Пешвоз чиқаётир йўлингга элим,
Юртингга хуш келдинг, фазокор, энди!

XVI

Куйлашга тилимни пешлагунимча,
Чақмоқдай ялт этиб ўтиб кетибсан.
Ҳайратдан ёқамни ушлагунимча,
Сибирь осмонига учиб етибсан.

Ёдингга тушдими, фазокор, бу дам
Синфинг тўридаги қизил ҳарита.
Дўстларинг сафида бўлардинг сен ҳам
«Топишмоқ — саёҳат» қилганларида,

¹ Христофор Колумб – Америка қитъасини кашф этгани сайдек.

Амурни топардинг күзингни юмиб,
Хаёлда күрардинг қирғоқларини.
Нече бор кезгандинг пиёда «юриб»,
Ним ёруғ партизан сүқмоқларини.

Бармогинг остида «шарқирап» эди
Бебош Ангаранинг шаршараклари.
Юксакда шам җаби ярқирап эди
Оқсоқол Уралнинг оқ тераклари.

Сойлари, йўллари тийран жўзингга
Она юзидағи ажиндай таниш.
Бир умр боқсанг ҳам баланддан унга,
Кўрку чиройига мумкинмас қониш.

Бугун табриклайди сени шовуллаб
Минг йиллик қарағай яшил либосда.
Сени қутлаш учун чечаклар гуллаб,
Тешиб қор кўрпани чайқалар аста.

Кун сайин улғайиб янги шаҳарлар,
Мўриси бузади тайга томини.
Ҳаттоқи ёдлашга улгурмай қолар
Қурувчи уларнинг гўзал номини.

Тошлиқлар ўрнида туғилган кўллар
Нур билан ўйнашар мисоли жўзгу...
Оҳ чекиб хотирга Жамила келар:
«— Сибирь... О, нақадар даҳшатли сўз бу!»

Хаёлга келади сўнгсиз йўлларни
Еш билан сувориб ўтган инсонлар.
Хаёлга келади заргар қўлларни
Занжирбанд айлаган мудҳиш замонлар.

Келинлар айрилиқ, фурбат ва хўрлик —
Озорин ўйларди Сибирь деганда.
Йигитлар мұҳаббат, ҳурмат ва ҳурлик —
Мозорин ўйларди Сибирь деганда.

Сибирь — о, нақадар улуғвор сўз бу,—
Бугун элга очдинг олтин қутуни.
Аёзда, аргумоқ нафаси җаби,
Учар заводларинг оппоқ тутуни.

Кўринмац Сибирнинг ёقا-этаги,
Одами ҳам улкан, қадами улкан.
Азамат «Восток»нинг жўшқин юраги
Балки шу ўлқада җазиб, қуйилган.

Уни тарошлаган камтарин уста
Изингга термилар, юзда ҳаяжон.
Сен билан, фазокор, бугун парвозда
У ҳам топширади ахир имтиҳон.

Лекин тўхтолмадинг юксакда бирпас,
Тўхтаб, беролмадинг дилита далда.
Эҳтимол ўзга сас қулоққа кирмас
Ватанин соғиниб шошган маҳалда.

Теп-текис далалар ётади пастда,
Нам эмиб энтикар, куттар дөхқонни.
Қайинлар ўзади баргини аста
Безаниб құтлаш-чун азиз меҳмонни.

Симёочга қўниб, қўрқмай ёмғирдан,
Биринчи қалдирғоч бошлабди қуйин.
Қўзилар яйрайди ям-яшил қирда,
Қўк майса қоплайди ариқлар бўйин.

Ер сари қўл чўзди бирдан фазокор,
Онанинг қўксига бўлганда ташна.
Үғлига отилди меҳрибон диёр.
Меҳри жилоланиб мисоли чашма.

Она фарзандига ёзганда қучоқ,
Уфқлар тор келиб, чекинар тинмай.
Она хижолатни унугиб бу чоғ,
Қувонч ёшларини тўкар тортинмай.

Ранго-ранг товланиб гўёки илак,
Азиз фазокорин ардоқлар Ерим.
Заводидан қайтган оддий ишчидаи.
Шошмай пешонадан артди у терин.

Тўйиб нафас олди.
Боқди жилмайиб,
Болалиги кезган беғубор йўлга.
Уни олқишиларди
Угли улғайиб,—
Қуёшга қудагай бўлолтан ўлка.

Х О Т И М А

Достоним тугади.
Бу солда совға
Кўнгил булоғидан бир томчи холос.
Юрий Гагаринга,
Герман Титовга
Минг жўшиқин қўшиғим баҳш этсам ҳам өз.

Эртак сўзлаб бер деб, олис ёшлиқда
Бувилар жағини тиндирамидик!
Сеҳрли, қаҳрли тоғлар бошига
Учар гиламларни қўндирап эдик.

Қўшқанот самолёт ўтса тариллаб,
Соясин тутгали чопқиллашардик.
Гўё қанот боғлаб,
Ушиб-париллаб,
Осмон ишқи билан ёниб яшардик.

Болалик — вафодор ҳормас чавандоз,
Ҳали ҳам тушмайди хаёл отидан.
Бугунги парвозд-чи?..
Бугунги парвоз
Сўзлайди одамзод камолотидан.

Достоним тугади.
Бирор муҳаррир:
— Шеърингиз кечикди,— демасми энди?
Достон бўй бермаса не қиласай ахир,
Ҳар сатри неча тун қийнатиб унди.

— Кечикди,— десалар ишониш мушкул,
Қўшиғим ғавж уриб ҳар ён шошилар.
У парвоз шуҳратин босмайди ҳеч кул,
Ўчмас эл ёдидан ғарвоибошилар.

Йиллар ўтаверар.
Бу кунги гўдак
Касб этар улғайиб фазокорликни.
Қўёшли забт этар,
кўтариб юксак —
«Коммунизм кишиси» деган ёрлиқни.

Аммо, қувонч жўшиб, жўшиб ҳаяжон,
Биринчи парвозни эслашар ҳар дам —
Муаллим, мунажжим, ишчи-ю, дехқон,
Ғазалхон,
Ҳаттоқи танқидчилар ҳам.

Достоним тугади.
Бу содда совға
Кўнгил булоғидан бир томчи холос...

1961 йил,
Тошкент.



БОҚКОЛЛАР

Повесть*

* * *

Жазирама офтоб. Боққоллар, носвойчилар, самоварчилар иссиқ-дан гарант. Ахён-аҳёнда бирорта қозоқ отдами, эшакдами ёки пиёдами келиб қолади, носвойми, қандми ё чойми олиб кетади.

— Жека, эшагингизда бир айланиб келай,— ялинаман мен.

— Хуп, чирогим, мин эшакка,— дейди бири.

Севиниб эшакка миниб кетаман.

Боққоллар, носвойчилар менга кўп ҳазилкашлик қиласидилар. Улар менга кўрсатмай, эшакнинг думи остига бир чимтим носвойми, билмадим, қалампирми сепиб қўядилар. Эшак чопади. Думини тишлаб, чинчонглайди. Боққоллар қотиб кулади. Мен тошгами, тупроққами учиб тушаман.

Мулойим, ювош бир боққол бор. Соқсилари мошкичири, пешонаси дўнг, кўзида ойнак, ҳамиша мутолаа қилиб ўтиради. Үнинг китоблари жуда кўп. Айниқса ундаги машҳур «Минг бир кеча»га ниҳоят қизиқаман. Аммо ўқишини билмайман, фақат «Қуръон» ўқийман. Домлам, хатга ҳали лича бор, деб ҳануз «Қуръон» ўқитади. Мен сабрсизлик билан китобларга ўтишни кутаман.

— Жон амаки, «Минг бир кеча»ни жиндай ўқинг, эшитамиз! — ялинаман боққолининг пинжига тиқилиб.

— Ўқирдим, аммо ёшсан, гўдаксан. Арабларнинг бу китоби жуда ибратли. Ҳаёл олами катта, лекин уят гаплар кўп-да,— дейди боққол бошини тебратиб. Мен қистайман. Боққол узоқ ахтариб, бир ҳикоятни топади, ўқиыйди, мен жим тинглайди.

— Амаки, ҳикматли гаплар кўп экан. Тасвири ҳам жойида,— дейман.

Боққол кулиб:

— Арабларда шундай ҳикматомиз ҳикоятлағ кўп.

Кунлар шундай ўтади.

Якшанба — бозор куни, азонда қозоқлар кела бошлайди. Бозор суст. Мундай қараб разм солсан, кўпчилигининг қўлида косов, болта, ўрок... Ораларида аёллари ҳам кўп. Тўда-тўда бўлиб нимадир гаплашадилар. Билмадим, соат ўн бирлардами, қозоқлар бирдан «Олош!» дея бақириб кетади ва ҳужумга киришадилар. Мен қаттиқ саросимада, бир оз қотиб қоламан. Кейин дадамнинг олдига югурман:

— Дада, дада, бу нима гап, қозоқлар ҳужум бошлади?! — дейман ҳовлиқиб.

Дадам кулади-да, бепарвогина қўлини силтайди:

* Давоми. Боши журналнинг 1, 2, 3-сонларида.

— Қозоқларнинг бир эли иккинчи элидан хун талаб қиласди. Тушундингми? — дейди менга. Кейин, озгина сукутдан кейин давом этади: — Еовға кечгача боради... Ҳм... Савдо бузилди, дегин! — бозор томон қараб дадам бошини чайқайди.

Мен қўй бозорига томон югураман. Қўйлар оз, тўполон авжда. Аъзамни топиб оламан. У оёқ остида, дам ўзини у ёққа-дам бу ёққа олиб, анграйиб юрибди.

— Бу қандай ғовға? Пичоқ, болталарга қара! — дейман Аъзамнинг қўлини ушлаб.

Шу пайтда болта, пичоқлар билан қуролланган янги бир тўда қозоқлар пайдо бўлади. Бақиришиб, жангга киришиб кетишади. «Ҳой, ҳой» қичқириқлар, тўполнонлар, бош ёрилиб, кўз чиқишилар узоқ давом этади. Биз, Аъзам икковимиз ўзимизни дам четга олиб, дам гирдоб ичига тиқилиб, тоза томоша қиласми.

Кейин қозоқларнинг катталари — бийлар пайдо бўлади. Узоқ музокара бошланади. Сўз жангги ҳам анчагина давом этади. Зўр-базўр сулҳга келиб битишадилар.

Кейин савдо қизимайди.

* * *

Кун шанба. Отам барвақт дўконни ёпди. Ҳамроҳлари билан Қозигуфт тоғигта бормоқчи. Отам мени ҳам ола кетмоқчи. Севиниб кетаман. Отланамиз. Дадам отда, мен орқасида. Шишага пояки ноҳсий тўлдиаркан, отимиз иккинчи бир от билан бирдан тишлишиб кетса борми, мен отамни ушлашга улгурмайман, учиб, харсанг тош устига бориб тушаман. Қаттиқ йиғлаб юбораман. Отамнинг ошнаси Ҳасан бобо чопиб келади да, мени қўлига кўтаради. У пакана, тийрак, чўққи соқол, кўзлари ўткир киши. Мени яхши қўради, турли қизиқ гапларни айтиб, кўлдириб, ҳазиллашиб юради. У мени кўтарганича дўконга олиб киради. Отам орқамиздан югоради.

— Оёғи озгина шикаст елти. Ҳеч қисси йўқ, ўғлим, йигитга бу ҳеч гап эмас, полвонсан-ку! — дейди Ҳасан бобо мени овутиб.

Дарров янги дока топиб, оёғимни маҳкам тангиб бойлайди.

— Тур, йиғлама, ўғлим,— дейди дадам орқамни қоқиб.— Қозигуфтга бориб айланиб келамиз, томоша қиласан.

Дарров овунаман. Кўзларимни артаман. Бир талай отли кишиларга қўшилиб, бир варакай йўлга тушамиз. Ҳаммамизниг отларимиз яхши. Қирлар, увалар, жарлардаги учиримлардан оша узоқ юрамиз.

Қуёш энди бошини уфқа қўйган. Қирнинг фир-фир шамоли, ўпкаларга майдай туюлган тотли ҳавоси ҳаммамизниг руҳимизни бирдан кўтариб юборади. Дам ҳазил-ҳузул аралаш қизғин гап билан, дам табиатнинг хусни, нашъасини ҳис этиб, сукутда бормоқдамиз. Мен уфқдаги алвон ғурубни, тоғлар чўққисидаги олтин чизгиларни, юмшоқ майсаларда отларимизниг товушсиз дукурини, сойларнинг тошларидаги түёқлар остидан чақнаган учқунларни сайр этиб, гўзалликка мафтун, кўнглим равшан ҳолда жим бормоқдаман. Афуски оёғимниг оғриғи кўнглимни хира қилиброқ турибди.

Тоғ этакларида кўм-кўк майсалар узра нафис гуллар, турли хушбўй гиёларнинг ҳидлари бурқийди. Дараҳтлар сийрак, онда-сонда пакана дараҳтлар учраб қўяди. Отлар баландлик, тепаликка интилиб, оёқларини ғурур билан чиройли ташлайди, бошларини кўркам тутади. Шу сайдан, табиатнинг гўзаллигидан нашъа ва сафо тўйган бу ақлли жониворларнинг тиниқ кўзларида хушнудлик ифодасини кўраман, Нажадар гўзал жонивор булар.. Севаман, кўнгилдан, чиндан севаман отларни!..

Дам тепаликлар бўйлаб баландга, дам пастга тушиб борамиз. Гоҳ-гоҳ қозоқ овуллари йўлиқади, ўтовлар атрофида тўда-тўда отлар, бошларини чиройли кўтариб, мағур чўккан туялар, гала-гала қўйлар... Ўчоқлардан бурқиб осмонга интилган тутунлар... Ҳаммаси ҳаётнинг жонли лавҳаси, кўрки..

Қуюқ қоронгиликда улуғвор ясланган Қозигурт тоғига етамиз. Бир-бирига чирмашган зич дараҳтлар тагидан кичкина ирмоқ шарқираб оқмоқда.

— Жуда баланд тоғ экан, дада, эртага чиқамиз-а? — сўрайман қалбимдан тошган шодлик ва ҳислардан энтикиб.

— Албатта, албатта чиқамиз, ўғлим! — дейди дадам бошини қимирлатиб.

Ҳаммалари отдан тушадилар. Мен ҳам иргиб тушишга жазм қиларканман оёғимда қаттиқ оғриқ сезаман-да, икки қўллаб эгарга ёпишаман.

— Ия, шишканми, а? — сўрайди дадам ва дарров кўтариб мени отдан олади.

Бизни қарши олган қозоқ йигитларнинг бири ўтовдан катта оқ намат чиқариб ёзиб ташлайди. Улфатлар ҳаммаси намат устида бири ёнбошлиб, бири чордона қуриб жойлашиб олади. Дадам ташвиш ва саросимада юзимга тикилади:

— Қани, бос оёғингни, босиб кўр-чи? — дейди синовчи оҳанг билан.

Оғриқдан лабимни тишлаб, секин қадамлар билан наматнинг бир четига ўзимни ташлайман.

Улфатлар хуржунларидан чой, нон, қанд олиб, кўм-кўк тиниқ сувдан обдастани тўлатиб, чой қайнатадилар. Идиш-товоқ бут. Қозоқлар дарров бир қўзини бўғизлаб, шўрвага уринадилар. Осмон юлдузларидан бошқа чироқ ўйқ. Йигитлардан бири аллақаердан яримта шишалик бир хира лампани амаллаб топиб келади.

Улфатлар ҳазил-мутойиба, аскияни бошлиб юборишади. Галмагал жиндай-жиндай наяки тортишади, дадам ҳам озгина тортиб қўйди.

Салқин тушади. Мен дадамнинг чопонини елкамга ташлайман.

Булбуллар бу ерда кўп бўлар экан. Гоҳо уларнинг ёқимли янгроқ товушлари ҳавони тўлдириб юборади.

Булбулни тинглашни севаман. Куйлари қалбимда аллақандай ёқимли ҳисларни чайқатиб юборади. Буни сезгандай Ҳасан бобо табассум билан орқамни қоқади:

— Тингла, ўғлим! Булбулнинг сайраши дунёнинг энг баланд лаззати.. Менинг марҳум отам айтар эдики, булбулнинг мақомлари, куйлари тўққиз юз тўқсон тўққиз эмиш деб. Шундан бери булбулларнинг хил-хил мақомларини санайман. Учига етолмайман. Ҳа, ўғлим, булбул жонивор қушларнинг асили, тушундингми?

Мен бу гапларга қойил қоламан.

Улфатлар дам жиддий сұхбатга, дам аския қийқириққа ўтиб, узоқ ўтирадилар. Турмушдаги баъзи нодир воқеаларни, ўтмиш замонларда бобойлар ҳаётидан турли ҳодисаларни хўп эзиб гаплашадилар.

Янги ой олтин ўроқ қаби порлайди. Дараҳтлар гувуллаши, ирмоқлар шарқироғи, дев қоялар тун қўйнида аллақандай ваҳимали, сирли туюлади.

Шўрвадан жиндай тотиниб, ухлаб қоламан.

Бир маҳал кўзимни очсан гира-шира тонг отмоқда. Юлдузлар галма-гал ботгандай, секин-секин сўна борадилар. Совуқдан қотиб қолибман. Аста қимирласам, дадам пайқаб қолади-да, секин шивирлайди:

— Ухла, ўғлим, ҳали вақтлик,— кейин совуқдан жунжиганимни сезади шекилли, қалин чакматини устимга тортади.

Үйқу қочади. Булбуллар қүшиғи тинмайды, узлуксиз сайраб туралылар. Ҳаво ниҳоят тоза, мусаффо. Күп ўтмасдан дадам қўзғалади. Қумғонга сув тўлатиб, олов ёқиб юборади. Бирин-сирин улфатлар уйғонади. Уфқда қирмизи шафақ кўркам ёйилмоқда. Қуёш ҳам олтиң нурларини тўкиб, мағрур кўтарилади... Билмадим... Оқшомми гўзароқ, тонгми?.. Бири-биридан гўзал, бир-биридан фусункор. Табиат шундай бой, шундай моҳир...

— Турсизми, ўғлим? — сўрайди юмшоқ товуш билан дадам.— Туринг, туринг, ана тоққа бир қаранг! — қўлини кенг ёйиб тонгни кўрсатади.

Тураман, лекин оёғим зил. Босолмайман. Ҳасан бобо ва дадам ҳайрон бўлиб, довдираб қолишади.

— Оғриқ зўрми? — сўрайди дадам.

— Оғрияпти,— дейман оғриқдан қошларимни чимириб.

— Ёт, ёт, чирофим! — дейди менга Ҳасан бобо. Кейин дадамга се-шивирлайди:— Синган-да.— Дарров шошилинч билан қайгадир югуради.

Дадам хомуш ўтиради.

Чой қайнайди. Даствурхонга бир катта лаган ёғли эт билан иссиқ бўғирсоқ олиб қелинади. Шу пайтда қўлида бир тухум ушлаганча Ҳасан бобо келиб қолади. Авайлаб оёғимдаги докани ечиб, тухум билан оёғимни яхшилаб силайди. Узоқ силайди. Менга ҳам гўё оғриқ камайгандай туюлади. Ҳасан бобо оёғимни қалин қилиб, қаттиқ тангиди.

— Ёт, бирпасдан кейин тойдай чопиб кетасан, ўғлим! — дейди Ҳасан бобо елкамни қоқиб.

— Бўпти, кечгача тоққа чиқадиган бўласан, сабр қилиб ёт, ўғлим,— дейди дадам меҳрибон товуш билан.

Осмонга қараб ётаман. Борган сари оёғимнинг шиши кўпайганини сезаман. Дадам ҳам тез-тез разм солиб турганидан шишнинг кўпайиб борганини пайқайди шекилли, бўйнини букиб, хафа ўтиради.

Туш бўлган. Дадамга қараб:

— Ўзингиз бораверинг, дада, тоққа. Мен ётиб томоша қиласман,— дейман.

Дадам улфатлари билан қўлларига биттадан ҳасса тутиб, тирмашиб, тоққа чиқиб кетадилар. Ҳасан бобо менинг ёнимда қолади. Индамас бир новча йигит билан бирга жаркопга ҳозирлик кўра бошлайдилар.

Бобойга дейман:

— Еқмади тухумингиз. Кўринг, шиши борган сайин кўпайяпти.

— Тек ёт, тузук бўлиб қоласан. Давоси тухум! — дейди кулиб Ҳасан бобо жаркопга пиёзни майдалаб тўғраб.

Тоққа қараб ётаман. Қоялар, ўпқонларга ҳайрон қоламан.

Тоғ улуғвор. Аммо эссиэзи, тоққа чиқолмайман. Ўксинаман. Ҳасан бободан кийиклар, айиқлар ҳақида сўрайман.

— Э, ўғлим, ҳаммаси бор. Бўрилар, эҳтимол шерлар ҳам бордир,— дейди Ҳасан бобо кўзларини қисиб.

Дадамлар узоқ юрганларидан жуда чарчаб, ҳориб қайтишади. Да-дам бир даста хушбўй тоғ гулларини менга олиб келади. Тоғ гулларини жуда севаман. Севиниб кетаман.

Жаркопни иштаҳа билан еб, кечга яқин Янгибозорга қараб йўлга тушамиз.

* * *

Тиккайған дарахт йўқ. Чўл каби кенг ҳовлиниң бир чеккасида, айвонда ёлғиз ётибман. Отдан йиқилганимга, чамамда ўн кунча бўлган, аммо ҳануз оёқни ерга босолмайман. Зўр-базур оқсаб-оқсаб, бир-икки қадам қўяман. Эртадан кечгача осмонга қараб ётаман. Айвонда чўмчук уялари кўп. Чўмчуклар инга келганини, болачалари чуғурлаб бўйинларини чўзиб, сап-сариқ тумшуқларини катта очганларини томоша қиласман. Бўлардан зерикканимда, ҳовли юзини тўлатиб юрган хўророз ва товуқларни эрмак қиласман. Хўророз улуғвор, кўркам.

У бир ҳовуч доими, чигиртками топа қолса, дарров чақиради. То-вуқлар «қа-қа-қа» деб уни ўраб оладилар. Мабодо бирорта товуқ төмгами, қўпни тарафгами чиқиб қолгудай бўлса, хўророз гўё дўқ, зарда билан олдига солиб қуввлаб келади.

Хаёлга кетаман. Ўйлар ва ҳислар кетма-кет уланади. Олисдаги тоғлар хаёлимда жуда яқиндай кўринади менга. Тоғлар орасида аллақандай хиёбонлар, боғлар, саройлар кўрингандай бўлади. Бирдан жинажиналар, парилар қаршимда пайдо бўлади. Фикрлар чуваланади, чигалланади. Аммо мен дам ҳушимда, дам беҳушдай, бепарво ётаман.

Қуёш омонсиз, чўлдан унинг яллиги уради.

Зулфи аммам аҳёнда бир ёнимга келиб, «Улақолай, ҳалиям оёғингнинг шиши кетмадими-я?» дейди-да, тағин мой пишиш, қатиқ ивитиш каби икир-чикир ишларига уриниб кетади. Аъзам тез-тез олдимга киради. Зерикканини, болалар билан уришганини айтиб беради.

— Тезроқ тузал, икковлашиб улардан ўчимизни оламиз. Ҳаммаси қўрқоқ. Ҳаммаси юраксиз.

— Йўқ, ўртоқ, зўрлари ҳам бор. Жиккак бир бола бор-ку? Айниқса ана шуниси зўр. Ҳазир бўл, уришма, ёмон дўппослайди. Ишқилиб, дўст бўл! — дейман таъкидлаб.

Аъзам қовогини солиб ерга қарайди, индамайди. Зерикиб ундан-бундан, қуrimсоқ, зиқна бойларнинг хасислиги, қаттиқлигидан гаплашамиз.

Отам ҳар кун эртадан кечга қадар от устида тентирайди. Намозгардами, шомдами бирров олдимга киради. Усти-боши чанг, чарчаган, ҳориган бўлади.

— Қалай яхшимисан, ўғлим! — деб сўрайди, тоҳо бир ҳовуч жийда билан беш-ўнта ёнғоқни олдимга тўқади-да, жиндай ўтириб чиқиб кетади.

Кунлардан бир кун дадам Зокир ака билан маслаҳат қилишиб, отда мени қозоқ табибига олиб жўнайдилар. Қирлар, тепалар ошиб бир овулга етамиз. Отдан тушамиз. Устида оппоқ тоза кўйлак, нимча, бошида киймачак ва лачак, гавдалик бир қари аёл бизни қарши олади. Утовга кириб ўтиргандан кейин, бир товоқ қимиз тутади менга.

— Сувсаганнинг давоси бу, чироғим! — дейди аёл меҳрибон товуш билан.

Зокир ака кампир билан қуюқ сўрашгандан сўнг дейди:

— Шу болачамиз отдан йиқилиб, оёғи шикаст топди. Сизга келдик, бир кўринг.

Кампир менга тикилиб қарайди:

— Кани, қарогим, кўрсат! — дейди ва ўзи эҳтиётлик билан оёғимдаги кир докани ечиб секин бир-икки силайди.

— Чиқсан, — дейди дадамга ва Зокир акага қараб. Кейин менга:

— Чироғим, дарров яхши бўласан, тойдай чопиб жетасан, — дейди.

Мен озроқ құркаман ичимда. Бирдан қаттиқ босиб юборган эди, сүягим шиқ этади. «Вой!» дейман, секин бутун оғриқ бир онда йўқ бўлгандай тувлолади. Севиниб кетаман.

— Бўлди-бўлди, қутулдинг, чирогим! Энди соғсан! — дейди бошимни силаб аёл.— Бечора болани шунча кун қийнабсизлар, мана кўзи мошдай очилди,— дейди аёл кулиб, отамга қараб.

— Балли, раҳмат, кампир! — дейди дадам қуллуқ қилиб.— Яхши билгич табиб экан,— шивирлайди Зокир акага энгашиб.

Табиб қаттиқ танғиб боғлайди оғимни. Севинганимданми, оғриқдан қутулганимданми, ўзимни жуда енгиллашган ҳис этаман.

Дадам пул бериб, яна қайта-қайта миннатдорчилик билдиради. Йўлга тушамиз.

Эртасиёқ ўйинга киришиб кетаман. Ўйинлар кўп —«қушим боши», чиллак, ёнтоқ, ошиқ... Жуда кўп.

Баъзан дадам Ҳасан бобо билан мени бирор қозоқ ошнасиликига бошлайди. Баъзан: «Юр, гашт қилиб балиқ тутасан, ўйнаб келасан» деб бирор сувнинг бўйига олиб боради. Отда далалар, қирлар ошиб узоқ юришни севаман ўзим ҳам.

Бир неча кундан кейин дадам орқамни қоқиб:

— Бас, ўғлим, эрта аzonда Тошкентга жўнайсан. Ўйнадинг, кулдинг, бўлади,— дейди мулойим табассум билан.

Индамайман. «Юрган эдим маза қилиб» дейман ичимда.

— Аъзам ҳам кетади. Отаси билан гаплашдик. Эрта бир аравакаш буғдой ортиб кетялти, бирга жўнайсизлар.

Аzonлаб, барвақт Аъзам икковимиз йўлга тушамиз. Аравага жуда кўп буғдой ортилган. Қоплар орасида амаллаб суқулиб ўтирамиз. Аравакаш кам соқол, кўсароқ, мулойимгина киши. Биз хомуш борамиз.

Чўлу биёбон. Кенг, улуғвор саҳролар уфқдан-уфққа туташган. Куз фасли. Шамоллар майин, ёқимли эсади. Қуёшнинг иссиғи куйдирмайди, эркалади. Тиниқ, кўм-кўк осмонда онда-сонда енгил булатлар аста кезади. Юксак тоғлар туманда. Мен томоша қилиб бораман, хаёл қанотидан гўё саҳролар, тоғларни кезаман. Булатлар раинг-баранг, ранглар тинмай ўзгаради. «Табиатнинг сири, маъноси чуқур» дейман ичимда.

Пешинга яқин қорин очади. Ёнимизда бир тийин йўқ. Секин Аъзамга шивирлайман:

— Қўнтағимизда ҳе мири ҳам йўқ, аравакашдан уят-ку ахир!

— Оталаримиз тошдай қаттиқ. Айниқса дадам пул деса томдан ўзини ташлайди,— кулади Аъзам заҳарханда билан ва давом этади,— ойим шўрлик меҳнату жафодан чиқмайди.

Мен кулиб дейман:

— Улдими, балки оталаримиз пулни аравакашга бергандир...

Икки кун йўл юрамиз. Йўл-йўлакай ҳар бир учраган чойхонада аравакаш бизни тўйдириб боради. Ҳали мойли шўрва, ҳали ўз қўли билан дамланган палов. Аъзам икковимиз шод.

— Амаки, катта бўлганда узамиз қарзни,— куламиш.

Аравакаш ҳам бизга қўшилиб кулади.

Хуфтонга яқин Тошкентга етиб, аравакаш уйида тўхтаймиз.

— Болаларим, бугун бизникида қўнасизлар. Кеч бўлиб қолди,— дейди.

Келин бизга эскигина бир кўрпа, бир узунчоқ ёстиқ бериб, айвонга ётқизади.

Эртаси саҳарлаб уйғонамиз. Аравакашнинг ўзи каби мулойимгина аёли сут ва ион билан меҳмон қилади. Кейин хайрлашамиз.

— Йўлни биласанларми, хумпарлар? Адашиб кетмаларинг! — таъкидлайди аравакаш.

— Уйимиз яқин, амаки, йўлни ўзимиз биламиз,— дейман жиддий тус билан.

— Анов Үғри кўчадан тик тушамизда, уйимиэга етамиз,— дейди бепарволик билан Аъзам.

Үғри кўча оша Говкушга етгач, Аъзам югуриб уйига кириб кетади. Унинг уйи катта кўчага яқинроқ.

Уст-бошим кир, тупрок, оёқ яланг, тўсатдан уйга кириб бораман. Ҳаммалари дастурхон олдидаги ўтирап эдилар. Онам ҳар вақтдагидай, самовар ёнида чой қўймоқда. Югуриб қарши олади. Ҳамма мен билан севиниб қулоқлаб кўришади.

— Гапир, қани, отанг саломат юриптими? Қачон келади, турмуши қалай? — эжикилаб сўрай бошлайди бувим.

— Даشتда юрипти. Салом деди, қачон келишини айтмади,— дейман-да, сабрсизлик билан хотираларимни батафсил бошлаб юбораман.

* * *

— Тезроқ юр! Ҳазир бўл, кўзингга қара! — дейди ҳар қадамда бувим. Бувим паранжида, бошида бир катта тугун. Эски пахта. Менинг бошимда кичикроқ тугун — заводга пахта чиқаришга олиб кетмоқдамиз.

Кўчада одам сероб. Болалар тўполонда, бақирган, ёқалашган... Анграйиб, бошимда тугун, дам туяларга, дам дараҳт бошидаги қушларга қараб, қоқила-суқила бораман. Чорсудан ўтиб, Беда бозор томон қайриламиз. Пахта тозалайдиган завод кенг майдоннинг ёнбошида. Баланддан сув ҳайбатли шарқираб тушиб турибди. Қампир орқасига қараб:

— Уф... етдик-э... — дейди-ю, тугунни ерга ташлаб, таппа ўтириб олади.

Шу тобда бир тўда ғозлар қайдандир пайдо бўлади-да, бизни қувишга тушади. Ҳаммаси биққа семиз, оппоқ, бошларини баланд кўтарган ҳолда, бизга югуради. Мен бошимдаги пахтани икки қўлим билан маҳкам ушлаб, оёқларим билан ғозларни ҳайдашга уринаман.

— Вой, ўлақолай! Булар нима дейди-я, ётсанг ёвга ёқар, деган гап бор. Ҳайда, болам! — дейди бувим. кўйлагининг кенг енгларини ҳавода ялвиратиб ўзи ҳам ғозларни қувлашга тиришади.

Розлардан зўрбазўр қутуламиз, икковимизнинг ҳам нафасимиз тиқилган, ҳарсиллаб, завод олдидаги бир ерга ўтирамиз.

— Ҳай, болам, бери келинг! — чақиради бувим завод ишчиларидан бирини.— Шу пахталарни яхшилаб тозалаб беринг. Бола-чақангиzinинг роҳатини кўринг...— Узундан-узоқ дуосини бошлайди бувим.

Ориқ, соқоллари ўсган, кўзлари кичиккина, усти-боши ифлос букиши индамасдан икки тугун пахтани кўтаради-да, олиб кетади.

Қампир сувларга, узоқда юрган ғозларга қарайди. Завод шовқин-сурон.

— Таъба, қизиқ гап, ҳа йўқ, бе йўқ, кўтарди кетди, келмаса-я?! — дейди бувим ташвишли товуш билан.

— Келади, буви, ваҳима қилманг! — дейман бепарволик билан, сув бўйида тентираф юраман.

Каттакон чархпалак айланиб туради. Сув ваҳимали шовқин билан оқади.

Аста-аста завод ичига кираман. Ҳамма ёқ пахта. Одамларнинг боши-кўзи чанг, тўзон. Айланиб-айланиб бувимнинг олдига қайтаман-

да, ерга чүккәяман. Шу пайтда ҳалиги ишчи қордай оппоқ паҳтани күтариб келади-да, бувимнинг олдига қўяди:

— Мана, кўринг, она! «Оҳ, паҳта!» дейсиз,— дейди кулиб ишчи.

Кампир паҳтани ушлаб-ушлаб кўради.

— Икки танга берар экансиз,— дейди ишчи.

Бувим севиниб, яна узундан-узоқ дуосини бошлиайди. Рўмолининг тугунини ечади ва қайта-қайта санаб, икки танга пулни ишчига узатади. Бир тугундаги паҳтани менга имлаб, ўзи катта тугунни бошига кўтаради.

— Қани, ўғлим, кетдик,— дейди.

Тугунларимиз аввалгидан каттароқ бўлса-да, уккайдай енгил ҳис қиласман. Бозор орқали уйга қайтамиз. Одам аввалгидан қалин, бозор қозондай қайнайди. Қатиқ, қаймоқ, зифир ёғ каби нарсалар қадамда учрайди. Мен атрофга аланглаб, анқайиб бораман. Бувим тез-тез тўхтаб, орқага қайрилади, мени уришади:

— Анқайма! Кўзингга қара!

Мана машҳур девона. У ҳамиша эшакда, қўлида қарға, ўзи ориқ, ингичка, кўса, бошида катта кир салласи, эгнида йиртиқ-ямоқ, яғир кийимлари.

— Ана, дарвеш! Буви, кўринг! Қарғаси бирам сайдайди,— дейман бувимни тўхташга қистаб.

— Ер ютсин, жинни-ку! Қарғаси нимаси, келишмаган... Жиннининг бир қилиғи ортиқ.. Юр-э! — қичқиради кампир менга.

— Йўқ, буви, жиндай тўхтанг! Эҳтимол дарвеш қарғасини ўйнатар, ҳунари кўп жуда.

— Қани, ўйнасин қарға, бир ўйнаб берсин! — хирадлик қилишади бир неча бекорчи ёш-яланглар.

Девона бармоқлари билан аста туртади қарғасини:

— Қани, сайданг, битта сайданг!— Атрофини ўраган катта-кичик ёшларга қарайди:— Аммо, ёронлар, қарға табаррук азиз махлуқ. Пайғамбаримизнинг дуоси жетган, минг йил яшайди... Қаранг, разм солинг, бечора қарғам ялиняпти, гапиряпти, ақча деяпти...

Тўсатдан қоровул девонанинг устига бир чеълак сув селиб юборади.

— Кўр бўлгур! Қарғанинг қарғишидан қўрқ, нодон!...— тутоқиб сўқади девона ва эшагини «их»лаб, иккинчи растага бурилади.

Мен девонага, қарғага ачинаман. «Эсизгина, қарға хўп сайдарди-ю, қоровул ўлгур ишни ишкал қилди» дейман, ичимда аччиғимдан қоровулни сўкаман.

— Девонанинг дилини оғритиш ярамайди!.— ранжиб дейди четда, ҳарсанг устида чилим тутиб ўтирган бир чол.

Бувим икковимиз ҷарчаб, ҳориб уйга қайтамиз.

Жиннилар кўп. Бизнинг Говкушда ҳам мўмингина, ювош бир киши тўсатдан жинни бўлиб қолган. Одамларининг гапига қараганда, бу киши гап ер экан. Бир кун улфатлари ҳазиллашиб: «Қоқ ярим кечада мозорга бора оласанми? Даҳшат. Зимистон. Үликлар товушсиз гаплашиб ётади!» дейишибди. Юракли киши экан. «Бўлти, борганим бўлсин!» депти-да, пичнонин ялт эттириб қинидан сүгурибди. «Аммо, шартим шуки — қирқ кишига қуюқ зиёфат берасиз!» депти йигит дўстига қараб. «Хўп! Қирқ йигитга зиёфат бераман» депти дўсти.

Йигит мозорга борибди, аммо жинни бўлиб қайтибди.

* * *

Кунлар салқинлашган. Қуз пайти. Ҳавода япроқлар учади.

Мен кўчада ўртоқларим билан ўйнаб юраман. Қўққисдан уйидан девона йигит занжирни узиб, кўчага югуриб чиқади. У қип яланғоч.

Ҳаммамиз чет-четга қочамиз. Биз ҳам күркәмиз, ҳам томоша қылгимиз келади. Жинни юрганича мачитта боради. Мачитнинг айвонидан каттакон зилдай қозонни күтариб олади-да, ҳовузга ташлаб юборади.

Биз қўрқканимиздан тура қочамиз.

— Жинни! Жинни келди! — деб бақирамиз.

У бизни қувлаб кетади.

Шовқинни эшитиб йиғилган одамлар жиннини базўр тутиб, уйига олиб кирадилар-да, яна кишанга соладилар.

Болалар ҳаммамиз бу жиннидан жуда қўрқамиз. «Ана жинни!» деса бирор, барчамиз ин-инимизга кириб кетамиз. Мен ёлғиз коронигида юрганимда «Мабодо жинни чиқиб қолса-я?!» деган ваҳима ҳамиша мени ташвишга солади.

* * *

Ҳар оиласда ўтин-қўмир, дон-дун ташвиши-дағдағасида лоппа қишиш тушади. Қишиш қаттиқ. Тоғ-тоғ қор ёғади. Ҳовуз қаттиқ яхлайди. Ҳар қишидаги каби, ҳовуз устида сирғаниш, кўчада яхмалак отиб ўйнашга бериламиз. Айниқса қордан одам ясашни яхши кўрамиз. Қўмирдан қош, кўз қўямиз. Булардан зерикканда бирорта дарвоза олдида Аъзам, Ҳожи, мен — бир талай болалар йиғилишиб, чўпчак айтишамиз. Айниқса чўпчакка Аҳмад уста. У кўзлари ўтли, зийрак бола. Отаси ўлиб кетган, ҳозир бувисининг қўлида. Бувиси чўпчакнинг кони. Аҳмад бувисидан бутун эшитганларини, бир сўзини оқизмай-томизмай, балки қўшиб-чатиб бизга айтиб бера олади. Шу сабабли биз кўпроқ чўпчак айтишга Аҳмадни қистаймиз. У ўзи ҳам завқ билан, кампир-чоллардай, сирли чўпчакни даҳшатли ранглар билан қийиб юборади. Қорга, совуққа, изғиринга қарамай, кўчада ўтириб узун-узун чўпчакларни тинглаймиз.

Аҳмад чарчагандан кейин Аъзамга ялинамиз. У ҳам бир дунё чўпчак билади. Шундай қилиб, бир-биришимизга бувиларимиздан, боболаримиздан эшитган-билган чўпчакларимизни айтамиз.

Гоҳо кечалари қўшнимиз Роҳат келиноиши ғиқарди бизникига. Жинни тўқиб ўтиаркан, узундан-узоқ, битмас-туғанмас чўпчакларини айтишини ўзи ҳам яхши кўради. Чўпчакка уста, ажойиб гапдон хотин. У ҳам ўзининг отасидан ўрганган экан, отам жуда камбағал, қашшоқ эди, аммо чўпчакка бой эди деб куларди у.

Каромат опам, ойим гангур-гунгур жияк тикиб ўтирадилар. Роҳат келинои и девлар, ялмағиз кампирлар, арслонлар, бўрилар, тасаввурни қўйин афсонавий қушлар ҳақида сира тутилмаган чўпчакларни айтарди. Қиши чилласи киргунча айвонни тарқ этмаймиз. Айвонга тутилган катта чодир гупиллаб ёғган қорларга пича пана бўлади. Мен танчага суқулиб:

— Қани, бошланг, жон кенномай. Яхшисидан, ваҳмалик, даҳшатлигидан бўлсин! — дейман ялиниб.

Чўпчаклари шундай узун бўладики, энг қизиқ жойига етганда «Минг бир кеча»даги каби, «қолгани эртага» деб, иш печини кўтарганча чиқиб кетади.

* * *

Бизнинг Говкуш маҳалла асрлар бўйи янги-янги бўғинлар орасида бўлина-бўлина кичиклашган, асалари уяси каби бир-бирига ёndoшган зич, каталак ҳовлилардан иборат. Шу сабабдан бўлса керак, маҳалла аҳлининг кўпчилиги ўзаро узоқ-яқин чатишган қариндош.

Умуман айтганда, маҳалла аҳил, аммо гоҳо хонадонлар орасида олди-қочди, фийбат, ур-сурлар бўлиб туради. Айниқса овсинлар — Калта Сара билан Узун Сара, ҳам эру хотин — Фаффор ака билан Роҳат

келинойи ўртасида тез-тез ёнғин каби қўққисдан жанжал қўтарилиб қолади.

Faффор ака янгаси билан ҳам сира чиқишишмайди. Ҳовлилари айрим, рўзгорлари бошқа бўлса ҳам улар тез-тез уришиб қоладилар.

Мана тағин можаро қўтарилиди. Қампир бизнинг ҳовлида омонат деворга суялган нарвон устига ўтириб олган:

— Ҳай, ер юткур, Faффор чатоқ, уялмайсанми! — қичқиради қўлини пахса қилиб янгаси.— Биттаю битта арзанда ўғлим бор — юваш, мўмин қобил, одоблик бола, уни ҳамиша сўкканинг-сўккан, тилинг кесилгур!

Faффор ака жаҳлидан бўғилиб, ҳовлисидан бўкиради:

— Бемаъни кампир! Супургини ясашдан бўшайманми? Шум така ўғлингга пича насиҳат қилдим, вассалом. Ванг-ванг қиласан, туш нарвондан! Жўна уйнинг!

Лекин кампирга у бас келолмайди. Қампирнинг қарғаш, вайсаши сира узилмайди:

— Вой-вой, сассиқ чол! Соқоли оқарибди-ю, ақли кирмади. Сан ўлгурнинг ишинг нима, уйда ўтираманми, кўчада юраманми?! Узим биламан. Узимга хон, ўзимга бекман. Тилингни тий! Боламга яна бир тил тегдир — соқолингни битталаб юламан, оч арвоҳ!

Faффор ака ҳам бўш келмайди, қўлидаги супургини отиб, добайлаб девор тагига келади:

— Бас қил, шум кампир!..

Можаро ёнғин қаби бирнасда авжга чиқади.

Дув этиб қўшилар йигилиб қолишади. Лекин ҳаммалари мўмтишлагандай жим қотиб турадилар. Тор ҳовлининг бир бурчагида со-пол жомошовда жим кир эзғилаб ўтирган Роҳат келинойи энсаси қотганидан лабини буриб-буриб қўяди.

Faффор ака ва кампир бир-бирларини куракда турмайдиган гаплар билан хўп ҳақорат қиладилар. Faффор чатоқ асабийлашиб, хўроzdай қизарип, оғзидан чиққан куфурни билмайди. Сўкиш-қарғаш узоқ давом этади. Ниҳоят қўшилар аралашиб, «Бўлди, бўлди, бас!» деб, базур жанжални босадилар. Faффор ака ва кампир чарчаганлариданми, ёки қўшилардан уялганданми ин-инларига ўзларини урадилар. Мен хафа ҳолда гузарда ишлаб ўтирадиган косиблар олдига чиқиб кетаман.

Ҳар кун мактаб. Қиши бўйи ўқиб, қуръонни тутгатдим. Домлам мени бир кун олдига чақиради:

— Қуръони шарифни хўп ижтиҳод билан ўргандинг, боракалло, ўғлим! Хўш... Энди Сўфи Оллоёр келтир, лекин... — домлам қўзларини юмиб, бир зум ўйлагач давом этади: — шарт шулки, Сўфи Оллоёр билан бир тогора мойли-этли ош, бир дастурхон мойли кулча, бир сўм пул! Дурустми? — тик қарайди менга.

Ерга қараб, бўйнимни букаман, сўзсиз-товушсиз, таъзим билан бoshимни қимирлатаман. Үқишидан кейин чора-чопа уйга келаман:

— Ойи-ойи, қуръонни тутгатдим, Сўфи Оллоёрга тушдим. Домлам айтдики, нон, бир сўм пул, — дейман ойимнинг бўйини қучоқлаб.— Ойижон, албатта домламнинг айтганларини олиб боришим керак, йўқса...

Онам ҳам мени қучоқлади:

— Узим тасаддуқ сендан! — дейди мени қайта-қайта ўпиб. Бир зумгина кўзларида ёнгани шодлиги сўнади.— Домланг яхши одам, лекин суллоҳлиги бор. Жоним билан ош қилардим, уйда ҳеч вақо йўқ, қани илож!

Бутун кун тихирлик, хирадлик билан хўп жанжал қиламан. Ниҳоят, хотиримда йўқ, эртаси ошми, нонми тайёрлаб беради онам боякиш. Бир сўм пул ва «Сўфи Оллоёр» билан мактаб бораман.

Сүфи Оллоәр диний шеърлардан иборат кичкина китоб. Пайғамбарлар ҳақида, қиёмат кун ҳақида кўп даҳшатли шеърий ҳикоялари бор. Шеърлари содда, тили яхши. Лекин нуқул хурофот!..

Ҳар кун ҳалқумим қуриганча, кўзларим тинганча ўқийман. Жуда тез тузуккина ўқийдиган бўламан.

Баҳор келади. Ҳамма ёқда кўркам лолалар, кўм-кўк майсалар. Сувлар шарқираб, ариқларга тўлиб оқади. Дараҳтлар гулда. Самода атласдай ёнган булувлар кезади. Ҳар нарса баҳор занқида.

Тағин наврӯз байрамини қарши олгани далага чиқамиз. Уриш, ёқалаш билан кунни bemазa, бетайнин ўтказиб қайтамиз.

* * *

Бир кун эрталаб бувим мени олдига солиб олади. Калта Сара, Узун Сара, Фаффор аканинг янгаси — кампир ва кўп аёллар биз билан бирга йўлга тушади. Менинг бошимда катта тугунда кулча, олдинда кетмоқдаман. Конка юрадиган кўчага чиқамиз. Жума куни бўлганидан, гузар обод. Қейин жар бўйига тушамиз. Бир вақт қарасам, жардан бир от чопиб келяпти. У эгасини йиқитиб қочган. Гўё бошимдан учиб ўтди дейман. Хотинлар саросимада шошилиб ўзларини четга оладилар. Жуда зўр, кўркам от. Қалт этиб тўхтаганимча, орқасидан узоқ қараб қоламан. Лаҳза ўтгач, жардан эгаси оқсоқлаб чиқиб келади. Ҳамма ёри ҳўл, ҳарсиллаган ҳолда, отининг орқасидан югуради. Олмазор кўчаси бўйлаб узоқ борамиз. Баджаҳл миршаблар маҳкамасидан ўтамиз.

Бешёочга яқин қолганда, ўнг томонга, ингичка бир кўчага қайриламиз. Икки тарафи гулларга, қуюқ дарахтларга тўла боғ-ҳовлилардан иборат, серсув, салқин, тинч кўча. Ҳар икки томонда деворлардан баланд кўтарилиган сўрилар, новдалари кўчага тўкилиб тушган дарахтлар. Томларда кўк майсалар, қизғалдоқлар гилам.

Каттакон бир дарвозадан ичкари кирамиз. Аёллар, кампирлар жула кўп. Уришиб, талашиб юрган болалар ҳам сероб. Ҳовлининг икки томонида қамиш бўғотли, лекин пишиқ-пухта солинган қатор янги ўйлар. Ҳовлида гул кўп. Сариқ, қизил, оқ — хилма-хил гуллар. Қийинган серсавлат табаррук эшон ойим ҳовлининг ўртасида, курсида гумбаздай бўлиб ўтирибди. Бувим ва бувим билан борган хотинлар юргурганиларича бориб эшон ойим оёғига йиқиладилар. Этакларидан, қўлларидан ўпиб, баъзи кексалар кўз ёшларини артадилар.

Ясанган-тусанган олифта бойвуччалар кўп. Уларда пул сероб, жаранг-жаранг олтин тангаларни, беш сўмлик-ўн сўмлик қофозларни эшон ойим оёғига кетма-кет ташлаб турадилар. Эски-туски қийинган, амал-тақал қилиб, бир сўмми-ярим сўмми кўтариб келган кампирларни бойвуччалар қош-кўзларининг имолари билан масхара қиладилар.

Курсида қаққайиб ўтирган эшон ойим семиз, қошлари керилган, қўзларига сурма тортилган, қипқизил хўроздай хотин. Оқ шоҳи кўйлак устидан узун қора духоба пешмат, бошида майнин мисқоли дока рўмол устидан товар дуррача танғиган — олифта. У қовоғи солиқ, индамас, гоҳо атрофига парвона бўлиб юрганларга билинар-билинмас табассум билан ниманидир шивирлаб қўяди. Ҳовлида аёллар кўп. Эшон ойим секин курсидан қўзғалади. Дарров хотинлар кенг давра қуради. Эшон ойим вазмин қадамлар билан зикр бошлаб юборади. Кампирлар «хув-хув»лаб қўлларини, бўйинларини у ёққа-бу ёққа ташлаб, гир-гир айланадилар. Бирпаста кўпларининг жазавалари тутиб, янада қаттиқроқ қичқириб, бўғиладилар. Ҳовлида отин ойимлардан бештаси ғазал ўқиб туриби. Айниқса иккитаси чиройли, келишган ёш жувонлар. Устларида сипойи, лекин асл кўйлак, узун камзиллар, бошларида оппоқ чақнаган рўмоллар. Овозлари ёқимли. Машрабдан, Ҳофиздан сўфиена

ғазалларни ҳис билан, самимий түйғулар билан ўқийдилар. Оғзим очи-либ тинглайман. Узоқ тинглайман... Ажойиб бир мусиқа қалбимга тұл-гандай, рұхимда әригандай ҳис этаман...

Калта Сара, Ұзун Сара иккови ҳам зикр даврасида. Уларға қарасам, күлгі ичимдан тиқилиб келади. Айниңса Калта Сара авжда. Үнинг бүғилган овози ҳаста, тупуклари сақрайди. Ұзун Саранинг овози ғаланд, гуриллаб чиқади. Бу зикриннеге боши. Бувим бояқиши паст овоз билан «хұв-хұв» деб четда турибди. Эшикдан янги-янги хотинлар дүв-дүв кириб көлмоқдалар.

Зерикканча, күнгилга текканча томоша қиласман. Кейин ўриклар, ён-ғоқлар, гилослар, тарвақайлаб ўсған катта-катта олма дарахтлар ора-сига ўйнағ бетаман. Менға ўшаш болалар жуда күп.

Гилосга энди сув юргурған, энди қызара бошлаган. Каттакон бир дарахтга секин ўрмалайман. Бир вақт қарасам, ўзим билмабман, тик тепасида турибман. Ҳовучлаб-жовучлаб гилос териб чүнтакларимга ти-қа бошлайман. Құққисдан хизматкор күкнори чол қайдандир пайдо бў-либ қолади. Жаҳлдан бүғилган, хуноб бўлган чол сўка бошлайди.

— Эй, туш, ҳароми!..

Баландда, чайқалиб турған новда устидаман.

— Ота, хотинлар күп. Сўкманг, уят бўлади-я!— дейман қичқириб.

— Пастга ҳозир туш, ҳароми!— ўдағайлайди чол.

Бир зум ўйлайман. Бу чолнинг қўлига тушиш ҳазил гап эмас. Мундоқ қарасам — гилос ёнида пастаккина ошхона турибди. Бир амаллаб гилосдан ошхона томига базур сакрайман-да, ура қочаман. Кўкнори чол «тавба-тавба, шум-э» деб ёқасини ушлаганича ҳайрон бўлиб қолади. Мен томдан-томга ўтиб, бемалол айланаб юраман. Томга тўкилиб эгилган новдалардан довучча, олча, гилосларни тўя-тўя ейман. Кейин пастгина девор топиб, ҳовлига ирғийман.

Зерикиб кўчага чиқаман. Болалар жуда кўп. Ўйинлар кўп — чизма-чизиқ, кепак-кепак ва ҳоказо. Кураш бошланади. Майдон катта, кенг, мўл. Болалар тўполон билан,чуввос билан курашга тушади. Булар 12-13-14 ёшлилар. Катталар тушса кураш зўр бўлади. Мен томоша қиласман. Ҳавас билан, юрагим билан берилиб томоша қиласман. Ўзим ҳам тушар эдиму, лекин юрак бетламайди.

Курашга катталар белбоғ билан тушади. Онабоши бўйни ғилдираж, хумкалла, кўкракдор. «Сан туш, сан дам ол!», «Э, мазанг йўқ, нуқул қоқиласан!» деб ўртада юради у. Болаларга белбоғ катта гап. Онабоши курашга тушадиганларнинг белбоғини боғлаб қўяди. Баъзи болалар «Хо, белбоғингиз бўш-ку, онабошимиз, кўринг бу кишинни!» деб жан-жал жўтаратадилар, қийиқлик қиласидилар. Үмуман, жанжал кўп. Баъзи ииқилганлар изза бўлганидан йиғлаб юборади. «Фирром бўлди, фир-ром, бошқатдан бошлаймиз» деб чатоқлик қиласидилар. Бир жуфт бола курашга тушади. Оҳо, нуқул пай, гўшти пишиқ, юраги бақувват, миқти йигитчалар. Буларнинг олдида аввалғилар бир пул! Курашининг чўққиси булатар эди. Кўтариб, чир-чир айлантириб, гум-гум бир-бирини ерга уради, лекин биронтасининг кураги ерга тегмайди. Онабоши жиддий тусда, берилиб таъқиб этади. Чорак кам бир соатми, хотиримда йўқ, бу иккала зўр кураш тушади. Иккови ҳам жиққа тер бўлади. Онабоши:

— Бас, бўлди, балли, оталарингга раҳмат! Икковингиз ҳам полюон чиқасиз,— дейди.

Курашчилар ҳарсиллаб ажралишади.

— Отинг нима? Қайси маҳалладан бўласан?— сўрайди бири иккинчисидан, терларини артиб, мағур ҳолда.

— Кўкчаданман, отим Бўтабой. Үзинг-чи?— сўрайди иккинчиси.

Ерга ўтириб олган биринчи курашчи:

— Шайхантовурдан бўламан. Ҳеч кимим йўқ. Ёлиз бир кампиру мен. Фишт қуяман. Ишим шу. Кўрдингми, билагим пай?— дейди қўлларига ишора қилиб.

Мен сўзга аралашаман:

— Қўйчада қариндошларим кўп. Танидим. Отанг сағрифуруш,— дейман биринчи курашчига,— лекин зўр полвон бўласан. Гўштинг нуқул пай!

Ҳазил-мазак билан ўтган-кетганлардан гаплашиб ўтирамиз.

Думбул олча ва гиолослар ичимни хўп сидирган шекилли, қорним жуда очади. Бизларга овқат беришни ҳеч кимса ўйламайди. Аста эшикдан келиб, бувимга ялинаман.

— Қорин оч ахир! Жилла бўлмаса бир бурда жон топинг! Тинка қуриди-ку?!— деб шивирлайман.

Эшон ойим ўлгур кўчадан келган тугун-тугун кулчалар, патирлар, ошларнинг барчасини қулф-калит қилган. Заҳаргина, мужмайган, муштумдай бир кампир қоровул эди.

— Жиндай сабр қијл, уят бўлади-я,— дейди лабини тишлаб бувим.

Фоят очман. Қечга яқин бемаза мошхўрди тортилади. Косанинг тағида, суюққина айнаган мошхўрдини топиб келади бувим:

— Ича қол! Табаррук ош!— дейди мени ўтқазиб.

Эшон ойимни сўка-сўка, очлигимдан косани бошимга кўтараман-да, бувимга энгасиб шивирлайман:

— Эшон ойимингизнинг жони пул. Сиз ҳам анча пул бергандирисиз, ҳа?

Бувим довдираб қолади:

— Вой ўлақолай, оғзингни юм-а, шум така! Гуноҳ бўлади-я! Эшон ойим эртаю кеч тоат-ибодатда, пок, асл аёл. Пайғамбарнинг авлоди, ҳмм...— жаҳл билан чимчилаб узиб олади биқинимни.

— Э, тавба!— дейман кўзларимни ола-була қилиб кампирга.— Пок аёлга пул нимага керак экан?

— Жим ўтири!— туртади мени бувим ранжиган оҳанг билан.

Косани бўшатиб, тақ этиб ерга қўяман:

— Буви, буви,— дейман паст овоз билан,— эшон ойимингизнинг тўртта жонон қизлари бор экан. Нариги ҳовлида қўриб олдим. Бир олифта, бир димоғдорки, бай-бай-бай, уларнинг пардоз-андозлари! Юришлари!.. Вой белим дейдилар-а! Нега эрга тегмайди улар?

Юзини буриштириб, қўзларини олайтириб юборади кампир:

— Бемаъни, бас энди! Шарманда қиласан мани...— яна чимчилаб, узиб олади.

Мен қотиб-қотиб куламан.

Намозгар бўлганда бутун қўшнилар билан бирга уйга қайтамиз.

— Ойи, овқат!— бақираман эшикдан киришим билан.

— Оч қолдингми? Наҳотки оч қолсанг шундай катта даргоҳда?— дейди таажжуб билан онам.

— Эшон ойим бирам қаттиқ, очкўз экан, унинг олдида бизнинг домла ҳолва-ку!— дейман токчадаги қутидан дарров жон излаб.

Бувим менга бир хўмрайиб қарайди,— аммо индамайди, терс бурилиб омборхонага кириб кетади. Онам олдимга бир коса угра оши қўяди. Косага қараб бурнимни жийираман-да, шошилиб ича бошлайман. Онам қаршимга ўтириб, юзида енгил табассум билан менга қулоқ солади. Мен ошни ича-ича, эшон ойимнида қўрганларимни оқизмай, томизмай гапираман.

* * *

Гоҳо, чиллак, ёнғоқ күнглимиизга тегганды арава ўйинини бошлаймиз. Қизлар, ўғыл болалар ҳаммамиз аравага тушамиз-да, нағбатлашиб, иккита-иккита бўлиб, аравани тортамиз.

Говкуш тор маҳалла, лекин кўчанинг бурилиш жойида жиндай майдонча бор, аравакашлар араваларини шу ерга қўядилар.

Арава болалар билан лиқ тўла. Мен от ўрнида, икки қўлим билан шотига ёпишганман. Тўсатдан, арава босиб кетади-ю, мен шотида осмонга учаман. Қайтиб ерга уриламан. Қўлларим узилди, товоналарим ёнди, дейман. Болалар қўрқанларидан бир зум нафаслари ичига тушиб жим қотиб қоладилар. Кейин аравадан дув тушиб, бошимга йиғиладилар.

— Қатинг оғрийди? Шикаст емадингми? — сўрайди Аъзам.

Ўрнимдан тураман-да, оқсоқланиб икки-уч қадам қўяман, кейин кулиб юбораман:

— Жиннилар, худди осмонга етдим дедим-а. Аравани босиб юбординглар.

— Ҳа, зарари йўқ, маза қилиб учиб тушдингиз,— кулади хаҳолаб Ҳожи.

Тағин аравага ёпишамиз. Шу пайтда новча, буришиқ юзи офтобда қорайиб кетган, бурни тешик чол аравасида келиб, қолади:

— Қоч-қоч, ҳаромилар! Ииқилиб ўласанлар-а! — бўғилиб бақиради чол.

Ҳаммамиз жим кўчанинг четига қатор ўтириб оламиз-да, ўзаро шивирлашиб, чолнинг бурнига, қалпоғига қуламиз. Чол тинкаси қуриган, ориқ, яғир хунук отини аравадан чиқаради.

— Бай-бай-бай, ўтиндай қоқланиби от бояқиши. Оламда йўқ шунақаси! — қуламиз ҳам, ачинамиз ҳам.

Чол қовоғи солиқ ҳолда, лаш-лушларини аравадан олади-да, отни ҳайдаб юборади. Ўрганган от бечора бошини қуи солиб, битта-битта ҳорғин қадамлар билан таниш эшикка кириб кетади. Чол аравани тузашиб киришади. Арава шалоқ, хароб. Унга тунукадан ямоқлар тушган. Фидиракка эски-туски темирлар қопланган. Ҳаммаси омонат. Антиқа арава!

Бизлар пичинг билан тегажаклик қиласиз:

— Аравангиз пишиққина, мустаҳкамгини, лекин жиндай шақиршуқири бор-да...

Чол офтобда тер тўкиб, икки қўли қоп-қора мой, аравасини тузаади. Дам араванинг гупчагига мих қоқади, дам мойлайди. Қора мойга бўялган қўллари билан юзидан терни бир сидирдими, юзи-кўзи бўялади. Бизлар бир-биримизни туртиб, қотиб-қотиб қуламиз.

— Алмисоқдан қолган арава. Уста омон бўлса, ҳали бу арава кўп ямалади... — шивирлайди Аъзам менинг қулогимга.

Шу пайт машҳур Расул ўрис келиб қолади. Гапига, чалакам-чатти рус сўзларини аралаштиргани сабабидан унга «Расул ўрис» лақаби қўйилган. Ҳалқ русчани сира билмасди, Расул ўрис унча-мунча сўзларни, айниқса русча сўкишларни яхши биларди. Новча, ингичка буришиқ юзли, кўзлари хунук, жаги олдинга чиқсан, қўлида ҳасса, бармоқларида катта-катта узук, тишларида доимо папирос.

— Марш, хулигандар! — бақиради Расул ўрис бизларга, кейин чолнинг бошига бориб ўдағайлайди. — Эй, сен, аравачи чол, пашол отсюда, свинья... Деворимни расво қилдинг-ку, кўтар аравангни! Қўзинг борми? Қара буни! — ҳассаси билан деворнинг шўралаган, нурган жойларини туртади, яна русчасига сўка бошлидай.

Чол жаҳлдан қалтираб, аравани кўчанинг нарги юзига судрайди.

— Э, манга қара, аблаҳ, деволингга нима бўлиби? Кўр бўлтур, девол жойида турибди-ку?— бақиради чол.

Расул ўрис ҳассасини кўтаради, бобиллаб чолга югуради:

— Своловни уриб ўлдирмасамми!..

Чол бўйинни чўзиб, бўғилиб, уят гаплар билан сўка бошлайди. Расул ўрис чалакам-чатти русчалаб сўкишини давом эттиради. У доим маст, бозорда эски-туски темир-терсак буюмларни, лаш-лушларни сотиб ўтиради. Русчани яхши биламан, деб мақтанади, аммо билгани фақат сўкиш.

Чол билан у ёқалашишга қадар етади. Маҳалла аралашади.

— Баҷағар, коғир, чурчит!— қичқиради чол хуноб бўлиб.— Эй, ҳалойик! Ўладиган бўлдим бу чурчитдан! Мен ишимни кўчада қиляпман, деволга қўл тақизганим йўқ! Арақни ичиб маст бўлади-да, ҳар кун ғалва қиласи, ҳеч кимга кун йўқ!

Расул ўрис ҳассасини кўтариб яна чолга ўдагайлайди, вагиллаб сўкади.

— Сан тўхтаб тур, палисага арз қиласи, ана шунда «ваҳ» дейсан! Ман арақни санинг пулингга ичибманми, гўрсўхта, падлес... Айт ҳозир!

Бир неча маҳалла қишилари ўртага тушади:

Полиция деганда ҳамма титрар эди:

— Бўлди-бўлди, бас. Жилла бўлмагандан соқолининг оқини ҳурмат қил,— деб алдаб-сулдаб Расул ўрисни уйига киргизиб юборадилар.

Маҳаллада ғавғо кўтариб турадиган қишиларнинг бири шу Расул ўрис эди.

* * *

Маҳаллада ҳеч ким йўқ, сув қуйгандай жимжит. Кўчага чиқаман, уйга қираман. Зерикканимдан ғалвир қўйиб мусича, чумчук тутаман. «Увол-ку!» дейди бувим, ойим мени қарғайди. Кун узун. Энди-энди ҳашаки олма пишган. Биз болалар эгаси боққа кўчиб жетган бир ҳовлиниг деворидан ошиб тушамиз. Олма баланд ўсган, кўп шохлари қуриган, қари. Учта бола олманинг устига чиқиб, ўлгудай қоқамиз. Тўйгунча еймиз, қўйниларимизни тўлдирамиз. Олма пахтадай, bemаза, қуртлатан. Ҳали биз олмадан тушганимизча йўқ, тўсатдан эшикнинг занжири шақирлайди. Эшик очилади-да, қаршимизда уй эгаси пайдо бўлади. Узун бир хилчин билан — билмадим дарров қайдан топган — болаларни шартта-шартта ура кетади. Аъзам, мен, Ҳожи олмада бўзрайиб ўтирамиз.

— Туш, зумрашалар!— бақиради бизга бошини кўтариб.

Биз оқариб, қалтираб жетамиз. Олмадан тушмасликнинг сира иложи йўқ. Қочишга йўл йўқ. Оёқ қўлларимиз қалтираб, секин дарахтдан тушамиз. Уйнинг эгаси нақ бошимизда, ҳавода хипчинни бир-икки айлантиради-ю, лекин негадир бизларни урмайди, пўлписа қиласи.

— Агар яна иккинчи девордан тушсаларинг, олмага тегласаринг, оёқларингни синдираман!— қичқиради кўзларига ғазаб тўлиб.

— Жон ака! Тавба қилдик, бундан буён сира тегмаймиз!— ялиномиз учовимиз ҳам бир оғиздан.

Ўй эгаси индамайди — уйга жириб кетади. Дарров ғир этиб қочамиз.

Қўёш оловдай, ёнади. Тупроқ чўғдай оёқца жаз-жаз ёпишади. Ҳавода доира чизиб, бир калхат аста айланади. Чумчуқлар уни хўп

лақыллатадилар. Яқын борадилар-да бирдан пастга шұнғиб кетадилар. Калхат алданади. Биз томоша қиласыз.

Кейин баланд, икки қават том устига чиқиб, жиблажибон боласини қидира кетамиз.

— Топдик, топдик!..— дейман шивирлаб. Тухум босиб ётган жиблажибон құрққаныдан пар этади-да, учыб кетади. Болалар ҳавас билан тухумни авайлаб ушлаб күрадилар.

— Тухумига тегмайлик, ўртоқлар,— дейман.— Тухумларни очсин, болачалари сал катта бўлсин, кейин келамиз.

Томма-том ўтиб, ҳатто Оқмачит, Баландмачитга қадар етамиз. Том иссиқ, ҳаво оловдай. Лекин биз ўйинқароқлар иссиқни писанд қилмаймиз.

Пулдорлар, бойваччалар пастдан туриб сүқади бизни:

— Эй, йўқолларинг томдан, нима қилиб юрибсанлар, гадойваччалар.

— Зихна бой! Сорон бой! Аҳмоқ бой!— деб қичқирамиз, кесак отиб қочамиз.

Кунлар шундай ўтади. Ҳар кун мактабга қатнаймиз. Үқиш жуда оғир. Қўп болалар олти йил, беш йил, тўрт йил ўқиб-ўқиб ҳафтияқда қочиб кетадилар. Үқишида мунтазам бир тартиб, қоида, айрим синфлар йўқ. Ҳаммамиз бир уйда, шовқун солиб, доимо баланд овоз билан ўқиймиз. Боғдорлар бутун баҳор, бутун ёз боғда бўлади. Шаҳарда қолганлар, шу жумладан мен, иссиқдан гаранг бўлсак ҳам, ўқишидан бесак ҳам, мактабга қатнаймиз. Боғдорларга ҳавасимиз келади, кошки эди бир парча боғимиз бўлса, деймиз.

— Ҳа, дадамлар айтдиларки, пулни йифиб-йифиб биз ҳам боғ оламиз,— дейди хўрсаниб бир бола.

— Боғ қиммат, пулни қисиб-қимтиб йиғса бўлади. Тоғамлар ҳаётта келгандан мири-мири пул беради, дарров қутига қулфлаб қўяман. Ахир бир кун оламиз-да боғни,— дейди яна бир бола.— Ўттиз, қирқ йилдан кейин олсак ҳам майли... Дадамлар айтадилар, тома-тома кўл бўлармиш.

Ҳаммамиз хаҳолаб куламиз.

— Боғ яхши нарса, лекин пул йўқ-да.

— Пул бўлса, чангалда шўрва. Биздақа камбағалларнинг ҳаммасининг аҳволи шу. Дадам сартарош. Пул йифиб бўладими! Қозон базўр қайнайди, бир кун атала, бир кун қора шўрва...— маъюс гапиради бир бола.

Мен хомуш ҳолда индамасдан ўтираман.

Мактабда, ҳовуз бўйида сояси қуюқ икки кўркам шотут бор. Домлам шогирдларга шу тутлар тагига кўчишни буюради. Тўполон кўтариб бўйраларни, домламнинг эски кўрпачаси ва тақир пўстагини олиб, тутлар тагига кўчамиз.

Тут пиша бошлиған, битта-яримта тушиб туради.

— Болалар! Қўринглар бўйра жуда титилиб җетибди. Бир сўлкавой бойларга, ярим сўлкавойдан камбағалларга!— дейди домлам ҳатъий бўйруқ билан.

Аксарият болалар, дадамларга пул тушганда олиб келаман, деб ҳар кун ваъда қиладилар. Айниқса қамбағаллар бўйра пули деганда, жуда хафа бўлиб, ташвишга тушадилар.

Иссиқ баланд. Даражаларнинг япроқлари қимир этмайди. Гоҳо бизлар иссиқдан, ўқишидан толиқиб, уйқу босиб, жиндей тиниб қоламиз. Шунда домлам тўсатдан қарсиллатиб саваб кетади ҳаммамизни.

— Тақсир, уч кундан буён Али келмайди, дараги йўқ. Ижозат берсангиз, уйига борсам,— сўрайди таъзим қилиб Аъзам.

Домлам Аъзамга бир ёмон хўмраяди ва жеркиб дейди:

— Утири! Уқи сабоғингни! — Кейин менга ва ўн беш ёшлардаги икки бақувват шогирдга буюради: — Топиб келинглар бадбаҳтни!

Севиниб ютурганча кетамиз учовимиз ҳам.

Алиниг уйи Жаркўчада.

— Ассалом алайкум! — деймиз Алиниг онасига. — Али қани? Излаб келдик.

— Келдингларми? — дейди севиниб онаси. — У дилозор нариги ҳовлида аргимчоқ учиб ўтирибди. Секин боринглар-да, таппа ушланглар!

Оёқ учида, битта-битта юриб борамиз. Ҳақиқатан Али аргимчоқ учмоқда. Бир четда гулзор оралаб, иккита жуда келишган чиройли қиз гул териб юрибди.

Аргимчоқ қайрагочга солинган. Али вақти хуш, жуда берилиб аргимчоқда учмоқда.

Тўсатдан босамиз Алини, Алиниг ранги қум ўчади, ўзини аргимчоқдан ерга ташлайди. Шеригимизнинг бири Алиниг қўлларини орқасига қайиради:

— Тез юр! Фиринг десанг чалпак қиласиз... — дейди дўқ қилиб.

Қизлар ҳайрон бўлиб, дам Алига, дам бизларга қараб, қотиб қолишиади.

Бола бир силтаб Алиниг қўлларини қўйиб юборади.

— Қани юр, жилдинги ол! — дейман мен.

Али бир дақиқа қалтираб, жим туради. Кейин, қовоғи солиқ, ердан кўзини узмай дейди.

— Домлам баджаҳл, уради... Бугунча тегманглар менга, эртага ўзим бораман, — ялинади бизларга.

— Юр, ўртоқ, ўқиши осон эмас, қудуқни игна билан қазиш деган гап, — дейди болаларниг бири юмшоқ товуш билан, — лекин ўқишини ташлама, кейин ачинасан.

Олифта қўшни қизлар қовоқлари солиқ, хомуш ҳолда уйга кириб кетишиади. Али бўшашиб, жилдини бўйнига осади-да, олдимиизга тушади. Аммо қўчада бир йиқилган девор олдига етганда Али қочиб қолади. Дув этиб, учовимиз ҳам қуба кетамиз. Али пастажкина девордан ошиб иккинчи бир ҳовлига ўзини уради, ундан нарвон билан томга чиқиб кетади.

— Томга қочсанг оёғингдан, ерга кирсанг қулоғингдан тортамиз!

— Қочиб қутула олмайсан!.. — дейди жаттароқ шогирд.

Учовимиз ҳам нарвонга ўрмалаймиз. Али томнинг у четидан бу чотига қочади, лекин иложи йўқ. Биз қувлаймиз. Ахир тутиб, нарвонга сургаймиз. Алиниг нафаси ичига тиқилган, энтиккан.

— Қўйворинглар, ўзим тушаман. Хўп, мактабга бораман, — дейди Али.

Мен ва шогирдлар хўмрайиб Алиниг қўлини қўйиб юборамиз. Бирдан Али орқа томонга ирғийди. Томнинг нариги томони пастак экан, Али ўзини ерга ташлайди:

— Қочди, қочди! — қичқираман кўзларимни Алидан узмасдан.

Болалар томдан иргиб, қуба кетишиади. Нарвондан юмалагандай тушиб, мен ҳам югураман. Али ўқдай чопади. Лекин болалар ҳам, хафсаними деб, қувлашади. Али тўлпа-тўғри Шайхантовурга қараб кетади. Биз орқасидан югурамиз. Ҳар бир дуч келган одам ҳайрон бўлиб, орқамиздан қараб қолади. Ҳаммамизнинг нафасимиз ўткамизга тиқилган, чарчаган, чанқаганмиз.

Ахир Алини тутамиз. Қўлларини орқасига қайириб, ўзининг белбоғи билан маҳкам боғлаймиз-да, сўкиб, уриб мактабга сургаймиз.

— Йўқ, бормайман! — дейди Али оёқларини тираф.

Ү қалт-қалт титрайди. Дүк қиламиз, ялинамиз — бўлмайди. Кейин икки бола икки қўлтиғида, орқасида мен, итармалаб, сургаб, жўнаймиз.

Али бақириб йиглаб, тепсиниб, қўлларимизни тишлайди. Боққоллар, қассоблар кулишади.

— Мактабдан қочдими? Жазоси, сургандар!

Оқмачитга етганда Али йиглаб, ялинади. Индамаймиз, сургаб мактабга олиб кирамиз. Учовимиз бир-биримизнинг сўзларимизни бўлиб, баъзан учовимиз ҳам бирдан ҳаммасини домлага сўзлаб берамиз. Алиниг кўзлари ерга қадалган, қовоғи солиқ, қалтираб турибди. Қўлларини бўшатиб юборамиз. Домлам лабларини қаттиқ қимтиб, ҳамчини кўтаради. Учовимиз бирга ялинамиз.

— Тавба қилди, тақсир, энди қочмайди. Бизларга хўп ваъда қилди, сира қочмайди. Жон, тақсир!..

Домлам аста ҳамчисини кўрпачаси тагига қўяди.

— Ўтириб, ўтириб! — қичқиради хўмрашиб.

Али ҳолсиз бир оқариб, бир қизариб, тапла ерга ўтиради-да, китобини очади.

Тўп отар чоги. Мен Аъзамнинг ёнига ўтириб китобимни очаман. Алини тутиб келиш воқеасини Аъзамга батафсил аста-секин шивирлаб ҳикоя қильмоқчи бўлсам, домлам ялт этиб ўқраяди: «Ўқи!»

* * *

Ҳар кун мактабдан қайтар эканман, бирров кўриб чиқай деб, бобомнинг дўконига кираман. Халфалар, шогирдлар иссиқдан куйиб, тер қуйиб, ишлаб ўтирадилар. Бир кун мактабдан қайта туриб яна бобомникига кираман. Бобом намозга кетган экан, дарров ҷармдан ҳатчўп, бизбизак кеса бошлаймиз. Бизбизакни ипга тақиб, физ-ғиз ўйнайман. Бирдан бобом келиб мени койииди:

— Э-э, бу нима қилганинг, увол-ку ахир! — ранжиган товуш билан гапиради. — Ўзинг яхисану лекин шўхсан-да, тентак!

Маҳаллада маҳсидўз кўп. Бобом менга иш буюриб, ширач, шон олиб кел, деб уста ўртоғиникига юборади. Қинғир-қийшиқ кўчалардан югураман. Устанинг уйи хийла узоқ. Халфа, шогирдлар билан иш тикиб ўтиради. Устанинг ташқари ҳовлисида қайчи райҳон, сада райҳон, гултоҳихўролар яшнаб турибди. Айниқса гулхайрилар кўп. Ҳазиллашиб, мени бир оз гапга тутади.

— Шоним йўқ, ўғил, ажина ўғирлаб кетди, — бирпас сукутдан сўнг, — лекин қурвақадан кўп...

Жуда жаҳлим чиқади. Маҳалламиизда ҳамманинг лақаби бор, лақабни яхши кўрадилар. Лекин бобомни қурвақа десалар, жаҳлим чиқиб кетади. Зерикиб ўтирган халфалар майна қилишни яхши кўришади. Озгина тамакини серсоқол, филай, тили чучук, қаригина халфа кафтида яхшилаб эзади ва чилимга солиб тутатади.

Менга қараб:

— Татиб кўр, акаси, кайф қиласан!

Йўқ деганимга қўймасдан оғзимга тиқади. Мен тортмасимдан илгари чилимингт орқа тешигидан кифлаб юборади-да, оғзимни заҳар сувга тўлдиради, ичимга сув кетади, ўқчиб-ўқчиб йўталаман. Халфани сўкаман. Ҳаммаси кулгидан қотиб қолади.

Шонни ва ширачни олган замон, тура қочаман. Лекин ҳовлига чиқиб олгач: «Бўрдоқи!» деб сўкиб қочаман. Уста ёлғондака, пўписа қилиб, шогирдларига:

— Ушла, ушла, чурвақани ушла! — деб кулиб қолади орқамдан.

(Давоми бор).

ЯНГИ ШЕТЬРЛАР

Мамарасул БОБОЕВ

Йилдан-йил кўркам...

Гупиллатиб ёғди сўнгги қор оқшом,
Тун бўйи яйради ётиб оппоқ қишиш,
Пахтага бурканган гўё дарахт, том,
Утказмас салгина тиқ этган товуш.

Олам жим. Тинглайман тун сукунатин,
Фақат қалб соатим желар «тиқ-тиқи».
Қор ҳамон тахлайди устма-уст қатин,
Беозор урилар совуқнинг тифи.

Ложувард уфқдан оловланди тонг...
Томчи-томчи эрир тарновлар яхи,
Парс-парс қулар шохдан қорлар бедармон,
Тонг ортида кучли баҳор бор, ахир.



У тездан шабада бўлиб туради,
Шодликларга тўлар еру осмон.
У тездан боғларни ясантиради,
Олчалар бўйнига тақади маржон.

Янги каналларнинг лабидан ўпио,
Дарё бўлиб сқар тоғлар жилғаси.
Янги бўstonларнинг осмони тўлиб,
Ҳаётни олқишлилар қушлар нағмаси.

Гуркираб яшнайди наврӯзи-олам,
Йилдан йил янги-ю, йилдан йил кўркам!..

1962 йил.

Биринчи муҳаббат¹

Ширин сўзларингга мен ташна бўлиб,
Келарди лабингга боқиб ҳавасим,
Порлардинг қаршимда ҳуснга тўлиб,
Қилмадинг ёшликда бир бор табассум.

Жавоб ҳам ёзмадинг хатимга у дам,
Худди рад этилган муҳаббатсимон.

¹ Бу шеър танқиднинг мақтоз қисмига бағишланган. (Автор).

Бир бор чаманимга қўймадинг қадам,
Бир қиё боқишинг қилмадинг эҳсон.

Васлинг орзусида, э соҳибжамол,
Кутардим ўртаниб ўша ёшлик чоқ,
Ўтардинг тирсиллааб, мағрур, баркамол,
Ҳар йўл, ҳар муюшда мен сенга муштоқ.

Мен ойдай кўрардим сенда баҳтиими,
Айтишга ҳаёдан лол эдим аммо.
Сезсанг ҳам шунчалик муҳаббатими,
Бир илиқ сўзингни кўрмадинг раво.

Қайда эдинг? Бугун юзимга боқиб,
Сочларимни силар дўмбоқ қўлларинг.
Номимга қандайдир хислатлар тақиб,
Қулоғимга кирар илиқ сўзларинг.

Биламан, гўзаллар одатин тутиб,
Бўлдинг дабдабаю шуҳрат мафтуни;
Ҳашамларда юрдинг, мени унутиб,
Ловуллатиб дилда рашиким ўтини.

Қуруқ безак, шуқрат, бўёқ ўша кез
Баъзилар ҳуснини очганди бехос.
Сендан умид узиб, мен ҳам камтар қиз —
Меҳнатнинг Қизига уйланганим рост!

Унинг муҳаббати мени йўғурган,
Садоқати шундай сайқал берганки,...
Бугун нигоҳингни менга тушурган,
Табассум қилдирган ўшадир балки.

Бугун меҳр билан юзимга боқиб,
Сочларимни силар дўмбоқ қўлларинг.
Номимга қандайдир хислатлар тақиб,
Узатасан ҳатто хушбўй гулларинг,

Нима деяй сенга? Мен лутфан хурсанд,
У ошиқ йилларим ўтса ҳам, жонон,
Қаршимда чўғ бўлиб ёниб турибсан,
Ёшлигу биринчи муҳаббатсимон!

Кўришганимиздан мен лутфан хурсанд!

1961—1962 йил.

M a k t u b

(Файз Аҳмад Файзга)

Үй сурдим жўз юмиб, ёпиб китобинг,
Жангу жадалларда тўйдим ҳаётинг.
Дам ошиқ, дам маҳбус, дам ҳофиз, шоир —
Ҳар сифат, унвонта тушади отинг.

Бунча оловнафас десам байтларинг,
Юрак қонинг экан — қирмиз давотинг.
Сен яшайсан, дўстим, қадим Лоҳурда,
Балки қил устида ҳаёт-мамотинг?
Яна у тош-темир қафасдамисан,
Зиндан харсангларин тешарми оҳинг?
Тунги ғалаёнлар чароғимисан?
Амалдорлар ҳайрон билмай ҳисобинг?!



Ё газал устида тўжмақдасан ёш,
Дафтаринг қорайтиб ёндирап оҳинг?
Қайси вазиятда бўлмагин, шоир,
Биламан, мунтазир эркка нигохинг.

Эсла, Тошкентим, бу шер юрак ўғлон
Бўлган эди сенинг азиз меҳмонинг.
Унга жаннат бўлиб туялган эди
Корхонангубоғинг, кўчанг — ҳар ёғинг.
Эркин нафас олди тоза ҳавонгда,
Ҳамдам эди эркин қизу ўғлоннинг.
Сенга шеърларин йиғлаб ўқиди,
Ёкут кўз ўшларин ўпди тупроғинг.

Бугун уни эслаб қайнади қўнглим,
Дейман: дўстлар сақлар юракда номинг!
Маррурлан, сен баланд, ёруғ шоирсан,
Қуёшдек шафакда топдинг камолинг.
Яхшиям сен борсан, шарқ зулматини
Яшиндек кесасан ҳайқирган чоғинг.
Шундан қувонаман, Покистонга ҳам —
Баҳор файзи тушар, безар бўстонинг...
Унда ҳали тирик юрган шайх, соҳиб
Зулму тақво билан бўемас илҳоминг.
Хорижий жаноб ҳам соя солотмас,
Ўз сайқалин топар олтин тупроғинг.
Умринг, ижодингга файз тилайди
Жавобингни кутиб ўзбек ўртоғинг.

1962 йил. февраль.

Олмослар

(Николай Асеевдан)

Кўмир ўхшар худди олмосга,
Бир йил эмас, минг йиллар ўтгач.
Шундай секин кўринар кўзга
Халқ ичиди шоир бўй етгач.

Ер бағрида қандай етилар,
Олмос қандай топар камолин?
Ер бағрида қандай касб этар
Юлдузларнинг сокин жамолин?

Кимё-ку билар, албатта,
Табиатнинг бундай ҳикматин.



Күп қиррали ва унинг ҳатто
Ойна каби сип-силлиқ қатин.

Бу күмирми? Бу шундай нарса,
У асрлар қанчалик боссин,
Акс эттирган ўзида обдан —
Иссиқ қора аланга билан —
Оппоқ қорнинг тиниқ жилосин.

Хуллас, сунъий бир талант билан
Ижодда ҳам йилт этиб бўлмас.
Ахир, асл бриллиант билан
Ясамани тенг қилиб бўлмас!

Билмадинг

ФАЗАЛ

Сайр этиб ўтдинг чамандан, севганим, ёр, билмадинг,
Ташнадир шундан бўён бу боғу гулзор, билмадинг.

Бу ҳаёт бўстонида гуллар, чечаклар беҳисоб,
Энг асл гулларни тутдим сенга, дилдор, билмадинг.

Шодлигим, баҳтим десам, сен келмадинг холим сўраб,
Умру оромимни олдинг э жафокор, билмадинг.

Мехринг ўти мангу қолди нур сочиб жоним аро.
Мен ҳамон ёдинг билан тун-кеча бедор, билмадинг.

Уҳшатолмайман бўлакка ҳусну одобинг ҳануз,
Сен билан юрт фаҳр этар; мен сенга ҳуштор, билмадинг.

Васл умиди бирла дилдан юксалар доим наво,
Найлайн, созим ҷалиб қилсан-да изҳор, билмадинг.
1962 йил.

Ҳаёт—кураш ва меҳнат

Эркалиkdir —
Илк бор алдаган мени;
Билган куним кўкнинг мовийлигини
Ҳаётни у шундай қилганди изҳор:
— Беташвиш ёшлиги ҳамиша баҳор!..

Шунда, билакларим шимариб хурсанд,
Ҳаёт неъматига қўл чўзганим тоғ:
«Унга мени ошмай ета олмайсан!»—
Деб меҳнат йўлимни тўси мисли тоғ.

Кулмади. Шафқат ҳам қилмади зинҳор,
Шунда билдим: ҳаёт — кураш ва меҳнат.
Шу курашга доим турдим мен тайёр,
Чиникдим жаранглаб гўёки пўлат.



Оғирнинг устидан, енгил остидан
Йўл излаганларга ошди нафратим.
Инсон рози бўлар ҳалол дўстидан,
Ҳалол меҳнат бўлди завқим, улфатим.

Сўнгра. Ҳар бир янги бахтга интилсам,
Ўзимни чоғладим меҳнатига ҳам;
Ким ҳам исинибди ўтин қаламай?
Ким олтин топибди тупроқ яламай?

Курашдим, ишладим, едим беминнат,
Ҳамиша тикдим мен пок виждонимни.
Шунча сайқал берди кўксимга меҳнат
Ҳатто олмос қилиб юборди дилни.

Шундай сингиб кетдим она-Ватанга,
Керакман зарур бир аъзодек танга;
Чўлидан сув бўлиб эсиб ётибман,
Тогидан йўл бўлиб кесиб ётибман.

Бу сувдан юртимда чаманлар унгай,
Бу йўлдан авлодлар баҳт томон юргай!
Сендан миннатдорман, ҳалол меҳнатим,
Сендан миннатдорман, пок муҳаббатим!

1961-62 йил.

Қизимнинг хати



Чинни жарангидай шодон кулкингни
Жуда ҳам соғиндим, ширин қизгинам,
Даволайин дейман хаста кўнглимни,
Сенга отилади у ёриб сийнам.

Эй ям-яшил водий, эй чаман, сенинг
Унга тенг келолмас кўркинг, зийнатинг.
Эй майин шамоллар, бориб у қизнинг
Қўнгир соchlарини бир силаб ўтинг!

«Соғмисиз? Соғиндим сизни, адажон!»—
Соғинишини ҳали билмассан дердим,
Дафтариң варагин кўзимга сурдим,
Соғ деб ўйнайвергин мени, онажон!

Ўзинг шифоладинг хаста кўнглимни;
Энди тоғдан тоқقا ўтгим келса-да,
Бу шўх оҳуларни тутгим келса-да,
Сен учун эҳтиёт қиласман уни.

Сенга атаганман боқий умримни!..

Кисловодск.

Қуллук

(Мукофот учун)

Мен сендан күп нарса сўрамайман, йўқ,
Ойнагимдан тушган нуриңг ўзи бас,
Муаттар ҳавонгдан ололсам нафас;
Беғубор осмонинг мен учун қутлуқ.

Сенинг порлоқ баҳтинг — менинг умидим,
Гулдай ҳаётингга қалбим ҳадия.
Агар керак бўлса жоним, ма, дея
Тутмоқ учун сенга тайёрман, Юртим!

Дунёга сени деб келганлигим рост;
Меҳнату ташвишинг — мен учун роҳат.
Мен шунда топаман ўзимни ҳар вақт,
Бу оламда менга ўзинг бекиёс.

Бекиёс мөхримдан ҳамма қолар тонг,
Севганимдан кўзда нам кўринади,
Қанча меҳнат қиласам, кам кўринади,
Маҳкамроқ боғлайман белимни ҳар тонг.

Менга жўп нарсанинг кераги ҳам йўқ,
Мана бугун: «Ўғлим, ҳорма!» дедингми?
Қанча куч берганинг менга, билдингми?
Шу бас менга.

— Бор бўл!

Минг марта қуллуқ!..

1962 йил.

Расмларни Баҳтиёр БОБОЕВ ишлаган.



~~Сизни Яна қаңон~~ Күраркинман?

Ҳикоя

I

Холдор Қўзибоев касалхонага қандай тушиб қолганини билмайди. Аммо кеча кечқурун самолётдан тушаёттанды бирданига ўзида беҳоллик сезгани эсида. Кейин пассажирлар залига киргани, ундан кейин касса олдига келиб, билетини юзи сепкилли кексароқ бир хотинга кўрсатгани ҳам хотирида.

— Ригагами?— деб сўради аёл ва чеҳрасига хиёл табассум юргури.— Кечикдингиз! Энди эртага келинг. Бронингиз борми?

Кассир хотин билет четига ёзилган ҳарфларни узун, юпқа бурнининг олдига келтириб, тикилиб қаради-да, яна:

— Эртага. Соат ўндан қирқ минут ўтганда келинг!— деди.

— Эртага?!— Қўзибоевнинг таъби хира бўлди.— Демак, шаҳарга бориб тунашим, эрталаб эса...

Кассир хотин унинг сўзини бўлди:

— Шаҳарга бормасангиз ҳам бўлади. Сиз транзит йўловчисиз. Аэропорт меҳмонхонасида тунашингиз мумкин. Мана буни олинг!— деди-да, кичкинагина тўрт бурчак қоғоз узатди:— узоқ эмас. Сквер орқасида.

Қўчада февраль шамоли эсар, капалак бўлиб ёғаётган қорни учирив ўйнар ва йўловчилар бетига келтириб уради.

Қўзибоев меҳмонхонани топди. Навбатчи хотин уни иккинчи қаватга бошлаб чиқди, чироқни ёқмай, хонадаги бўш каравотлардан бирини кўрсатиб, ўзи чиқиб кетди.

Булар Қўзибоевнинг эсида. Яна навбатчи хотиннинг:

«Сизни қай маҳал уйғотай?» деб сўрагани, унга: «Безовта бўлманг, мен ўзим...» деб жавоб бергани ҳам эсида.

Кейин ҳалиги хотин унга чой олиб келди. У қоронғи уйда чой ичди...

Буларнинг ҳаммаси эсида. Аммо у учинчи хирургия бўлимининг бир юз ўттиз биринчи палатасига қандай тушиб қолди? Қўзибоев буни билмайди.

Бироқ касалхонанинг ўз қонун-қоидалари бор. Касалларни қабул қиласидиган ҳона врачидан ўтиб, эгнингга касалхона либоси — ёқасига уч бурчак тамға босилган кўйлак, йўл-йўл халат кийдирилиб, врач касалингнинг нималигини ёзид олдими, бас, шу пайтдан бошлаб сенга янги, «бемор» деган аллақандай мавҳум ном берилади. Шу дақиқадан бошлаб тамоман врачлар, ҳамширалар ва энагалар измида бўласан. Уйда ва иш жойингда ким бўлганлигингчинг бу ерда ҳеч аҳамияти йўқ. Бу жиҳатдан бизнинг транзит йўловчимиз ҳам ана шу ҳолга тушиб қолди.

У деразага қараб, күл ранг осмондан капалак-капалак бўлиб тушаётган қорни кўрди. Кейин назарини дераза олдилаги каравотга тикид. Каравотдан унга иккита тим-қора кўз тикилиб турар, қўзининг оқи эса юзини яна ҳам қорайтириб кўрсатгандай эди. Қопқора жингалак сочи қалин. Улар хийла вақтгача, бир-бирини унсиз синашгандай, ўз ўринларида қимирамай ётиши. Бу сукутдан Қўзибоев ўнғайсиз ҳолга тушиб, ўгирилиб олди.

Ниҳоят, сукутни ғалати, қулоқ ўрганмаган талаффузда айтилган сўз бузди:

— Комрад! А комрад! Қаерликсиз?

Қўзибоев сесканиб тушди. Бу сўз ўзига айтилаётганига унча ишонмай, унга қия боқди. Каравотда елкадор, қўйма гавдали йигит ўтиради. У ўнг оёғини узатиб, чап оёғини бувлаб тагига босиб олган, қўллари эса кўкрагида.

— Афв этасиз, мен француз тилини билмайман,— деди Қўзибоев инглизчалаб.

— Қимсиз? Қаердан келдингиз? Қасалингиз нима?— деб сўради қўшниси. Унинг инглиз тилини анча ёмон билганлиги сўзларни ўйлаб зўрға топишидан билиниб турарди.

— Нималигини билмайман, сира билмайман,— деди Қўзибоев.

Остонада ҳамишира пайдо бўлиб, профессор келаётганини хабар қилиши билан сұхбат бўлинди.

Профессор кириб келди. У баланд бўйли мўйсафид эди. Лекин кексалик белини анча буқкан. Қиёфасидан ўз ҳәётини бошқаларнинг сиҳатига бағишилаб, ўз соғлиғини унугтган одамлиги кўриниб турарди.

Профессор кетидан доцент ҳамда врачлар палатага кириб келгандан кейин оппоқ юзли, сочига оқ оралаган аёл врач Қўзибоев каравоти ёнида тик туриб, аниқ ва босиқ товуш билан доклад қила бошлади:

— Бемор Қўзибоев. Кечаси қирқ ўндан бир иссиқ билан аэропорт меҳмонхонасидан олиб келинди. Тахминий диагноз — абцесс...

— Абцесс? Нимадан?— деди унинг сўзини бўлиб профессор. Беморнинг қорнидаги катта, хунук чандилган чок ўрнини ва қизил доғларни кўриб, бошқа касал деб ўйлади шекилли. Лекин врач хотин профессорнинг кўнглидагини фаҳмлаб, дарҳол изоҳ берга бошлади:

— Иўқ, иўқ, Александр Васильевич! Бу, афтидан, эски дард кўринади.

— Дард ҳеч маҳал якка келмайди,— деди профессор bemорнинг ҳолатини енгиллатиш учун жилмайиб. Кейин унинг томирини кўра бошлади.— Иссиғи неча даражада? Анализи ҳали тайёр эмасми?

— Иссиғи — ўттиз саккизу ўндан икки. Анализи кечқурун тайёр бўйлади.

— Нима беряпсизлар?

— Ҳозирча пенициллин билан юрак дориси. Рентгенолог келиши билан...

— Томирининг уриши бир юз йигирма икки,— деди профессор.— Қаердан келдингиз?— деб сўради у Қўзибоевдан.

— Тошкентдан.

— Тошкентдан? Воҳидовдек мутахассисларнинг бўла туриб, учминг километр йўл босиб келдингиэм?

— Мен сизга келганим иўқ.

— Бизга эмасми? Ажабо, гапингизга тушунолмаяпман.

— Мен ҳам.

Профессор ҳайрон бўлиб жим қолди ва стулини bemорнинг каравотига яқин суриб ўтириди.

— Қаддингизни ростлаб ўтиринг. Кўйлагингизни кўтаринг. Мана бундоқ... Яна кўтаринг. Ҳа, баракалла...

Беморни одатдаги текшириш бошланди. Профессор қулогини bemor-ning кўйраги ва орқасига қўйиб эшилди. У Қўзибоевни гоҳ йўталтириди, гоҳ чуқур нафас олдирди, гоҳ олдига эгилтириб кўрди, ниҳоят ўрнидан туриб:

— Рентгенга. Шу бугуноқ! — деди.

Профессор дераза олдидаги каравотга ўтди.

— Салим Режаб Бин-Фози,— деди врач бу қўшалоқ номни зўреа айтиб.— Кеча кечқурун университетдан олиб келинди. Йигирма икки ёшда. Оёғидан ўқ еган... Олти йил бўлган. Кеча «Метрополь» зинапоясида қокилиб кетибди.

— Сабр қилинг, Зинаида Петровна,— деди профессор унинг докладини тўхтатиб, Салимнинг тиззасини диққат билан кўриб, кейин ундан:— қаерда ярадор бўлгансиз? — деб сўради.

Бемор жилмайиб, оқ тишларини кўрсатиб, жим тураверди.

— Оёғингиз... — деди Зинаида Петровна бармоғини bemorning оёғига тираб, бир қўлининг бармоқларини тўппончага ўхшатиб.— Қаерда ярадор бўлгансиз? Тушундингизми?

— Оёқ!... Ҳа-а! — деди Салим тилга кириб ва яна жилмайди.— Француз... Автомат! Тир-р-р... Үқ... Марокаш... Тўнтариш.

У француза сўзга русча аралаштириб тушунтиришга уринди.

Врачлар ҳайрон бўлиб бир-бирларига қарашди.

— Нимага ҳайрон бўласиз,— деди профессор,— Африка зулмга қарши туғён кўтарди, озод яшашга отланди.— У яна bemorдан сўради:— Оёғингизни операция қилганимидилар?

— Ҳа,— деб бош қимирлатди Салим,— олти марта!

— Қаерда?

— Қасабланкада.

— Ким операция қилди?

— Французлар.

Профессор кўзойнагини пешонасига кўтариб, bemortga ҳайрат назари билан тикилди:

— Бу нимаси? Аввал автомат билан тир-р-р-р, кейин операциями? Тушуниб бўлмайди буни.

Бин-Фози француз ва рус сўзларини аралаштириб, имо-ишоралар билан тушунтиришга киришди:

— Исёнчилар ўқи теккан бунга, аммо операцияни... ҳа, французлар икки хил-да! Бизда ватанпарварлар ёнини оладиган, ярадор мароқашликни операция қиласиган французлар ҳам кўп.

— Кўп! — деди профессор, бош ирғаб bemorning сўзини тасдиклади,— тўғри айтасиз! Ватанпарварларга ўқ отмайдиган французлар ҳам кўп. Бироқ афсуски,— деди секингина Зинаида Петровнага ўгирилиб,— энди оёғи сира эгилмайди.

Салим профессор нима деганини пайқади шекилли:

— Биринчи марта ошнамнинг отаси операция қилувди, уйимизда. Пул олмаган... қўлида зарур асбоблари ҳам йўқ эди. Чунки ҳукумат ватанпарварларни касалхонага олишни тақиқлаб қўйган.

— Ҳалқаро қонун-қоидаларни ҳам оёқ-ости қилгандар,— деди профессор дарғазаб бўлиб.— Бемор ким бўлса бўлсин, уни врач қарashi шарт. Мана энди кўриб турибисизки, вақт ўтган. Суяклари битишган. Операция қилиш...

— Йўқ, йўқ,— деди Зинаида Петровна,— Патрис Лумумба номидаги университетдан унинг дўстлари келишди. Оёғини кесиш...

— Ҳеч-да! Кесиш деган сўзни тилга ҳам олманг! Мен операция ҳақидагина гапирдим. Тизза бўғинларини операция қилишни айтдим.

— Салим Режаб бир ярим ой олдин Москвадаги түрттинчи касалхонада даволанган. Касабланкада олингап рентген сурати ўша ерда қолган,— деди Зинаида Петровна.

Профессорнинг чеҳраси ёришди:

— Одам юборинг, олиб келсин! Ўша суратни албатта кўриш керак.

Кесиши... Бу сўёни эшишиб, Салим безовталанди. Ниманидир сўрамоқчи бўлиб ҷоғланган эди, профессор бошқа беморни кўришга ўтди, врач ва ҳамширалар унинг кетидан эргашди. Салим уларни тўхтатишга ботинолмай, орқаларидан қараб қолди.

II

Лиза коридорга кириб келганда докторлар беморларни кўриб бўлган эди. Унинг кўзлари тўла ёш. Зинаида Петровна уни кўриши биланоқ норози охангда:

— Қаерда йўқолиб юрибсиз? Нимага профессор беморларни кўрган пайтда хозир бўлмадингиз?— деб сўради.

— Иккинчи хирургияда эдим...

— Яна иккинчи хирургияда! Икки ярим ой бўляптики, сиз ҳар куни иккинчи хирургиядасиз. Қачон бу ҳол тугайди?

— Тугади! Энди тамом тугади!— деди ҳамшира ва ўзини тутолмай ҳўнграб йиглаб юборди.

— Нима бўлди? Ёки Аркадий...

— Оламдан ўтди. Унинг ҳеч кими йўқ эди.

— Бечора Аркадий,— деди Зинаида Петровна ва бошқа ҳеч нима демади. Уч йил муқаддам ўз эри шу бўлимда вафот этганда ҳам у худди шу сўзларни айтган, лекин уйда уч ой муттасил йиғлаган эди. Ўликни тирилтиrolмайсан, палаталарда эса тирик беморлар ётиди, уларни ўлимдан асрамоқ керак...

— Ўзингизни тутинг,— деди Зинаида Петровна юнатувчи оҳангда.— Бориб қаранг, рентгенолог келдимикин. Қўзибоевнинг ўпкасини рентгенда суратга олиш керак. Тез боринг!

Лиза лифтга чиқиб кетди.

Қўзибоев эса бу орада каравотда ётиб ўйларди: «Абцесс? Рентген? Ригага бориш нима бўлади? Трансформаторлар-чи?».

Холдор Қўзибоев улкан гидроэлектростанциясида бош инженер бўлиб ишларди. Трест бошлиғи унинг тажрибаси ва ташкилотчилик лаёқатини эътиборга олиб, Ригага электр асбобларини қабул қилишга командировка қилган эди. Йўлда ана шундай ҳол юз беради деб жим ўйлабди?

Хонага кириб келаётган Зинаида Петровнани кўриб, унга деди:

— Доктор, мен бу ерда кўп ётаманми? Мен сизга айтсам, бекор ётишга ҳеч вақтим йўқ...

Врач ҳайрон бўлиб унга қаради-да, ўзини тутолмай, жилмайди:

— Касал бўлишга фурсатингиз йўқми? Қизиқ! Бу ерда қанча ётишингиз хусусига келганда... ҳали ҳозирча аниқ бир нима деб бўлмайди. Буни анализлар кўрсатар. Абцесс мураккаб касал.

— Ундан бўлса трестга телеграмма юбориш керак эди.

— Телеграмма юбордик. Безовта бўлманг. Сиз ҳозир рентгенга борасиз. Нонушта қилдингизми? Лиза!— деб чақирди ҳамширани эшикка ўгирилиб,— гаплашиб келдингизми?

— Ҳа, соат иккига.

— Беморни ўзингиз олиб борасиз. Тушундингизми?

Зинаида Петровна палатадан чиқиб кетди. Салим оёғини ерга осилтириб, деворга суялиб олди-да, соддадиллик билан жилмайди:

— Мени ҳам олиб борасизми, Лиза?

— Сизни хам. Аммо рентгенга эмас, физиотерапияга. Мен билан бирга борасиз. Тартиб шунаңа.

Лиза Салим билан уч ой олдин университет концерт залыда танишган эди. Уни бутун эрталаб учинчи хирургия бўлими палатасида кўриб ҳайрон қолди. Унинг назарида, Салим ўша концерт залыда бутунлай бошқача эди. У уни ингичка ботинка, тўқ жигар ранг костюм кийган, туғунини кичкина қилиб узун галстук тақсан, тим кора, калта жингалак сочини қунт билан тараф олган эди. Француз мустамлакачилардан Марокаш ёшларига мерос бўлиб қолган олифталик сал билиниб турарди. Бу ерда, касалхонада эса, Салим бутунлай бошқа. Эгнида кўк йўлли сариқ пижама, оёғида эски туфли.

— Сизга нима бўлди, Салим? — сўради Лиза эрталаб ундан. Салим эса индамай, илжайиб тураверди.

Қиз нимани сўраганини унугандай эди. Унинг хаёли бошқада... болалиги бирга ўтган, бутун умрини бирга ўтказмоқчи бўлган йигитда, архитектура институтининг охирги курсида ўқиб турган Аркадийда эди. Аркадий билан Лиза бирга турмуш қуришни орзу қилишарди. У институтни битиради. Лизага уйланади. Лиза эса Москвадаги иккинчи медицина институтига ўқишига киради. Хўш, кейинчи? Қейин иккаласи Олтой ўлласига ишга кетади. Энди эса бу орзуларнинг ҳаммаси бирданига учди-кетди.

Лиза йигларди. Нима қилсин? Қисмати шу экан-да! Кўз ёш тўкканинг билан оламдан ўтган севикли кишигни қайтариб олалармидинг? Аркадий ўлган, бари бир, уни тирилтиrolмайди. Лиза энди факат тирикларни ўлашиб керак. Бу тириклар эса, палаталарда ётибди. Улар тирик қолсин десанг, уларга ёрдам бер. Салим... иродаси кучли, бардам бу ёш йигит ўлмасин. Салим-а? Йўқ, у ўлмайди. Ҳеч қайсиси ўлмайди. Шундай хирургларимиз борки, улар ҳолдан кетган эски юракни олиб ташлаб, ўрнига тамоман янги юрак қўядилар. Салимнинг касали нима! Оёғими? Шу ҳам...

Елизавета Михайловна Курганская, ёки бу ерда айтишларича, медицина ҳамшираси Лиза ҳозир Салимнинг ёнига келаётib ана шу фикрни кўнглидан ўтказди.

— Қўрқманг, Салим, оёғингиз тез тузалиб кетади,— деди у французча сўзларни зўрға ўйлаб топиб.

Салим ҳайрат билан унга тикилди:

— Қўрқма дейсизми? Ахир, менинг суюгим майдаланган. Бу қўрқинчли эмасми?

— Суякларнингиз аллақачон битиб кетган. Лекин эҳтиётсиэлик...

— Қанақа эҳтиётсиэлик? — деди у Қўзибоевга ўгирилиб:— менинчада сиз фронтда бўлгансиз. Сиз айтинг, душман устингга ўқ ёғдириб турганда атакага кирган солдат ўзини эҳтиёт қила оладими? Эҳтиёт билан жанг қилиб бўладими? Биз ўзимизни эҳтиёт қилган бўлсак душман юртимиз кулини кўкка совуриб юборарди. Оёғимга эса,— деди у оғриқ оёғига кўз қирини ташлаб,— афсус емасам ҳам бўлади. Қон бекорга тўкилгани йўқ.

— Эҳтиёткорлик ёмон нарса эмас,— деди Қўзибоев,— лекин эҳтиёткорлик қиласман деб фурсат қўлдан берила, кўп одамларни ҳалок қилиш мумкин.

— Биз фурсатни қўлдан берганимиз йўқ... Курашдик. Ҳозир Марокаш мустақил мамлакат.

— Америка базаси-чи? — деб сўради инженер.— Мустақил мамлакатда нимага ажнабий давлат база қуради?

Лиза огоҳлантириди:

— Соат иккита рентгенга ва физиотерапияга. Эсларингиздан чиқмасин!

Салим жилмайиб, бош ирғади. Қиз палатадан чиқиб кетди.

— Сиз арабча ўқий оласизми? — деб сүради у Қўзибоевга газета узатиб.— Мана, буни ўқинг.

Қўзибоев қаддини кўтариб, газетани олди.

«Ат-таҳрир». Ал жумъа.. Шаҳзода Ҳасан иккинчининг тахтга ўтириши шарафига тантана»,— деб ўқиётгандা от мингган ёш йигит расмига кўзи тушди-да, кулимсиради.— Янги султон...

— Янги қирол,— деб унинг сўзини тузатди Салим,— энди бизда султонлар йўқ.

— Қирол дейсизми? Француздар уни ҳам ўғирлаб, Мадагаскарга олиб кетсалар-чи?

— Йўқ, йўқ,— деди Салим қизишиб.— Муҳаммад бешинчи фожиаси қайта юз бермайди! Энди мамлакатимиз мустақил!

Инженер ногаҳон оқариб кетди. Унинг бошига қаттиқ оғриқ кирди. Афтидан, баҳс унинг дардими қўзғади. У кўрпага чўзилиб:

— Афсус,— деди беҳолгина,— бадбахтлар оёгингилини майиб қилибдилар, афсус.

— Узингизни-чи?

— Мен элликка кирай деб қолдим. Анча яшадим, кўп нарса кўрдим, сиз ҳали ёшсиз. Ихтисосингиз ҳам нозик, гўзалликни талаб қиласиди...

Палатага аёл киши кўриб, тумбочка устидаги стаканларга жомпот қўйди. Салим компотдан бир-икки хўплади-да:

— Эҳ, оз-моз кофе бўлса эди,— деди хаёл суриб.— Хоним, э, хотим!— деб чақирди эшикдан чиқиб кетаётган аёлни, лекин у Салимнинг товушини эшифтади.

Салим матраци тагидаги чарм папкасидан расм олиб, инженернинг кўрпасига ташлади.

Қўзибоев таажжуб билан қўзини очди.

— Кўринг. Зулайҳо,— деди Режаб.

Бу жуда фасон кийинган гўзал, ёш қизнинг расми эди.

— Ким бу? Мамлакатингиздаги кино юлдузлариданми,— деб сўради инженер.

— Йўқ, менинг севган қизим. Дунёда энг чиройли қиз.

— Марокашданми?

— Ҳа,— деди Салим ҳаяжонли овоз билан— бир йилдан кейинн бу ёққа, Москвага келади.

— Кинофестивалгами?

— Йўқ, университетга. Бу ерда ўқиб, кейин араб миллий университетида рус тилидан дарс беради.

— Яна кимларингиз бор?

— Акам Абдулрафи. Америка аэродромида механик бўлиб ишлайди. Биз у билан уришдик, у ота уйидан чиқиб кетган.

— Сиз...

Палатага Лиза югуриб кирди-ю, суҳбат бўлинди. Инженернинг қўлидаги расмга кўзи тушди.

— Қизингизми?

— Ҳа,— деди Қўзибоев Салимга зимдан кўз қисиб. Салим эса шипга қараб, жим ётарди. Қиз инженернинг жавобидан қаноатланиб, буйруқ оҳангидаги иккисига:

— Туринглар, қани, кетдик!— деди.

III

Эртасига эрталаб, Зинаида Петровна лифтда ўз бўлимига чиқиб, аввало бемор инженер ётган палатага кирди.

— Мен сизнинг рентген суратингизни кўрдим,— деди у Қўзибоев-

га.— Чап ўпкангизнинг пардалари яллиғланган, афтидан, фасодланадиган туридан. Сиз яқин орада зотилжам билан оғриғанмидингиз?

— Йўқ, зотилжам билан ётганим йўқ,— деди Қўзибоев ҳайрат билан елкасини қисиб.

— Тура оласизми?

— Уриниб кўраман,— деб жавоб берди бемор.

— Үрнингиздан туриб, кўйлагингизни ечинг.

Врачнинг сўзлари ҳарбий бошлиқнинг буйруғидай эшишилди.

Бемор оёғини каравотдан тушириб, зўрға оёққа босди, кўйлагини еча бошлади. Бироқ у ҳолдан тойиб, қалқиб кетди. Зинаида Петровна унинг кўйлагини ечишга кўмаклашди. Қўзи беморнинг умуртқаси олдидаги чуқур ва хунук чандиқларга тушди. Эт титилиб кетган. Чандиқлар айрим-айрим гўшт бўлиб турарди. Зинаида Петровна титраб кетди. Нимага бунаقا? Кечадан бери бу жароҳат ўрнини нега кўрмадикин? Унинг кўз олдида аллақачон өсдан чиқиб кетган, қандайдир таниш ҳол гавдаланди.

— Сиз фронтда бўлганмидингиз?— деб сўради у беморга диққат билан тикилиб.

Инженер шундай бош ирғадики, бундан бирор нима тушуниш маҳол эди.

— Бу ерингиз нимадан бунчалик тилка-пора бўлган?

Бемор жавоб бермади.

Зинаида Петровна яна сўради. Бемор яна жавоб бермади.

— Менинг саволларимга жавоб бергингиз келмаса, профессорни чақиралимки?

— Қақирманг...

Бемор, афтидан, жуда ҳолсизланди. Пешонасида йирик томчилар пайдо бўлди, юзи кўкариб кетди. Беморнинг ранг-рўйига ҳамон диққат билан тикилиб турган Зинаида Петровна унинг бу ҳолатини яхши пайқади. У инженерни суюб туриб, буюрди:

— Утиринг.

Коридордан ўтиб кетаётган ҳамширани кўриб, чақирди.

Лиза тез кирди.

— Беморни суюб туринг,— деди унга ва бармоқлари билан Қўзи боевнинг кўкраги ва орқасига уриб, шу орада Лизага қисқа-қисқа буйруқ бериб турди:

— Олдинга эгинг! Орқасига! Үнгга! Чапга!

Врач ҳалатининг чўнтағидан фонедоскопни олди-да, bemorning нафас олишини эшила бошлади. Қейин тилини, оғзини кўрди, баданига яна назар ташлади. Шундан кейингина ётишга ижозат берди. Қўзибоев каравотга чўзилди.

— Лиза, bemorga кофеин билан икки мингли пенициллин беринг.

Қиз енгил қадам ташлаб палатадан чиқиб кетди. Инженер каравотда чўзилганича кўзларини юмиб ётибди. Зинаида Петровна эса гўё ниманидир хотирлашга тиришиб, bemor бошида турибди. Унинг назари яна инженернинг қорнидаги ўша хунук чандиққа тушди. У bemorni оҳистагина чап ёнбошига ётқизди, орқасига кўз ташлади. Беш-олти сантиметр узунлигидаги жароҳат ўрни кўкариб турарди.

Лиза шприц олиб кирди.

— Ўпка абцессини худди биринчи марта кўраётганга ўхшайман. Кечадан бери тинчлигим йўқ. Кечаси кўз юмолмадим,— деди Зинаида Петровна оҳиста.

Лиза ҳам ўз ҳолатини ўйлаб, кулимсиради:

— Мен ҳам. Тун бўйи кўз юмолмайман!

Бу икки аёлнинг кўнгли бир-бирига нақадар яқин... Бири қирқ беш ёшларда, иккинчиси энди йигирмага тўлган. Бирини каравотда беҳол

чүзилиб ётган, чакка соchlарига оқ тушган шу кишининг тақдиди ташвишлантиради. Унинг ҳаётини асраб қолиш учун қўлидан келган ҳамма чорани кўришга тайёр. Иккинчиси, энди йигирма ёшга қадам қўйган, энг севимли кишисидан жудо бўлган бу гўзал қиз эса, шу марокашлик йигитни жондан севгани нотаниш қизнинг бошига ўз бошига тушган кун тушмаслигини, унинг ўзи Аркадийга мотам тутиб йиғлаганидай қайғириб йиғламаслигини истайди.

Зинаида Петровна ўрнидан қимирламади. Нимагадир, ўз хаёли билан бўлиб, бемор бошида узоқ ўтириб қолди. Инженернинг докадек оқариб кетган юзига қон югурга бошлади. Зинаида Петровна кўнгли ўрнига тушиб, чиқиб кетди.

Салим инженернинг кўрпасидан тортди.

— Ўйғоқмисиз?

Қўзибоев эўрга кўзини очди, лекин Салимни эмас, бошида энгашиб турган ҳамширани кўрди.

— Дори ичинг. Бир симириб ҳаммасини ичинг!

Инженер афтини буришириб, кўзларини юмиб, дорини ичди ва томогига тиқилиб, қалқиди.

— На чора, ичиш шарт,— деди Лиза хайриҳоҳлик билдириб ва қўшиб қўйди:— Ҳозир бўлимимиз мудири Зинаида Петровна Тошкента телефон қилди.

— Шундайми? Менинг яна бир илтимосим бор эди.— Бемор ёнига ўгирилиб, тумбочкасини кавлаштира бошлади. Шу орада палатага Зинаида Петровна кириб, Лизага алланима деб пицирлади, Лиза тез чиқиб, хотин-қизлар бўлимига ўтиб кетди.

— Яна бир илтимос шуки,— деди Қўзибоев излаган нарсасини топиб. Аммо унинг рўпарасида Лиза эмас, Зинаида Петровна турар эди.

— Нима эди?— деб сўради врач.

— Ўйга ҳам хабар қилиш керак эди...

— Нимага айтмадингиз? Аввало оиласигизга хабар қилиш керак эди. Бу нима, адресми?— Зинаида Петровна унинг қўлидан қофозни олиб ўқий бошлади:— Фарҳод... кимингиз бу?

— Ўғлим.

Врач таажжуб билан қошини чимириди.

— Балки, хотинингизга телеграмма берган яхшироқдир?

Қўзибоевнинг чеҳраси алланечук бўлиб кетди.

— Ўглимга телеграмма юбораверишингизни сўрайман,— деди у қўйполроқ тарзда.

Зинаида Петровна инженерга бир оз таънали назар билан қараб турди-да, ниҳоят сўради:

— Нимага хотинингизга телеграмма юбортиргингиз келмайди?

Қўзибоев ҳам ўзини тутолмади:

— Сиз врачесиз,— деди маъюс тусда,— бу ерда касаллар жуда кўп. Агар ҳамма касалларингизнинг хатти-ҳаракати сабабини билишга интиладиган бўлсангиз, уларнинг дардини билишга вақтингиз етмайди.

Зинаида Петровна:

— Аммо...— деб эътиroz билдиromoқчи эди, Қўзибоев унинг сўзини бўлди:

— Кўнглингиздагини билиб турибман. Сизда эскилик қолдиқлари бор, демоқчисиз. Айтмасангиз ҳам билиб турибман... Биласизми,— деди у давом этиб,— Үрта Осиёда туташ линияли гидроэлектростанциялар қурилмоқда. Бу улкан иншоотни эскилик қолдиги билан куриб бўлмайди.

Врачга дағал бир гап айтиб юбормаслик учун инженер сўздан ўзи-

ни тұхтатиб, дерәзага қараб олди. Зинаида Петровна эса беморга тикилганича ағрайиб қолди. Құзибоев таптидан саң туңди, ножүя қүполлигини юшратып учун, оқиста товуш билан:

— Хотиним бўлмаса-чи, унда телеграммани кимга юбораман?— деди.

— Бўлмаса?!— уялганидан Зинаида Петровна қизариб кетди. Қизариш орқасида унинг юзига ёшлик ҳусни югурди.

Бир вақтлар Зинаида Петровна сочи олтин тусда товланадиган, юзлари оппоқ қиз эди. Йиллар ўтиши билан унинг соchlари сийраклашиб оқ оралади. Оппоқ юзи йиллар ва ҳорғинлик асорати бўлган майда ажинлар билан қопланди. Лекин кўзи хиёл кулганда, ёки худди ҳозиргидек, уялиб қизартганда унинг қирқдан ошганлиги билинмасди.

Құзибоев унга қарамади, шунинг учун унинг қизартганини ҳам пайкамади.

— Хотиним бўлмагач, ўғлимни хабардор қилишим керак-ку!

— Йўқ, йўқ! Мен ўйлабманки... Ниятим сизни хафа қилиш эмас эди. Йўқ!— деди Зинаида Петровна ва бошини эгиб эшик томон йўл солди.

Врач чиқиб кетгандан кейин Құзибоев тоx у ёнига, тоx бу ёнига ағдарилиб, узоқ хаёл суриб ётди.

«Менда эскиллик сарқитлари бор, деб гумон қиласа-я!.. Сизларга қўл ва оёқ кесиш бўлса, бас...» деб ўйлади у қизишиб кетганидан, айни вақтда, врачни ноҳақ хафа қилганини тан олди, бирданига жаҳли чиқиб кетганига ўзи ич-ицидан ҳайрон бўлди.

Салим Режаб соғ оёғи билан ҳаккалаб эшик олдига борди, коридорга термилиб Лизанинг йўлига кўз тутди. Лиза келавермагач қайтиб келиб, инженернинг каравоти четига ўтириди.

— Тинчланинг,— деди у Құзибоевга энгашиб.— Доктор сизни сира ҳам хафа қилмоқчи эмас эди. Сиз менинг оёғим майиб бўлиб қолганига афсус едингиз. Гап бундагина эмас, комрад. Мен бу ерда ётиб ўтган вақтимга ачиняпман. Тинмай дарс тайёрлайдиган фурсатим бекор ўт япти. Мен бўлсан бу ерда оёғимни қўлтиқлаб ётишга мажбурман...

Остонада ҳамшира кўринди: у нимадандир ҳаяжонланган эди. Инженерга яқин келиб:

— Холдор Құзибоевич, расмни... ҳалиги қизнинг расмини яна кўрсан бўладими?— деб сўради.

— Расм дейсизми?— деди инженер, Режаб билан тез кўз уриштириб.— Расм Режабда.

Марокашлик йигит довдираб, ноилож қолди.

— Ҳа, расм менда,— деди Салим ва портфелини очиб, расмни олди да Лизага узатди.

— Қизингизми шу?!— деб сўради Лиза.

— Менинг... қизим,— деди инженер тутилиб. Лекин ёлғон гапиранганиги сезилиб турарди.

— Сизнинг қизингиз?!-- деди-да Лиза кўзи билан Салимни кўрсатди:— Балки бу йигит ҳам ўғлингиздир? Кечаги расмдаги қизнинг эгнида тор, силлиқ блузка, кенг юбка бор эди, бу расмда эса оқ кофта, тор юбка кийиб тушган. Оёғида оқ туфли. Қани, Салим, бошқаларини ҳам олиб кўрсат!

Режаб Бин-Фозининг бошқа иложи йўқ эди. У портфелини очиб, ичидаги ҳамма нарсани чиқарди. Француз тилида нашр қилинган расмли журнал, фото, Зулайҳонинг кечаги расми ҳам чиқди.

Лиза қипқизариб кетди. Овози қалтиради:

— Бу қизингизни нимага менга айтмаган эдингиз?— деди у.

Режаб елкасини қисди:

— Айтишим шартмиди?

Қыз жавоб тополмай қолди. У расмни каравот устига ташлаб, бир оз индамай турди. Кейин секингина:

— Йўқ, шарт эмас эди,— деди-да палатадан чиқиб кетди.

IV

Антибиотиклар инженернинг дардига кор қилмади. Унинг гоҳ иситмаси кўтарилиди, гоҳ титроқ босди, гоҳ кўкрак санчиғи азоблади, гоҳ устма-уст тутган йўтал қийнади. Профессор уни дори билан даволаш учун кўп уринди. Дард ёнгилмаганлигига ва эски дардга айланиш хавфи туғилганига ишонч ҳосил қилгандан сўнг, хирургия усули билан даволашга аҳд қилди. Қўзибоевни Зинаида Петровна профессорнинг раҳбарлигига операция қилди.

Салимнинг ҳоли нима кечди? Унинг оёғини кесмадилар. Физиотерапия йўли билан даволадилар. Гап унинг ярадор оёғидагинамиди? Йўқ, Салимнинг юраги ҳам яраланган эди.

Оқ рўмол тагидан чиқиб турган олтинсимон соч толалари, тиниқ қизғиши бет, келишган қомат, мовий кўзлар, абжир ҳаракат... буларга кўз ташламай бўладими ахир?

Лекин Лизанинг юраги-чи? Ёш архитекторнинг вафоти унинг юрагини яраламадими, ахир? Болаликдан бошланган дўстлик, севги... кейин эса, шундай оғир жудолик. Қизнинг юрагида буюк қайғу бор эди. Шу қайғу унга ором бермасди. Довюрак Салим унга жуда ёқади, Лекин бу ишқ эмас. Лиза ҳали уни дуруст танимайди. Бироқ танигандан ҳам...

Вақт ўтаверди. Операция қилингандан бери йигирма бир кун ўтди. Бу вақт орасида Тошкентдан Қўзибоевнинг ўғли Фарҳод билан қизи Флора келиб кетди. Фарҳод отаси изидан юриб, энергетика соҳасида ишлар, қизи эса университетнинг шарқшунослик факультетида ўқирди.

Профессорнинг айтишига кўра, операция муваффақиятли чиқди. Қўзибоевнинг қўлтиғи тагидаги ўроқ нусха катта яра текис, силлиқ бита бошлади. Беморнинг иссиғи тушиб, бемалол нафас оладиган бўлиб қолди. У коридор ва айвонга чиқиб юрадиган, домино ўйнайдиган бўлди. Лекин у ҳали аввалгидек бўлиб кетмаган эди.

Апрель оқшомларидан бирида инженер чарчаб, каравотига чўзилди. Беихтиёр хаёлга берилди. Қўз олдида Фаргона — яшилликка бурканган водий, уфқини кўз илғамас саҳро, Ёзёвон далаларини кесиб ўтган юқори босимли электр симлари гавдаланди... Лекин ўзининг ҳозирги ожиз ҳолини эслаб, маъюсланди. Қўзибоев маъюсликни қувиш учун кулоқ радиони — наушникни олиб қулоғига тутди. Барсованинг ажойиб овози янгради. Аммо афсуски, «Булбул» ашуласининг охиринигина эшишиб қолди... Кейин Куба дикторининг жиддий, вазмин овози эшитилди. У ўз ватандошларини империализмга қарши курашга чақиради. Кейин Фиделнинг оташин нутқи янгради: «Ватан ёки ўлим!»

Инженерни ўй қамраб олди. У наушникни қулоғидан олиб, тұмбочкага қўйди-да, кўрпага бурканди. Курашга чақирувчи бу садо унинг эсига анча йиллар олдин ўтган, лекин ҳануз унтуилмаган воқеаларни туширди. Будапешт бўсағаларидаги жанглар...

Эртасига эрталаб у Тошкентдан хат олди-ю, юракни эзувчи бу оғир хостиralарни хаёлидан қувди. Ўзбекистонда ўриклар гуллагани, Тошкент кўчаларидаги дараҳтлар барг ёзгани, хуллас, яшнаган баҳорни кўз олдига келтириб, кўнгли анча ёзилди. Аммо бу ерда ётавериш, ҳар хил дориларни ичавериш кўнглига жуда-жуда урган эди.

Унинг ёнига Зинаида Петровна келди.

— Кўп юряпсизми дейман, юракни ортиқча ишлатиш ярамайди! Қани, эшишиб кўрайлик-чи, иши қалайкин.

Инженер кўйлагининг ёқасидан ушлаб, дарров ечди.

«Яна ўша тилим.. ўша чандықлар...» Зинаида Петровна сесканиб кетди.

— Ҳар сафар сиздан сүрагим келади-ю... — у сўзни тамомламай жим қолди.

— Нимани сўрамоқчи эдингиз? — деди инженер ҳушёр тортиб.

— Йўқ, бу унчалик муҳим гап эмас, — деб жавоб берди аёл алла-қандай ноаниқ бир ҳолатда. Бир оз жимликдан кейин:

— Ушанда сиз мендан хафа бўлдингиз шекилли, — деди у. — Аммо ўшанда, телеграммани ўғлимга юборинг, деб қаттиқ туриб олганингизнинг сабабига мен ҳануз унча тушунмайман.

— Хотиним оғир касалдан вафот этган. Яқиндагинада. Шу жудо-ликдан бир ой кейин трест мени Ригага командировка қилди. Йўқса, мусибат мени енгаёзганди, — деди Қўзибоев ғамини яширмай.

Зинаида Петровнанинг ранги оқариб кетди.

— Афв этинг! — деди-ю, аста стулга суюлиб, кўзларини беркитди.

Лиза уннинг атрофида парвона эди:

— Зинаида Петровна! Сизга нима бўлди? Кўнглингиз бехуд бўлдими?

— Йўқ, ҳеч нима бўлгани йўқ, ўзим! — деди у ва чўнтағидан бир парча қофоз олиб, Лизага узатди: — Илтимос, шу номер билан Александр Васильевичга телефон қилинг. Илмий кенгаш келгуси пайшанба-га қолдирилиди, денг. Тушундингизми?

— Тушунмай-чи, — деди-да, Лиза электр устарасида соқол олаётган Салимга кўз қирини ташлаб, қувнаб чиқиб кетди.

Лиза фасон танлаб кийинадиган олифта қиз. Лекин нимаики кийса, ўзига жуда ярашади. Ҳатто оддий оқ халат ҳам худди қўйиб қўй-гандай.. Лизанинг ниятлари пок, жиддий. Агар у кўнглидагини амалга оширса, бу буюк жасурлик бўлади. Ахир, эрталабдан кечгача елиб-югуриш, беморларга қараш, вақт топиб Салим билан қуюқ сұхбат қуриш, кечалари ўтириб, формула ёдлаш ҳазил ишми?

Бу орада Зинаида Петровна Қўзибоевдан:

— Бу фалокат қаерда юз берган эди? — деб сўради.

— Нима? Қаерда ярадор бўлганимми? Бу эски воқеа. Эсга олмаган маъқул, — деди у маъюс тортиб ва оғир хўрсинди.

— Шунчалик бесўнақай, пала-партиш тикилганки, қандай омон колганингизга ҳайронман.. Ёки ГЭС қурилишида бирор арматурага иккىлганмидингиз?

— Йўқ. Боварияда бўлган.

Зинаида Петровна сесканиб тушди:

— Боварияда? Боварияда дедингизми?.. Илтимос қиласман.., айтинг-чи, бу фалокат қандай юз берган эди? Ишонинг, буни ғилишнинг менга жуда аҳамияти катта!..

— Узун гап бу...

— Узун бўлса ҳам айтинг!

— Мен Дунапенелда ярадор бўлган эдим. Бу — мадярларнинг кичкина шаҳарчаси. Балки эшигандирсиз? — деди у. Бир оз ўйлаб турдида: — Балки бу шаҳарчада бўлгандирсиз? — деб сўради.

Зинаида Петровна жилмайди:

— Топдингиз, бўлганиман.

— Ростингизми? — деди инженер хурсанд бўлиб. — Кўрган бўлсангиз, бу фалокат худди ўша шаҳарчада юз берган эди. Урушнинг сўнгги ҳафталари эди. Мен...

— Сиз ҳалок бўлаёзгансиз... — деб уннинг сўзини бўлди Зинаида Петровна. — Ўқнинг теккан жойини қаранг-а!

— Ҳа, ҳалок бўлаёзган эдим. Ўқ ичак пардасига теккан. Тос су-ягимга ҳам. Мен тўғри юролмайман. Сал оқсаб юраман.. Пайқаган-

дирсиз? Қимдир мени кекса мадрянинг уйига күтариб келибди. Ҳушимга келганимда қош қорайган эди. Бир бола: «Немислар! Яна немислар келяпти!» деб дод солиб кирди.

— Немислар? — деб сўради Зинаида Петровна ҳайрон бўлиб, — қанақа немислар? Улар, ахир, қочаётган эди-ку!

— Қочаётган эди... Лекин улар йўлларида учраган ҳамма нарсанни вайрон қилардилар!. Кечаси баланд бўйли, оч қўнғир сочли, плаш чийганин қиз кириб келди. Ўша қиз мени орқасига опичиб, ҳовлига кўтариб чиқди. Кўчада даҳшатли жанг борарди. У мени кўтарганича жон-жаҳд билан илдам юрди... Олдин боғдан, кейин лой кўчадан кўтариб ўтди. Мен яна ҳушдан кетдим. Қиз мени қанча опичлаб юрганини билмайман. Яна ҳушимга келдим, узоқда итларнинг ҳургани қулоғимга кирди. Оғриқ азобида титраб-қақшаб қўз очдим, қарасам шипсиа баланд бир уйда ётибман. Бу каттакон ғишин омборга ўхшарди. Омбор ҳам эмас, аллақандай вино подвали эди шекилли, чунки ётган жойимдан пастга тушиб жетган зинапояга кўзим тушди. У ердан ачиған узум хиди бурқсиф чиқарди. Олд деворининг ярми қулаган. Теварак-атрофимда челак, бочка ва тос сочилиб ётибди. Үмуртқам бօглаб қўйилган, назаримда наридан-бери боғланган.

Нарироқдаги тўнтарилиб ётган тос четиди ҳарбий форма кийган киши ўтирибди. Товушидан ёшга ўхшамайди. Оёқ томонимда кўк плаш чийганин қиз ўтирибди. Бечора... Мени неча километр жойдан кўтариб келди экан?

Кўзимни очганимдан кейин қиз:

— Яхшимисиз, капитан? — деб сўради.

Мен ҳеч нима демадим шекилли. Жуда ташна эдим.

— Ҳаётингиз сақлаб қолинди. Сизни операция қилдилар... жуда қийин операция,— деди у.

Бошимга, буларга раҳмат дейиши керак эди, деган фикр қелгандай бўлди. Зўрга миннатдорлик билдиридим, шунда кекса докторнинг:

— Мана бу қиз... миннатдорлигингиши унга айтинг! — дегани қулоғимга кирди.

Тонг маҳали медсанбатнинг оғир ярадорларни юклаган усти ёпиқ машинаси келди. Кабинадан шофер билан санитар чиқди, улар мени замбилда кўтариб машинага чиқардилар. Кейин санитар ҳарбий врачдан ижозат сўради-да, шоферга:

— Ҳайда! — деди.

Бизни Лъвовга олиб келдилар. Тез орада уруш тугади. Лекин мен ҳарбий госпиталда узоқ ётдим. Ўша жасур қиз хаёлимдан ҳеч кетмади. Ярадорлардан бири, у қиз немислар қўлига тушди, концлагерда азоб чекяпти, деса, бошқа бирори, мен у қизни яхши танийман, Берлин бўсағаларида жангда ҳалок бўлди, дерди. Ундан бошқа дарак топмадим. Қани энди имкони бўлса-ю, ўша мард қиизни яна бир кўрсам...

Бу воқеа ана шундай бўлган эди.

— Даҳшат! — деди Зинаида Петровна сесканиб, — даҳшат! — деб такрорлади у. Қўзибоевга яна нимадир демоқчи эди-ю, лекин ҳалқумига алланима тиқилиб, ўз ҳолатини сездирмаслик учун палатадан чиқиб кетди.

Инженер унинг руҳий ҳолати сабабини билишга интилиб, хийла вақт жим ётди.

V

Палатага Лиза ютуриб кирди:

— Салим, телефонга!

Салим йўқ эди. Энага уни излаб коридорга чопди.

Салим телефонда гаплашиб қайтиб келгач, Қўзибоев сўради:

— Ким телефон қилиди? Университетданми?

— Йўқ, Университетдан эмас. Али Ята телефон қилди,— деди фахр билан Бин-Фози,— мен билан гаплашмоқчи. Эртага. Менга муҳим гапи бор экан.

— Эртага? Оёғингиз-чи? Ярангиз-чи?

— Қанақа оёқ, қанақа яра!— деди Салим қўл силтаб.— Энди, шу бугундан бошлаб оёқ тамом тузалди! Яра битди! Ҳозир мен ҳар қа-чонгидан ҳам соғман! Али Ята! У билан кўришиш нималигини била-сизми?! Бу — бутун бир Марокаш... менинг бутун ҳаётим шу!

Салим касалхонадан чиқишга рухсат олиш учун кун бўйи елиб-югурди, бироқ Зинаида Петровна розилик бермади. Қечга яқин у уйига кетишга ҳозирланаётганда Режаб унинг вақти хушлигини кўриб, яна ялина бошлади.

— Эртага... эртага кўрамиз,— деди у.

Эртасига бош ҳамшира Салимга хушхабар келтирди, унга рухсат беришганини, кийимларини олиб кийиши мумкинлигини айтди.

Орадан уч соат ўтгандан кейин Салим қўлтиғида портфели, чеҳраси кулган ҳолда врачлар, ҳамширалар билан хайрлашди, Лиза билан Қўзибоев эса уни лифтгача кузатиб бордилар.

Салим лифтда туриб Қўзибоевга:

— Комрад, тузалиб чиқишингиз билан менга телефон қилинг. Ал-батта, учрашайлик,— деди. Кейин қизга қаради:

— Раҳмат сизга, Лиза!— деди.— Мен сизни эсимдан ҳеч чиқар-майман.

Қўзибоев билан Лиза унга қўл силкиб қолдилар.

VI

Яна уч ҳафта ўтди. Қўзибоевнинг яраси тузалди, этнинг тикилган чоклари текисланди, у енгил, бемалол нафас оладиган бўлди. Бу ердан чиқиб, ишга киришадиган кун яқинлашди.

Оғир қасални енгган ёки мураккаб операцияга бардош берган беморни врачлар танти, мард, иродаси жучли одам, дейишади. Қўзибоев бугун бир юз ўттиз биринчи палатадан чиқиб кета туриб, аввало Зинаида Петровнани эслади. Эшикни сал очиб, ординатор кабинетига қаради. Александр Васильевич билан Зинаида Петровна стол ёнида муҳим бир масалани гаплашиб ўтиради. Профессор Қўзибоевни кўриб:

— Кираверинг! Бизга бирор айтадиган гапингиз бормиди?— деб сўради ундан.

— Кетяпман. Хайрлашгани желдим,— деди Қўзибоев.— Фамхўрли-гиниз учун сизга, Александр Васильевич ва сизга, Зинаида Петровна, катта раҳмат... Мен бу яхшиликни ҳеч унутмайман.

Бу одамлар жуда бандлигини, уларнинг вақтини олиш одобдан эмаслигини билиб, улар билан тез хайрлашди-да, чиқиб кета бошлади. Бориб эшикни очай деганда:

— Қачон жўнайисиз?— деб сўради Зинаида Петровна.

— Икки кундан кейин,— деб жавоб берди Қўзибоев:— Нима эди?

— Сизга айтадиган гапим бор эди. Лекин ҳозир фурсатим йўқ. Эртага бу ёққа бир кириб чиқолмайсизми?

Инженер кўнглида қандайдир қизиқиш пайдо бўлди: бу меҳрибон ва гўзал аёл менга нима деркин? Бирор муҳим хабар айтмоқчи эмас-микин!?

Эртасига соат ўн бирларда Қўзибоев тушган машина касалхона эшиги олдида тўхтади. Унинг ёнида министрликнинг масъул ходимларидан бири ўтиради, инженер ҳозир шу кишининг меҳмони эди. Қўзи-

боев вестибюлга кириб, телефон қилди-да, ҳовлига чиқиб турди. Үн минутлардан кейин Зинаида Петровна құрінди.

Инженер врач билан сұрашды-да:

— Шошилинч учишім зарур бўлиб қолди. Менга бир нима демоқчи здингиз шекилли?

— Ҳа,—деб жавоб берди Зинаида Петровна,— нимага эртага эмасу бутун учаси? Нима бўлди ўзи?

— Ҳеч нима... буйруқ шунаقا.

— Биласиәми... Сизга айтмоқчи бўлганим, ҳа, айтмасам ҳам бўла-верадиган гап. Чунки бу жуда эски ва узун гап.

Инженер бу муқаддимани эшишиб, беихтиёр жилмайди, чунки бу сўзни кечагина унинг ўзи айтган эди.

Зинаида Петровна сўзидагавом этди:

— Менга сарғиши сочли... сизни опичиб кўтарган... бир қизни кўрсам, деган здингиз... эсингиздами?

— Ҳа, ўйқас-чи?

— Биласиәми, Холдор Қўзибоевич, ўша қизни кўриб турганингизга икки ойдан ошди!

Инженер тамом оқариб кетди.

— Нима деяпсиз? Тушунолмаяпман.

— Шундай. Сизни операция қилган ҳарбий врач, сизни опичлаб кўтарган қиз... ўша қиз... бу воқеаларни сизга қандай тушунтиурсамкин?

Унинг овози қалтиради... кўз ёшини бекитмоқ учун бошини эгди.

— Шошманг!— деди инженер ҳаяжонга келиб.— Қайси қиз! Менинг халоскорим-а? Менинг жаҳаннамдан қутқазган қиз-а! Ўша ўзимман денг!

— Ўша.

Қўзибоевнинг оёғи қалтираб кетди, у йикила ёэди:

— Зинаида Петровна! Аэзиз! Ўша қиз ўзимман денг? Шунча вақтдан бери нимага индамадингиз?— дея қичқириб юборди ва узун, ҳали беҳол қўллари билан аёлни қучоқлаб, юзидан ўпди.

— Анча кейин сезиб қолдим,— деди у елкасини учириб.— Кейин бошқа сабаблар ҳам бор эди.

— Қанақа сабаб?

— Сиз ёш, бақувват қизни кўрмоқчи здингиз... ўшандан бери үн олти йил ўтди. Буни кўряпсизми?— у шляпаси тагидан чиқиб турган оқ соч толаларини кўрсатди.— Энди ўша қиз ўйқ, кекса хотин бор... у бошидан кўп нарсани кечирди.

— Мен-чи, мен?

Шу орада будка олдида турган машинанинг эшикчаси очилди, бир киши бош чиқариб, инженерни чақырди:

— Холдор Қўзибоевич! Кечикамиз. Тезроқ бориш керак!

Инженер афус билан Зинаида Петровнага боқди, ундан ўзи бешхабар гапни эшитмоқчи эди. У Зинаида Петровнадан ўша воқеани бошдан-оёқ билди олмоқчи эди. Ҳозир эса Щереметьево аэропортига йўл олиш зарур. Аттанг, аттанг.

— Тошкентта учиб кетяпсизми?— деб сўради у.

— Варшавага... Энергетиклар конгрессига. Министрлик юборяпти,— деб жавоб берди Қўзибоев.

— Сизни яна қачон кўраркинман?

— Бир ҳафтадан кейин... албатта,— деди у машина томон борар экан.

ШУҲРАТ

Шеърлар

(„Сизнинг шаънингизга“ китобидан)

Шеърлар китобим ҳақида

Мен шоирман. Истайманки,
Шеърларим бўлсин китоб.
Ҳар ўқувчи йўлларини
Ёритсан у мисли офтоб.
Майли ишчи қора мойли
Қўлларида тутсин уни;
Майли сувчи тўлин ойли
Кечалари титсин уни;
Майли чўпон тизма тоғли
Яйловларга олиб кетсан;
Майли сапёр поход чоғи
Тўрвасига солиб кетсан;
Майли ҳали ҳарф билмаган
Бола бузиб ўқиса ҳам;
Майли уни ман-ман деган
Зўр танқидчи бўш деса ҳам;
Лекин сатанг эрмак қилиб
Варақласа розимасман!
Меҳнат севмас ёдлаб келиб,
Гар мақтаса, рост демасман!!!

5 декабрь, 1960.

Куркулдак қирғони

Кўм-кўк, кўм-кўк қирғонинг бор, Куркулдак,
Сокин-сокин оқишларинг кўп кўркам.
Ҳар тўлқининг биламан дер юз эртақ,
Ҳар япрогинг ўн икки ой, бир кўклам.

Қирғонингда хаёл суриб ўтирдим,
Илҳом келиб деди менга:— ол, қалам!
Қирғонингда шу шеъримни битирдим,
Нурга тўлди, гулга тўлди бу олам!

Сен нақадар ҳаётбахшсан, дилрабо,
Табиатнинг гўзалисан, кўркисан.

Хар қадаминг мәхмөнга дер:— марҳабол
Баҳор қизин манглайида бўркисан!

Йўғонтипа этагида чойхона,
Сен туфайли шинаванда хилвати.
Соя-салқин қирғоқларинг бир она,
Эркалайди, аллалайди, йўқ кети!

Сенда бир бор бўлган одам мақтаниб,
Ийлар бўйи эслаб юрса не ажаб!
Хар дақиқанг юрагига завқ солиб,
Тўлқинларинг «минг яшал» дер ҳижжалаб!

Соя-салқин қирғоғинг бор, Куркулдак.
Сенда ўтган ҳар бир лаҳза бир эртак!

23 апрель, 1961.

Kalb

Сен, дўстим, амин бўл, гар зарур экан,
Майлига, юрт учун қалбим кул бўлсин!
Лекин юрт боғини босмасин тикан,
Боғида ҳамиша чечак, гул бўлсин!

Ушанда ўзимни гулда кўрарман,
Гул севган бахтиёр элда жўрарман;
Нур қучган уфққа манзилин тутган
Кенг, ёруғ ва текис йўлда кўрарман!

23 апрель, 1961.

Keч кирди...

Кеч кирди.
Ел турди.

Уфқда қуёш—
Гўёки ногиҳон эзилган анор.
Елларнинг амрига райҳон эгиб бош,
Мудраган булатдек оғир соллонар.

Кеч кирди.
Кеч кирди қора шол тутиб.
Қоронғи тушса ҳам, майли, ҳеч гапмас!
Фақат сен, қуёшим, мени тарк этиб,
Ҳижронинг тунида қолдирмасанг, бас!!

25 апрель, 1960.

Эшигинг тубида..

Кел!
Сен келсанг, гўзалим, кўнглим тоғ бўлур,
Сен келсанг, тилим ҳам бўлади бийрон,
Сен келсанг, ҳамиша, эй меҳри жаҳон,
Бу шоир юрагим бир булоқ бўлур.

Айт десанг, айтаман эркин, бемалол,
 Минг-минглаб эртаклар токи субҳидам.
 Ва лекин әшигинг тубида, эркам,
 «Хайр!» демак мен учун күп амри маҳол!!!
 25 апрель, 1960.

Қир кезиб борардик...

Қир кезиб борардик — тизза бүйн ўт,
 Үзига имларди минг турли чечак.
 Мен сенга сўйлардим-қизиқ бир чўпчак,
 Кўзингда ёнарди мен билмаган ўт...

Шўх бўлиб жетибсиз! — дединг-да, чопиб
 Сен кетдинг ўт босиб, мен қолдим қараб.
 О, қочма, сен босган ўтлардан сўраб
 Қаерда бўлмагин олурман топиб.

Ахалцихе. 24 август, 1959.

Сен дейсан ..

Сен дейсан: манзилим жуда ҳам олис,
 Неча кун, неча тун юрмоғим лозим.
 Бир замон кузатиб қолган эди қиз,
 Шу қизининг ҳажрида ҳамон тўрт кўзим.

Эй дўстим, ўксима, ёринг қошига
 Бир кунн албатта етиб борасан.
 Бошини қўяди чанқоқ тўшингга,
 Шу оннинг завқида мангу қоласан!

Лекин, мен, ўн йилки, «Ёшлик» аталган
 Бекатга қайтолмай доғдаман ҳамон!

26 декабрь, 1959.

Юрак сўзлари

(Мехди Сеидзодадан)

Дейдиларки, бир нозик қилга боғлиқдир юрак,
 Мен дейман: бу Ватанга, элга боғлиқдир юрак.
 Дейдилар: кўп ишласанг қарир юрагинг бевақт.
 Мен дейман: меҳнат севмоқ, билсанг, ўзи улуғ баҳт.
 Дейдиларки, сенинг ҳам озми-кўпми ғаминг бор.
 Мен дейманки, шодлик-дўст, севинчдан ҳамдамим бор.
 Дейдиларки, ҳар умр қисқа бир онга ўхшар.
 Мен дейман: мазмунли кун чексиз жаҳонга ўхшар.
 Дейдилар: қариб қолдинг, ёшинг ҳам олтмишда бор.
 Мен дейман: бу давронда ҳеч қаримас санъаткор!

Дүстимга жавоб

— Қор босған чұққидай бұлса хам бошинг
Севгини куйлашдан тинмайсан ҳамон.
Гүёки ўттиздан ўтмаган ёшинг,
Гүёки қалбингда қайнар олов қон!

— Рост айтсам, эй дүстим, гул ва муҳаббат
Құлимга тутқызган баҳорда қалам.
Шу қалам құлимдан тушмайди албат
Чаманга бурканиб яшаркан үлкам.

Мабодо беш юз йил умр күрсам ҳам
Баҳордан, севгидан ёзардим фақат.
Дер әдим:— Яшасин гул ва муҳаббат,
Дер әдим:— Яшасин Ватаним-онам!

22 апрель, 1960.

Дүстимга деганим

Гар менинг умримдан савол сұрасанғ,
Құп узун изоҳга ўрин йўқ, дүстим!
Баҳорда туғилдим, баҳорда ўсадим,
Баҳор деб фронтда қилдим қонли жанг!

Баҳорда улғайдим, баҳорни қуйлаб,
Баҳорий ҳаётда умр кечирдим.
Нимани ҳис этса бу баҳорий қалб
Баҳорий руҳ билан оққа кўчирдим.

Шу учун гул, севги, шодлик қўшиғим,
Шу учун ҳамиша олчи ошиғим!!

1960.



ОЧИЛГАҢ *Күйрік*

*Роман**

КЕЧКИ ОВҚАТДАН сүнг әрқаклар будкадан нарироққа гулхан ёқиб, унинг атрофида чеккани ўтириши.

— Хүш, энди самимий гаплашиб олайлик: нега ёмон ишладинглар? Ҳайдашни нега бунча чўзиб юбординглар? — сўради Давидов.

— У бригадаларда ҳўкизлар кўп,— деб қўйди кичик Бесхлебнов.

— Қанча ортиқ экан?

— Ўзинг билмайсанми? Учинчida — саккиз жуфт ошиқ, бу ҳар қалай тўртта плуг деган гап! Биринчida — икки плуг ортиқ, демак, улар ҳам бизлардан кучлироқ.

— Бизнинг планимиз ҳам ортиқроқ,— гап қистирди Прянишников, Давидов кулиб қўйди:

— Қанча ортиқ экан?

— Ўтиз гектар бўлса ҳамки, ортиқ-да. Бунча ерни ҳам тумшувинг билан титкиламайсан.

— Планни мартда сизлар тасдиқлаганмидинглар? Нега энди ҳозир оби-дийда қиласизлар? Бригадаларда мавжуд бўлган ерларга амал қилган эдик-а, шундаймиди?

Дубцов босиқлик билан деди:

— Ҳеч ким оби-дийда қилаётгани йўқ. Давидов, гап бунда эмас. Бизнинг бригададаги ҳўкизлар қишлоғдан ёмон чиқди. Моллар билан өмларни умумлаштираётганда бизда хашак билан похол камроқ экан. Сен бу нарсани жуда яхши биласан-ку ахир, бизга ғишава қилишингнинг ҳам ҳожати йўқ. Ҳа, чўзиб юбордик, ҳўкизларимизнинг кўпчилиги камқувватлик қилиб қолди, ем-хашакни ҳам Островнов билан ўйлаганларингдек эмас, расамади билан тақсимлаш керак эди: молларни хусусий хўжаликлардан топширилган өмлар билан боқяпсизлар. Оқибатда шундай бўлдики, бирорлар ерни ҳайдаб бўлиб молларни ўроққа тайёрлайти, биз бўлсак ҳамон шудгор билан оворамиз.

— Бўлмаса, сизларга ёрдам берайлик. Любишкин ёрдам берсин,— таклиф қилди Давидов.

— Биз йўқ демаймиз,— деди қолганларнинг сукутли розилиги билан далдаланган Дубцов.— Биз мағрур эмасмиз.

— Ҳаммаси равшан,— деди ўйлануб Давидов — Шу нарса ҳам равшанки, правление ҳам, ҳаммамиз ҳам хомлик қилибмиз: қишида ем-хашакни, чунончи территориал жиҳатларга амал қилиб тақсимлабмиз,— бу хато! Иш кучи билан уловни ҳам нотўғри жойлабмиз,— буниси иккинчи хато! Биз қайси иблисни гуноҳкор қила оламиз? Ўзимиз янглишган эканимиз — ўзимиз тузатамиз. Иш унуми бўйича, мен бир

* Давоми. Ёшли 1, 2, 3-сонларда.

сүткалик иш унумини айтяпман, кўрсаткич рақамларингиз чакки эмас, умуман олганда эса расво. Қани ўйлаб кўрайлик, бу боши берк кўчадан чиқиб олиш учун сизларга қанча плуг ташлашимиз керак экан, келинглар, ҳамма нарсани ҳисоблаб чиқиб, ёзиб кўрайлик, ўроқ вақтида хатоларимизни ҳисобга оламиз, кучларни бошқача жойлаштирамиз. Қачонгача янгилиши мумкин ахир?

Гулхан атрофида икки соатча ўтириб баҳслашиши, ҳисоблашишиди, ғижиллашишиди. Ҳаммадан кўра Атаманчуков жўпроқ активлик кўрсатди. У астойдил галирар, жўяли таклифлар ташлар эди, аммо Бесхлебнов Дубцовнинг шаънига аччиқ гап отаётганида Давидов Атаманчуковга тасодифан қаараркан, унинг кўзларида шу қадар совуқ нафрат кўриб қолдики, ҳайрат билан қошларини керди. Атаманчуков дарҳол ерга қаради, қўнғир тук босган ҳиқилдоғини бармоқлари билан ишқади, яна бир дақиқадан сўнг Давидовга қараб у билан кўзи учрашганда — кўзларида намойишкорона мулойимлик барқ урар, юзидаги ҳар бир ажинда самимий лоқайдлик сезилиб турар эди. «Артист! — деб ўйлади Давидов. — Аммо у менга нега бундай иблисона қаради экан? Чамаси, баҳорда колхоздан ҳайдаганимдан хафамикан?»

Аммо Давидов бир нарсадан хабарсиз, хабардор бўлиши ҳам мумкин эмас эдик, ўшанда, баҳорда Атаманчуковнинг колхоздан ҳайдалганини эшитган Половцев уни кечаси ҳузурига чақиртириб келиб, қурч жағини қисганча, тишларини ғижирлатиб шундай деган эди: «Бу нима қилганинг, шалоқ? Сен мен учун намунали колхозчи бўлишинг керак, ўзидан-ўзи арзимаган нарсаларда қўлга тушиб қоладиган. ГПУдаги сўроқларда бўлса ҳамма қолганларни ҳам, бутун ишни ҳам барбод қиласидиган ўтакетган аҳмоқ бўлишинг керак эмас. Сен колхознинг умумий мажлисида тиз чўй, итвачча, аммо шунга эришки, мажлис бригаданинг қарорини тасдиқламасин. Биз бош кўттармасимиздан бурун — одамларимиз заррача бўлсин шубҳага қолмасликлари керак».

Атаманчуковнинг тиз чўкишига ҳам тўғри келмади: Половцевнинг қистовли ами билан мажлисида Атаманчуковни Яков Лукич ҳам, унинг ҳамма маслакдошлари ҳам ёппасига ёқлаб чиқишиди, мажлис бригада қарорини тасдиқламади. Атаманчуков ижтимоий хайфсан билан кутулди. Ўшандан бери унинг попуги пасайиб, дуруст ишларди, ҳатто ялқовланиб ишлайдиган кишиларга меҳнатга онгли муносабати билан ўрнак ҳам бўлиб қолди. Аммо Давидов билан колхоз тузумига бўлган нафратини чуқур ва пухта яширолмас, нафрати аҳён-аҳёнда ихтиёридан ташқари, гоҳ эҳтиёtsиз айтилган сўзи орқали, гоҳ совуқ қулгиси орқали сиртга чиқиб кетар, гоҳ сув берилган пўлатдек кўм-кўк кўзларида аламли учқун каби чақнаб, дарҳол ўчар эди.

Талаб қилинадиган ёрдамнинг ҳажми билан ҳайдашни тутгатиш муддатларини ярим кечага боргандагина аниқ белгилашди. Давидов шу ернинг ўзида, гулханнинг олдидаёқ Размётновга хат ёзиб берди. Дубцов эса учинчи бригададан тушгача ҳўқизлар билан плугларни олиб келиш, ўзи Любишкин билан бирга энг ишchan плугчиларни танлаб олишилик учун тонг отишини кутиб ўтирмасдан, ҳозирнинг ўзидаёқ хуторга жўнайдиган бўлди. Учиб қолган гулхан атрофида индамасдан яна бир марта чекишиди-да, ётгани тарқалишди.

Худди шу вақтда будка яқинида бошқа бир судбат давом этмоқда эди. Жўнгина тунука тогорада Варя эҳтиёт билан Давидовнинг тель-няшласини ювмоқда, ёнида турган ошпаз хотин эркакларнинг овозига мойил паст овоз билан галирмоқда эди:

- Нега йиғлаяпсан, жинни?
- Кўйлагидан шўр ҳид келялти.

— Нима қипти? Ишлаганларнинг ҳаммасининг ички кўйлагидан ҳам атир билан ироқи совун ҳиди эмас, шур билин тер ҳиди келади. Бунча ўкрамасанг? Сени хафа қилиб қўйгани йўқми?

— Йўқ, нима деяпсан, хола!

— Бўлмаса нега дур-дур йигтайсан, лақма?

— Ахир бегонанинг кўйлагини эмас, ўз ёримнинг кўйлагини юважатман-ку... — деди қиз тогорага бошини эгиб ва ўпкасини аранг босиб.

Узоқ сукутдан сўнг ошпаз қўлларини биқинига тираб, жаҳл билан хитоб қилди:

— Йўқ, тинкамга тегиб кетди! Варька, ҳозир бошингни кўтар!

Ун еттигагина кирган кичкинагина шўрлик етовчи! У бошини қўтарди, ошпазга иффатли ёшликтининг хун бўлган, аммо баҳтиёр кўзлари тикилди.

— Менга унинг кўйлагидаги шур ҳам ардоқли...

Даръя Куприяновнанинг баҳайбат кўкраги кулгидан долғаланиб тикилди:

— Мана энди мен ҳам кўриб турибманки. Варька, росмана қиз бўлиб қолибсан.

— Илгари қандай эдим? Росмана қиз эмасмидим?

— Илгари эмиш! Илгари сен ўйинқароқ қизалоқ эдинг, мана энди қиз бўлиб қолдинг. Токи бир йигит бошқа бир йигитни яхши кўриб қолган қизи туфайли тутиб олиб урмас экан — у йигит эмас, гўдак. Токи қиз тишини иржайтириб, кўзини олайтиаркан — у қиз эмас, ўйинқароқ қизалоқ. Қачонки, унинг кўзи ишқ-муҳаббатдан хун бўлиб ёстиғи кечаси билан кўзёшидан шалаббо бўлиб чиқса,— ана унда чинакам қиз бўлиб қолади! Тушундингми, тентак?

Давидов қўлини боши остига қўйганча будкада ётар, уйқу фоломас эди. «Мен колхоздаги одамларни билмайман, уларнинг кўнгиллари дагини билмайман,— ўқинч билан уйларди у.— Дастрлаб кулакларни тугатдик, кейин колхоз ташкил қилдик, кейин хўжалик ишлари бошланиб кетди, одамларга яқинроқдан разм солиб таниб олишга вақтим етмади. Одамларни билмасам, билиб олмаган бўлсам, жин урсин, раҳбар бўлиб қаёқча бордим? Уларнинг ҳаммасини билиб олишим керак, улар унча кўп ҳам эмас. Аммо буларнинг ҳаммаси унча осон иш эмас экан. Мана Аржанов мутлақо бошқача экан. Ҳамма уни содда деб юради, аммо у содда эмас, э-ҳа, ҳеч содда эмас! Бу пахмоқ соқол алвастининг кўнглидагини иблис билиб олмаса, ҳеч ким билолмайди: болалигиданоқ чиганоғига кириб олиб туйнугини ёпиб қўйган, кўнглига йўл топиб кир-чи,— кириб бўлсан, хомтама бўласан! Яков Лукич ҳам тилсимлик қулф. Уни кўз остига олиб, яхшилаб разм солмаш керак. Утмишда кулак бўлгани равшан, аммо ҳозир ҳалол ишлайти, ўтмишидан қўрқса керак... Бироқ, уни хўжалик мудирлигидан ҳайдашга тўғри келади, оддий колхозчи бўлиб ишласин. Атаманчуковга ҳам тушуниб бўлмайди, менга худди маҳкумга тикилган жаллоддек тикилади. Нима гап ўзи? Росмана ўрта ҳол, хўш, оқларда бўлган, ахир улардан қайси бири оқларда бўлмаган? Бу жавоб эмас. Мен ҳамма нарсани пухта ўйлашм керак, кимга чинакам суюниш мумкинлигини, кимга чинакам ишониш мумкинлигини билмай туриб кўр-кўrona раҳбарлик қилишим етар. Эҳ, матрос, матрос! Агар цехдаги йигитлар колхозга қандай раҳбарлик қилаётганингни билиб қолиша борми — то суюгинг кўрингунча қатронлашарди!».

Будка ёнида, очиқ ҳавода етовчи хотин-қизлар жой солиб ётишди. Мудроқ босган Давидов Варянинг ингичка овози билан Куприяновнанинг баҳмал овозини ўшитарди:

— Мунча пинжимгә тиқилмасанғ, бузоқ сиғирга ёпишгандек?— дерди кулиб нафаси қисилғанча ошпаз.— Ҳадеб құчоқлайверасанми? Эшитяпсанми, Варық? Худо ҳақи, нарироқ ёт. Үчоқдаги ўтдек лов-лов ёняпсан! Гапимни эшитяпсанми? Сен билан бирга ётиб чакки қилибман... Оташ бўлиб қизиб кетяпсан, тобинг қочиб қолгани йўқми?

Варяning осуда кулгиси мусиччанинг кукулашига ўхшарди. Давидов мудроқ ичиде жилмайиб, уларнинг ёнма-ён ётганларини тасаввур этди, уйқуга кетаётиб ўйлади: «Қандай ёқимтой қизалоқ, катта бўлиб бўйи етиб қолипти-ю ақли ҳали ҳам ёш болаларнинг ақлидек. Бахтиёр бўл, жоним Варюха-куюнчак!»

У уйғонганда кун ёришиб кетган эди. Будкада ҳеч ким йўқ, ташқарида эркакларнинг овози эшитилмас, ҳамма қўшичилар аллақачон згатда, ёлғиз Давидовгина женг сўрида чўзилиб ётар эди. У чаққонлик билан сапчиб туриб, пайтавасини ўраб, этигини кияркан, бош томонида ювилиб, майда тепчиб моҳирлик билан яマルган тельняшкасини ва тоза каноп кўйлагини кўриб қолди. «Бу ерга кўйлагим қаёқдан келиб қолди? Яхши эслайман, бу ерга ҳеч нарсасиз келганиман. Бу ерда кўйлагим қаёқдан пайдо бўлиб қолди экан? Жин чалдими ўзи!»— таажжубланарди Давидов, бунинг туш эмаслигига узил-кесил қаноат ҳосил қилиш учун муздек канопни ҳатто қўли билан ушлаб ҳам кўрди.

Тельняшкасини кийиб, будкадан чиққандагина унга ҳамма нарса аён бўлди: башанг мовий кофтача ва ҳафсала билан дазмолланган қора юбка кийган Варя бочканинг олдида оёғини ювмоқда, у худди шу эрта тоңгдек сарин, пушти лаблари билан унга қараб жилмаяр, катта-катта қора қуралай кўзлари ҳам худди кечагидек самимий қувонч билан порлаб турар эди.

— Кечанинг ўзидаёқ тинканг қуриб қолганмиди, раис? Ухлаб қолибсанми?— деб сўради баланд овоз билан кулиб,

- Кечаси қаёққа кетган эдинг?
- Хуторга бориб келдим.
- Қачон қайтиб келдинг?
- Ҳозир келиб турганим.
- Кўйлагимни сен олиб келдингми?

Варя индамай бош силкиди. Унинг кўзларида хавотир белгилари кўринди:

— Чакки қилибманми? Сенинг квартирангга кирмасам бўлармиди? Мен йўл-йўл кўйлагинг иш бермайди деб ўйладим...

— Офарин, Варюха! Сенга ҳаммаси учун бирйўла раҳмат. Лекин нима муносабат билан бунақа ясаниб олдинг? Вой-бў! Бармоғида узуги ҳам бор экан-ку.

Қорамолдоғидаги жўнгина кумуш узукни ийманиб айлантирапкан, Варя шундай деб қўйди:

— Устимдаги кийим-бошим кир-яғир эди. Бориб онамдан хабар олиб, кийимимни алиштириб келдим.— Бирдан хижолатини енгиб кўзларини шўх чақнатди:— Кун-узун кун ақалли бир марта қараб қўярсан деб, туфлимни ҳам киймоқчи эдиму, аммо шудгорда туфлида юриб ҳўқиз етаклаб бўлмайди.

Давидов кулиб юборди:

— Энди сендан кўзимни узмайман, югурук кийиккинам! Хўп, бориб ҳўқизларни қўш, мен ювинаману, етиб бораман.

Шу куни Давидов деярли ишлашга муваффақ бўлолмади. Ювениб бўлмасидан Кондрат Майданников келиб қолди.

— Ахир сен икки кунга жавоб сўраган эдинг-ку, нега бунақа эрта қайтиб келиб қолдинг?— жилмайиб сўради Давидов.

Кондрат қўл силтади:

— Зерикиб кетдим. Хотиним ўрнидан турди. Безгак тутган экан. Хўш, мен нима қилдим. Бурилдиму, изимга қайтдим. Варъка қаёда?

— Хўкизларни қўшгани кетди.

— Бўлмаса мен ҳайдагани кетдим, сен меҳмонларни кут. Любишкуннинг ўзи саккизта плуг сургатиб келяпти, мен уларга ярим йўлда етиб олдим. Агафон ҳам худди Кутузовга ўхшаб ҳаммадан олдинда оқ бия миниб келяпти. Ҳа, яна бир янгилик — кеча кечқурун қоронги тушиб қолганда Нагульновга ўқ узишипти.

— Қандай қилиб ўқ узишади?

— Қандай қилиб узишарди, милтиқдан-да. Биронта жин урган отганга ўхшайди. У ланг ючиқ дераза олдида чироқ ёқиб ўтирган экан, мўлжалга олиб отишипти, ўқ чаккасининг ёнидан терисини ялаб ўтиб кетипти, холос. Контузия туфайлими, ё жаҳлданми, боши қалтираб-қалтираб қўяди, аммо ўзи соғ-саломат. Район милициясидан одамлар келиб, изғиб, текшириб юришипти, лекин бир иш чиқиши амри маҳол...

— Эртага сизлар билан хайрлашишимга тўғри келади, хоторга кетаман,— деб қарор қилди Давидов.— Душман бошини кўтаряпти-я, Кондрат?

— Тузук, бу ёмон эмас, кўтарса кўтараверсин. Кўтарилган бошни чопиш осонроқ бўлади,— деди осойишталик билан Майданников ва оёқ кийимини бошқатдан кия бошлади.

VIII БОБ

ЯРИМ ТУНДАН сўнг юлдузли осмон бўйлаб елкама-елка зич бўлиб қоп-қора қуюқ буултлар сузуб жела бошлади, кузга жос тинкага тегувчи майда ёмғир севалади, ҳадемай дашт худди чукур, нам ертўладек қоп-қоронги, салқин ва жимжит бўлиб қолди.

Тонг отардан бир соат бурун шамол эсиб, буултлар гала-гала бўлганча тез юриб кетди, тик ёғаётган ёмғир солланиб, булат билан ер орасида шарқ томонга мойиллашди, кейин эса қандай қўққисдан бошланган бўлса, шундай тез тиниб қолди.

Куёш чиқар олдидан бригада будкасига бир отлиқ киши келди. У бамайлихотир отидан тушиб, юган тизгинини яқин орада ўсиб турган дўлана бутасига боғлади-да, ҳамон ўшандай хотиржамлик билан йўл-йўлакай мучаларини ёзib, ерўчоқ олдида жуйманаётган ошпаз хотин ёнига келди, у билан аста саломлашди. Куприяновна унинг саломига жавоб бермади. У чўккалаб, тирсаклари ва каттакон кўкраги билан ерга тираданча, бошини қийшайтириб, қорайиб қолган тутантириқларни зўр бериб пуфламоқда, уни ўт олдиришга уннамоқда эди. Ёмғир ва қалин тушган шудрингдан шалаббо бўлган тутантириқ ўт юлмас, хотиннинг зўриқишидан қизарган юзига биқсиган тутун, пага-пага кул урилар эди.

— Курибина кетсин овқат қилиш шунаقا бўладиган бўлса! — алам билан хитоб қилди йўтал ва тутундан нафаси тиқилган, ғижинган ошпаз хотин. У ўзини орқага ташлаб, рўмоли остидан тўзғиб чиқсан соchlарини тузатиш учун боши билан қўлларини кўтараркан, олдида турган меҳмонни кўрди.

— Тутантириқни кечаси будкага олиб кириб қўйиш керак, энага пазанда! Ҳўл ўгинни пуфлаб ўт олдириш учун ўлкангда даминг етмай қолади. Қани, сенга бир қарашиб юборай-чи,— деди меҳмон ва хотинни оҳистагина четлатди.

— Даляю даштда сенга ўхшаб изғиган ројкорчиларнинг сон-саноги йўқ, қани ўт олдириб кўр-чи, ўлкангда даминг кўплигини бир кўриб

қўйай,— дея жовради Куприяновна, ўзи эса бажонидил четга чиқиб, нотаниш одамни дикқат билан кўздан кечира бошлади.

Меҳмоннинг бўйи ўртачагина, қиёфаси ҳам унча кўримли эмас эди. Эгнида жуда эскириб кетган хушбичимгина бобрик куртка, бели солдатча камар билан танғилган, қунт билан ямаб-ясқалган сабза ранг шими билан қўнжигача лой ёпишган эскигина этиги ҳам, афтидан, эгаларига муддатдан ташқари хизмат қилган, бу эса уни ниҳоясига етказмоқда эди шекилли, қошигача бостириб кийган, олифта ажойиб кумуш ранг қоракўл кубанкаси унинг фақирона либоси ичида мутлақо ажралиб турар эди. Меҳмоннинг қора мағиз юзи очиқ, пучук бурни жилмайганида аломат бир тарэда жийирилиб кетар, қуралай кўзлари эса оламга илтифотли ва оқилона табассум билан боқар эди.

У чўнқайиб ўтириб, курткасининг қўйин чўнтағидан зажигалка билан тиқини жисп ёпиладиган жаттагина япасқи шиша олди. Бир дақиқадан сўнг устига бир талай бензин қуйилган тарашалар ловуллаб ёниб кетди.

— Ана шундай қилиш керак, энага! — деди меҳмон ошпазнинг сергўшт елкасига ҳазиллашиб уриб қўяркан. — Майли, бу шишани сенга умрбод хотира учун тақдим қиласман. Тутантириқ намиқиб қолгудек бўлса — тарашаларга сепиб юборсанг иш ўнгидан келаверади. Совғани ол, атала-ўмочинг лишса — мени меҳмон қиласан! Бир товоқ қилиб қуюқ сузиб берасан!

Шишани қўйнига яшираккаň, Куприяновна унга чучмал меҳрибонлик билан миннатдорчилик билдириди.

— Совғанг учун кўпдан-кўп раҳмат, ўргилиб кетай! Таом билан кўнглингни хушлайман. Айтмоқчи, бу шишани нима учун олиб юрасан? Ўзинг ветинарлардан эмасмисан? Сигирларни боқадиган табиб эмасмисан?

— Иўқ, мен сигир табиб эмасман,— жавоб беришдан қочди меҳмон.— Қўшчилар қаёқда? Ҳали ухлаб ётишиптими?

— Баъзилари ҳовуз томондан ҳўқизларини олиб келгани кетишиди, баъзилари аллақачондан бери узоқдаги шудгорда тер тўкишяпти.

— Давидов шу ердами?

— Будкада. Ухляяпти шўрлик. Кечакуни билан ҳориди, ўзи ҳам иш деса муккасидан кетган, жуда кеч ётди.

— Алламаҳалгача нима қилиб юрди?

— Ким билади, шудгордан кеч қайтган эди, зарур экан шекилли, якка хўжаликлик вақтида экилган кузги буғдойларни кўриб келгани кетди. Қўриқ ернинг четидаги тепаликкача бориб келди.

— Ким ғаллани қоронги тушганда кўздан кечираркан? — меҳмон жилмайиб бурнини жийирганча, ошпазнинг йилтироқ лўппи юзиға дикқат билан тикилди.

— У ерга қоронғи тушмай етиб борган бўлса, у ёқдан кеч қайтиб келди. Ким билади, нега қайтди экан, эҳтимол булбуллар сайрашини эшитгандир. Бизнинг Терновая балкадаги булбулларнинг кўрсатадиган ҳунарларини айтсам — ақл бовар қилмайди! Шундай сайрашадики, шундай минг юҳангда наво қилишадики, уйқудан бегона бўлиб қоласан! Юрак-бағриянги эзиб юборишади қуриб кетмагурлар! Баъзан ётган жойимда туриб туриб хун-хун йиғлайман.

— Нима сабабдан?

— «Нима сабабдан» деганинг нимаси? Гоҳ ёшлигингни эслаб кетасан, гоҳ ёшлигингда бошингдан ўтган ҳар бало ишларни эслаб кетасан... Хотин кишининг оби-дийда қилиши учун арзимаган баҳона кифоя, ўргилай.

— Давидов ғаллалардан хабар олгани ёлғиз ўзи бордими?

— Раисимиз ҳозирча етовчисиз юрилти, худога шукур — күр эмас. Узинг ким бўласан? Нима иш билан келдинг? — бирдан эҳтиётланди Куприяновна ва сиполик билан лабларини қўмтиди.

— Уртоқ Давидовда ишим бор эди, — яна жавобдан қочиб деди меҳмон. — Менинг ишим ошиғич эмас, уйғонгунча кутиб туришим мумкин, заҳматкаш тўйиб ухлаб олсин. Утинлар гуруллаб ёниб кетгунча — сен билан у ёқ-бу ёқдан гаплашиб ўтиратурамиз.

— Сен билан гап сотишга тушиб жетсан, бир жаҳон одамга шунча картошкани қачон артиб бўламан? — сўради Куприяновна.

Аммо хушчақчақ меҳмон бу ўринда ҳам гарантсиб қолмади: у ҷўнтагидан қаламтарош олиб унинг тиғини башмолдоғининг тирноғига тақаб кўрди.

— Картошканги бу ёққа олиб кел, мен артишиб юборай. Бундай ёқимтой ошпазга умрбод ёрдамчи бўлишга розиман, кечалари менга кулиб қараса бас.. Ақалли худди ҳозир кулиб қараётганидагидек қараса ҳам бас.

Яйраб, яна ҳам қизариб кетган Куприяновна намойишкорона таас-суф билан бошини чайқади:

— Нимжонина экансан, шўрликкинам! Жуссанг менга нимжонлик қилади... Аҳён-аҳёnda бир кулиб боғишим ҳам ажаб эмасу, лекин сен бари бир кўзинг билан илғаб, кўриб ололмайсан...

Меҳмон дуб тўнкага ўрнашиб ўтириб олгач, жўзларини чимириб кулаётган ошпазга тикилди.

— Мен кечалари худди уккига ўхшаб кўраман.

— Сен илғай олмаганингдан эмас, ўткир-ўткир кўзгиналарингга ҳалқа-ҳалқа ёш тўлганидан кўролмай қоласан...

— Сен ҳали шунақамисан, — оҳистагина кулиб қўйди меҳмон. — Яна мендан олдин ўзинг шашқатор йиғлаб юрматин, гупсонги! Мени кундузлари хушфеъл демасанг, кечалари сенга ўхшаган семизларга омон бермайман. Дод-войингга ҳам қарамайман!

Куприяновна пиқиллаб кулиб юборди, ботир ҳамсухбатига силогина риоя билан қараб қўйди.

— Керилган — гар-гар кекиради, куюнчакни ғам куйдиради, дейишади, ўргилай.

— Сарҳисобини эрталаб қиласиз: кимни ғам куйдиради ким кериша-кереша уйқуни уради. Қани картошкани олиб кел, олаҳакка, бекорчиликни бозор кўтартмайди!

Куприяновна лапанглаганча будкадан бир челяк картошка олиб келди, ҳамон кула-кула меҳмоннинг қаршисидаги табуретга ўтириди. Меҳмоннинг қорамагиз чаққон бармоқлари остидан юпқагина картошка пўчоги буралиб-буралиб чиқаётганини кўраркан, мамнуният билан гапирди:

— Гапга печан десам, ишга ҳам чечан экансан. Ёрдамчим чакки эмас!

Меҳмон қаламтарошини чаққонлик билан ишлатар, индамас эди, бир неча дақиқадан сўнггина сўради:

— Хўш, Давидов қалай? Казакларнинг дидига ёқдими, ё ёқмадими?

— Тузук, ёқди. У ботир йигит, сенга ўхшаган соддагина. Ичидан пишган писмиқларни биздагилар ёмон кўришади.

— Содда дегин?

— Жуда тўпори!

— Демак, лақмароқ экан-да? — меҳмон кубанкаси остидан мугом-бirona тикилди.

— Сен ҳам ўзингни лақма деб ҳисоблайсанми? — деди истеҳзо билан Куприяновна.

— Үндай дәёлмайман...

— Нега бўлмаса Давидовни лақма дейсан? Ахир бир-бирларингизга жуда ўхшаб кетасизлар-ку...

Меҳмон яна индамай қолди, мийиғида кулганча аҳён-аҳёнда сергап ошпазга назар ташлаб қўярди.

Шарқда булат тўйсан қизғиши қўёш шафағи яна ҳам кенгайди. Туни билан дам олган шабада қанот ёзиб Терновая балкадан булбул навоси-нинг янгроқ садоларини олиб келди. Шу пайт меҳмон қаламтарошининг тифини шимига артиб, илтимос қилди:

— Бор, Давидовни уйғот. Чаласини қишида ухлар.

Давидов будкадан яланг оёқ чиқди. У уйқусираган ва тунд эди. Меҳмонга қараб қўйғач, хирқироқ овоз билан сўради:

— Райкомдан пакет олиб келдингми? Бер.

— Пакетим йўқ, аммо райкомдан келдим. Оғингга кий, ўртоқ Давидов, гаплашиб олишимиз керак.

Сурат чекилган кенг кўкрагини қаширкан Давидов меҳмонга лоқайдигина қараб қўйди:

— Ичимдан сезиб турибман, жаноблари — райкомнинг вакили... Мен ҳозир, ўртоқ!

У тезгина кийинди, этигини эса қўлантай қийиб олди, юзини дуб бочкачанинг талх ҳиди келиб турган сув билан апир-шапир ювиб, бир оз намойишкорона таъзим қилди:

— Гремячий колхозининг раиси Семён Давидов.

Меҳмон Давидовга якин бориб, унинг яриндор елкасидан қучоклади.

— Сен ўзингни шунаقا расмий танишириар экансан-да! Мен — райком секретари Иван Нестеренкоман. Мана, танишиб ҳам олдик, энди бориб, у ёқ-бу ёқни айланиб самимий гаплашиб олайлик, ўртоқ колхоз раиси. Хўш, қалай, ҳайдаладиган ер кўпми ҳали?

— Анчагина...

— Демак хўжайин мўлжалидан адашипти-да?

Нестеренко Давидовни қўлтиқлаб, аста-секин шудгор томонга етаклади. Давидов унга қия қараб босиқлик билан деди:

— Янглишдим.—Ўзи кутмаган ҳолда бирдан қизишиб кетди:— Ахир тушунсанг-чи, қимматли секретарь, мен қишлоқ хўжалик соҳасида аммамнинг бузофиман. Мен ўзимни оқламайману, янглишган ёлғиз мен эмас.. Ахир бу иш янги бир иш бўлса...

— Мен кўриб, тушуниб турибман, хотиржамроқ гапиравер.

— Ёлғиз менгина эмас, мен орқа қилган ҳамма йигитлар ҳам мен билан бирга мўлжалдан адашишди. Кучларни нотўри тақсим қилибман. Тушуняпсами?

— Тушуняпман. Жуда ҳам ваҳима қиладиган жойи йўқ. Унча ваҳима қиладиган нарса эмас, йўл-йўлакай тузатиб оласизлар. Одам ва от-улов важидан мадад олдингларми? Яхши. Кучларни жойлаштириш, бу кучларни бригадалар бўйлаб бир меёрда тақсимлаш важига келсақ — келажакда, ақалли пичан ўроғи, хусусан — фалла ўроғи вақтила ҳисобга ол. Ҳаммасини олдиндан пухта ўйлаб қўйиш керак.

— Равшан, факт!

— Хўп, энди сен ҳайдаган ерга борайлик, менга пайкалингни кўрсат. Ленинград ишчилар синфининг Доң тупроғида қандай удда-бурорлик кўрсатаётганини кўрмоқчиман. Ҳайтовур Путиловский парткомининг секретарига сенинг парвосизлигингдан шикоят қилиб хат ёзимга тўғри келмайдими, а?

— Буниси ўзингга ҳавола.

Нестеренко кичкина, аммо кучли қўли билан Давидовнинг тирсагини яна ҳам қаттиқроқ сиқди. Секретарнинг содда, очиқ юзига қия қараб

қүйрекан Давидов бирдан енгил тортиб, ўзини эркин ҳис қилди. Қатъий лабларыда беихтиәр табассум күринди. Негаки партияявий раҳбарлардан ҳеч бири у билан аллақачонлардан бери бу қадар дўстона содда ва инсонларча самимий сўзлашмаган эди...

— Сифатни текширмоқчимисан, ўртоқ Нестеренко? Астойдилми?

— Нима деяпсан, нима деяпсан! Ишчилар синфи станок тепасида эмас, дастгоҳ тепасида эмас, ер тепасида турса нималарга қодир эканлигини билмоқчиман, кўрмоқчиман, холос. Агар билтинг келса, мен — асли ставрополлик таллакорман, шу важдан казаклар сени нималарга ўргатишганини билишга қизиқиб қолдим... Эҳтимолки, сенга ер ҳайдашни бирон казак хотин ўргатиб, чала ҳайдашга ҳам одатлантиргандир? Эҳтиёт бўл, Гремячий жувонларининг заарали таъсирига берила кўрма! Уларнинг ораларида шунақангилари борки, ҳатто сендеқ кўпни кўрган денгизчини ҳам ҳар бало йўлга солишлари мумкин... Ҳақ йўлдан адаштиришлари ҳеч гап эмас! Ё биронтаси аллақачон адаштириб қўйганми?

Нестеренко оғзига келган гапни хушчақчақлик билан тортинмай гапираётгандек кўринса-да, Давидов ҳазил тарзида аллақандай шамани дарҳол пайқаб, ўзини қўлга олди. «Лушка тўғрисида бирон гап билармикан ёки таваккалга қармоқ ташлаяптими?» — хавотир билан йўлади у. Аммо ҳазил оҳангидаги суҳбатни давом эттириди:

— Агар хотин киши йўлдан чиқиб ёки адашиб қолса: «Ҳайҳот!» деб қичқиради. Эркак киши, чинакам эркак бўлса, нафасини ичига ютиб, йўлинни қидиради, факт!

— Сен чинакам эркак бўлсанг керак-да?

— Сен нима деб ўйловдинг, ўртоқ секретарь?

— Мен шундай деб ўйлайман: менга бақироқлардан кўра чинакам эркаклар кўпроқ ёқади, агар сен, Давидов, бехосдан йўлдан адашиб қоладиган бўлсанг, шовқин-сурон кўтармай, менинг қулоғимга шилшиб қўй. Бир амаллаб сенинг тўғри йўлга чиқиб олишинга ёрдам бераман. Бўлтими?

— Яхшилигинг учун раҳмат, хайриҳоҳлигинг учун раҳмат,— деди энди жиддийлик билан Давидов, ичида эса: «Вой жин урган-эй! Ҳаммасини билиб олипти-я...» деб йўлади. Охирги жумласининг жиддийлигини таъкидламаслик учун қўшиб қўйди:— Секретаримиз ниҳоятда хушфеъл, асло топилмайдиган!

Нестеренко юриб кетаётган жойда тўхтаб, Давидовга ўгирилди-да, ҳашаматли кубанкасини орқасига сурив, табассумдан бурнини тириштирганча галирди:

— Шунинг учун хушфеълки, ёшлигига ўзи ҳам гоҳо-гоҳо йўлидан адашиб юрган... Эсимда, шундай бўлардики, чунончи худди параддагидек қадам ташлаб кетяпсан, қадам ташлаб жетяпсан, кейин қадаминг пойма-пойлашиб, қаёққа тушганини ҳам пайқамай қоласан, хуллас — четга ташлаб, то яхши одамлар сен фўра аҳмоқни тўғри йўлга олиб чиқиб қўймагунларича қушқўнмасларнинг устидан тасира-тусур кетаверасан. Хушфеъллигимнинг қаёқдан пайдо бўлганини тушундингми, матрос ошна? Лекин мен ҳаммага ҳам бир текисда хушфеъл эмасман...

— Тўрт оёғи бўлгани билан ҳатто от ҳам қоқиласди, дейдилар-ку,— эҳтиёт билан луқма ташлади Давидов.

Аммо Нестеренко унга совуққина қараб қўйди:

— Агар яхши от бир-икки марта қоқиласдиган бўлса, уни кечириш мумкин, аммо шундай отлар ҳам борки, ҳар қадамда қоқиласди. Уни қанча ўргатмагин, қанча жонингни куйдирмагин, у ҳар бир дўнгни тумшуғи билан тутишиб ўтишнинг пайдан бўлади. Бунақангги қирчонги билан отхонани банд қилишининг нима ҳожати бор? Йўқолсин!

Давидов сезилар-сезилмас миёниғида қулиб, индамасди. Шама шу қадар ошкора әзикі, изоҳнинг ҳожати йўқ эди...

Улар аста-секин шудгор томон қараб боришишоқда, уларнинг ортидан қуёш ҳам баҳайбат бинифаша булут орқасига яширингандча астасекин кўтарилиб келмоқда эди.

— Мана менинг пайкалим,— деди Давидов узоқларга кетган шудгорга ясама бепарволик билан ишора қилиб.

Бошининг сезилар-сезилмас ҳаракати билан кубанкасини қошларигача тушириб олиб Нестеренко нам шудгорни кўндалангига жесиб лапанглағанича кета бошлади. Ундан берироқда кетаётан Давидов секретарнинг қўнжига кириб қолган бурганин олаётгандек бўлиб бир неча марта шудгорнинг чуқурлигини ўлчаганини кўрди. Давидовнинг сабри чидамади:

— Очиқасига ўлчайвермайсанми? Менга дипломатия ишлатиб нима қиласан?

— Кўриб кўрмасликка олақолсанг бўлмасмиди,— йўл-йўлакай минфиллади Нестеренко.

У пайкалнинг нариги четида тўхтаб, малол келадиган илтифот билан гапира бошлади:

— Умуман — дуруст, аммо шудгор бир меёрда эмас, худди ўсмир бола ҳайдаганга ўхшаб турипти: бир жойи чуқур, бир жойи саёзроқ, баъзи жойлари бўлса мутлақо чуқур. Ҳар қалай, бу — уқувсиэликтан, эҳтимолки, қўшнинг қулоғига хушнудлик билан ёпишиб иш бошламаганингдан. Шуни билиб қўйки, Давидов, баджаҳл одамнинг урушда омади келади, баджаҳллик урушда далда беради, шудгорда бўлса, очик кўнгил бўлиш керак, чунки ер вазмин, меҳрибон муомалани яхши кўради. Менга марҳум отам ҳаётлигига шундай дегучи эди... Хўш, нега ўй сурб қолдинг, дашти-биёбон дengизчиси?! — бирдан хуш查қчақ қичқирди Нестеренко ва Давидовни кифти билан қаттиқ туртиб юборди.

У гандираклаб кетди, аввал курашга даъват этилаётганини тушумади. Аммо кулаётган Нестеренко уни яна куч билан итариб юборгач, Давидов чатаноғини жериб туриб олди-да, олдинга сал энгашди.

Улар бир-бирларига ёпишиб, бир-бирларининг камарларини қидира бошлашиди.

— Беллашамизми? — нафас олмай сўради Нестеренко.

— Таъбинг, фирромлик ишлатмасдан, ҳалол тушамиз.

— Бошдан ошириб ташлаш ҳам йўқ,— дейя нафасини бўшатди рақибини ёнбошга олишиб, сал-пал пишиллаётган Нестеренко.

Давидов унинг қурч ва серпай гавдасини қулоқлаб оларкан шу ондаёқ ҳадисидан қаршисида чинакам, тажрибакор курашчи турганини фаҳмлади. Давидов кучлироқ эдию, аммо Нестеренко ҳаракатчанлиги ва эпчиллиги билан ундан устунроқ эди. Икки мартача юзлари тақалишиб келганда Давидов унинг қўнғир қизиллик қоплаган ёноғини, шўх чақнаб турган кўзини кўрди, шивирлаб айтган: «Қани, қани, ишчилар синфи! Нега ҳеч турган жойингдан жилмайсан?» деган сўзларини эшилди.

Улар саккиз минутча шудгорда олишишди, сўнгра ғоятда тинкаси қуриган Давидов хирқираб деди:

— Ут устига чиқиб олайлик, бўлмаса бу ерда жон таслим қилиб ўтирумайлик...

— Қаерда бошлаган бўлсак шу ерда тамомлаймиз,— оғир ҳарсиллаб шивирлади Нестеренко.

Давидов охирги кучини йиғиб рақибини амал-тақал билан заранг ерга сурб чиқди, шунда синашишлари ниҳоясига етди: улар бирга йиқилдилар, аммо йиқилиш пайтида Давидов Нестеренкони ёнбошига

олди-да, устига бориб тушди. Чатаноқларини жерганча, рақибини гавдасининг бор залвари билан ерга босиб ҳарсиллай-ҳарсиллай аранг гапирди:

— Хўш, қалай, секретарь?

— Нима дердим, тан бераман... Зўр экансан, ишчилар синфи... Мени осонликча йиқитиш қийин, бу нарса билан болалигимдан бери шуғулланиб келаман...

Давидов ўрнидан туриб, мағлуб рақибига илтифот билан қўлини чўзди, аммо униси ростланган пружинадек ўрнидан салчиб туриб, унга орқасини ўгирди.

— Тупроғини қоқиб қўй!

Давидов Нестеренконинг елкасига ёпишган тупроқ ва ўтган йилги хас-чўпни каттакон қўллари билан, эркакларга хос қандайдир самимият. меҳр билан эҳтиёткорона қоқиб туширди! Уларнинг кўзлари яна учрашиди, икковлари ҳам кулиб юборишиди.

— Сен ақалли менинг партияйий унвонимга риоя қилиб бир оз ён боссанг бўлармиди! Ниманг кетарди? Эҳ, Ленинград айифи! Иzzat-журмат деган нарсани, таъзим-тавозе деган нарсани билмас экансан... Аммо жилмайшингга борман! Кулгидан оғзинг қулоғингда, худди кўёв болага ўхшаб ҳузур қилиб турибсан!

Давидов чиндан ҳам яйраб жилмаймоқда эди:

— Иккинчи гал ҳисобга оламан, факт! Аммо сен ҳам қаттиқ қаршилик кўрсатмагин-да, ахир тиззангача ерга ботиб кетсанг ҳам таслим бўлгинг келмади. Эҳ, Нестеренко, Нестеренко! Макар Нагульнев айтмоқчи, ставрополлик бадбахт ўртаҳол ва майда хусусий мулкчи. Сен, секретарь сифатида, тушунишинг керакки, ишчилар синфи ҳар қандай ишда ҳам юқорида бўлиши керак, бу тарихий жиҳатдан далилланган, факт!

Нестеренко кулиб ҳуштак чалиб қўйди, бошини чайқади. Кубанкаси гарданига сирғала тушиб бориб, унда тасодифан туриб қолгандек бўлди. У кула-кула гапирди:

— Иккинчи марта мен сени албатта йиқитаман! Кўрамиз, ўшанда қандай марксистик далил қидириб қоларкансан! Шуниси ёмон бўлдики, сен билан икковимиз ёш болаларга ўхшаб олишаётганимизни ошпаз хотин кўриб турди, у бизни нима деб ўйлаши мумкин? Қап-катта одамлар эсларини елти, деса керак...

Давидов парвосизлик билан қўл силтади:

— Ёшлигимизни айтсак тушуниб кечирар.. Қани, гаплашиб олайлик, ўртоқ Нестеренко, бўлмаса вақт кетяпти, факт!

— Утиришимиз учун қуруқроқ жой топ.

Улар эгасиз суғур уяси устидаги тупроқ уюмига ўтиришиди, Нестеренко шошмасдан гап бошлади:

— Бу ерга келишимдан олдин мен Гремячийда бўлдим. Размётнов билан, хуторда ҳозир бўлган активларнинг ҳаммаси билан танишдим, Нагульневни бўлса танийман, у билан хуторга келмасимдан бурун танишгам эдим, у райкомга ҳам борган эди. У билан Размётновга ҳам айтган эдим, сенга ҳам такрорлай: сизлар яхши колхозчиларни, бизнинг ишимизга содиқ одамларни партияга тортиш борасида ёмон иш олиб бораётисизлар. Жуда ёмон иш олиб бораётисизлар! Ваҳоланки колхозда яхши-яхши одамлар бор, тўғрими?

— Факт!

— Бўлмаса гап нимада?

— Яхшилар ҳам кутиб туришипти...

— Нимани?

— Колхоз масаласи оқибатда нима бўлишини. Ҳозирча — кўпроқ ўз полизларида ўрагишишяпти.

— Уларни ишга қолиши керак, миялариниң карақталиқдан чиқариш керак!

— Үнча-мунча ишга солялмизу, аммо иш чиқмаяпты. Үйлайманки күзға бориб ячейкамиз ўсса керак, факт!

— Күзгача құл қовуштириб ўтирасизларми?

— Йүқ, нега энди, ҳаракат қыламиз, аммо сиқиққа олмаймиз.

— Мен ҳеч қандай сиқиқ түғрисида гапираётганим йүқ. Хуллас илғорлар жумласидан бұлған баъзи меңнатсеварларни бағримизга тортиш, уларга партияның сиёсатини солда тил билан тушунтириш учун ҳар бир қулай имкониятдан фойдаланишимиз керак.

— Биз шундай фаолият күрсатыпмиз, ўртоқ Нестеренко,— деб ишонтириДавидов.

— Фаолият күрсатаётган экансизлару, ячейка бұлса ўсмаяпты. Бу фаолиятдан күра фаолиятсизликка ўхшаброқ кетади... Майли, шошмаймиз — күрайлик-чи, бундан бу ёғига ишларингиз қандай кетар экан. Ҳүп, энди бошқа нарса түғрисида гаплашамиз. Мен сенға бошқа хилдаги баъзи бир камчиликларни күрсатмоқчиман. Мен бу ерга сен билан танишгани, таъбир маъзур күрілса, искашиб олғани, самимий сұхбатлашиб олғани келдім. Сен саводхон йигитсан, ёшлигингни астайдыл баҳона қилиб ўтирайсан, ёшлигинг ўтиб кетган, шу қадар узоқлашиб кетганки, изидан қувиб бориб қайтариб олиб келолмайсан! Мендан proletar келиб чиқишингга, тажрибасизлигиннга ва бошқа жиҳатларингга нисбатан ён босишни, шунингдек, баъзи партиявиј раҳбарлар олифтачилик билан күз-күз қилишни ёқтирадиган қатъий тундликни ҳам кутма.— Нестеренко анчагина жонланиб сўзида давом этди:— Бизнинг партиявиј турмушимизда, менинг назаримда, жўясиз ҳаракатлар ва ўшаларга мос: «пўстини шишиш керак», «қум билан қатронлаш керак», «жилвир билан ишқалаб қўйиш керак» деганга ўхшаган ибораларни ишлатиш одат бўлиб қолди. Гўё гап одам ҳақида эмас, занглаған темир парчаси ҳақида кетаётгандай. Ахир бу нима деган гап ўзи? Шуни билиб қўйки, бу ибораларни кўпроқ умри бино бўлиб на металлиниг, на ёғочкинг пўстини шилган, ажаб эмаски, эговни ушлаб ҳам кўрмаганлар ишлатишиади. Ахир одам — нозик нарса, унга, эҳа, жуда ҳам эҳтиётлик билан муомала қилиш керак!

Сенға бир воқеани гапириб берай. Үн саккизинчи йилда бизнинг отрядимизда шундай тартиб-интизом ҳукм сурардик, бундан расво тартиб-интизом бўлиши мумкин эмасди! Үн тўққизинчи йилнинг бошида бизга комиссар — Донец шахтёрларидан чиққан коммунистни юборишиди. Үрта яшар, буқчайтанроқ киши эди; мўйлови қоп-қора, худди Тарас Шевченконинг мўйловидек салқи эди. Ү келиши билан ҳамма ишларимиз бошқача бўлиб кетди. Үша вақтда отрядни Қизил Армия полкига айлантиришиди. Полкдаги одамлар ўша одамлар бўлса ҳам, янгидан дунёга келгандек бошқача бўлиб қолишиди. Ревтрибунал судига бериш у ёқда турсин биронта ҳайфсан, танбех ҳам берилмади, полкда шахтёр-комиссар пайдо бўлгач атиги бир ойнинг ичидаги шундай бўлса-я! Ү нима билан ийдирарди? Самимийлик билан, шу хислати билан ийдирарди айёр шайтон! Ҳар бир қизил аскар билан гаплашарди, ҳар қайси сига яраша илиқ сўз топиб айтарди. Жанг олдидан қўрқоқлик қилганга хилватда далда берарди, тентакларни ҳушига желтириб қўярди — шундай ҳушига желтириб қўярдики, у одам қийиқлик қилиб хафа ҳам бўлмасди. Үнинг қулоғига пицирларди: «Узингни беҳудага ўтга, чўқقا ураверма, аҳмоқ! Ахир сени ўлдириб қўйишади-ку, унда бизнинг ҳолимиз нима кечади? Ахир сен бўлмасанг бутун взводнинг, ажаб эмаски, бутун ротанинг ҳоли ҳароб бўлади-ку!». Ҳўш, ўз-ўзидан маълум, комиссар үнинг түғрисида шундай фикрда эканлигидан қаҳрамон ийиб кета-

ди, пала партиш эмас, мулоҳаза билан жаңг қила бошлайди... Комиссаримизнинг атиги бир нуқсони бор эди: биронта каттароқ қишлоғини, ёки казак станицасини әгаллаб қолсак, нокасталик қила бошларди...

Давидов бехосдан Нестеренкога шу қадар кескин бурилдики, шамол ялаб жетган тик суғур тепадан қулаб кетишига сал қолди. Панжалари ёзилган ўнг қўли ҳўл тупроқдан сирғалиб, унга таянганча, хитоб қилидди:

— Нокасталик қилгани нимаси? Нималар деяпсан ўзи?

Нестеренко оҳиста кулиб қўйди:

— Таъбирдан адашдим! Нокасталик эмас, бой савдогарларнинг, помешчикларнинг, хуллас, ўша вақтларда китоб сотиб олишга қодир бўлганларнинг кутубхоналарини титкилай бошларди. Ўзига керакли китобларни ажратиб олиб, ҳеч қандай эътиrozга ўрин қолдирмай мусодара қиласади! Айтсан ишонмайсан — тўрт арава китоб, бутун бошли кўчма кутубхона олиб юрарди, китобларни ҳам ўқ-дорилардек эҳтиёт қиласади: ҳар бир аравага брезент ёпилган, китоблар ҳам расамади билан тахлаб қўйилган, ҳар қаисисининг тагига похол тўшалган. Манзил ташлаганимизда, ҳордиқ чиқараётганимизда, жаңг ораларидаги тиним пайтларида, қурол-яроғларни тозалаб, овқатланиб бўлганимиздан кейин ҳар бир бўш дақиқада жангчиларга китоб тутқизарди, ўқиши буюради, кейин эса ўқиган-ўқимаганимизни текширади...

Мен ўша вақтда, ёшлик экан, кўпроқ қизларга қизиқардим, ростики айтсан, мутолаага бўйним ёр бермасди... Ўзим бўлсанам анчагина чаласавод эдим, оқ-корани танимасдим. Бир кун у берган китобини ўқимаганимни билиб қолди. Ўшандан бери ўша китобнинг автори ҳам, номи ҳам сира-сира эсимдан чиқмайди... Икки қундан кейин китобнинг ғазмунини сўраб қолди. Мен оғиз очолсан-чи. У бўлса,— бундай ҳолларда одамни бирорларнинг жўзи олдида шарманда қилмаслик учун ҳамиша холи топиб гаплашарди,— менга шундай деди: «Хўш, бу дунёда Иванушка-тентак бўлиб яшаб ўтмоқчимисан? Кеча кечқурун кўрдим бир қизнинг атрофига гирди-капалак бўллаётганингни. Шуни бўркингда билиб қўйки, саводхон қиз сен саводсиз аҳмоқни бошига ҳам урмайди, сен билан гаплашса, беш минутдан кейин зерикиб колади; у тентакка сен сира ҳам асқотмайсан: у сендан ақл ўргана олмайди, чунки ақлнинг асари ҳали ўзингда ҳам йўқ, ҳали ақл орттирган эмассаң. Эркакларга хос бўлак фазилатларга келсак, улар саводхонларда ҳам саводсизларда борчалик борки, ҳар жиҳатдан қараганда ҳам устунлик саводхонлар томонида. Тушундингми, ғўра тўнгак?»

Хўш, мен унинг бу гапига нима деб жавоб қайтаришим мумкин эди?..

У ярим ойгача менга сира кун бермай калака қилиб юрди, йиғла-моқдан бери қилди,— аммо ҳар қалай мутолаага ўргатди, шундан кейин ўзим ҳам китобларга шу қадар муқкамдан кетдимки, бошимни кўттармасдан ўқийман. Ҳозиргача уни хушнудлик билан эслайман, сид-қидилдан айтсан, менга шунча билим билан тарбияни марҳум отам берганми, ёки комиссарим берганми, айтольмайман.

Нестеренко ниманидир ўйлаб бир оз жим қолди. Унинг кўнгли бузилиб кетди шекилли. Аммо бир дақиқадан сўнг муғомбirona табасумини аранг тийиб, саволларни ёғдира бошлади:

— Сен бўш вақтингда бирон нарса ўқийсанми? Фақат газеталарни кўздан кечириб чиқсанг керак? Бўш вақтинг ҳам кам бўлса керак-а? Айтмоқчи, сизларнинг қироатхоналарингизда қизиқ китоблар борми?.. Билмайсанми?! Ҳе, оғайни, уят сенга! Қироатхонага ҳеч кирмаганимсан?.. Икки мартағина кирган эдингми? Эҳ, ошнажон, бу гапга ҳеч ақл боловар қилмайди-ку! Мен сенинг тўғрингда бошқача фикрда эдим. Леп-

нинград ишчилар синфининг вакили! Сенинг заводингга шу түғрида ёзишм мумкин экан. Аммо сен хавотир олма, мен ўз номидан шундай деб ёзаман: «Заводингизнинг собиқ ишчиси, ҳозирда Гремячий колхозининг раиси йигирма беш мингчи Давидов билан у раҳбарлик қилаётган колхозчилар ниҳоятда китобга муҳтожлар. Уларга оммабоп сиёсий ва иқтисодий адабиёт, агрономия, чорвачилик ва умуман қишлоқ хўжалиги га оид китоблар ғоятда зарур. Шунингдек, ҳам классик, ҳам ҳозирги замон адабиётидан иборат бадиий адабиётлар туркуми бўлса ҳам мақбул бўларди. Оталик тартибида, мумкин бўлса, фалон адресга уч юзтагина китобдан иборат бепул кутубхонача юборсангизлар». Дурустми? Шундай деб ёзайми?.. Ёзмайми? Ҳоҳламайсанми? Ҳоҳламаганинг яхши! Бўлмаса ўзинг ҳаракат қилиб, колхоз маблағига икки юз-уч юз китобдан иборат кутубхона сотиб ол. Пул йўқ дерсан? Беҳуда гап! Топилади! Қариб қолган ҳўқизлардан бир жуфтини сот, қашшоқлашиб, ўлар ҳолга етиб қолмассизлар! Ана сенга кутубхона, кутубхона бўлганда ҳам ҳазилакам кутубхона эмас! Кеча мен правлениеда ҳисоблаб кўрдим. Мавжуд ерларингизга нисбатан ошиқча уловларингиз бор экан. Уларга беҳуда ем сарф қилиб нима қиласизлар? Сотиб қутулинглар! Сизларда ўн ёшдан ошган ҳўқизлар қанчалигини биласанми?.. Билмайсанми? Афусуски, билмас экансан, лекин мен жонингга ора киришим мумкин: сизларда ўн ёшдаги ва ундан юқори қари ҳўқизлар тўққиз жуфт экан. Мудаббир ҳўжайнилар бундай дардисар лаш-лушларни қўрада сақлаб турмайдилар, семиртириб сотиб юборадилар. Тушундингми?

— Тушунишга тушуниб турибману, аммо биз яроқсизга чиқарилган молларнинг ҳаммасини, шу жумладан қари ҳўқизларни ҳам кузда сотишга қарор қилганимиз. Менга тажрибакор деҳқонлар шундай деб маслаҳат беришиди.

— Ҳозир шу молларингиз боқувда ётилтими?

— Йўқ. Қари ҳўқизлар ишлаб турипти, бунисини аниқ биламан.

— Сенга кузда сотишни маслаҳат берган ўша тажрибакор деҳқон ким экан ўзи?

— Ҳўжалик мудиримиз Островнов билан яна аллаким ҳам эди, эсимда йўқ.

— Ҳм, қизиқ.. Ҳўжалик мудиринг колективлаштиришгача кулақнинг ўзгинаси эди, демак, ишнинг кўзини биладиган одам, нега энди сенга шундай тутуруқсиз маслаҳат берди экан? Ҳўқизлар кузда сотиладиган бўлса-да, ўшангача бўйниларидан бўйинтуруқларини олмасанглар? Тери билан устихон сотар экансизлар-да. Мен бўлсан сенга бошқача маслаҳат берардим: сотишга мўлжалланган ҳамма молларни яйловга ҳайдаб, кейин уларни концентратлар билан сўқимга боқиш керак. Бозорда мол озайиб гўшт нархи ошганда ёзда сотиш керак. Куз куни бўлса, сизларнинг молларингизсиз ҳам гўшт ошиб-тошиб ётади, нархи ҳам арzonроқ бўлади. Сизларда ортиқча ғалла бор экан. Нима гап ўзи? Ҳар қалай, ўзларингиз биласизлар, мен сизларнинг ишларингизга аралашмоқчи эмасман. Лекин ҳар ҳолда ўзингибу түғрида ўйлаб кўр... Ҳар қалай, бир жуфт қари ҳўқизни боқиб ҳозир сотиш ҳам мумкин. Ахир бундан тушган пул ичкилиkkа эмас, китобга сарф қилинади-ку! Хуллас, икки ойдан кейин кутубхоналарингиз бўлсин. Вассалом, нуқта! Қироатхонани кулбай вайронадан дарҳол кулакларнинг яхши ўйларидан бирига, энг яхисига кўчир, бу иш хато бўлмайди! Иккичи нуқта! Сизларга қироатхоначи юбораман, маъқул йигит, унга ҳар куни кечқурун баланд овоз билан газета, китоб ўқиб беришни топшираман. Учинчи нуқта!

— Нуқта қўймай туратур!— ёлворди хижолатдан қизариб кетган Давидов.— Сенга она тилида айтаманки, кутубхона бўлади, нуқтангии ўчир! Қироатхонани эртагаёқ яхши уйга кўчираман, иккинчисини ўчир!

Аммо учинчи нүқтәнг важига андиша қилиб қолдим... Үзимнинг ҳам
кўз остига олиб кўйган қироатхоначим бор, оламшумул йигит, тенги
йўқ ташвиқотчи! Аммо ишлаб чиқаришда банд, амалий қийинчиллик жойи
шунда... Үйлайманки, округ комсомол комитети бизни қўлласа керак,
йигитчани кўндириб олиб келаман!

Нестеренко лоқайд қиәфада бом силкиб, күзлари жилмайғанча, унинг гапларини диккәт билан эшилди.

— Командир гайратли бўлса, шунақа дарҳол тўғри қарор қабул қилса ўлгундек яхши кўраман... Аммо сен ўз қироатхонанг ҳақидаги гапларни охиригача эшишт. Кечаки мен у ерга кирган эдим. Сенга очигини айтсанам, кирганимдан хурсанд бўлганим йўқ... Ҳамма ёқ қангиллаб, расво бўлиб ивирсиб ётипти! Деразаларни чаңг босган. Поли аллақачонлардан бери ювилмаган. Зах билан яна алланима балоларнинг ҳиди келарди. Худо ҳақи, лаҳаддинг дидини беради! Энг муҳими, китоблар бармоқ билан санарли, шунда ҳам эски. Полкалардан бирида ўраб қўйилган, сарғайиб кетган плакатни кўриб қолдим. Очиб, суратларини кўрдим, ўқидим:

Сағимизга қызлар түймай боқади,
Кемшик кампирларга жуда ёқади,
Оталарнинг баҳри-дили очилар:
— Барака топ! Азаматлар, лочинлар!
Душманларнинг қаншарига боллаб сол
Қўйчи, ҳайда ерларингни бемалол.
Барча меҳнат аҳли сафда туриб шай
Меҳнатингни қуриқлагай, сақлагай!

Э-э-э, ахирibu эски танишым-ку, деб ўйладим. Мен бу плакатни йигирманчи йилда Врангель фронтада лигимда ўқыган эдим, ўшандан бери эсимда эди! Демъян Беднийнинг сўзлари ҳозир ҳам яхшию, аммо ўзинг инсоф билан айт, ўттизинчи йилда ҳозирги ҷунларга алоқадор, ҳуллас, ақалли коллективлаштиришга алоқадор янгироқ нарса бўлиши керак эди-ку...

— Жуда зийрак, серхаласала одам экансан,— норозиilik билан эмас, мамнуният билан мингиллаб қўйди ҳамон хижолатдан ўзига келмаган Давидов.

— Мен ишдаги етишмовчиликларни кўришим керак, уларни тузатишга ёрдам беришга мажбурман, бу ишни сенга тўла ихлос қўйган ҳолда бажаряпман, Семён. Аммо булар ҳаммаси гапнинг даромади, хуносаси энди келади... Мана сен ҳамма колхоз ишларини Размётновга ишониб топшириб, колхозни ташлаб, ўзинг бу ерга, бригадага келибсан. Ахир Размётновнинг шундай вақтда ёлғизлик қилиб қолаётганини, унинг ишларини эплаёлмаётганичи биласан-ку, ахир, биласан-а? Билатуриб шундай қилибсан!

— Аммо ўзинг ҳам Тубянской далаларидаги лобогрейка ҳайдаган эксансан-ку! Е ибратнинг таъсирини инкор этасаними?

Нестеренко үкінч билан құл силтади:

— Мен Тубянскойда одамлар билан танишиш учунгина бир неча соат ишлаган эдим, бу — бошқа жарса, сен бўлсанг бригадага шахсий ҳаётингнинг бесаранжомлигидан келгансан. Тафовути бор эканми? Менинг назаримда, сен Лукерья Нагульновадан қочиб келгандайсан... Балки мен хато қилаётгандирман?

Давидовнинг ранги ўчиб кетди. Орқасини ўғириб, гиёҳларни бармоқлари билан маъносиз ўйнаганча мингиллади:

— Кулогим сенда...

Нестеренко эса қўлини эҳтиёт ва меҳр билан унинг кифтига қўйиб, ўзига томон охиста тортиб, илтимос қилди:

— Хафа бўлиш йўқ! Мени шудгорингни беҳуда ўлчаб кўрди дейсанми? Сен баъзи жойларда трактордан ҳам чуқур ҳайдабсан! Зардангни ерга қилибсан, аламингни ҳўқизлардан олибсан. Сени биладиган одамларнинг гапига қараганда, Лукеръя билан ораларингдаги муносабат ниҳоясига етай деб қолганмиш. Шу тўғрими?

— Шунақароқ.

— Хўш, тузук, бу нарсага чин кўнгилдан қувониш мумкин. Бу машмашага тезроқ барҳам бер, қимматли Семён! Одамлар сенга яхши кўз билан қарайдилар, аммо шуниси ёмонки, шу бемаъни алоқангни кўриб сенга ачинишади, тушуниб ол, ачинишади! Одамлар русларга хос одат билан ҳар қандай етим-есир, бева-бечораларга ачинса, бунинг таажжубланадиган жойи йўқ. Аммо улар ақлли бир йигитга, қолаверса, ўз етакчиларига ачина бошлашса — одам учун бундан ҳам иснодлироқ, даҳшатлироқ нарса борми? Энг муҳими, сенинг ярамас бир жувонга, қолаверса ўртоғингнинг яқингинадаги хотинига аҳмоқона кўнгил қўйганинг, менинг назаримда, ҳамма ишга халал беряпти! Бўлмаса, сенинг ишинингдаги, Нагульнининг ишидаги кечириб бўлмас нуқсонларни нима деб изоҳлаш керак? Калаваларингни йўқотиб,чувалишиб қолибсизлар, тутунни ўзларингиз ечиб олмасаларингиз — райком шартта чопиб ташлашига тўғри келади, шуни билиб қўй!

— Мен Гремячийдан кетақолсаммикан? — журъатсизлик билан сўради Давидов.

— Аҳмоқона гапларингни қўй! — унинг сўзини шартта бўлди Нестеренко. — Булғатиб қўйдингми, аввал изингни тозалаб, кетиш ҳақида кейин гап оч. Яхниси, сен менга шу нарсани айт: комсомолка муаллима Егоровани танийсанми?

— Таниман. Учрашганман. — Давидов бирдан ўринсиз жилмайиб, қиши куни кулакларни тугатиш вақтида ёш, ниҳоятда тортиноқ муаллима билан бўлган биринчи учрашувини эслади.

Муаллима у билан танишаркан, унга терлаган, кичкинагина совуқ қўйлини гуж қилиб аллақандай қовушмай узатган, кўзидан ёш тирқираб чиққудек қип-қизариб кетиб, базур: «Муаллима Егорова Люда» дея олган эди. Ўшанда Давидов Нагульнинга: «Комсомолка муаллимани ўз бригаданга ол. Қиз бола синфий кураш нима эканлигини кўрсин» деб таклиф қилган эди. Аммо Натульнин ўзининг қора магиз қўлларини хўмрайиб кўздан кечирганча, жавоб берган эди: «Сен уни ўз қўл ос-тингга олақол, бунақа ишда у менга асқотмайди! У биринчи сипфларга дарс беради, агар биронта йигитчаси икки олиб қолса, ўша билан қўшилишиб йиғлади. Шундай қизни ким комсомолга олди экан? Шу ҳам комсомолка бўлдими? Юбка кийган тўдак!»

Нестеренко илк бор қошлиарини чимириб, Давидовга таъна билан тикилди:

— Нимага илжайяпсан ўзи? Менинг саволимда нима қизиқ нарса бор экан?

Давидов ўринсиз хушчақчақлигининг сабабини тушунтиromoқчи бўлиб, беҳуда уриниб кўрди:

— Шунчаки арзимаган гап, шу муаллима ҳақидаги бир беҳуда гап эсимга тушиб кетди... Аммо ўзи жуда ҳам камтар...

— Беҳуда нарсаларни эслаб ўтирибсан! Шу вақтда топган эрмагини қаранглар! — аён-ошкор ғижиниб хитоб қилди Нестеренко. — Сен яхниси бу камтар муаллиманинг хоторларингизда биттаю-битта комсомол аъзоси эканлигини эсласанг-чи! Шундай катта хотор бўлса ҳам комсомол ячейкаси йўқ. Бу беҳуда гап эмас! Бунинг учун ким жавоб бериши керак! Биринчи навбатда Нагульнин, сен ҳам, сизлар билан бирга мен ҳам. Сен бўлсанг илжаясан... Бу хунук илжайиш, Семён

Давидов! Зарур ишларни баҳона қилмайлик! Партия қўлимиизга топширган ишларнинг ҳаммаси ҳам зарур. Қандай ғайрат кўрсата оламиз — бу иккинчи масала.

Давидов аста-секин гижина бошлаган эди, аммо ҳар қалай ўзини босиб шундай деди:

— Сен, ўртоқ Нестеренко, Гремячий. Логда бир кунгина бўлиб, шу вақт ичидаги бизнинг ишимиздаги шунча хато билан камчиликларни тошишга улгурибсан, менинг хулқи-авторимни ҳам таъкидлаб ўтдинг... Борди-ю, бу ёрда январь ойидан бери яшаган бўлсанг, унда нима бўлар эди? Сендан сурункасига бир ҳафта таъбеҳ эшитарканман, факт!

Давидовнинг охирги жумласи Нестеренконинг бир оз чиройини очди. У кўзини мугомбираона қисиб, Давидовни тирсаги билан тўртиб қўйди.

— Сен, ҳайтовур, шундай деб ўйламайсанми, Семён, борди-ю мен Гремячийда «бўлиб»гина қолмай, сизлар билан ёнма ён ишласам, эҳтимолки, хатолар ҳам камроқ бўлармиди?

— Камроқ бўлиши факт, лекин барибир топиларди. Сен ҳам авлиё эмассан, бемалол янгилишиб турган бўлардинг, факт! Биласанми, мен ўзимнинг кўпгина хатоларимни кўриб тураману, аммо ҳаммасини ҳам бирданига тузата олмайман, менинг нуксоним шунда, факт! Баҳорда бир куни ўқувчилар мактаб мудири Шпинъ деган одам билан далага юронқозиқ тутгани чиқишган экан, мен бўлсан ёнларидан ўтиб кетаётib тўхтамадим ҳам, гаплашмадим ҳам, бу жекса ўқитувчининг кўнглидаги дардани билмадим ҳам, ҳозир ҳам билмайман... Сенга очигини айтсан, бундан расвороқ ҳам бир иш бўлган. Қишка у менга мактуб юбориб, ўтин олиб желиши учун арава сўраган эди. Мени юборган деб ўйлайсанми? Эсимдан чиқиб кетипти. Бошқа ишлар билан банд бўлиб, чол билан ҳасратлашишга вақт тополмадим... Ҳозиргача ҳам эсласам ичимдан зил кетаман! Комсомол ҳақидаги гапинг ҳам тўғри. Жуда муҳим бир ишга эътиборсизлик қилибмиз, албатта бу борада мен ҳам жуда гуноҳкорман, факт.

Аммо Нестеренкони тавба-тазаррудан иборат мулоҳазалар билан юмшатиш маҳол эди.

— Хатоларингни тан олишинг ҳам, айтидан, уятингни ҳали унча йўқотмаганлигинг ҳам, буларнинг ҳаммаси яхши, бирор бу билан сизларда комсомол ҳам ўсмапти, ўқитувчи ўтинлик ҳам бўлмапти... Гуноҳни иқор қилишгина эмас, ишнинг пайдан бўлиш керак, қимматли Семён! — қатъият билан уқтиради у.

— Ҳаммасини тузатиб, бажо келтирамиз, чин сўз бераман! Аммо комсомол ячейкаси уюштиришда сизлар ёрдам берасизлар, яъни раённом ёрдам беради, бир-иккита йигитлар билан бирон комсомолка қизни қўалли вақтинча ишлашга бўлса ҳам юборасизлар. Мен сенга жиддий айтай, Егорова ташкилотчиликка ярамайди. У ёрга истиҳола билан қадам қўяди-ю, ёшларга, айниқса бизнинг ёшларга бас кела олармиди!

Шундан сўнгтина Нестеренко мамнуният билан деди:

— Мана бу бошқа гап! Комсомол масаласида ёрдам қиламиз, ваъда бераман, энди рухсатинг билан ўз-ўзингни таҷқидингга кичкина қўшимча қилай. Биринчи майга яқин сизларнинг қооператорларингиз станицадан мол олиб келгани сендан иккита от-арава сўраганмиди?

— Сўраган эди.

— Бердингми?

— Илсжи бўлмади. Биз ўшанда ҳам ер ҳайдеётган эдик, ҳам экин экаётган эдик. Ишимиз кўп эди. Савдо-сотиқ билан шуғулланишга вақтимиз йўқ эди.

— Иккита уловни ажратиб беришнинг ҳам иложи бўлмадими? Беҳуда гап! Тутуруқсиз гап! Даладаги ишга ҳеч қандай халал етказмасан, бемалол ажратиб бериш мумкин эди. Аммо сен шундай қилолмагансан, шундай қилишни хоҳламагансан, «Бу нарса колхозчиларнинг кайфиятларига қандай таъсир қиласр экан?» деб ўйлаб кўрмагансан. Оқибатда, Гремячий хотин-қизлари, тағин айни байрам арафасида, совун, туз, гугурт ва керосинга ўхшаган энг зарур нарсаларни олиб келиш учун станицага яёв лўқиллашипти. Шундан кейин улар Совет ҳокимияти тўғрисида ўзаро нималар дейиши экан? Ё бу нарса сенга бариборми? Сен билан биз бизнинг жонажон ҳокимиятимизни сўкишлари учун жанг қилганимиз йўқ, йўқ, шунинг учун жанг қилганимиз йўқ!— Қичқириб юборди Нестеренко беҳосдан ингичка овоз билан. Гапини эса пичирлаб тутгатди:— Наҳотки, шундай оддийгина гапнинг ҳам фаҳмига бормасанг, Семён? Ҳушиングни йиғ, қимматли ўртоқ, кўзингни оч!...

Давидов ўчиб қолган тамаки қолдифини бармоқлари билан эзғилаб ерга тикилганча узоқ жим қолди. Умри бўйи у ичидан гупуриб келган туйгуларини мумкин қадар тийиб олар, уни ҳар нарсада айблаш мумкин бўлса-да, сентименталликда мутлақо айблаб бўлмас эди, аммо ҳозир номаълум бир куч унга далда бериб, Нестеренкони қаттиқ қучоқлаб олди, ҳатто қатъий қимтилган лабларини секретарнинг соқоли ўстган ёноқларига тегизиб қўйди. У гапиравкан овози ҳаяжон билан титрар эди:

— Раҳмат сенга, қимматли Нестеренко! Каттакон раҳмат! Сен яхши йигитсан, сен билан ишлаш енгил бўлади, Корчжинский билан ишлашдек бўлмайди. Сен менга аччиқ-аччиқ, аммо мутлақо тўғри сўзлар айтдинг, факт! Аммо, худо ҳақи, мени ношуд деб ўйлама! Мен қоидадагидек ишлайман, бизлар ҳаммамиз ҳам қоидадагидек ишлашга тиришамиз; мен қўпигина нарсаларни бошқатдан кўриб чиқаман, энди кўриб чиқишга вақтим етади... Гапимга ишон, ўртоқ Нестеренко!

Нестеренко ҳам ундан кам ҳаяжонланмаган, аммо сир бой бермас, энди тундлашиб қолган қуралай қўзларини қисганча йўталиб-йўталиб қўяр эди. Бир дақиқа сужутдан сўнг эти увишганча, жунжиб, оҳиста тапириди:

— Сенга ҳам, бошқа йигитларга ҳам ишонаман, сизларга худди ўзимга ишонгандек ишонаман. Сен буни қаттиқ ёдингда тут, Семён Давидов! Райком билан менга панд бера кўрманглар, панд бериб қўйманглар! Ахир биз коммунистлармиз-ку, худди бир ротанинг солдатларидек ҳар қандай вазиятда ҳам баҳамжиҳатликни қўлдан бермаслигимиз керак! Сен буни ўзинг жуда яхши биласан. Бундан буён орамизда бундай кўнгилсиз суҳбатлар бўлмасин энди, жин урсин бундай суҳбатларни! Гарчанд, баъзан бундай суҳбатларни ўтказиб туриш зарур бўлса ҳам мен уларни ёмон кўраман. Чунончи, сенга ўхшаган бирон ошнам билан шунақа тиклапиб суҳбатлашасан-да, кейин кечаси билан ухлаётмай юрагинг ачишиб чиқади...

Нестеренконинг қизғин қаттиқ сиқиб Давидов унинг юзига диққат билан тикиларкан, ҳайратда қўлди: ҳозир унинг ёнида бояги қувноқ ҳангомачи эмас, ҳазил-мутоиба қилишга, кураш тушишга тайёр турган хушчақчақ, очиқ кўнгил йигит эмас, ўрта ёшлардаги ҳорғин одам ўтирадар эди. Нестеренконинг қўзлари нечукдир бирдан кексайиб қолган, оғзининг четларида чуқур излар пайдо бўлган, ҳатто ёноқдор юзларидаги қўнгир қизиллик ҳам гўё бўзариб сарғайиб қолгандек эди. Бир лаҳза ичидан Нестеренко бошқа одам бўлиб қолгандек эди.

— Мен энди жўнай, сенда узоқ меҳмон бўлиб қолдим,— деди у сүғур тепадан вазмин тураркан.

— Тобинг қочиб қолгани йўқми? — хавотир билан сўради Давидов. — Нечуқдир бирпаста бўшашиб қолдинг.

— Топдинг, — деди ғамгин Нестеренко. — Безгагим тутай деб турипти. Буни анчагина илгари Ўрта Осиёда илаштириб олган эдим, лаънатидан ҳалигача қутуломайман!

— Сен Ўрта Осиёда нима иш қилган эдинг? У ёққа нима қилиб бориб қолган эдинг?

— Мени, шофтолихўрликка борган экан, демайсанми ҳали? Босмачиларни тугатишда иштирок этдим, ўзимнинг жонажон безгагимни бўлса тугатолмаяпман. Докторлар уни ичимга қамаб қўйиши, энди еру кўкка ишонмайман. Бу бир омади гал, гапимизнинг охирида мен сенга шуни ҳам айтиб қўймоқчи эдим: бизнинг округда контроллар гимирлаб қолиши, қўшни областда ҳам аҳвол шу. Бирор нарсага орқа қилишаётганга ўхшайди, жин урган жаллаварамлар! Қўшиқда ҳам айтилган-ку, «Бизни савамоқ бўлиб уриндилар кўп марта...»

— «Биз ҳам қўл қовуштириб ўтирамадик албатта...» — деб хотима қилди Давидов.

— Худди шундай. Аммо ҳар ҳолда отох бўлиб, қулогимизни динг тутишимиз керак. — Нестеренко ўйчанлик билан қошини қашиб, жаҳл билан томогини қириб қўйди: — Сенга бир тап дейиш қийин экан, ардоқли буюмимнинг баҳридан ўтишимга тўғри келади... Сен билан ажралмас дўст бўлдикми, энди шу ўйинчоқни совға ўрнида қабул қиласан. Асқотиб қолар. Нагульнинги огоҳлантиришилти, сен ҳам эҳтиёт бўл. Ҳиссангга ундан ёмонроқ нарса тегиб қолиши мумкин...

У курткасининг чўнтағидан хира йилтираб турган иккинчи номерли браунинг олиб, Давидонинг кафтига қўйди.

— Бу кичкина нарса мудофаада слесарлик асбобидан кўра дурустроқ иш берса керак.

Давидов Нестеренконинг қўлни қаттиқ сиқиб, таъсирланганча пойма-пой ғулдиради:

— Раҳмат сенга ўртоқларча, нима десам экан... хўш, дўстона меҳрибонлигинг учун, факт! Қаттакон раҳмат!

— Яхшиликка буюрсин, — ҳазиллашди Нестеренко. — Аммо, эҳтиёт бўл! Йўқотма! Негаки, кекса жангчилар ёшлари ўтган сари паришонхотир бўлиб қолишади...

— Тирик эканман — йўқотмайман, бордию йўқотганимда ҳам каллам билан бирга йўқотаман, — дея ишонтириди Давидов, пистолетни шимининг орқа чўнтағига яшиаркан.

Аммо уни шу ондаёқ яна олди-да, аввал пистолетга, кейин Нестеренкога қаради:

— Ноқулай иш бўлялти-ку... Үзинг қуролсиз қоласанми? Қайтиб олақол, менга керакмас!

Нестеренко унинг узатилган қўлни енгилгина четлатди.

— Ташвишланма, менда бошқаси бор. Бунисини тутиб юрадим, унисини кўз қорашибимдек асрайман, унисига номим ёзилган, мукофотга олганман. Нима, сенингча мен армияда бекорга беш йил хизмат этиб, жанг қилибманми? — Нестеренко кўзини қисиб, ҳатто жилмаймакчи бўлди, аммо табассуми зўраки ва эриш чиқди.

У яна эти увишиб жунжикди. Қалтироқни енгишга ҳаракат қилиб елкаларини қимирлатди, энтикиб-энтикиб гапирди:

— Кечак Шалий менга сенинг совғангни жўрсатиб мақтанди. Мен унга меҳмон бўлган эдим, асал билан чойхўрлик қилдик, турмуш ҳақида ҳангамалашдик, бир вақт у сандиқдан сенинг слесарлик асбоб-

ускуналарингни олиб шундай деб қолди: «Мен умрим бино бўлиб иккита совға олганман: бири — кампиримдан, ҳали қиз болалигига ёш тақачига маҳлиё бўлиб юргани вақтларида олган тамаки халтам, иккинчиси, темирчилик ишида зарбдорлигим учун шахсан ўртоқ Давидовнинг ўзидан олган мана шу асбоб-ускунам. Узоқ умрим мобайнида иккита совға! Дуд билан қорайган шу умрим давомида қўлимда қаничадан қанча темир-терсакни парвариш қилдим, сон-саноғи йўқ! Шунинг учун ҳам бу совғалар сандигимда эмас, бамисоли юратимнинг ёнгинасида турипти!» Яхши чол! Меҳнат билан жўркам ҳаёт кечирган, қолаверса, ҳар кимга ҳам шу кекса темирчи ўз қудратли қўллари билан одамларга қанча фойда келтирган бўлса, шунча фойда келтиришни насиб қиласин. Демак кўриб турибсанки, сенинг совғанг меникидан бебаҳороқ экан.

Бригада будкасига улар тез юриб келишмоқда эди. Нестеренконинг вужудига қаттиқ қалтироқ кирган эди.

Гардан яна ёмғир келмоқда. Ҳаво айнишининг илк даракчилари — булут ўвадалари пастлаб сузмоқда. Майса-тиёҳнинг маст қилувчи бўйи, намхуш қора тупроқ ҳиди анқимоқда. Бир фурсатгина мўралаган қуёш булут орқасига яширинди, мана сарин шабадани кенг қанотлари билан қамраганча иккита дашт миққииси аллақайдаги юксаклик томон парвоз қилди. Ёмғир арафасидаги сукунат даштни юмшоқ наматдек бўлиб қоплади, фақат тўхтовсиз ёмғирдан дарак бериб юмронқозиқларгина ҳаяжон билан пайваст чийилларди.

— Бизнинг будкада ётатур, кейин кетарсан. Йўлда ёмғирда қолсанг, шалаббо бўлиб, ғутлақо ётиб қоласан,— қатъият билан маслаҳат берарди Давидов.

Аммо Нестеренко қатъиян рад этди:

— Қололмайман. Бизда соат учда бюро бор. Ёмғирда қолмайман. Отим жуда яхши!

У тизгинни ечиб олиб айилни тортиб боғлаётганида қўллари худди кекса чолларнинг қўллариdek қалтирас эди. Давидовни қучоқлаб қўйиб, узоқ туриб қолган стига кутилмаган енгиллик билан сапчиб минди-да, қичқири:

— Йўлда исиб кетаман!— Отини елдириб кетди.

От туёқларининг юмшоқ дупурини эшишиб Куприяновна худди хурмачадан тошиб чиққан хамирдек будкадан пилдираб чиқиб, ҳасрат билан қўлларини шапатилади:

— Кетиб қолдими?! Нонушта қилмай кетиб қолгани нимаси?!

— Тоби қочиб қолди,— деди Давидов, секретарни нигоҳи билан узоқ кузатаркан.

— Шўргиналаримга шўрва тўкилсин!— ўқинарди Куприяновна.— Шундан туппа-тузук одамни оч-ноҳор жўнатдик-а! Ўзи хизматчилардан бўлса ҳам сен раис ғафлат босиб ётганингда мен билан бирга картошка артишдан ор қилмади. Уни бизнинг казакларга ўхшатиш у ёқда турсин, тенгластириб ҳам бўлмайди! Бизнинг эркаклар ўлақолсалар ҳам ёрдам беришмас! Улар ёрилгунча еб ўлиб, ойга қараб акилашни билишади, ошпазга қарашиш қаёқда — оғзингни оғритиб ҳам ўтиромай қўяқол! Бу меҳмон менга шундай илиқ-иссиқ сўзлар айтдики. Шундай самимий, илиқ сўзлар айтдики, бошқа одам ўлса ҳам бундай топиб гапиролмайди!— Қизгиш лабларини истигно билан қимтиганча мақтанаарди Куприяновна, ўзи эса бу Давидовга қандай таъсир қилмоқда экан, дегандек унга қиаб қўяр эди.

У эса унинг гапини эшифтмай, Нестеренко билан яқинда қилган сұҳбатларини хаёлидан ўтказарди. Куприяновна бир гапга тушиб кетгандан кейин тўхташи қийин, шунинг учун ҳам давом эттиар эди:

— Сен вабо теккур Давидовнинг қилиғинг ҳам дуруст, менга ақалли, бу одам кетяпти, деб қўймайсанми. Мен лақма ўлгур ҳам, шўрги нам қурсин, бехабар қолибман! Ошпаз хотин мендан жўрттага будкага кириб яшириниб олди, деб ўйлаган бўлса ҳам ажаб эмас, ваҳоланки, мен унга ихлос билан қараётган эдим...

Давидов ҳамон индамасди, Куприяновна бемалол гапириб олмоқда эди:

— Отнинг устида ўтиришини қара! Бамисоли отнинг тагида туғилиб, отнинг устида катта бўлгандек! Қилт этмайди-я, лочингинам, қимир этмайди-я! Чинакам қазак, қадимги тоифадаги казакнинг ўзи! — завқ билан гапиравди у узоқлаб кетаётган суворийдан маҳлиё кўзларини олмай.

— У казак эмас, украин,— деди фаромушлик билан Давидов ва хўрсиниб қўйди. Нестеренко жўнаб кетгандан кейин унинг кайфи бузилиброқ қолди.

Унинг сўзларидан Куприяновна ўқ доридек повуллаб кетди:

— Бу чўпчакларингни менга эмас, катта бувингга айт! Мен сенга гапнинг очигини айтяпман. У асл қазак! Нима, қўэзингни шапоқ босганими? Узоқдан қараб эгарда ўтиришидан ҳам, яқиндан қараб — қиёфасидан, абжирлигидан, хотин кишига муомаласидан биласанки, у зуваласи пишиқ казаклардан, қўрқоқлардан эмас... — маънодор илова қилди у.

— Хўп, сенинг айтганинг бўлақолсин. Қазак бўлса казакdir, бунинг менга сира дахли йўқ,— деди ёнбосиб Давидов.— Яхши йигит-а? Сенга қандай кўринди? Сен мени уйғотгунингча у билан роса тўйиб гаплашиб олган бўлсанг керак?

Энди хўрсиниш навбати Куприяновнага келди, у қудратли кўкрагини тўлдириб шувақанг астойдил хўрсиндики, эски кофтасининг қўлтифи чокидан тирсиллаб сўклилиб кетди.

— Бунақаси топилмайди! — чуқур ҳаяжон билан жавоб берди Куприяновна бир оздан сўнг ва бирдан беҳосдан-беҳос идиш-товоқларни столга беҳуда тарқатиб, тўғрироғи, тўғри келганча улоқтириб тарақлатади...

(Давоми бор)

Ваҳоб РЎЗИМАТОВ таржимаси.





Эдуардас МЕЖЕЛАЙТИС,

Ленин мұжоғоти лауреати

И н с о н

Ер шарига сөғимни мақкам тираб,
Қүёш шарин ушлаганман құлларимда.
Мен турибман иккі шарнинг орасида —
Мен ҳам қүёш, ҳамда ернинг инсониман:
Миям бағри ва миямнинг қатламлари
Гүё маъдан конларидек жуда чуқур.
Мен қазийман уни күмир қазигандек,
Эритаман уни темир эритгандек,
Денгизларда кезаётган кема ҳам — у,
Қуруқликни ўраб олган поезд ҳам — у,
Паррандалар давомоти — самолётлар,
Удир яшин тараққийси ракеталар.
Мен буларнинг барчасини ер шаридай
Юм-юмалоқ ўз бошимдан қазиб олдим.
Ўзида нур, баҳту иқбол таратувчи,
Ўз бағридан инсонларга макон берган,
Ер юзида бор нарсани жонлантирган
Шу юмалоқ қүёш шари — менинг бошим.
Мен бўлмасам ер нимадир? Жонсиздир у,
У ялпайган, ажин босган бир шар халос.
Поёни йўқ бўшлиқларда здашаркан,
Аксин кўриб ойда гўё қўзгусимон,
Билди ўзин ўлик, хунук эканлигин.

Аламидан — яратгандир мени шу ер.
Хафаҳонлик минутида этди тақдим,
Ер, қуёшга жуда-жуда ўхшаб кетган
Шу юмалоқ бош шарин ер берди менга.
Ҳамда менинг шу жичкина бошим шари
Жуда улкан ер шаридан бўлди афзал.

Ер бўйсунди мен — инсонга, бўйин эгди,
Мен ҳам унга бағишладим кўрку ҳусн.
Ха, ер мени яратди-ю сўнгра ўзим
Ерни яна қайта бошдан этдим бунёд —

Янги, яхши, серлатофат ер бўлдики,
 Олдин шундай бўлмаганди у ҳеч қачон!
 Ер шарига оёғимни маҳкам тираб,
 Қуёш шарин ушлаганман қўлларимда.
 Ер ва қуёш орасида мен кўприкман,
 Мен орқали қуёш чиқар ер ғозига,
 Ер қуёшга қўтарили мен орқали.
 Олачипор каруселни кўргандирсиз,
 Улар шундай айланурлар атрофимда.
 Дунёда бор кашфиётлар ва асарлар,
 Ҳайкаллар ҳам менинг қўлим ижодидир:
 Айланурлар атрофимда шаҳарлар ҳам,
 Кошоналар ва асфальти майдонлар ҳам,
 Қатновчилар гавжум бўлган кўприклар ҳам,
 Самолётлар, лайнерлар ҳам — атрофимда,
 Ракеталар айланурлар атрофимда.

Шундай турдим: жуда гўзал, оқил, қатъий
 Мускулларим қўпчиб турар, елкадорман.
 Ердан ўсиб қуёшгача етар бўйим,
 Ерга қуёш табассумин ташлаган — мен.
 Шарққа, Фарбга, Шимолга ҳам, Жанубга ҳам...
 Шундай турдим: ҳа, мен инсон, мен коммунист.

Юрак

Юрак нима? Қаттиқ тошми? Нима экан?
 Пўсти қизил бир олмага ўхшарми у?
 Қобиргалар орқасида титирчинган,
 Ер шарига ўхшагувчи бир шарми у?

Ҳар ҳолда ҳам у ҳаётӣ фазилатни —
 Бор хислатни ўз-ўзида этибди жам.
 Шунинг учун мен билмайман фароғатни,
 Шунинг учун бош қўшаман ҳар ишга ҳам.

Тонг чогида кантарлар-ла уйғонаман,
 Ер устида баҳт қўшиғи юрар учиб.
 Шунда нурлар қўнғироқни тебратаркан,
 Юрагим ҳам офтобдан кетди чўчиб.

Иккиси ҳам тонг чогида бекарордир,
 Сиғидиромас кўқсларига ўз баҳтларин.
 Қўнғироққа ўз хонаси гўё тордир,
 Талпинади юрагим ҳам эрклик сари.

Тинглайсизми уришини? Тезроқ, тезроқ! —
 Май бўрони қўнғироқни тебратади.
 Баҳтдан қалбим ёрилишга етди шу чоқ,
 Қўнғироқ ҳам гўё шу дарз кетади.

Үз сийнамда шодланмоқда у құнғироқ;
 Мен күйлайман, олқишлийман — үзим шодмон.
 Илиққина шабодамас әсган бироқ,—
 Қутурмоқда қор бўрони, ёвуз бўрон.

Ракетаю бомбаларнинг уриб зарби,
 Асrimизни энтикирди бу гулдурос.
 Қонга ботган шоир қалби — инсон қалби
 Безовтадир, сескантирар машъум овоз.

Қаердаки қай инсонга ўқ отдила,
 Улар келиб юрагимга зил ботдилар.
 Юрагимда йигналгандир қўрошини,
 Вазмин тортмиш кўтаролмай қалбим уни.

Қаердаки интервентлар зўрлик билан
 Ўзгаларнинг ерларига қўйса қадам,
 Оғриқлардан зўр портлағич тўлдирилган
 Минани у — юрагимни босар шу дам.
 Жаҳон бўйлаб оқар гирён дарёлари,
 Юрагимга қуйилади унинг бари.
 Юрагимда гуноҳсиалар қони тўла,
 Ҳалок бўлган қурбонларнинг қони булар.
 Шунча оққан инсон қони, унинг бари
 Томиримдан оқиб тушар сийнам сари.
 Кўз ёшига, қўрошинга, қонга тўлган
 Ер юзида бор азобни айлаган жам,
 Тинчлик билмас шу бекарор шоир қалби.
 Балки пишиб етилажак чинакам ҳам
 Қипқизариб турган ўша олма каби.
 Майли, шохлар, новдаларни синдиrsa ҳам
 Тушсин улкан ва жонажон ерга бардам,
 Сийнамдаги қафасидан бўлсин озод.
 Қабул этгум ҳар ўлимни ҳурраму шод,
 Фақат келар баҳт күйлари, бўлмай адo,
 Бериб турсин истиқболдан акс садо.

Темур ФАТТОХ таржимаси





Скерк

Устюргта

Вагон йұлагида ўтириб келаёттандым. Рұпарамда йигірма беш ёшлар чамаси құлча юзли, қүй күй, истараси иссиққина бир жувон ўтиради. Поездга у ҳам Урганчдан чиққан экан.

— Қаёққа кетяпсиз? — дед сўрадим.
— Сазоқлига.
— Ҳамроҳ эканмиз. Ұша ерда тура-
сизми?

— Қурилишда ишлайман.
— Газ қурилишидами? Ким бўлиб?

Ҳамроҳим юзимга тикилиб, кулимси-
ради. Мен йўлдаёқ үзим излаб чиққан
кишилардан бирига дуч келганимдан
жуда хурсанд бўлдим.

— Топограф-геодезистман,—деди ҳам-
роҳим.— Урганчда янги йил байрамини
ұтказиб келяпман...

Хуллас, гапимиз аввал бошданоқ қо-
вушиб кетди. Узоқ йўлни сұхбат қис-
картиради, сўз эрмакдан эҳтиёжга ай-
ланади. Балки шу эҳтиёж туфайли кам-
сухан ҳамроҳим, юракдаги барча сўзла-
рини тўкиб солганини үзи ҳам сезмай
қолгандир.

...Уни тенгқурлари Валя, үзидан ки-
чиликлари Валентина Константиновна деб
аташади.

Валя 1937 йилда Ленинградда туғил-
ди. Отаси Ватан урушида ҳалок бўлди.
Үлуғ шаҳар қамал ичидә қолган йилла-
ри оиласи билан узоқ Бошқирдистон
ерларига кўчди. Фашист босқинчилари
тор-мор қилингач, турмушга чиққан опа-
си билан Ленинградга қайтиб келди.
Онаси эса акалари билан Бошқирдис-
тонда қолди.

Валя ўн йилликдан кейин, 1957 йил-
да, маҳсус топографлар курсини битказ-
ди да, илмий-қидирив экспедицияси сос-
тавида мамлакатимиз Шимолида натта

қурилиш трассаси лойиҳасини ишлаб
чиқиши жұнади. Шимол қиши — ойлаб
куёш күрінмайдыган зимистон кечалар!
Кор. Бўрон. Ёввойи табиат ўниради;
чийилайди, чанг солади. Геодезистлар
экспедицияси табиат ўжарлигини енгиги
олга боради. Валя иккى қиши, иккى ёзни
ұша музилклар ўлкасида ўтказди. Му-
сичадек бир кичик жоннинг шу қадар
куч, тўзим экаси эканлигини илгари
унинг үзи ҳам пайқамаганди.

Роса тобланиб, фикран тўлишиб Ле-
нинградга қайтиб келгап Валя катта
заводлардан бирида токарь бўлиб иш-
ловчи Борис билан танишиб қолди. У
ёнида экан, қайноқ ва гавжум шаҳар-
нинг оқ-оидин кечалари, Нева бўйлари
жоабаси ва висол қувончи билан тўл-
ган иккى ойлик отпуска ҳам иккى кун-
дай ўти-кетди. Валя яна ишга, бу гал
Тўймази — Уфа нефть қувури трассаси-
га жұнади, илк севги, бўса ҳароратидан
мост бўлиб жұнади!

Бошқирдистон қир-адирлари, далаю ўр-
монлари оша геодезистлар елиб-югуриб
трасса йўлни белгилаб беришар, улар
оркасидан қурувчилар тогу тошларни
парчалаб, ўпирив, траншея қазиб кели-
шарди. Вагон-үйда ҳар куни кечқурун,
ёки кун оша Борисдан келган хат стол
устидиа уни кутиб ётарди. Валя конверт-
ни бағрига босиб, хатни тақрор-тақрор
ўқирди. Қизғаннаннинг бўғин-бўғинларини
зирқираттан ҳорғинлик бирпасда йўқо-
либ кетарди. Қўшиқ айтуб толмасди
қиз.

Борис ёзда Валянинг олдига келди.
— Сенсиз яшай олмайман! — деди у.
Валяни бағрига босиб. Бир неча кун
қурилишни томоша қилиб, қиздан Октя-
брь байрами кунларида никоҳ тўйига

розилик олгач, яна Ленинградга қайтиб кетди.

Түй бўлди. Эртаси куёв билан келин байрам намойишига чиқишиди. Валя энди иш жойига қайтай деб турганда у ёқдан телеграмма келди: «Экспедиция Ленинградга қайтади. Бизни кут». Валя қувонди. Хуллас, баҳтининг қўша келганидан боши осмонга етди...

Гипроспедагаз институтининг экспедицияси Ўзбекистонга жўнади. Апрель, авжি баҳор фасли бўлишига қарамай, Ленинградда ҳали қор эримаган эди. Валя Тошкент аэропортида самолётдан тушаркан ҳайрон бўлиб қолди: гир атроф рағбаран гулларга бурканган, мусафир осмонда бобо қўёш чараклар эди. Шимол қизи бир қучоқ гулни бағрига босиб, жанубнинг серқуёш, атира бўйли кўклам хавосидан тўйиб-тўйиб нафас олди. Шу бўлди-ю, Валя Ўзбекистонни севиб қолди. Ўзбекистон уларни катта ишга қақирган эди.

Экспедиция Тошкент—Қўнғирот поездиде Устюорт томон йўл олди. Йўлнинг

ҳар икки томонида яшил майсаларга бурканган духоба қирлар, қўй-қўзи уюрлари билан тўлиб-тошган зумрад ўтлоқлар. Ватанимизнинг «оқ олтин» кони бўлмиш чексиз далалар, қулф уриб гуллаган мевазор боғлар аллақандай жўшқинлик, файзу табассум билан поездни куватиб қоларди.

Устюорт. Чексиз-чегарасиз, ҳувиллаб ётган дашт-биёбон,mallra ранг кўм, кўчма барханлар. Ҳар ер-ҳар ерда қадими қўргон, қалъалар вайронаси. Анов балик сиртисимон қўшалоқ тепалар қадимики каналлар дамбаси, дала чеплари эмасмики? Ҳа, бир замонлар бу ерлар ҳам гуркираб турган экинзор, боғ-бўстонларга бурканган қайноқ ҳаёт ўчори эди. Қирғин урушлар.. Сувсилик.. Ҳаёт ўчоги сўнгани Ҳаёт сўнгани бу ерларда ёввойи табиат ича асрлар ҳукмронлик қилиб келган. Валяларнинг замондошлири бундай ерларга ҳаёт бағишлади. Улар сенга ҳам ҳаёт багишлагали келишиди, Устюорт!

Ғилдирак устидағи шаҳарча

Кучли ларзадан сесканиб қўзимни очдим. Уруш йиллари фронтда блиндаж ёки окона шинелга бурканни мудраган лайтларда шундай бўларди. Йўқ, бу ер блиндаж ҳам, окона ҳам эмас — қурувчиликнинг вагон-үйи. Тонготарда Сазоқли станциясида поезддан тушгач, машинада бирга келган қурувчилар мени вагон-үйининг бўш поликасига жойлаштириб, ўзлари дарёнинг ўнг сохилига ўтиб кетишиганди. Кечаси вагоннинг бир хонасида ухлаб ётган икки кишидан бўлак, дарёни ҳам, теварак-атрофдаги бошқа нарсаларни ҳам пайқамаган эканман. Ухлаб ётганлардан бири ўрнидан туриб, стол ёнига ўтириди. У қурувчиларга Урганчдан озиқ-овқат келтирган шофер-экспедитор экан. Вагон-үйининг нариги хонасида кинооператорлар товуши эшитилди:

— Бир ҳафтадан бўён ғилдирак устида яшапмиз.— Машинамиз қумга ботиб, пачоқланиб ётибди. Энди аппаратларимизни қирма-қир орқалаб юрибмиз.

Вагон-үй лапанглаб кетди: яқин атрофда қоя портлатишашётганди. Кинооператорлар аппаратларини орқалаб, трассага чиқиб кетишиди. Кечаси қўзимнига жатта шаҳар қварталидай кўринган қатор дераза ва уйларнинг ҳаммаси ёнма-ён қўйилган вагонлар экан. Биттаси ошхона, биттаси магазин, тағин бири амбулатория, клуб, электростанция, хуллас — ғилдирак устида бутун бир шаҳарча!

Шаҳарча марказидаги майдонда баҳсласиб турган икки киши олдига бориб.

7-772

— Уртоқ Новиковга учрашмоқчийдим,— дедим.

— Новиков мен бўламан,— деди новчаси.— Хизмат?

Командировка ҳофозимни узатдим.



Байроқ Минаҳмедов.

— Кетаверайми. Николай Федорович?— деди шериги ўйчан боқиб.

— Бор, приёмчига тақрор-тақрор уқтири, қайтиб бундай қылакұрманғлар.

Янги йил көчеси станцияга уч вагон, яъни 600 метр құвур келибди. Кишиларни байрам дастурхони атрофидан түргизиб бориб, юнни тушириб қарашса, құвурларнинг ҳаммаси қаттық уриниб дарз кеттән, қийшайтган-майшайтган эмиш. Принимчи қабул қылип олавериди. Феодосия портидан мол юкловчи акамлар брак моллар жүннатиштанни ёки темир йүлчиларнинг масъулиятсизлигидан құвурлар йўлда шикастланганни — номаътум. Николай Федорович, бошқарма бошлигининг ўринбосари әмасми, шунга тажанд. Бошлиқнинг, Василий Радионович Дорофеевнинг ўзи эса базанинг ҳаёт-мамотини ўринбосарига ишониб Тошкента, бошқармага кетган. Қайтиб келгач нималар демайди у.

— Хўжасизликка қачон хотима берилди, ҳайронман! — деб тутоқарди Николай Федорович.

Николай Федорович ўзлари турадиган штаб-квартирадан бир полкани менга «абадий» биркитиб, жойимни тайин қилгач, «корхона»ни айлантириб келгани бoshлап кетди. Биз турли-туман автомашина, трактор, механизмлар саф тортиб турган техника паркidan ўтиб ғалати машиналарнинг шовқин-сурони осмон-фалакка чиқаётган жойга бордик.

— Мана, монтажчилар. Бу ер минглик стеллажимиз. — Күлгімга қичқирди Николай Федорович. — Яна бир беш юзлик стеллажимиз шаҳарчанинг нариёнида.

Этам РАХИМ Ўлкамизда баҳор

Аму қирғоқларида баҳор ёйди қанотин,
Майсаларнинг хуш бўйи ўлкамизни безади.
Сафарга жабдуғлади миришкор дәҳқон отин,
Мехнат, ижод довруғи водиймизни кезади.

Худди тилло конининг топғандек дарагини,
Ҳар бир ишни қилганда дәҳқон кайфи чоғ бўлур.
Бултур куздан атайн сақлаган данагини,
Тунов кун кўмиб қўйди — бу адирлар боғ бўлур.

Забардаст машиналар ўқирғанча уради
Асрлар оша турган қояларга ўмганин.
Қизилқум кўриб гўё уввос тортиб турди
Шу курдат жарликларни бир зарб билан жўмганин.

Яшил алангә ёриб Туямўйин тоғини,
Баҳор гулга буркаган водийга йўл олмоқда.

— Стеллаж дегани нима? — сўрайман ундан.

— Кўринг, биласиз.

Қудратли агрегатлар гуриллайди. Автосваркалардан яшин чақнайди. Бир-бирига пайванд қилинган 1020 миллиметрли құвурлар юмалаб сафга терилмоқда. Тайёр уланмаларни кўттарма кранли азamat тракторлар азод кўтариб, дарё бўйига олиб кетишмоқда. Битта уланманинг ўн иккى тонналигини кўз олдингизга келтирсангиз, бу ердаги ажойиб техника қурдатига тасанно дейсиз.

— Кўраяпсизми? — деди Николай Федорович. — Стеллаж — қурилишининг юраги. Құвурлар стеллажда монтаж қилиниб трассага жўнатилади.

Лекин ўртада Амударё бор.

Дарё бўйи янада гавжум, қайнок; Достоевский номли пароход мўрисидан тутун қайтариб турибди. Кўттарма кранли тракторлар стеллажлардан кетма-кет ташиб келтириётган уланмаларни қўйи баржаларга ортмоқда. Бир неча киши дарёнинг нариги қирғоғига ўтиш учун навбатчи теплоходнинг қайтиб келишини кутмоқда.

— Бир ой бўлдики фронт дарёнинг нариги томонига кўчди. — Николай Федорович қўли билан ўнг соҳилга ишора қилди.

«Фронт» деб трассанинг құвур ётқизилаётган олдинги участкасини айтишар экан. Ҳақиқатан ҳам бу ерда кишилар жон бериб, жон олишимаса-да, чинакам жонбозлик кўрсатмоқда эдилар.

Ёнбагирда жойлашган иккинчи стел-

лајдан айланиб, Дулдулотлаган қирига чиқдик. Бу ер қадимий ясси тоғларнинг энг баланд нұқтаси бўлиб, тўрт томондан уфқа туашган тепалар ҳам, қум барханлари ҳам, чап соҳилда ётқизилган пўлат камар қувурлар чизиги ҳам яққол иўзга кўриниб турарди. Амударёнинг энг тор жойи ҳам шу. Ана у узоқузоқлардан иланг-билинг бўлиб келиб, қўйидан, оёғимиз тагидан қайнаб, мавжурниб оқиб ўтмоқда. Дарёнинг ҳар икки қирғогида осмондаги булут парчаларидек осилиб турган қоя ва ўнгирлар азим дарёнинг ишча минг йиллар мобайнида тоғ-тошни емириб, ўзига йўл излаганидан далолат бериб туришибди. Мана шу тоши қирғоқлар исканжасидаги қудратли ва беқарор дарё асрлар давомида бир издан сўниб туриби. Шунинг учун, Бухородан Уралга борадиган зангори алнга йўли худди шу ерда дарё устидан ўтади. У аллақачон дарёнинг чап қирғогига ҳатлаб, Хоразмнинг биринчи қишилоги Питнакка етди. Ҳозир эса дарёнинг ўнг соҳилида Кизилкүм ичидан Бухоро томон тортилиб бормоқда. Бухоро — Урал магистралини техника қураяти. Техникани одамлар ҳаракатга келтирипти, бошқаряпти: Кизилкүм, Ҳоракум дегани шундай бадтоифа саҳролардирки, май ойидан тортуб, бутун ёз фасли давомида ботқоқдан баттар суюлиб кўпчиб ётади, бу пайтда на занжирли тракторлар, на маҳсус ишлаб чиқарилган кучли автомашиналар ҳаракат кила олади. Шу важдан Кизилкүм участкасини қиши ойларида куриб биткашига қарор қилишган — оқилона режал

Востоконефтстрой трестининг 2-қурилиш бошқармаси Дулдулотлагандан Бухоро томонга, Бухородан эса 9-қурилиш бошқармаси азаматлари бу томонга Кизилкүм бағрини ёриб келишишмоқда. Икки томоннинг бири-бирига қўл беришига саноқли чақирим ва ҳисобли кунлар қолди. Ундан кейин, республикамизни мамлакатимизнинг гигантлар ўлкаси билан бевосита боғлайдиган улкан қон томири тобора шимолга — Уралга яқинлашиб бораверади ва 1963 йил охирида Урал дастгоҳхоналарини Бухоро гази ҳаракатга келтира бошлияди.

Ана «Фронт» — дарёнинг ўнг соҳилида осмонга тутун, чанг-тўзон кўтарилиб, Уч ўчоқ тепаси этакларигача яққол кўзга ташланиб туриби. Пармаловчилар компрессор ва автопармаларини гуркиратиб тоғ-тошларни ўймоқда. Портлатувчилар эса ясси қирларни гумбирлатиб осмонга кўтаришмоқда. Уларни кинооператорлар дарёнинг бу қирғогида туриб суратга олишпти. Бульдозерлар пўлат ўмрөвиде шагал, қум эшади. Митти экскаваторлар лангари ҳавода ланглайди, шатакчи «МАЗ», «КраЗ», «ЗИЛ-157»лар, қувур ётқизувчи занжирли тракторлар карвони трассага узлуксиз плетлар — ўттиз беш-кирик беш метр узунлиндаги қувур уланмаларини ташимишмоқда. Бу ерда машиналар гувулламайди, ўкиради!

— Нима учун бу ерни «Дулдулотлан» дейишади, биласизми? — деб мендан сўраб қолди. Николай Федорович.

Ёшлигимда отам оғзидан бир неча

Инсон баҳти учун деб истиқбол байроғини
Ушлаб ўтилган ҳар зум тарих бўлиб қолмоқда.

Ҳамма жойда иш қайноқ: ҳавозалар, кранлар,
Шимарилган енгларда, манглайдати терларда.
Улуғ ишга жазм этган ўз сўзли мард-майдонлар
Янги ҳаёт қурмоқда қақраб ётган ерларда.

Барида инсон ҳукми, инсоннинг буюрмиши,
Юрагу-тилакларнинг хоҳиши-амри бордир.
Бари эртаги куннинг ташвиши-ю, юмуши,
Коммунизм тоғаси машъалдир, байроқдордир.

Гўзал баҳор нафаси, баҳорнинг ҳарорати,
Баҳорнинг жистови бор, барида баҳор гашти.
Бугунги иш эртанинг роҳати-фарогати,
Бир тарихдир бу ишнинг ҳар кунги саргузашти.

Баҳор ярашиб тушган ҳуснига-жамолига,
Курашимиз янграйди, баҳордек йўл ошади.
Баҳор билан борамиз нурафшон истиқболга,
Бундай қутлуғ сафарга шу фасл ярашади.

топқыр әшиттеги афсонами, ҳақиқатми — бир ҳикояни эсладим:

Султон Санжар Мозий деган машрик подшо Хоразм маликасига ошик бўлганмиш. Бироқ малика унинг муҳаббатини рад қиласмиш. Шунда газабланган подшо Хоразм устига сонсиз-саноқсиз қўшин тортиб келиби. Шиддатли олишув, қонли жанглар бўлиди. Ниҳоят, душман куч билан енга олмагач, хийла билан енгиш фикрига келиб, қўшинига Амударёни боғлатиби. Қорақум билан Қизилқум саҳроси ўртасида жавохир сандиқдай барқ уриб ётган Хоразм воҳаси — бу бой ва гўзал қуёш ўлкаси сувдан маҳрум бўлиб, экинзорлар ва яшил ўтлоқлар қовжираб, мева-зор боғлар қуриб қолиби. Бошига зўр мусибат тушган ҳалқ Хоразм подшоси олдига келиб:

— Шоҳим, ёв устига бошли бизни. Душманни тор-мор қилайлик! — депти. Аммо шоҳ ёв устига ҳамла қилишга журъат этмай, қизига:

— У ҳам катта подшо, сен эса подшо қизисан: Султон Санжарнинг тақлифиға рози бўлақол, таслим бўлайлик, маликам,— депти.

— Иўқ! — депти ўшанда подшонинг канизи — маликанинг дояларидан бири. — Хоразм душманга таслим бўлмайди! Менга йигирмата қулуни бия, маликанинг бир қатор либосидан беринг, душманни ўзим маҳв этаман, шоҳим.

Доя хотин ҳар биянинг қулунини бу манзилда қолдириб, ўзларини эгарлаб-юганлаб нариги манзилда йўлга ҳозирлаб қўйиби. Ўн тўқизати бияни ҳар иккни порсонгдан йўлга рослаб қўйиби-ю, йигирманчи бияни миниб, Султон Санжар ҳузурига келиди:

— Мен Хоразм маликасиман,— депти унга,— майли, сенга хотин бўлишга розиман. Дарёни оч.

Султон Санжар Мозий мақсадимга етдим, деб қаҳ-қаҳ уриби:

— Мен дарёнинг тўғонини очишдан олдин, сен юзингни оч. Жамолингни бир кўрай,— депти. Сохта малика юзидан никобини сал қўтарган экан, гўё булат срқасидан яна бир қуёш чиққандек дашту биёбон чарақлаб кетиби.

— Ҳой, нега анқайиб қолдинглар! Дарҳол тўғонни очинглар! — деб фармон бериди подшо.

Тоғ тепасига қадар қўтарилиб тўпланиб қолган сув қуриб ётган ўзанга гувиллаб уракетиби. «Малика» эса биянинг бошини орқага буриб, қамчи босиди. Қулунидан ажралган бия тезроқ боламга етад деб, қанотли қушдай учганмиш. Жонивор дарёни ҳам назар-писанд қилмай бир сакраб ўтибди-ке-тиби. Панд еб аҳмоқ бўлган подшо аламига чидомлай унинг орқасидан от солиби. Қувиб келаётib, «Терингни шилиб оламан, фитначи!» деб дўй урибди подшо. «Малика» эса йўлда кутиб турган иккинчи бия, ундан учинчи ва-

бошича бияларга сакраб миниб, қамчи босабериби. «Минг отинг бўлса ҳам, қочиб кутуломмайсан!» деб бақириби таъкиб қилиб келётган Султон Санжар. «Ҳой жувон, тур, тўхта дейман сенга!» қичқириби яна бир жойда. «Тўхтамасанг, пичоқлайман!» — пўлиса қилибди сўнгра. «Қуриб кеттур, қулонига қар-я!» — дебди подшо тагин бир манзилда изтироб билан.

Шундай қилиб, «Малика» Султон Санжар Мозийни Хоразмнинг ичкарисига алдаб киритиби-ю, отини таққа тўхтатиб, бошини у томон буриби:

— Кел, энди янкама-янка куч синашамиз, подшо! — дебди ва устидаги малика либосини сидириб ташлаб, шамширини яланғочлабди. Подшо унга, у подшога ҳамла қилиби. У қилич тортиби, бу қилич тортиби, қиличлар ҳар гал илондек вишиллаб ҳавони кесавериби. Подшонинг оти шунча йўлдан чопиб келиб, ҳолдан тойган тозидек тили оғиздан чиқкан эмасми, ниҳоят, мукка тушиб сулайиб қолиби.

— Мен отда, сен ерда жанг қилсан, адолатдан бўлмас. Кел, энди оёқ устида қиличлашиб кўрайлик,— деб, биядан тушиб, юганини қўйвориби «Малика». Яна жанг. Яна олишув. Тифи тифга теккан қиличлардан яшин чақнармиш. Ниҳоят, «Малика» рақибининг оёғига бир қилич уриб ерга кулатиби. Унинг кўкисига оёғини қўйиб:

— Сенинг дарди-матлабинг малика эмас, қон эди. Мана сенга қон керак бўлса, қонхўр! — деб Султон Санжар Мозийнинг бошини танидан жудо қилиби.

Етакчисиз қолган душман қўшиллари эса, бир доя хотиннинг мардлиги шунча бўлса, бу мамлакат ҳалқининг ғазабидан худо сақласин, деб тум-тарақай қочишиби. Шундан кейни Хоразм маликасининг дояси малика сифатида, қўшин тортиб келган подшо ҳузурига борган жой «Дояхотин» деб, унинг бияси дарёдан сакраб ўтган ер — «Дулдул отлаган», подшонинг «... Фитначи!» деган ери «Питнак», «Минг от...» дегани «Ҳазорасп» (форсча «ҳазор» — минг, «асп» — от), «Жувон, тур» — «Жувондир», «Пичоқлайман» и «Пичоқчи», «Қулонига қара-я»си — «Қулон-Ҳора-боғ» деб аталадиган бўлганмиш...

— Ажойиб афсона! — Николай Федорович қойил бўлиб бош чайқади.

— Дейдиларки, дарё қиргогида ўша дулдулнинг туёқ изи ҳам қолганмини.

Харсанг тошдаги излар асрлардан қолган туёқ изими-йўқми, ундан қатъи назар, бу ерларга қадим замонлардан буён одам оёқ босмагани ҳаммага маълум. Эндиликда совет кишиларининг куч ва иродаси, ақл-заковати билан бунёдга келаётган «Зангори алана» йўлидан ташқари Дулдулотлагандан сал қўйироқда Туямўйин сув иншоти қурилиши ҳам бошланганки, бу ерларнинг туллаб-

яшиаган ҳаёт бўстонига айланиши равшан. Қурувчилар ўша улкан ҳаётни ўзлари билан бирга бошлаб келишиди...

Балабанов Узоқ Шарқдаги йирик қурилишлардан бири битказилиб, лентаси кесилгач, рафиқаси билан бирликда Бухоро — Урал магистрал қурилишининг иштирокчиси бўлишига қарор қилди. Бу ерга келиб тушишлари билан Балабановни қувур ташибидиган шатақчи «МАЗ»га шофер қилиб тайинлаши ва янги оиласа ғилдирак устидаги шаҳарчадан бир хонали алоҳида вагон-үй берди. Балабанов Ўзининг севимли «Белка» — ов милтигини ғилофидан чиқариб, каравот устида деворга илди. Мария Андреевна эса Узоқ Шарқдан ардоқлаб келтирган товуқларини вагон тагида жойлаштириди. Ўшандай қанотини «тап-тап» уриб қийқирган хўроэ товушини Дулдулотлаган қирлари биринчи бор эшигтан бўлса керак.

Шундай қилиб, шаҳарчада инсоннинг бошқа қанотли дўстлари — мусичалар ҳам пайдо бўлиб, вагон-үйларнинг «бўғст»ларини макон қилиб олишиди. Ўйларнинг томларида, зинапоялларида электр ва радио симлари чиганоқларида, антенналарда ўтириб «қу-қу»лашиб сайрашгани сайрашган. Одам бор жойда сайрайди-да мусичал ғилдирак устидаги шаҳарча ўрнида ўзининг кўп қаватли иморатлари, кенг кўча ва хиёбонлари



И. Ф. Карелина.

билан ажойиб шаҳар қад кўтарадиган кунлари ҳам узоқ эмаслигини ким билмайди, ахир!

Бетиним кишилар

Киши фасли. Амударёнинг ўнг соҳилида, Уч ўчоқ тепалари устида олачипор булут пардасини ёриб балқиган тонг шағағи очилаётган атир гул гунчаси каби қизаради. Вагон-үйлар деразаси бирин-кетин ёриша боради. Кимdir очи майдонда ялангоч зарядка қиласди. Бирорлар автомашина радиаторига қайноқ сув қўйиб, моторни қиздиради. Бош ошпаз Ирина Фесфановна бўлса-ку аллақачондан газ ўчоқ бошида парвона, лазиз таомларнинг ҳиди димоқларни қитиқлаб, сериштаҳа хўрандаларни ошхонага чорламоқда.

Одамлар бирин-кетин эшик қоқиб кириб, штаб-квартира бирпасда лиҳтўлди. Баҳс, талаб, мунозара қизиб кетди. Бу етти Йиллик қурилиши трассасида қайноқ иш кунининг бошланиши эди.

Бугун арталабдан ҳаво айниди. Олачалиқ булутлар тобора қуисқлашиб қўнғир тусга кирди; осмон қуий инабошлиди. Балабанов вагон-үй зинасида тушиб, ҳавони ҳидлагач:

— Эҳ, бугун кумуш қор ёғиб беради — деди тажрибали овчиларга хос биларманлилар билан.

Балабанов айтганидай «кумуш қор» эмас, шаррос ёмғир ёғабошлиди. Лекин

монтажчилар ҳам, механик-ҳайдовчилар ҳам, причалда баржаларга юк ортиб юк туширувчилар ҳам, пайвандчилар ҳам — ҳамма ўз постини эгаллаган. Мана, стеллажларда пайвандловчи агрегатлар турлиламоқда. Ҳамма ихчам брезент коржома кийиб олган. Наим Атнабоев билан унинг дасткори Аниса Байкова дув қуйиб турган ёмғирни писанд қилмай автоматни бир чокдан иккинчи чокка қўчирмоқда. Байроқ Минаҳмедов, Зоя Носирова, Юрий Дёмин, Олим Қурбонов, Машариф Хўжаевларнинг қўли қўлига тегмайди. Центровкачилар томонда ҳам чақмок чаққандай ялтюлт...

Карамишовлар бригадаси тиним билмай пайвандлашга кун бўйи етадиган қилиб лента тайёрлашиди. Ҳамза Ҳабибуллин metall лента етказиб бермоқда. Тиззалаб ўтириб олган Гриша Антонов уни темир из устига қўйиб, ўлчаб, зунаила тутмоқда. Фома Биршев қулоч керуб болға уряпти.

Совуқ-чи? Дулдулотлаган қирилининг ялангоч ёнбагрида бир совуқ иккни бўлади. Лекин брезент қўлқоплар ҳам ҳар ерда ётиби. Тавба, совуқ ҳам, юр-ёмғир ҳам кор қилмайди шекилли бу одамларга!

Причалда баржани бир карра нариги қырғоқца бұшатиб келиб, иккінчи мартта юң ортишмокда. Күттарма лангар қирғаш беш метр яғни үн беш тоналы уланмани ҳавода муаллақ қилиб, астасекин баржага құяётір. Бу ерда ишайникса оғир, масъуліятли. Сал хато ёки шошма-шошарлықта йүл құйдінг, голиф қолдингім, вассалом — ишнинг пачаваси чиқады! Шу вакандан бу ишга бақувват ва абжир кишилар — Федор Майоров, Анатолий Мохнаткин, Павел Бойцовлар қўйилган, Краснодар, Челябинск, Магнитогорск, хуллас мамлакатимизнинг қуарида узоқ масофалы газ ёки нефть қувури ётқизилган бўлса, қурувчилар рўйхатини қаранг, унда албатта Майоров номини ўқийсиз. Бойцов — асли Латвияда туғилиб ўсан. Лекин уруш йиллари ота-онасидан жудо бўлиб, мушфик рус аёли тарбиясида камолотга етган ва ўзига она ўрнига она бўлган ўша аёлнинг фамилиясида. Павел Атлантикада балиқ овловчи трапулерда матрос бўлиб хизмат қиласарди. Шторм пайтида пароход бортидан океанга қулаб, бел оғриқ дардига дучур бўлди. Докторлар мамлакатимизда Хоразм деган қуёшли ўлка бор, ўша томонга борсанг шифо топасан, деб маслаҳат бершибди. Бойцов хотини Эрна билан мана шу қуёшли ўлкага келди. Мана бир йил ўтмаёқ, онадан янги туғилгандай соппа-соғ бўлиб кетди. Бойцовни матрос бўлгани учун причалга тайналашган эди. Эрна эса токарь, инженер-технolog — машина ва механизмларга қанақа қисм зарур бўлиб қолса, дарҳол деталнинг чертежини ўзи чизади-ю. ўзи станонда ясаб беради. Билим ва ҳунар шарофати бу!

Мохнаткин: баҳайбат соҳибчангал, бароқ соқол бир баҳодир — одамнинг исми жисмiga мувофиқ келиши ҳам шунчалик бўлади! Ошпаз Ирина Феофановна ионуштада ва тушликда овқатнинг тегинин мўлроқ қилиб беради унга! Нада Падлавонинг иши овқатига, сиқати ишига лойиқ.

Дарё валломатларининг бетлари қорайиб, лаблари пўрсилдоқ очиб кетган. Мохнаткин Эшмуҳамедов келтирган уланмани сарышта қилгач, баржа бортидан қўлларини доира қилиб белига тираб. Рашид Носировга кўз тутиб турмоқда. Рашид эса ўзи юрадиган күттарма лангарининг чангалидаги уланмани осмонда мезон-тарози қилиб стеллаждан эндиғина бу томонга рабона бўлди. Нада унинг орқасидан қўл силкиб қолди.

Рашид Носиров Куйбишев — Москва нефтепровод қурилишида ишларди. Дам олиш куни ўрмонда жамалаклари белига тушган жажжи қизни учратиб қолди — гул териб юради у. Рашид қизга гул теришди, қўзиқорин йигишиди. Қизнинг савати тўлгач иккаласининг ҳам болалиги тутиб кетиб, ўрмонда бекинмачоқ ўйнашди. Шу кундан эътиборан

Рашид билан Надя ҳар яқшанба ўрмонда учрашадиган, бекинмачоқ ўйнашадиган бўлиб қолишиди. Тўй ҳам узоққа чўзилмади. Мана бир йилдирки улар бир оила. Рашид — механик-ҳайдовчи, Надя — монтажчилар бригадасида дасткор, бирга ишлашади.

Ёғингарчиликка қарамай, гир атрофда кун бўйи меҳнат тўлқини жўш уриб турди.

Кишиларни бетиним қилган куч нима?

Бухоро ери — замини тагида миллиард кубометр газ — битмас-туганнис энергия манбаи ўзининг не-не гигантларни ҳарақатга келтирадиган кун ва соатларни санаб, ер юзига интилмоқда. Бу — нон, гўшт, пахта, пўлат, қурдатли машиналар демакдир! Коммунизмнинг моддий техника базасини яратишни тезлашиб демакдир! Ана шу ҳис, интилиш бу ажойиб қишинларни тиниб-тиничи майдиган қилиб қўйган.

Кун бўйи қуёши кўринмаганиданми, бугун атроф гўё одатдагидан барвақтроқ қоронғилаша бошлади. Сафардан қайтган охириги машиналар ҳам автопаркда ўз ўрнига келиб тўхтади. Шовқин-суронли иш куни интиҳосига етиб, трас-сага кечки сукунат чўқианди.

Қурувчилар ўзларининг вагон-уй полкаларида чўзилиб дам олишаётган, ошхонада овқатланишаётган, қизил бурчакда радиолани ванг қўйиб танца қилишаётган бир пайтда штаб-квартирада бошқа вазият ҳукмрон эди. Бу ерда ишдан кейин яна иш куни бошланганди. Новиков, бирпасдан сўнг биринчи участка бошлиғи Баширов, участка меканиги, қурувчилар ичидаги кексаси бўлгани учун «Оқсоқол» лақабини олган Иван Корнеевич Макаенко ва яна аллакимлар бирин-кетин кириб келишиди. Олти кишига мўлжалланган штаб-квартира лиц тўлди.

— Фронтда иш йўқ,— деди Баширов қовоғини солиб.

— Нега? — сўради Перемяк стол устига «чип-чип» шираси томаётган қовун тилимiga иштаҳа билан оғиз уриб.

— Нега бўларди! — Иван Корнеевич чайир ва панжалари кавара-қавара қайнаб пишган қадоқ қўлларини ёйди.— Майоров соляркани дарёга оқизиб юборди. Битта шатакчининг радиатори ёрилиб қолди. Жуманов билан Кудрин уйланиб келишга кетишиди. Мана нимага!

— Қовундан олинглар.— таклиф қилиди Перемяк.— Айб Майоровдамас. Ишкан пороходчиларда. Ҳа, ўша пурратчиларда. Ҳай кўз билан қарашади.

— Ҳай кўз билан карашса, акт ёзиб жавобгар қилиш керак.

— Акт тузиш билан солярка ўрнига келармиди,— деди кимдир.

— Радиатор масаласида, менимча, ё бирор Тахиатошга бориб келиши ёки дарҳол телеграмма бериш керак...

— Шу палла электростанция мотористкаси Султонова эшикдан кириб келди ва сосункадан ёф ўтмай қолди, деб Перемякни ўзига эргаштириб чиқиб кетди.

Перемяк электростанциядан хиёл ширакайф, қош-қовоги солинган бир кимсаны бошлаб келди:

— Хўш, Серёжа, нима гап? — деди у курсини яқин суриб ўтириб.

— Хеч вима, — Серёжа қўл силтади.

— Мен сендан начальник эмас, ўртоқ сифатида, биласами, ўртоқ сифатида сўрайтман? Нима гап?

— Хотиним ташлаб кетди. — Серёжа бирдан бошини қуий солиб кўзларини яшириди. Унинг забардаст елкалари енгил силкинарди.

Хўш, Серёжани хотини нега ташлаб кетдикин?

Серёжа Бризжалов центровкачилар бригадири бўлиб ишлайди. Нинани эса қўл оёғи чаққон, эпчил хўйжайка деб, стеллајдан олиб, ошхонада ошпазга дасткор қилиб қўйишганди. У: «ўзинг бригадир бўлатуриб, нега мени ошхонага юбординг», деб эридан аразлаб юрди. Сўнгра «мени ўз ишимга қайтариб олъ, деб ёлвора бошлади. Лекин Серёжа бошлиқларнинг розилигисиз, хотинини стеллајга қайтариб ололмас, унинг илтимосларига штабда ҳам у қадар аҳамият бермай келишарди. Ниҳоят, Нина ўз ҳунаримда ишлатмайдиган бўлсанг, мана, деди-уюн аччиғланаб, онасининг олдига кетди-қолди.

Ўзоқ сукут этгач Серёжа:

— Бўлмаса, мени ҳам бўшатиб юборинг, — деди.

— Сени бўшатмаймиз. Хеч қачон! Бу тўғрида бекорга бошингни оғритма.

Хотинингга бўлса телеграмма юбор. Майли, ўзининг слесарлигига қайтсан. Сен билан бирга ишлайди. — Перемяк



Олим Курбонов.

Адикеевга юзланди, — Юрий Владимирович, сен ҳам разимисан?

Участка бошлиғи разиман деб бош чайқади.

Рахим-қурувчи

Перемяк бугун ҳам дарёнинг ўнг соҳилидан энг сўнгги катерда ўтиб келди. У эшикдан кирган захоти, ечинишдан ҳам олдин, муқоваси тижимланиб тўзиб кетган паспортни чўнтағидан чиқариб, Новиков олдига қўйди:

— Николай Федорич, мана шуни кўздан кечириб чиққин-а.

Паспортнинг ичida тўрт буқланган ариза ҳам бор эди.

— Ҳа, Раҳим Умбетовми... У менга ҳам учраган. Хўш, нима дейсан? — Новиков паспорти ёпиб қўйиб, Перемякка қаради.

— Ишга қабул қилмоқчиман.

— Тавсия қиломайман. Шубҳали шахс...

«Шубҳали шахс» уч Йил қамоқда ўтириб чиққан. Паспорт меҳнат колониясининг сиравкасига мувофиқ берилган. Хўш, қамоқдан чиққанидан бўён ўтган З Йил мобайнида бу нақирион йигит (32 ёшда)

қаерда яшади, нима иш қилди? — Унинг қўлида паспортдан бўлак ҳужжат йўқ. Паспортда 1960 йилнинг 9 ноябридан 16 ноябргача «Пешковский» совхозида, 1961 йилнинг марта Бурли қишлоғида ишлаганий қайд қилинган.

— Қизиқ! — Новиков паспортни қайта вараклаб таажжубланди. — Майли, илгаригиларини суриштирмайлик. Лекин сўнгги ўн ой давомида нима қилган? Балки...

— Бу ердан юз эллик километр нарида «Зеленка» деган жойда ишлаганимиш.

— Ишлаганини қаердан билақолдинг?

— Ўзи айтди.

— Ҳужжат керак, ҳужжат.

— Меҳнат дафтарчасини ҳам, ҳарбий дафтарчасини ҳам, бошқа шахсий ҳужжатларини ҳам ўртоқлари билан ичиб йўқотганмиш...

Хуллас, Раҳим Умбетов ҳақида мавжуд маълумотларнинг ҳаммаси унга бўлган шубҳани ортириарди, холос.

...Раҳим ота-онасидан барвақт жудо бўлди. Акаси Кривойрог шаҳрида уйланаб, ўша томонда уйли-жойли бўлиб қолганди. Раҳим акасининг олдига бориб, украин мактабининг еттинич синфини битказди да, ўн беш ёшидақ бир дурадгорга шогирд тушди. Йигит етилиб, уста бўлиб чиқди. Маҳаллий саноат комбинатида, қурилиш трестида, темир йўл станциясида ишлаб, мустақил ҳаёт йўлига чиқиб олди. Кўзининг тагига олиб юрган қизга уйланай деб турган пайтда фалокат юз берди. Темир йўл станциясида уч бочка пиво ғойиб бўлди. Уша кечаси Раҳимни ўртоқлари маёвкага таклиф этишган, ўрмоннинг узоқ, хилватгоҳида расо пивохўрлик қилишганди. У, пивога сероб бўлиб қолибсанлар,— деганда «Богини суриштириб ниша қиласан, узумини уравер»,— дейишганди ўртоқлари. Эртаси куни Раҳимни ҳам улфатларини ҳам қамоққа олиши. Илгари бунақа можароларни бошидан кечирмаган йигит ўзининг айборд эмаслигини ҳам исботлай олмади.

Раҳим қамоқ муддатини битказиб қўриқ ерда янги ташкил қилинган совхозга бориб ишга кирди. Унинг ўтмиши совхозга ўзидан олдин келиб етганди. Бригадир ҳар иккى сўзининг бирида «Ҳа, қароқчи» деб таъна қилаверди. Раҳим хайр-хўшина насия этиб, туғилган қишлоғига жўнади. Қишлоқда ҳам баъзи одамлар шунча йилдан бўён дараксиз нетиб, бирдан осмондан тушгандай пайдо бўлган «сўққабон»га шубҳа ва совуқ назар билан қарай бошладилар.

Ўз юртидан бош олиб кетай деб юрган Раҳим Гриша деган ўртогининг сўзига кириб Днепропетровска келди. Раҳим дастлаб қурилиш идорасига иш сўраб борди. Кадрлар бўлимининг бошлиги унинг хужжатларини синчилаб кўздан кечириб чиққач, кўзойнак тагидан қараб:

— Афсуски бизда сизбоп иш йўқ,— деб хужжатларини қайтиб берди. Сўнгра станцияга, талай ҳунармандчилик артели ва комбинатларга, ниҳоят, шаҳар тозалаш идорасига бош уриб кўрди. Епирақ, кадрлар бўлимидаги бу одамларнинг қиёфаси турли-туману, бироқ сўзлари битта:

— Бизда сизбоп иш йўқ!

Раҳим Одессага, Одессадан Киевга, Киевдан Харьковга тентиради. Баъзи ерларда иш излашга улгурмасданоқ вокзалда милиция тутиб олиб, бир сутна ичидан шаҳардан чиқиб кетишини бўюди.

Раҳим аллақайси бир авлоқроқ станциядами, разъездами поезддан тушиб, теварак-атрофга разм солди. Бир кампир қадди ёйдек букилиб, лангарда иккى чеълак сув кўтариб келарди. Раҳим югуриб бориб, иккى чеълакни иккى кўйли-

га олди-ю, кампирнинг уйига элтиб қўйиб:

— Бувижон, ўзим дурадгорман, шувақчилик ҳам, гишт териш ҳам, печка қуриш ҳам қўлиминдаги келади,— деди.— Менга буюрадиган ишингиз йўқми? Кўп ҳақ сўрамайман.

— Вой, ўғилгинам-ей, кошкйиди бўлса! — қўлинин тиззасига уриб афсусланди кампир.— Айтганча, қўшнимиз Иван Тимофеевич чўлан қурмоқчиди чамамда. Мен чиқиб билиб келай, хўл деса ўшанга қарашиборақол, ўғлим.— Кампир чиқиб кетди. Раҳим кампир бергага овқатни еб олгач, рухи бир оз тетикланиб, чўнгагида қолган тамаки қолдиқларини йиғиб, папирос тутатди. Кампир уйга чеъраси очилиб кириб келди:

— Келақолсин, иш топилади, деди Иван Тимофеевич. Юрақол, ўғлим, ўзим бошлиб бораман.

Иван Тимофеевич, иши биткач, 25 сўм берди. Шундан кейин у шаҳарнинг юн станциясига бориб, бирорвга багаж туширишди, бирорвга кўмир ортишиди. Йўл пулини жамлаб олгач, поездга ўтириб Тошкентга келди. Бу ерда ҳам биронта ишнинг бошини ушлай олмади. Кейин, паспорт билан эллик тийин дастмоя, мана шу улкан қурилишга сифриниб келди.

— Унинг саргузашти шундан иборат,— деб ҳикоясини тамом қилди Перемяк.— Ўзи бақувват, ҳар ишга қобил.

— Унинг бу фазилатларини шу чоқкача биздан бошқалар пайқашмаганикман?

— Пайқашган-пайқашмаганини билмайман, лекин кишига ишониш керак, Федорович!

— Тўғри, кишига ишониш керак! — таъкидлади Новиков.— Лекин ҳаммага эмас. Мана, сенга бошимдан ўтган бир воқеани гапириб берай...

Икки бошлиқ, икки ўртоқ қизгин тортишиб турганида штаб-квартирага ўрта бўйли, миқти, қорамагиз, часос кўз, истараси иссиқцина йигит кириб келди. Бу ўша Раҳим Умбетов эди. У жеча Перемякка берган ўз аризасининг таҳдидини билгани келган экан.

— Ма, бизда ҳам сенбоп иш йўқ! — Перемяк паспортни унинг олдига сурби қўйди.

Раҳим турган жойида донг қотиб, ранги қув оқарди. Лаблари пир-пир учди:

— Владимир Ипполитич! Энди қаёқка бораман?

— Билмайман.

— Менга қара, Умбетов,— деди Новиков,— ҳозир қўлингта хат ёзиб берамиз. Хатни олиб тўғри Дарғонота милиция бўлимига борасан ва бўлган воқеани ўшаларга айтиб берасан. Кейин бу ерга қайтиб келасан, бизда ишлай бошлайсан..

Раҳимнинг ҳам, Перемякнинг ҳам чекраси очилиб кетди.

Новиков хат ёзиб Раҳимга берди:

— Овқатландингми? — деб сўради Раҳим чиқиб кетаётганда ва у жавоб беришга ултурмасданоқ ёнидан пул чиқариб узатди: — Ма, аввало ошхонага кириб ионушта қилиб олгин. Қолгани йўлга.

— Сенга шунчаки бераётганим йўқ, қарз бераяпман. Мояна олганингда қайтиб берасан.

— Йигитнинг тақдирини ҳақида ўйлаб, тун бўйи кўзимга уйку келмади. — деди Перемяк Умбетов чиқиб кетгач.

— Менчи? Мени айтмайсанми?

Раҳимдан икки кунгача дарак бўлмади. Бу икки куни Перемяк учун икки йил бўлиб туюлди: «Наҳотки, наҳотки, янгишган бўлсам!» деб ғижинарди у ичичидан ва Новиковнинг юзига қаролмасди. Новиков эса ўзини билмаганга олиб юрди. Ниҳоят, учинчи кун кечқуруя штаб-квартирада кимдир Умбетовнинг кун бўйи станцияда вагондан қувур туширганини айтди.

— Нима дейсан? — Перемякнинг чекраси ёришиб, Новиковга қаради. — Ишни тўғрилаб келибдими?

— Ҳа, оғзи қулоғида. Нор туюдек юк кўтараётни...

У тўғрида гап бўлиб турган пайтда штаб-квартирага Умбетовнинг ўзи кириб келди

— Хўш, ишлар жойидами?

— Жойида, Владимир Ипполитич! Эрталаб сизга учрай деб келсан, штаб олдида бригадир «юк туширишга одам етманти», деб хуноб бўлиб турган

экан. Мен нима, одам эмасманми, дедим. Шундай қилиб, станцияда ўн вагон қувур туширдик.

— Бекор қилибсан. Буйруқдан ўтмагунча, бари бир, иш ҳақи ёзилмайди.



Раҳим Умбетов.

— Бе, йигитнинг қучи — дарёнинг суви. Лекин дарёнинг суви бекор кетсан кетадини, менинг меҳнатим бекор кетмайди.

Перемяк муҳаббат билан Умбетовнинг елкасига қоқди...

(Давоми бор).



Валерий ТУР



Мемлүк Даңыңасы

Ер пұфаклари

БУХОРО саҳросида сизни улкан тирик гүмбаз құршаб туради. Заранғ қызил ерни босиб қанча йұл юрманг, бары бир, сиз шу бепоён гүмбаз ўртасида тураверасиз.

Бу ердаги якка-ягона дарахтнинг тарихи жуда ачинарли. Бу дарахт шу ерда ҳалок бўлган геологлар қабри устига экилган, дейишади. Одамлар ер қаърига томир чўзган бу сербўғин садани қуритмайди: машиналар унинг тубига ўз радиаторидан оз-моз сув қўйиб ўтади.

Ердан бир ховуч тупроқ олиб, бир кафтингиздан иккинчи кафтингизга астагина тўкинг. Шамол енгил, қизиган қумни учирби кетади, кафтингизда майдо тошларигина қолади. Бу тупроқда нима битади? Калтаксагу илон яшайди бунда.

Лекин Бухоро чўли ҳам бутун умрени мұхтож ва ҳароб ўтказган, кейин эса увада тўндан жуда эҳтиётлаб беркитилган катта бойлик топилган гадойга ўҳшайди.

Бу ернинг ривоятчилари қулогимга, зангори олов девининг олтин ранг тилларини чўзиб, кечалари ерга тегмай, саҳро бўйлаб дайдиб юришини ўз кўзлари билан кўрмоқ учун бу жойларга олис-олислардан оташпаратлар келарди, дейишди. Яна, суви олов аралаш қайнаб ётадиган кўллар ва кун ботар дақиқадагина эшитиладиган аллақандай ингроқ товушлар ҳақидаги ривоятни ҳам менга гапириб беришиди.

Лекин геологлар бу воқеани анча осон гапиришади. Биз бу ердан, дейди улар, нефтнинг ер бетига отилиб чициш йўлини топдик. Нефть билан газ эса бир-бирига йўлдош.

Үн тўққизинчи аср охирларида қумларга ботиб, бу ерга Калицкий бошлиқ геологлар экспедицияси келган эди.

Бу — қадимий карвон сафарига ўхшарди: туялар лапанглаб аста қадам босар, ҳорғин туючилар эса уларга, тез юринг, дегандай ғамгин тикиларди.

Казимир Казимирович Калицкий олдин нефти кўп Фаргона водийисида ишлаган эди. Қизилқумнинг қум тепалари уни кўнгилсиз қарши олди. «Бу ерда нефть борлиги аниқку-я,— деган фикрни кўнглидан ўтказди Калицкий.— аммо бу борса келмасда қандай яшаб, ишлаб бўлади?».

Энг ногирон тия олдинга тушди: карвон орқага қайтди.

Аммо анчадан сўнг Бухоро саҳросига бошқалар келди. Бу совет замонида, ўттизинчи йилларда эди. Қидирувчилар раҳбари тажрибали геолог С. И. Ильин эди. У бу ернинг сиру асрорини ўзидан олдинги геологларiga қараганда анча кўп очиб берди.

Бухоро областида газ конларини очган етти олим Ленин мукофоти лауреати бўлганлиги ҳақидаги хабар газеталарда эълон қилинишдан анча аввал Ильин вафот этган эди. Рўйхатда унинг фамилияси ҳам бор эди. Мамлакат кекса геологнинг хизматларини унутмади, эҳтирос ва жасоратини эътиборга олиб марҳумни мукофотлади.

Лекин ўша вақтда, ўттизинчи йилларда, бундай олис районларда ишни авж олдириб юборишга техника ҳали имкон бермас эди. Шунинг учун ҳам Вялов, Ильин ва Михайлоскийларнинг Ўрта Осиё нефть конларига бағишлиган китобида: «Газли ўз жуғрофий ҳолати жиҳатидан амалий натижага бермайди» деб айтилган.

Саҳро яна аввалгича яшашга имкон олди. Диллари сиёҳ бўлган дўстлар кўли ерга бир дона новда сўқиб қолдириди.

Туб жой аҳоли Газлидаги якка садақайрағоч ўша новда, дейишади.

Газли қанака жой? Метиндей қаттиқ саҳро. Қиши ва кўқламда — қатқалоқ, сассиқ, аччиқ, чуқур ботқоқ, трактор юрса ғарқ бўлади. Ёзда эса — кум. Қулоқ ва радиаторларга кириб тўладиган,двигателларни ишдан чиқарадиган, кўзни кўр қиласидаги, машина чироқларини ўчирадиган кўчмачи, лаъниати кум. Шамол секундига йигирма метр учирганда ҳар бир кум донаси металдай қаттиқ урилади.

Ана шундай вақтларда туялар дарҳол ётиб, кўзларини бекитади, туячилар эса наматта ўралиб, қумбўроннинг тинишини кутишади.

Юк машинаси ерга ётиб ололмайди. Деразаси жисплаб қўйилган бўлса ҳам кабина бир лаҳзада телба қумга тўлади. Олга жилиб бўлмайди. Одамлар кўзларини маҳкам юмиб, кафтлари билан бетларини бекитиб, қум тўфони машина бўёқларини қиртиллатиб кўчиришига қулоқ солиб ўтирадилар...

Геологлик — ғалати қасб. Бу касбнинг ёзувчи ишига якинлиги бор: бир нарсанни ишлайсану бутунлай бошқа нарсанни топасан. Бу ерда, Газлида нефть ва олtingугурт изладилар, аммо бу кичкина кишлоқнинг нима билан довруғ чиқарини ҳеч ким билмасди.

Газни Узбекистон ғарбида олтингугурт кидириб юрган геолог Чистяков 1928 йилда топган эди. Лекин Ўрта Осиёдаги газни очишга урушдан кейингина жиддий киришилди. 1956 йил марта биринчи газ қудуғига асос солинди.

Газлида газ борлигига, бўлганда ҳам кўп эканилигига пармачилар ўша 1956 йил декабрдагина ўз иш тажрибаларида ишонч ҳосил қилдилар. Инкинчи қудуқни кавлаш тугай деб қолган эди, вишкага атрофидаги ер бирданига пуфак-пуфак бўлиб қайнай бошлади, тобора катта очидаётган ёриқлардан ўкириб, ҳуштак чалиб газ отилиб чиқди.

— Дизелни ўчир — деб қичқирди ҳушшер тортиб пармачи.— Асбобларни олиб қочинглар, йигитлар!

Газ билан заҳарланган ҳавода, портлаш юз берай деб турган дамда ишлилар вишкани қутқазишга ҳаракат қилдилар. Лекин вишкага чўкиб борарди, ниҳоят, чўкиб кетди. Ўқон ер тагидан отилиб чиқаётган сув билан дарров тўлди-қолди. Фақат вишканинг учигина денгизга ғарқ бўлган кема мачасидек қақцайиб турарди.

Газнинг заҳарли эканини бу ерда ҳамма билади. Ер ҳам худди сувга ўхшаб пуфак чиқаради, бу — ер пуфакларидир. Газ тоҳ қудуқдан кучли фонтан бўлиб отилиб чиқади, тоҳ бирор

жойдан ўзиға йўл топади, тоҳ қаттиқ жиспланмаган тирқишидан сизиб, ҳавога кўтарилади. Бунинг устига газ кўз илфамас нарсадир.

Оҳангарон ва Навоий цемент заводлари Бухоро гази билан ишлайди. Цементнинг таниархи қарийб иккি баравар камаяди, маҳсулот сифати эса анча яхшиланади. Газ рангли ва қора металлургияга, ойна ишлаб чиқаришга ҳам электр куввати ҳосил қилиш учун ҳам зарур. Бундан ташқари, газ энг яхши ёқилги бўлиб, кўмирдан 10—12 марта арzon. Газ ёнгаида на тутуи ва на ишрум чиқади. Самарқанддаги газ билан ишлашга кўчирилган корхоналарнинг собиқ кочегарлари менга: «Мабодо яна кўмир ёқиб ишлайдиган бўлсак, ўзимиз дарҳол ариза бериб бўшаб кетардик» дейишиди.

Газнинг кимё саноатидаги аҳамияти ёзят кетадир. Бир тонна табии газ — 500 килограмм этил спирти, 400 килограмм пластмасса ёки энг яхши матадан тикилган мингта костюмдир. Андерсоннинг: «Соф ҳаводан тўқилган энг нозик газмолни телбаларгина кўрмайди» деган эртаги буғун ногаҳон ҳақиқатга айланди.

Газ бор! Лекин у қанча? У қаевда тўплантан? Қаерга парма солмоқ яхшироқ? Бу саволларга тўла жавоб бермоқ учун пухта, батафсиш қидириш керак. Бухородан 110 километтра наридаги қуп-қуруқ жойда одамлар уй қура бошлидилар.

Одам ҳайрон бўлиб ўтирмасликка аллақачон ўргаиган. У қўчма муз устида яшайди, оғи тагида океан нафасини сезади-ю, бунга эътибор бермайди. У ер тагидаги Йилтироқ туз конлари залларига тушади, лекин булар ҳам унга ғалати туюлмайди. Бизнинг кишиларимизни қийинчиликлар ҳайрон қилмайди, аксинча, муваффақиятга осон эриниганларида ҳайрон бўладилар.

Анча ёшга кириб қолган бир геолог менга:

— Бу қанақа ажойиб ер! Қаерини кавлама, ё нефть, ё газ отилиб чиқади! — деди ажабланиб.

Лекин бу саҳрода ажабланишга сира ўрин йўқ эди. Қийинчилик етиб ортади.

Сувни қаердан олиб келиш керак? Амударё тўйсон километр, Зарафшон эса етмиш километр нарида. Яқин бир жойда қадимий қудук бор, бирор сувни худди ишқордек аччиқ. Челакда қора, стаканда эса қизил тусда кўринади. Сувни жуда олис жойдан автоцистерналарда ташиб келишга тўғри келди. Шоферлар машиналарни шундай жойлардан олиб ўтиларки, ҳатто танкистлар ҳам танкларини бу ердан олиб ўтишга ботиномлаган бўлардилар.

Құмбұрон

НАИМ йүлда ҳеч зерикмайды. Құшиқ айта олғандан кейин нега ҳам зеринсін? У посёлкадан вишкагача йүл бўйи құшиқ айтади.

Наим ичда, унсиз құшиқ айтиш яхшироқ деб билади. Сендан ҳеч ким, құшигингинг мазмуні німа, деб сұрамайды: нималигини ҳар вақт ҳам гапири бергинг келавермайды, ахир. Одатда уннинг құшиғида мұхым нарсалар күйлаңади...

Нұрсиз сиртига «Сут» деб ёзилган автоцистерна охирги уйлар өндідан әнді үтді, Наим шоферга тескари үгірилиб, деразага қаради. Орқада қолиб кетаётган уйлар, одамлар ҳали тугагани йўқ, құшиқ бошлаб бўлмайды, гоҳ униси, гоҳ буини кўриниб, диққатни бўлади. Лекин теп-текис чўлга чиқиб олғандан кейин, эътиборни тортадиган ҳеч німа, ҳеч ким кўринмайды. Хотирот ўзининг ярим құшиқ, ярим ҳикоясини бошлаб юборади.

Наим ўзи туғилиб ўсган саҳрова отлиқ кетаётгани, түёқлар тагида эзилган лолақизғалдоқларга ачинтани, эгар устида тебраниб кетишининг ҳузурлиги, ўжар йўлдан қўрқмаслиги ҳақида қўшиқ бошлади.

Шу ерга келганды лолақизғалдоқлар дам тугади, машина құмлоқдан оғир юра кетди. Паства, ғилдираклар иккى томонга сурәттган қум шувиллай бошлиди, шофер машинани иккинчи тезликкана қўйиб, дўлпинин пешонасига тушириб олди.

Наим бўлса әндиги ойлигига нималар сотиб олишини қўшиққа солди. У ҳам пармачилар бригадирининг уйидаги сингари иккита кийик сурати солинган гилам, ҳаммага ойлик берувчи кассирники сингари авторучка, шофернинг бошидагидек энг яхши кўн дўппи сотиб олади. «Соққалари кумушсымон каравот олсан жуда соз бўларди,— деда қўшиқ айтди Наим.— Лекин у барагимиз эшигидан сиғас». Яна беш дона лотерея билети, лангар сурати солинган, тўқаси жездан қилинган камар ҳам сотиб олсан. Яна қишики пальто ҳам олиб қўйсам, дарвоце, уннинг ҳозирча кераги йўқ.

Қўшиқ шу жойга келганды Наим буларнинг ҳаммасига пули етмаслигини англади. Әнді қўшиқин давом эттиришга ҳожат қолмади. У шоферга ўгирилди.

— Ма, чен! — деди у, гижим бўлиб кетган «Янгиер» кутисини шоферга узатиб.

Шофер игна билан чениб тушда расм солинган улкан қўлини руль чамбарагидан олиб, машинани ўз ҳолига қўйиб юборди-да, шошмай папирос чекди. Кейин гугуртни Наимга узатиб, керишиди, дўлпинин яна юкорига кўтариб қўйди, шундан нейнингина четга чиқиб кетган машинани йўлга солди.

— Чучварани хом санабсан, бу — текис, катта йўл эмас! — деди Наим.

Шофернинг оти Шароф эди. Кейинги бир йил ичиде уннинг феъли-автори жуда ўзгарди: илгари уннинг сўзи доимо афсус ва ҳасратдан иборат бўлса, энди уни оптимистлик касалига дучор бўлган одам дейиш мумкин. Ўз шаънига айтиладиган ҳамма кўнгилсиз гапни у энди аллақандай ғалат ички қувонч билан қабул илади. «Ана холос! — деди у.— Карбюратор чучкуряпти, эшиятсанни! Ҳозир тақа-тақ тўхтамиз, етти йиллик охиригача шу ерда тураверамиз. Сени бу ердан вертолёт билан ҳам қидириб тополмайдилар». У кино артистларига ўхшаб жилмаяди.

Ҳозир ҳам Шароф бошнини набинаядан чиқарип, ё алланимага қулоқ солди, ёниманидир ҳидлади.

— Қара-чи, Наим! Құмбұрон кўтариладиганга ўхшайди, а?! — деб қичқирди у шод ҳолда.

— Ха, ўхшайди.— деди Наим ҳам.— Хўш, нима бўпти?

— Ҳеч нима. Ҳў. садақайраочни кўрлапсанми? — деди Шароф.— Яхши одамлар зора бизни ҳам сугориб ўтишса, деяётганга ўхшайди. Сенча қандай?

Машинани сада олдида тўхтатиб, ўтиргич тагидан эски камерадан қилинган рецина челакни олди-да, цистернадан сувга тўлдирди, кейин уни сада тубига қўйди, чанқоқ томирлар шу заҳотиёқ сувни симириди.

Машинани сада олдида тўхтатиб, ўтиргич тагидан эски камерадан қилинган жасурлигини эслади, кейин отасининг полвонлигини, онасининг меҳрибонлигини ҳикоя қилди. Сунгра у, болалигини, буваси ва отасининг пода ёйиб қўчиб юрганлигини куйлади. Юзлаб қўйни яйловда ёйиб юришга ўргантан кичкина Наимни куйлади. Доимо қўтон олдида юрадиган қора серкани миннатдорлик тўйтуси билан эсига олди. Ӯша қора серкани ўқ илон чақиб ўлдирганда буваси, отаси ва Наимнинг ўзи ҳам жуда-жуда қайғирган эдилар.

— Наим! — деди Шароф яна.— Нима бало, битта ҳам тувалоқ кўринмайди-я! Мен бўлсан милтиқ ҳам олгандим, бир эрмак қилмоқчи эдим.

Наим индамади. У энг асосий қўшигини: ўша қўйбоқар Наим әнді эси паст қўйларни ҳайдаб юришдан ҳалос бўлганлигини, бу ёққа келиб, конда ишлаётганини, бу эса ўз ҳаётида энг катта воғеа бўлганини куйлай бошлади. Тез орада, ҳадемай, уннинг ўзи шофер бўлади. У пармачиларга сув олиб келади, уларнинг миннатдорлигини ўз қулоги билан эшитмаслик учун нарироққа бориб туради...

«Құмбұрон!» — ногаҳон фаҳмлади Наим.

Шу лаҳзадаёқ зарб билан урилган қум ва шамол жадал кетаётган машина тұхтатди. Сансон от кучига зга бўлган двигатель табиатнинг ваҳший кучига тоб беролмади. Наим бетини ўтиргичнинг қайноқ дермантинига, Шароф эса унинг орқасига буркаб олди. Мотор дарҳол ўчди. Энди йўлчилар фаяқ бўрон моторининг ўқирганини, қум хуштагини эшитардилар, холос.

Улар шу ҳолда жуда узоқ ётишиди: елкалар зирқираб оғриди, бир зайдаги ўқироқдан чаккаларида санчиқ турди. Ногоҳ ҳаммаси тинди.

Наим билан Шароф яна бир оз қимрламай ётдилар. Кейин секин, ёхтиёт билан туришди. Наим бошини силкиб қулоқ ва соchlар орасига жириб қолган қумни тушириди. Шароф эса ўзининг юмуқ кўзларини ишқалади. Наим чўнтағидаги сув тўла шишани олиб, қозоз тиқинни тиши билан суғурди да, шишани шоферга узатди.

— Ма,— деди у хириллаган товуш билан; бу бўрон бошлангандан бери айтилган биринчи сўз эди.

Шофер оғзига сувни тўлдириб, гаргара қилди да, қум арадаш сувни тупуриб ташлади. Кейин у кулиб, машина эшигини итариб кўрди. Эшик очилмади. Шофер яна кулди.

— Агар бўрон тез тинматанда,— деди у афсус билан,— бизни қумга кўмиб ташларди,— у улкан елкаси билан машина деразасини сурисиб очишига уриниб кўрди, кейин Наимга ўғирилди:

— Аён, оғайни, мен қамалиб қолдим. Қани, сен уриниб кўр-чи, сенинг гавдандин кичикроқ-ку.

Наим сиғди; сакраб тушмаёқ оёғи ерга тега қолди: қум машинани зинасиғача боссан эди.

Шароф деразадан қуракни узатди, Наим чап томондаги эшикни босиб қолган қумни курай бошлади.

— Биласанми,— деди асир деразадан мўралаб,— аниқ гап шуки, моторга қум тамом тўлиб қолтан деявер!

Наим индамай эшикчани очиб юборди.

— Раҳмат, Наим!— деди Шароф ва набинадан иргиб тушди.

У бир неча қадам юрди, бошини эгиб, худди манзарага разм солаётган рассомдек, бир қўзини қисиб, вазиятни аниқлади-да: «вассалом!» деди. Кейин аллақандай куйни хуштак қилиб, капот қопқоғини кўтарди ва тамом хотиржам тарзда:

— Тамом, вассалом! Қани, кетдик, Наим! — деди.

— Нима билан?— деди Наим ҳайрон бўлиб. Бу бўроидан кейин унинг оғзидан чиқдан иккинчи сўз эди.

— Шундоқ. Пиёда,— деди Шароф кулиб.

— Нимага пиёда?— деди Наим ҳамон тушунмай.

— Шунинг учун пиёдаки, бу ғаройиб

техникани қум ичидан ажратиб олиш учун бел узилади,— деди автоцистернага имо қилиб.— Биласанки, мен одамман, экскаватор эмасман.

— Сув нима бўлади? Пармачиларнинг холи нима кечади. Иш нима бўлади?— деди Наим.

— Сув-сув дейсан,— деди шофер фалсафа сотиб,— бундай ишдан от ҳам ўлади. Тушунасанми шу гапни?

— Ахир, у ерда одамлар ишлайти, чанқаб, бизни кутяпти, биласанми?— деди Наим.

— Хўш, менчи, мен одам эмасманми?— деди Шароф жаҳли чиқиб ва нари кета бошлади.

— Қаёққа кетясан, Шароф? Тўхтат Орқангга қайт, Шароф!— деди Наим ва унинг кетидан югурди.

Шофер эса фил обёғисимон этиклари ни қум устида тез босиб, орқасига қайрилмай, насиҳатомуз гап сотиб бораради:

— Шу яқин орада чўпонлар бор бўлса керак. Улар олдига бориб, ноги сизмиз, чоххўрлик қиласми. Икки кун ўтгач, базадагилар бозовта бўлиб, бизни қидиришади, машинани толиб, шатакчи трактор келтириб, чиқарип олишади — ҳеч гап эмас. Вилкадагилар ўлиб қолмайди. Ёхтиёт учун олиб қўйган сувлари бор...

— Бўпти, Шароф, боравер!— деб қичқирди Наим унинг кетидан ва машина турган жойта қайта югуриб келди да, эшикни очиб, ўтирич тагидан қўшогиз милтиқни сугуриб олди, қўндоғини кифтига тирамай, кўзламай, нечаётган одам томонга ўқ узди. Сочма ўқ: фув-в...— деган овоз чиқарип учди.

— Нима, эсингни едингми!— деб минниллади шофер ва ўтириб олди.— Бу йирик ўқ-ку, ахир!

— Бу ёққа кел,— деди Наим секининга.— Мана бу қуракни олиб, машинани қумдан ажрат, бўлмаса, отиб ташлайман!

— Жинни,— деб тўнғиллади Шароф ўрнидан туриб. У машина олдига қайтиб келди, қуракни қўлига олди да, Наимга зиддан қараб, машина ғилдиракларини қумдан оча бошлади. Наим радиатор ёнига келиб, милтиқ сумбасини ушлаб кўрди ва шофернинг ишлашини кузатиб турди.

— Ярим метр чапроқ олтанингда, калламни майдада қилардига!— деди Шароф бирданга қувнаб.

Наим унинг гапига жавоб бермади. Шароф ўн беш минутча ишлади да, кейин ярашиш оҳангида деди:

— Хўш, нимага бақрайиб турибсан? Мен сенга жиноятчиманими? Бу касофатни нари ол!— деб илтимос қилди.

Наим хиёл ўйлаб, олдин Шарофнинг юзига, кейин қум уюмидан бўшагағи ғилдиракларга тикилди да, милтиқни ерга қўйди. Кейин у машинанинг орқа

ғилдираги ёнга келиб, қумни құли билан суралады.

Машина құмдан тамом халос бўлгунча иккаласи ҳам бир-бирига сўз қотмади.

ди. Шароф моторни ўт олдириб, чирогини ёқаңдан кейин эса Наим унга ўтирилиб, ҳоргин жилмайди. «Янгиер» қутисини унга узатиб:

— Ма, чек! — деди.

Кўз илгамас уфқлар

АДАБИЁТ ва санъат ходимларига бизнинг жиҳдий дъзволарини миз бор,— деганди партия активи йиғилишида «Бухорнефтгаз» нефть конлари бошқармасининг бошлиғи Грант Жавоишерович Маргулов.— Наҳотки, улар бизнинг иш ва турмушизни билишга ҳанузгача қизиқмайдилар?

Энди эса у папиросини ўчириб, оғзидан тутиуни чиқарип бўлиб:

— Ҳозир сиз билан қанча гаплашмайлик фойдасиз гап бўлади.— деди.— Сиз машинага ўтириб, онга боринг, кўринг. Нима ҳакида гаплашмомиз шундан кейин аниқ бўлади!.. Биз эртага Қоровулбозорда учрашамиз,— деди у хайрлашиши учун менга қўл узатиб.

Эрталаб меҳмонхона эшиги олдига янгигина «Тез ёрдам» машинаси нелиб тўхтади. Сабзабекасам чопон ичидан фасон кўйлак кийиб, галстук тақиб олган шофер йигит машина деразасидан бош чиқарип, мени чақириди:

— Конга борадиган киши сизмисиз? Машинага чиқинг! — деди.

Машинанинг крестига тикилиб, ҳайрон бўлганинни шофер фаҳмлаб, кулиди:

— Тортинмай чиқаверинг, менинг «Надежда Ивановна» яхши аёл!— деди машина бортига қўли билан қаттиқ-қаттиқ уриб.

«Тез ёрдам» машинаси Бухоронинг тор кўчаларидан, тошбақа косасини эслатувчи гумбаз шакидаги қадимий савдо расталаридан ўтиб, катта йўлга чиқиб олди.

— Менинг отим Зоир,— деди шофер энди бир қўлини рулдан олиб,

Машинанинг ўнг ва чап томонида иккита жуда улкан доида гир айланарди. Улар бизни ўз гирдобига тортиб кетаётгандай туюларди. Ташибариди шамол гувиллар, машина сийасини чертарди.

Кун қизиди. Қайноқ ҳарорат асфальт устида аргимчоқ солиб уча бошлиди. Сароб теварак-атрофда чайқалади. Йўл гўё денгизга туташгандай, борлиқ саҳро ни сув қоплаб ётгандай эди.

— Кўрялсизми? Қўл! — деди Зоир менга юз ўтириб.

— Сароб-ку. Бу ерда кўл нима қилин?— дедим эътироз билдириб.

— Йўқ, қўл,— деди Зоир ўз сўзини тасдиқлаб.— Пармачиларимиз қазиган қудуқдан чиққан сув. Бу қўлда қаш-

қалдоқлар ҳам бор. Ёзда бу кўлда чўмиладиган жой қиласиз: қайиқлар сузиз юради, пиво, бутербродлар сотилади.

«Надежда Ивановна» дўнгликка кўтарилиди, кейин пастга тушди. Кўз олдинда Қоровулбозор послекаси гавдаланди.

— Мачитми-а?— деб сўрадим шофердан қўлим билан послека ўртасидаги кўк гумбазни кўрсатиб.

— Темир йўл омбори,— деди Зоир, кулиб юбормаслик учун менга қарамай.

Мен идорага пиёда бормоқчи бўлдим. Қоровулбозорнинг ҳамма кўчалари катта шаҳар кўчаларига ўхшаш кенг чўл қурувчиларни ҳеч тўсолмапти. Ҳар куни кино кўрсатиладиган ва шанба кулилари танца бўладиган клуб қад кўтариб турибди. Рўпарадаги магазин эшигига «Бизда ароқ сотилмайди» деб ёсиб ҳўйлиди.

Кон идорасининг бошқа иморатлардан ҳеч фарқи йўқ. Зинапояда бир неча киши ўтиради, мен улар варрак учиряпти, деб ўйлапман. Яқин борганимдан кейин билсан, улар узуунлиги саккиз метрдан келадиган қоғоз диаграммаларни кўздан кечириншашётган экан, шамол бу диаграммаларнинг учини том нишоби бўйи кўтариб учирарди. Улар Фила қишлоғида бўлган ҳарбий кенгашга ўхшаш маслаҳат устида эдилар. Бу ерда бир кунилик жангнинг генерал плани тузиларди. Кутузов — кон бошлиғи Мелситдинов зинанинг юқори босқичида ўтириб, ўз генералларига фармойиш берарди.

— Сен, Абдулманов,— деди у, соқоли ўсиб кетган, кўзлари кўм-кўк қишига,— мусобақа шартлари дафтарини олиб, энг муҳим ихтирочилик таклифларимизни ёз-да, уни олиб, бутунюқ Фарғона жўна. Қамтарлик қилиб ўтираймай, ўзингнинг иккала таклифингни ҳам ёз. Тушундингми, Сулаймонович?

— Тушундим. Бу ишни энди қилаётганим йўқ-ку! — деди-да, у панжара устидаги чарм муқовали катта дафтарни олиб, идорага нетди.

— Қудуқларни катта ремонтдан чиқарадиган мастеримиз. Боши тўла ақл. Унинг бир таклифини ишга солиб, ўн иккى минг сўм тежадик,— деди Мелситдинов, мастер идорага кириб кетгач.— Бугун Фарғона нефтчиларига XXII съезд шарафига бошланган эстафетани олиб боради. Фарғоналиклар билан жу-

да иноңмиз. Уларнинг кони эсии, бизники эса оламга энди келди. Улар бизга катта ёрдам беришяпти.

Бир зина пастда старши геолог Кондратьев ўтиради. У кўк брезент плашч, кичкина шапка кийган, қуёшда куйган бир тутам сочи кўриниб туради. Бетлари қорайиб кетган. Қоши сира қолматпи.

— Қани, кетдик, йўл-йўланай гаплашаверамиз,— деди у, гапиргиси келмай.

— Тўғри айтасан,— деди руҳланиб бошлиқ.— Кетдик! У ерда ҳамма нарса маълум бўлади. Чўл, вишна, авария. Жимжит, бирор безовта қилмайди. Бу ерда бош айланиб кетди. Масалан, магазинга пианино олиб келишибди, бошқа ташвиш қуриб кетгандай... Ингитларнинг пули-ку бор! Аммо уни қаерга қўясан? Вақтинча қурилган уйга қўйиб бўлмайди-ку!

Ҳали жўнаб улгурмасимииздан кичик бир воқеа юз берди: бирдан теварак-атрофда шовқин-сурон кўтарилиди, худди оғимиз тагидан газ вагиллаб отилиб чиқкандай бўлди. Фифони чиққан бир тўда хотин атрофимизни ўраб олди. Орадан беш минутча ўтиб, шовқин босилгандан кейин қарасам, бор-йўғи тўртта хотин. Улар сув ва чироқ талаб қилиб келишган экан.

— Кечадан бери крандан бир томчи сув томмайди!— деб шикоят қилди хотинлардан бири.

— Петька экскаваторчи, илгари ошпаз бўлиб ишлаган ўша шум йигит, харуми билан электр симини яна узиб кетти!— дейишиди унинг кетидан бошқалари ҳам.

— Шовқин солманлар, сингиллар!— деди Мелситдинов, машина томони юриб.

— Эрларимиз ваҳтадан қайтиб келишади, уларга нимада оғизат пиширамиз! Сувсин, электрсиз нима қилиб бўлади, а?!— деб туриб олишиди улар.

— Ҳеч нима қилиб бўлмайди,— деди Мелситдинов ҳам уларнинг гапини тасдиқлаб.— Ҳозир қудуқни очишади, электрни тузатишади!— Кейин биз посёлкадан жўнаб кетдик.

— Камчиликларимиз жуда кўп, кўрдигизми?— деди хушвақт ҳолда Мелситдинов.— Әмонми? Йўқ, бу жуда яхши! Диалектика ривожи шу. Иш ҳам, одамлар ҳам шунча тез ўсяптики, ҳам масига бирдан улгуриб бўлмайди!

Үнг ва чап томонда яна қизғиши-сарин ётот улар. Чўкиб кетган, тақир, ер бетида пастгина Илонтела гердайиб турибди. Газ тақсимловчи станциянинг кумуш ва пушти ранг инциоотлари малла нишобликдаги тўрт бурчак ичига қурилган. Шу ерлик солнномачи, шоир ва овча Григорий Пазин шу станцияда ишлайди. У станция ишини хотини Лидия билан тенг бўлиб олишган.

— Яхшиси, хотинимнинг ишини ёз,

менинг ишим арзимайди,— деди Пазин. Менинг журналист эканимни билиб.

Пазинлар «иш куни» деган тушунчани билмайди. Улар суткалиқ, ойлик, йиллик ишни билади. Чунки газ тақсимотини кечаю-кундуз муттасил кузатиб туриш керак. Газ тақсимловчи станция билан уларнинг Илонтелида ёнбошидаги шинамигина уйларига сим тортилган. Бирдан қўнғироқ чалиниб қолади: кечасими-кундузми, қиши ёки ёзми, соғми-сан ёки бетоми, бари бир, дарҳол кийинда, ГРСга чоп: у ерда бирор ишкан юз бергандир.

Пазин ўз посёлкаси ҳақида очерк ёзишга киришганини айтиб, ундан бир неча парча ўқиб ҳам берди. Бу парчаларда «буралиб чиқкан тутун» ҳам, «ажойиб чўл» ҳам, «моторларнинг шодиёна ашуласи» ҳам бор эди.

— Гриша, ҳаёт сен тасвирлаганингдан кўра жуда оғир, жуда қаттик-ку!— дедим сеқингина.

— Бу ердаги ҳаётни бошқача ёзиб бўлмайди— деб зътироҳ билдириди Григорий.— Бу жойининг шароити чиндан ҳам қийин, шунинг учун ҳам ишончи зўр кишиларгина бу ердаги ҳаётни ўзgartирали олади. Ҳа, ишонч керан!

— Ажойиб одамларимиз бор,— деб давом этди у.— Булар Қурбонов, Ашуроев, Шельнов... Масалан, Шельновни олайлик. Тампонаж цехининг механизми. Бу ёқса Бокудан келган. У ёқда Нефтшода ишлаган. Бу ерга келиб, қупқуруқ саҳронигина кўрди. Боку эса европача қурилган шаҳар, ҳамма қулайликлар муҳайё. Аввалига қайтиб кетмоқчи бўлди, буни Шельновнинг ўзи ҳам олади. Лекин уни дастлаб гаражга механик қилиб кўйдилар. Ҳўжалик абгор, машиналар яроқсиз. Йўлни ўзинг кўриб турибсан. У аста-секин ҳамма ишни оёққа бостириди. Биласанми, ишчилар учун тўғрисида нима дейишиди? «Павел ҳар кимнинг юракка калит топа олади! Ҳар кимнинг қўнглидагии билади» дейишиди; Ҳа, жуда тўғри сўз одам. Гапини тўлпа-тўғри одамнинг бетига айтиди; бунинг учун ундан ҳеч ким хафа бўлмайди. Ҳамма келиб ундан маслаҳат олади. У кишиларни ўз касбини севишига ўргатади.

Бу Пазиннинг ўз сўзи. Ен дафтаримдан бу гапларнинг вертулини ҳам ўзгартирмай кўчирдим. Бироқ, ҳамма ҳам Пазин сингари бенуқсон гапиравермайди. Мен баҳайбат МАЗ машинаси ёнида бир шофер билан танишдим. У ҳаммани: бошлиқларни ҳам, шароитни ҳам, журналистларни, хотинларни ҳам боллаҳонадор қилиб сўнмоқда эди.

— Бу аҳволда мана шу касофатга иштади сарфлаб нима қиласан?— деди у. Үзи ҳам хайрон бўлиб.

Кейин мен унинг номини коннинг «Буҳоро гази пионерлари» зарборлари рўйхатида ўқидим.

— Энди менинг иш кабинетимни бориб кўрайли,— деди Григорий.

Биз Илонтепага күтарылдик. ГРС — яширин қувват ҳаракатидан титраб турған күмүшсім он трубалар, оппоқ конуслар ва асабий асбоблардан иборат.

— Атроф-теваракка дараҳт үтқазғанмыз, кузда тоқзор ҳам қиламыз. Мана бу ерда мен шеър ёзаман,— деди Григорий, оппоқ бўялган уй эшигини очиб. Уй деворларининг у ёғидан бу ёкига ўкириб турувчи трубалар үтказилган.

Пазиннинг шеърлари кўп. Буларнинг ҳаммаси шу ердаги пармачилар, шоферлар, операторлар ва газ қувурларини ётқизувчиларга бағишиланган. Гришани, шеър ўқиб бер, деб қистаб туришнинг ҳожати йўқ. У қудуқни разведка қилиш идорасида бўлған ишлаб чиқариш кенгашда шеър ўқиб берганда мен ҳам бор эдим. У шеърни зўр эътибор, ҳис-туйгу билан ўқиди. Ишчилар ҳам унинг шеърини зўр диққат билан тингладилар. Бу «Вишкага» сарлавҳали шеър эди.

... Машина тирмашар тепалик томон, Сийса покришка зўрга юк тортар. «Келинг азаматлар ёрдамга чаққон, Йўқса етмоқ мушкул вишкага қадар».

Оқшомги пушти ранг нур жилосида Агрегатлар аро таралади буғ. Эритма жимирлар ўт шуъласида, Пўлат арқонларда мой ялтирас — чўғ.

Тутунларни шамол қувар нарига, Баравар ҳайқириб ишлар дизеллар. Турбина киаркан тупроқ қаърига Ер ларзага келар, титрар, безиллар.

Кундалик ишлари шеърда кўйланғандан ишчилар жуда мамнун бўлдилар.— Қара, ўзимизнинг Гришка!— деди улардан бири қойил қолиб.— Унинг шеър ёза билишидан мен тамом бехабар эканман!

Йўқ, бу ерда шеърга беҳуда гап деб қарамайдилар, ҳамма биладиган сўзларни одамни ҳаяжонлантирадиган сатрларга айлантирувчи кишиларни бу ерда ҳурмат қиласидилар.

Ҳа, мен мавзудан четлашдим. Шундай қилиб, биз түғёнга келган уй бекалари қўлидан қутулдик; Мелситдиновнинг «газик» машинаси чўлга қараб учди-ю, бир лаҳзадаёқ костюм чўнтағидаги тешигидан астар орасига тушиб йўқолган бир тийинлик чаҳаде, чўл тўзонида кўздан тойиб бўлди... Чўлда машина ана шундай шитоб билан юради. Ҳозиргина олиса посёлка кўриниб турған эди, бир зумда орқада қолди-кетди. Биз, ҳайдаб кетилаётган қўйлар қўтонидек, кетимизда тўзон кўтариб ўттиз биринчи номерли қудуқ вишкаги олдига етиб келдик.

Бу беҳаловат кунда биринчи марта осмонга тикилдим, булар нима: Марс

аҳолисининг жанговар учоқ нарвоними ёки қурилиб битмаган осмон ўпар иморат устунларими? Құдратли пўлат тўқималар тиник осмонга нақшлаб қўйилгандай эди.

— Дастрлабки текшириш ишларини олиб боряпмиз,— деди Мелситдинов.— Бирорта янгилик топмоқчимиз. Газлида олтига газ горизонти бор, улар ўн учинчи горизонта нефть топшиди.

Қудуқдан асбобларни тортиб олдилар. Кўз илғамас совуқ чуқурлик ичидан ҳўл пўлат устунлар ялтираб чиңа бошлиди; буларни трос билан бўлакларга ажратиб, худди қаламни стаканга солгандек, эҳтии билин сувя қўйдилар. Тахта кўп-прикча худди штормда қолган кема сатхидек ҳўл ва сирғонч эди.

Ўн учинчи қудуқ алоҳида аҳамиятга эга. Бунда ишловчи ҳамма пармачилар техника илмини билади. Ҳаммаси институтга киришга тайёрланяпти. Үқитувчилар қудуқ олдига келиб, уларга дарс бериб кетишиади.

— Бухоро амири ўз ерида институт очгандарини билиб қолсами, аламидан қайта тирилиб, яна ўларди— деб кулади, ҳўл брезент жомакор кийган йигитча.

— Танишин! Бу киши разведка идорамизнинг бош инженери Виктор Иванович Пустовалов бўлади,— деди Мелситдинов, иш комбинезони кийиб олган ёшгина йигитни менга кўрсатиб.

— Журналистмисиз?— деб сўради у мендан.— Бу ёқса келиб жуда яхши қилибсиз. Сиз яхши одамлар билан танишмоқчидирсиз, албатта? Бизда ёмон ишлайдиган одамлар бўлмайди. Бу ерда улар туролмайди ҳам. Пармачиликдан мақсади нўмай пул топиши, ёки ўз касбини жуда севадими, унинг кимлигидни меҳнати дарров кўрсатади. Жомакор кийиб олиб, шаталоқ отиб қоладиганларнинг нима кераги бор бизга! Ана ташаббускорлар...

— Овчинников!— деди Виктор ўғрилиб.— Сен неча йилдан бери шу ишдасан?

— Ўттиз тўқизинчи йилдан бери ерга парма суқаман,— деб жавоб берди Овчинников,— урунда бўлганимни айтмасак, йигирма икки йил бўлди.

— Уни бутун оиласи билан Волга бўйидан бошлаб келганиман. Ёки Дмитрий Соколинни олайлик. Афсуски, ҳозир ўзи йўқ. Еттига ихтиричилик таклифи киридиги. Ҳамма ёшлар ундан иш ўрганади.

— Биз учун турар жойни жуда сенин қураётгандарини ёсангиз, жуда яхши иш қилган бўлардингиз,— деб илтимос қилиди хира йилтираётган дизел машинасининг винтларини бураётган ишчи.— Бизнинг кечаси ҳам, байрамда ҳам ишлайдиган вақтимиз кўп бўлди. Ахир биз ўзимиз учунгина эмас, ҳамма учун, шу бинокорлар учун ҳам ишлайдиган.

мизку. Улар ҳам биз учун тезрок ишласин-да.

Бир қарашдаәк вишканинг учидан тагигача кўриш учун биз анча олисга кетдик. Худди Григорий Пазин шеърида тасвир қилинганидек: тутуннинг сарғиши-яшил тилини шамол илиб олди; зритма билан намланган свеча қуёш нурида хира йилтирайди.

Якинроқдаги қудук вишкаси эса гўё кимир этмайди. У нарги вишкадек, чинакам кемага ўшиаб туриби. Чизиги ҳам, ҳажми ҳам бир, лекин дизели чин-цирмайди, қайишлари тинимсиз айланмайди, сатҳида одамлар елиб-югурмайди. Вишк панжараларидан пўлат трослар тортиб, кичинка тракторларга боғлаб қўйилган. Бу тракторлар бир-бира га қарши икки гуруҳга бўлинган. Булар нима? Тракторлар ўз ўрнида тўхтаб қолган, уларнинг фидирлаклари ерни тит-пит қиласпи, ҳар ҳайси трактор ўз ғомония торталётгандек. Ўнг томондаги тракторларнинг кучи ортиқ келди, чап томондаги тракторлар тортиб турган вишк аста-секин ўнг томонга ағанай бошлиди. Бу аста кўрсатилаётган кинога ўшарди. Ниҳоят, бу баҳайбат нарса ёвшан устига аста ётди.

— Гўзал, ал! — деди Мелситдинов. — Буларни бўлакларга ажратиб, бошқа жойга олиб боришади. Дирижёрик қилган аваны қотма киши вишкаларни монтаж қилиш цехининг бошлиги Агизев — ўн етти йилдан бери шу ишда.

Пастгини қат-қат тепалик этагига операторлар ўрнашган. Яқиндагина оқланган уй сиртидаги оҳак қуёш нурида ҳалитданоқ қўчиб тушибди, аммо уй ичи деворлари ҳали нўк ва намуш. Ўйтеварагидаги ерга эса қизғиши новдалалар суқиб қўйилиди. Булар — бўлғуси мева дараҳтлари: шафтоли, олма ва анор. Ишчилар бу кўчатлар орасида шундай ғурур билан юришадики, уларни гўё соя-салқин боғда сайд қилиб юрипти деб ўйлайсиз. Ўй жоналари эса ҳали бўм-бўш. Фақат бурчак деворга осиб қўйилган Маркс портретигина уй ёруғидан нўз қисиб турибди.

Химdir мени дераза тоқчасида сило ўтирган қизлар билан таништири:

— Бизният энг бой қизларимиз. Ўйлан, журналист, аммо шарт шуки, бизда оператор бўлиб қоласав. Шундай шарт қўймасак бўлмайди: иккитасини бошқа ёққа олиб кетишиди.

— Майли, — дедим рози бўлиб. — Хўш, оператор нима қилиши керак?

— Ҳамма ишни, — деб кулишиди қизлар. — Туну куни арматурага қараб турди. Ўн километр ўйл юради. Ҳар ишнинг уддасидан чиқиши керак. Асбобларни билиши керак. Қалай, уйланни фикридан айнинганинг йўқми? — деб сўради улар.

— Вазиятни бир чамалаб кўртип керакка ўхшайди, — дедим ўйланиб.

Олдин ишининг нималигига бир назар ташлайин-чи.

— Қани, юр, кўргинг келса! Мана бу қалитни ушла, — деб қўлимга катталиги ва шакли мамонт болдирининг сугидек келадиган гайка қалитини тутказишиди.

— Бу — биринчи қудук! Эллик сакизинчи йилда ишга туширилган, — деди бизнинг сұхбатга қўшилган Мелситдинов.

Бу ерда жуда ғалати иншоотларни: ўнлаб кран, сурма зулфин, ингичка трубалар, газ чиқимини ўлчайдиган улкан асбоблар ва циферблатларни кўрдим.

— Музика эшитасанми? — деб сўради бурни куйган сепкилли қиз. — Ҳозир дам берамиз.

У аввал бир, кейин иккинчи кранни очди, бу кранлар шундай қаттиқ ўқирдикни, тоқат қилолмадим. Бир четга қочиб бориб, ҳийла вақт қаламни силкиб турдим. Бирданига жимлик чўқди, бу жимлик ҳам тўп овозига ўшарди. Мен зўрга товуш чиқарип секингина:

— Йўқ, уйланмайман, — деда олдим.

Олий ихтисосли оператор Қурбонов билан шу ердаги қудук олдида танимдим. Менга ўрта бўйли, қотмагина, абжир йигитни кўрсатиб:

— Доңги кетган Жума мана шу киши, — дедиши.

— Операторликни қандай ўрганганингизни гапириб берсангиз, — деб сўрадим ундан.

— Ҳамма катори, — деди у кулиб. — Тўғри, мен бу ерга Когон районидаги колхоздан келганман. Қоровулбозорда кон очилганини эшитиб қолдим. Конга келиб ишилашга аҳд қилдим. Ўзим ёшлидан техникага қизиқардим. Даствлабки вақтларда бу ерда қоровулхона-ю, Земфир деган итдан бошқа ҳеч нима йўқ эди. Қирқ минг дона гишт қуиб, мана шу операторхонани ўзимиз қурдик. Даствлаб оператор ёрдамчиси, кейин оператор, кейин эса смена бошлиғи бўлдим. Бор гап шу...

Бор гап шу! Балки, Жума узуандан узоқ ва чиройли қилиб гапириши билмас. Аммо унинг бу ерга келиши, наеб ўрганини анча қийин бўлганку. Масалан, мана бундай...

— Ҳеч ёқда жилмайсан! — деб бақирди отаси, «жаҳл чиқса аҳл қочади» деб ўзи доим тақрорлаб юрадиган ҳикматга хилоф равища газаб билан. — Нимага бу ердан кетасан? Етти пуштинг, ҳаммамиз шу чўлда мол боғданмиз. Бизнинг қоракўлимиз ҳамма ёққа машҳур. Сен менинг ўғлимсан, умид ва таянчимсан. Мен бўлсан кексайиб қолдим, мол кетидан юролмайман. Йўқ, бизни ташлаб кетишга ҳаққинг йўқ! Бунга сиз насиҳат қилинг, ота, — деди у, энг мўйсафи киши, қишлоқ отахонига мурожаат қилиб.

— Жұма, әз, Жұма,— деди мүйсағид.— Болалар ўз ота-оналарини ташлаб кетадиган бұлсалар, олам нима бүлді? Сен мургаккина бола зеңг. Биз сени авайлаб кatta қылдик. Мана тез орада биз ногирон бўлиб қоламиз, энди сен бизни ташлаб кетасанми, а?

Жұма онға кетишіга қатъй аҳд килди, шунинг учун кетаман ҳам демади, кетмайман ҳам демади. Иш сүз билан битмайди, отаси ҳам, мана шу мүйсағид ҳам унға шунү үргатған. У қовлиға сұнғы марта назар ташлади. Арқонларда шодадек тизиб қўйилған тим қора тери. Буларни кеча Жұманинг ўзи тузлаган зди, лекин энди у буларнинг қуришини кутмайди.

Иккى тия ҳар құнгидек жазирамада ухлаб ётібди. Илгари қудуқдан сувни шулар тортиб чиқарди. Энди түялар бу ишдан халос бўлган. Сув қувурдан ўзи отилиб чиқади. Буни разведкачилар парма машиналари билан қазиб беришган, қудуқдан чиққан сув бутун бир кўл бўлди. Қувур доимо иссиқ. Бу сувда соғуңсиз кир ювшади, яна бўғин касалларини ҳам даволашади...

— Бу билан айтишиб ўтирасанми?— деди мүйсағид, Жұма уннинг галига қулоқ солмайтганини кўриб.— Оёғидаги этикни ечиб ол,— деди Жұманинг отасига қараб.— Ялангоёқ ҳеч ёққа кетолмайди.

Лекин әртасига әрталаб Жұма фермада кўринмади.

Күнлардан бир кун йигирма түртінчи номерли қудуқда авария юз берди. Ер тағидаги газ даҳшат билан отилди. Салгина парвосизлик қилинса, қулоқни кар қиласынан шовқини аланга ҳавони тўлдиради. Учқун чиқмасин деб асбобускуналар сиртига қалин қилиб мис суртдилар. Асосий вазифа — вулқон оғзининг кенгайиб кетишіга йўл қўймаслик. Газлидаги бир юз саккизинчи қудуқдан газ отилиб чиққанда вулқон оғзи кенгайиб кетган, шу сабабли аланга, сув ва ер жисмлари гирдоб бўлиб осмонга кўтарилиб турган зди.

Фонтанни ўчириш учун сув керак. Аммо цистерналарда ташиб келиб, буни ўчириб бўлмайди-ку?! Сувни Ногондан қувур тортиб келтиргунча эса, вулқон оғзи кенгайиб кетади. Ана шу тонг пайтда Маргулов, сувн қурий бошлаган қудуқни янгидан очиши керак, деб тақлиф қилди. Қудуқдан зўр босим билан сув кўтарилиди. Аммо бу сув авария юз берган жойдан беш километр бериди! Ишчилар (Нурбонов ҳам шулар орасида зди) куну тун қувур ётқиздилар. Газ фонтанидан сал нарида кичкинаташа шаҳарча бор. Бу ерда эса жимлик,

осойишталиқ ҳукмрондай зди. Бу ерда ухла, дам ол, кейин ҳавоси заҳарланган жойга бор, насослардан устингга бетиним отилиб турган сув остида (бир лаҳза ҳам куруқ юриб бўлмайди), даҳшатли ўқирик остида қулоғинг битиб, ишни давом эттиравер! Ҳолдан тойдингми, яна шаҳарчага бор, мана бу юз грамм спиртни ич, ҳеч нимани ўламай, роса икни соат ухла.

Ана шу ҳолатда ўн уч сутка ўтди. Нега сутка? Бир сутка — кечең кундуз ахир, шу вақт давомида қундуз кечага ўрнини бердими-йўқми, бу кимнинг эсида бор?

Фонтан эса шу куни бир қалқиб, қаттиқ йўталди-да, жим бўлиб қола қолди.

Кон идорасига келганимда Маргулов шу ерда экан, аммо уннинг қовоғи солиқ, бу ердагиларни қовураётганга ўшарди.

— Кўчат парвариши шунақа бўладими?— деб ўшқирди у.— Одамларнинг роҳатига керак бу ахир! Тушундиларингми?

— Қудуқларни ремонт қилиш графики нега тузилемади?— деб ўшқирди у, эндинина кириб келган Мелситдиновга қараб.— Иккى кун ичидаги тузиб битирилсин!

Маргулов шу заҳотиёқ шахтидан тушиб, мулојимгина сўради:

— Қани, айтинг, нима ёрдам берай?
...Бухорога мен Маргулов билан қайтдим. Ярим кечади зди.

— Баъзан ана шунақа ўшқиришга ҳам тўғри келади,— деб кулди Грант Жованшерович.— Иш кўп, қисталанг. Бутун кон йил охиригача коммунистик меҳнат кони унвонини олиш учун курашяпти... Бу чўлга иҳота дарахтлари ўтқазамиш, канал худди посёлка олдидан ўтади. Энг муҳими, кон бутунлай автоматлашади—кнопкаларни боссангиз бас. Телевидениедан ҳам фойдаланамиз — операторхонадан қаерда нима бўләтганини бемалол кўриб ўтираверилади..

Бирор йилдан кейин яна бир келинг.— деб таклиф қилди мени Маргулов, Бухорога етиб келганимиздан кейин,— бу саҳрода нималар пайдо бўлганини кўрасиз. Яқинда Шебелинки газчилари билан социалистик мусобақа шартномаси тузип учун Харъковга бораман. Биз ҳам Иттифоқ миқёсига чиқиб олишимиз керак-да, ахир. У ердаги коннинг ўз тарихи бор. Биз бўлсалак неча тухумдан чиқдик. Тухум товуғга ўргатолмайди, деган мақол бор. Аммо биз бу эски мақолни рад этишига уриниб кўрмоқчимиз.

Кинохроника кадрлари



АРҚОҚ — Самарқанд — Тошкент магистрал газ йўли қурилиши 1958 йилда бошланган эди. Қувур ётқизувчилар Узбекистон пойтахтидан ўтиб, Қозогистон ССР территориясига чиқдилар.

Қурувчилар бир неча колоннага бўлинган. Улар ўз посёлкаларини иш жойидан сал нарига ўрнатадилар. Орадан Бир ярим-инчи ой ўтиб, газ қувури нари кетгач, посёлкалар ҳам кўчирилаверади. Монтажчилар билан ер қазувчилар биргалинида иш олиб борадилар.

Бу тасвирдаги воқеа Тошкентдан 25—30 километр нарида, Чирчиқ шахри яқинида бўлган эди.

* * *

Эрта тонг. Қуёш уфқ доирасидан энди мўралаб, ўз нурини ёя бошлаган.

Саккизта вагондан иборат биринчи қурувчилар колоннасининг посёлкаси маст уйқуда.

Хотинлар ва битумчиларгина уйғоқ. Хотинлар шунинг учун уйғокки, тушликка чучвара ваъда қилишган: бир ярим минг дона чучварани туғиб ултуришлари керак. Битумчилар иши бўлса аслида шунаقا. Улар кечаси ўт ёқиб, эллик килограммлик қаттиқ битумларни қозонларга ташлайдилар, қайнаб турган қуюқ елемни шопирадилар, аланга тилини қозон қиррасига уриб кесиб турдилар. Сал бепарво бўлдингми, бутун битумни аланга қоплади, меҳнатнинг зое кетади. Сув билан ўчириб бўлмайди, сув тегдими, аланга яна авж олади, битум кўтарилиб, ерга тўклиди.

Битум қозони қоп-қора. Қозондан қоп-қора тутун бурқисиб қўтарилади. Теласидаги қора кўприкча устида худди шундай қора одам у ёқ-бу ёқка юриб, қора курачки билан қора суюқлигини кавлайди. Эрталаб эса, бу ерга қоп-қора автоцистерна келади, худди шундай қоп-қора шофер уни битумга тўлдириб, кетида қора из қолдириб, изоляциячи-ларга етказиб беради.

Мана, посёлка ҳам уйғониб, унинг ҳамма аҳолиси баравар оёққа турди. Ишчиларнинг баъзиси вагон кранида, баъзиси эса тун бўйи салқин ҳавода муздақкина бўлиб қолган квас цистернасидаги сувда бет юради. Улар ялан-точ елкаларини жўмракдан тушаётган сувга тутиб кафтларини этларига чап-чап уриб юванидилар.

Ивирсимай, жадал юваниш керак. Кечикуб қолсанг, овқатдан қуруқ қоласан. Бу ерда ишловчиларнинг иншатҳаси карнай. Қопиқларини столга уриб, қани, қўпимча бер, деб туришади.

Ошхона алоҳида вагончада. Улар ҳазиллашиб, «қани, вагон-ресторанг юр» дейишади. Ошхонада тўртта столча,

юмaloқ стулчалар, нуқул ташаккур ёзилган шикоят дафтарига кўзингиз тушади.

Биз қувурчи пищилар бригадаси биринчи колонна вагон-ошхона колективига, хусусан камтарлик қилиб, фамилиясини айтмаган Шура исемли қизга ташаккур эълон қилинишини сўраймиз.

Эшик қўққисдан ланг очилади, сал хирилдоқ товуш шовқинни босиб кетади:

— Қоринни тўйгазиб олдиларингизми, йигитлар? Бир кенгашиб олайлик!

Бу киши колонна боғлиги Владимир Митрофанович Прокопенко, бир сўз билан айтганда, Володя эди. Ҳали ёш йигит бўлса ҳам бу ерда у энг «кежса» ҳисобланади. Кейнги вақтда Владимир бир оз тўлишиди, эгнидаги эскириб қолган костюмини унинг кенг, тўла елкалари чок-чокидан ситиб юборган.

Қурувчилар: «Прокопенко — бизнинг ўзак суглимиз. Уни ўзимиз кўтарганимиз, бирор воқеа юз бергудек бўлса, уни ўзимиз сақлаймиз» дейишади.

У яқингинада бошлиқ бўлган, илгари қувур ётқизувчи бўлиб ишларди. «Қўмондонликни сира ҳам қабул қилгим келмади,— дейди у.— Қўлларинг ҳали бақувват экан, ишила, ишбошилий кетидан қўйма».

Бу ерда, кўчиб юриладиган оғир иш шароитида янги типдаги бошлиқ етиши. моқда.

Буларнинг ўз одами бўлмасанг, ўзинг боиқалардан яхши ишламасанг, бутун колонна билан бир ёқадан бош чиқариб яшамасанг, буйруқларингга ҳеч ким қулоқ согтмайди.

— Шундай экан, нега уларнинг гапига кириш керак? — деб тушутиради Прокопенконинг ўзи.— Хотиннинг эргаштириб, тикин машинасини кўлтиқлаб ол-да, боши қурилишга жўна. Ишли ҳамма жойга ҳам керак!

Ўзи тўғрисида у мана бундай дейди:

— Мен бу ерга тасодифан келиб қолдим. Илгари Воронеж облатидаги бир колхозда тракторчи эдим. Бир куни сельпо магазинига келсам, бир ошнамни кўриб қолдим. Мени бу ёққа ўша ошнам эргаштириб келди. Кейин Газлига ҳам бораман. Яхши иш...

Шундай қилиб, Прокопенко «вагон-ресторан»да у ёқдан-бу ёққа юрар ва:

— Қоринни тўйгазиб олдиларингми, йигитлар? Бир кенгашиб олайлик,— дейди.

Бўш тарелкалар бир четга суриб қўйилган, бир қути «Беломор» доирада айланиб юрибди, давра қурганлар эса бугун ким қаерда, қайси участкада ишлашини ҳал қилмоқда.

Толя Янкин автобусдан түлди да, эшикни ётаптириб:

— Раҳмат, саркор! — деди.

Машина аста тезлаб, муюлишдағы иб бўлди. Ишчиларни тайинланган участкаларга олиб кетди.

Ҳамма нарса кечак ишдан кейин қандай ташлаб кетилган бўлса, шу ҳолда ётибди. Қувур ётқизувчи сариқ кран зирофага ухшаш узун бўйини чўзиб, илгатини тумшуғига илиб, ўрининг қалин баргли тепа шоҳлари орасига яшириб қўйган. Кечак ҳолдан тойган трактор ҳали қўёш тапти жизгинан қўлмаган майсазорда ўтлаб туриби. Ювиб тозаламмаган бульдозер эса, темир йўл изининг томоғига етиб келган чуқурликда қаққайиб туриби. Темир йўл изининг нарги томони ҳам худди шундай зовур қилиб қазилган. Газ қувурини шу темир йўл изи тагидаги туннелга ётқизиб олиб ўтиш керак.

— Олдин ювениб оламиз, — деди Янкин. Кейин трактор гилдиракларига ёпишиб қотиб қолган лойни куракча билан тушираётган шеригига бош ирғаб: — Қани, юргизчи! — деди.

У тракторни Янкин бульдозери олдига олиб келди. Бульдозер бир акса уриб, аста юрди.

Энди Янкин бульдозерини ювишга кириши. У ҳўл латта билан унинг ёнларини яхшилаб артди, чекакда ариқдан сув олиб, тумшуғига сепди. Ҳўл металл қўёш шусласида қалайлаб қўйилгандек ялтирайди. Куридими, яна нури кетиб, хидаланиб қолади.

— Мунча ювиб тарамасанг уни! — деб қичқирди қулоқчини ва калта пахтатик кийган кексароқ ишчи.

— Сен қари босмачини ё бостириб кетаман, ё тупроққа кўміб ташлайман, — деди Анатолий ва машинанинг устига солди.

— Э-э! — деди «қари босмачи» ва ўзини зовурга ташлади.

Ростдан ҳам у ёш эмас. Ўрта Осиёга келганига ўтиз йил бўлган. Маҳаллий шароитни яхши билади, ҳавонинг ўзгаришини олдиндан айтиб беради, ўзбекча бенуқсон гаплашади. У геология разведкасида, шахтада, қўрик ерда ташкил топган соҳказларда ишлаган. Феъли-автори бетайин бўлганидан у маълумот ҳам, касб ҳам, оила ва буюм ҳам орттиромаган; шу беором турмушидан ўзи гўё хурсанддай. Иттифоқимиз ерларини айланаб юраверади.

— Үлсам, устимга ҳам мана шу қувур сингари тупрок уйиб кўминглар, — деди у.

Ниҳоят, қувур ётқизувчи сариқ кран илгатини ўрик шоҳидан олди, катта сарғиш қувур устига энгашиб, уни трос билан кўтарди да, зовурга аста тушира бошлади.

«Қари босмачи» брезент қўлжонни кийиб, оғини чуқур ёнига тираб, қувурини тўғри ётқизишга кириши.

— Секин-секин! — деб команда берди у, қувур ётқизувчи машинистга. — Яна, яна, яна! Соә! — Улкан қувур унинг оёги тагига аста ётади.

Узунлиги ўн иккى метр келадиган қувур темир йўл изи тагига ётқизиб бўлинди.

— Қани, Петро, бошла! — деди «қари босмачи».

Пайвандчи Петро тупроқтепадан сакраб қувур устига тушди, бўр билан уни чизди, кейин гугурт чақиб, ўз иш қуролининг учига тутди, ётқизиши ва тўғрилаш вақтида эзилган жойларни кесиб ташлади.

Ўт доимо одам эътиборини тортади. Ишчилар пайвандчи атрофини қуршаб, чўқикалаб олдилар, кичкинагина бу мушакка мароқ билан қараб ўтирилар. Вақт-вақт билан гоҳ у, гоҳ бу ишчи учкунни кафти билан тўсисб: «Эҳ, шайтон!» деб қичқириб турди.

— Хой, Петро! Сенинг миллатинг нима? — деб сўради Янкин, унинг алантага тояланган бетига тикилиб.

— Мехнатчи! — деб жавоб берди пайвандчи ва кесилган ҳалқани оёги билан тепиб юборди.

Қувур ётқизувчи унга худди шунга ухшаш иккинчи қувурини келтирди. Петро иккى қувурини бир бутун қилиб улади.

Чўл узра чўзилиб кетган қувур олисадан гугурт қутидай кўринувчи Чирчик шаҳари уйлари орасида кўздан гойиб бўлди. У бир минут ҳам жим ётмайди: гоҳ йўталади, гоҳ қалтирайди, гоҳ инграйди... Металл ҳар бир товушни илиб олади ва уни неча километрлаб олиста элтади. Монтажчилар аллақаерда қувурининг семиз биқинига чўкич билан уради, темирнинг бу овози худди изда ўзезд юргандай акс садо беради. Одамлар қайрилиб унга қарашади...

Изоляция машинаси «ҳусн бузади». У ялтираб турган метални битум билан шувайди, қувурини қаттиқ ва кул ранг қоғозга колбаса сингари ўрайди.

— Тутун чиқариши бас қил, «Губернатор» келяпти, — дейди изоляциячи Полина.

Етиб келган турдонатордан шофер Исмат бош чиқариб:

— Шунача кутиб оладими, музикаларинг қани! — дейди.

— Таъбинг яна нимани хоҳлайди! Кофе, какао ҳам талаб қилассан ҳали! — дейди унга жаюбан Полина.

Колонна ишчилари орасида хотин киши Полинанинг ўзи, холос. У изоляция машинасида ишлади, шунинг учун ҳам унинг комбинезони доимо битумга белланган бўлади. Оёғига эрқаклар киядиган эски ботинка. Бошида эса соявони кенг, пушти лента тацилган похол шляпа. Эри қувур ётқизувчи машинада

1 Гурдонатор — битум ташувчи автомобистерна.

ишлиайди. Улар қурилиш бўйлаб бирга кўчуб юради, бирга ишилади. Улар яқинда қиз кўришган.

— Бирор жойда муким ўрнатишак бўларди. Йилгари кўчуб юравериш осон эди, энди мана бу қизалоқни чўлда кўтариб юриш мушкул,— деб нолийди Полина.

Полина уйда ҳам доимо иш комбинезонидан юради. Нече эри уни ёзги ҳаво ранг кўйлагини кийишга кўндириди, ишилар эса уни худди биринчи марта кўргандай ҳайрон бўлиб, бир-бирларига қарашди.

Тоҳирни колониадан ҳайдадилар. Ишдан бўшатганилари йўқ, сурисиб чиқаргандарни йўқ, кетавер, дегандарни йўқ, ҳайдадилар.

Тоҳир эрталаб ошхонага кириб келгандан «колониачилар»:

— Нимага ҳали ҳам бу ерда юрибсан? — дейишди. — Иигирма тўрт минут муддат берамиш: йигиштирил-да, туёғингни шиқиллат!

— Мения, меҳнаткаш ишчини я... — деда бошлади Тоҳир.

— Сен ишчи эмас, безорисан! Меҳнатчи эмассан, оғзи бузуксан! — деди «губернатор» шофери Исмат. — Ишчи комбинезонини кийиб олиди-да: «Мен ишчиман, мен ишчиман» эмиш! Маст бўлиб олади-да: «Ишлаб топган пулимга ичяпман, ишчи синфи яйради» эмиш! Бу сўзни ҳаром қўлма, ҳаром оғиз...

— Бўлти, Тоҳирни йўқлаб кўз ёштаринги оқизарсанлар ҳали! — деб бақириди Тоҳир асабий долатда.

— Иигирма тўрт минут ўтапти! — деда ўрнидан турди, собиқ favvос, механик Шура тога. — Кечикиб, қолмасанг эди. Кўрсатилган муддат ўтгач, биздан кўрмал!

Нече мана бундай воқеа юз берган эди. Тоҳир яна ишга чиқмади, кечқурин эса танцадан қайтиб келиб, маст ҳолда ўтоқларига таҳдид қилди.

— Мен сенларни сарик чақага олмайман! Биласанларми, мени Тоҳир дейдилар, эрким ўзимда. Мени мажбур қилиб ишлатолмайсанлар! — деб бақириди.

Хўжалик бошлиғи унинг олдига келиб:

— Бас қилсанг-чи! Сенинг хулқингдан ҳамманинг тоқати тоқ бўлди! — деди.

Тоҳир ерда ётган темир парчасини ушлаб, «дилозор»нинг устига ташланди.

Ишилар буларни ажратиб қўйиб, ўзаро келишиб олишиб: «Бас! Нече марта кечирамиз! Ишлаб ишламайди, безориликдан бошқани билмайди». Тоҳирга эса бундай дедилар:

— Бор, ухла! Эрталаб эса, яхшиликча бу ердан жўна.

— Нима қилай, ишдан бўшайман

деб ариза берайми? — деб сўради у бригадирдан.

— Аризангнинг кераги йўқ. Шундай кетавер. Бирор ким, нимага нетдинг деса, ўртоқларим ҳайдаб юборди де.

Март. Офтобда — ўттиз даража иссиқ.

— Бизда пудра бепул,— деб нолийди чаңгандан безор бўлган Полина.

Осмонни ўрган қорли тоғлар гердашиб турибди. Кун шуъласида қор кўзни қамаштириб ялтирайди, қора ранг гоҳ осмонга, гоҳ тоғлар чўққисига кўчади. Эрталаб төғ кўринмайди, унинг ўркачи чўққиларигина кўзга хира чалинади.

Майсалар хиёл силжиниб, эшитилар-эшитилмас шивиллайди — лолалар ажалга пешвуз чиқиб барг тўкяпти. Кун буларни чошгоҳгача қовжиратиб ташлади.

Қанчалик дониш бўлсанг ҳам, битта гулнинг рангини аниқ тасвирлашга ожиз қоласан. Булар анвойи хил: қизғиши-оқ, оқиши-бинафша, сарғиши-бинафша ранг, оқ пушти!. Буларнинг ҳар қайси фақат ўзига хос, тақорорланмайдиган тарзда очилган: бири беҳолтина қийшайиб, бири қўнғирогини кунга тикиб турибди. Бу тарам-тарам, хол-хол ўйғулники хотирда бир лаҳза сақлаб бўлмайди — ўғирилдингми, шу заҳоти-ёқ ҳаммаси қоришиб кетади.

Бир лаҳзада эсадан чиқадиган нарсани кўриб қувонасан, деган ҳикматли гап бор. Ҳа, бир дақиқада тугайдиган қувончлар ҳаётда жуда кўп.

Бу ожиз гулларнинг ҳам инсон ҳаётидаги ўз ўрни бор. Қурувчилар майсалорда ҷалқанча ётиб дам оладилар, лолалар эса уларга ажойиб ҳикоялар айтиб беради.

Бахмал даладаги миллион-миллион лола — бу ер кўкламининг гербидир.

Ҳар бир катта қурилишининг ўз нақли бўлади. Бу ерда, ўрта Осиё газ қувури қурилишида қувур Нурота тоғларидан қандай олиб ўтилганини ҳижо қиладилар. Қувур «Темур дарвозаси»нинг дараларидан олиб ўтилди.

Қўпорувчилар қояларни отиб траншеялар қазидилар. Қурувчилар тошларга қарши қурашда ўз усуllibарини ихтиро қилдилар: оқшом пайтидан бошлаб қояларнинг ёриқларига сув тўлдирдилар. Сув тун бўйи музлаб, қаттиқ жисмларни тарс-тарс ёриб юборди.

Уланнамалар ташийдиган улкан МАЗ машиналари қоялар орасидаги тор йўлдан зўрга олиб ўтилди. Бу тик йўлдан ўтишда ҳар қайси шофер айни вақтда дорбозлик ҳам қилди. Сийрак төғ ҳавосида машиналар ўз қувватини йўқота бошлади.

Қувур ётқизувчилар қарийб осилиб туриб, кўз тинадиган вазиятда ишладилар: тракторлар уларни пўлат арқон билан тортиб турди. Изоляция қўлда қилинди.

Қурувчилар олдида кун сайнан маҳол вазифалар туғилиб турди.

Игна күзига түя сиғади десанг, ёки машинани таги жаҳаннам тор күпприкдан олиб ўтаман, десанг, бутун физика коңуллари сенга қарши исён кўтаради.. Бу ердагилар эса, чекиб ўтириб, ҳикмат топишади ва кейин: «Мана бундай

қилсан бўларди...» дейишади да, ишга киришади.

Нихоят, қийинчилик енгилгач, орқага қараб, ланг очик «Темур дарвоза»сига ҳайрат билан термиладилар.

Ана шундай дамда фильмларда лента айланниб, қаҳрамонлик музикасининг садоси янграйди...

Чирчиқ кечувви

В У қурилиш бошқармаси бир жойда узоқ қўнимайди: у аввал Ҳонгига, кейин Самарқандга қўнди. Ҳозир эса Тошкентда. Ҳамманинг шўнглида кўчиш.

Бошқарма биносини худди магазин дейсиз, дераза ўрнида — қўш-қават витрина. Ихоталар омонатигина ўрнатилган, тахта пол оҳак босиб жирган оёқ изи билан қопланган, аёллар туфлисингиз изи худди савол аломатига ўхшаб туриди.

Шовчин кўтарилиди: бешинчи колоннанинг бошлиги — бесўнақай калтачарм пальто кийган дароз киши ёнгил иҳота деворини ларзага келтириб, бош инженерга ўшқиради:

— Нима бўляпти ўзи?! Қувур ётқизувчини мендан олиб көтишид. Энди нима бўлади? — деди у газабонк бўлаб.

— Ўзингни бос, Валерик,— деди бош инженер афтини буриштириб.— Қувур ётқизувчини кечувга олишибди. Чирчиқнинг бу еридаги иш бутун техника кучини талаб қиласди...

Илк баҳор. Бир ҳафта олдин тоғлар қор билан қопланниб ётган эди. Энди эса қор фақат баланд чўқимларинг тиркишларига маҳкам ёпишиб ётибди.

Бу эрта-индия ҳайқириб келадиган селдан дарак беради. Ана шунда Чирчиқ бир ярим километр ёйилиб оқали. Ҳўш, бу асов дарё тагига қувурини қандай ётқизаб бўлади? Шунинг учун ҳам дам ганимат.

...Сертош оппоқ орол. Тепага чиқиб сувга тикилиб турсанг, у оқимга қараб қўтарилаётгандай.

Бутун оролнинг у ёғидан бу ёғига чукур зовурлар қазилган. Оролда қўқимтири тиниқ сув лиммо-лим. Сув олдида тўрт юз метрлик уланма қувур. Одамлар уни худди қадимий биллурдай пистоқи ранг тахта билан авайлаб ўрамоқда.

Қувур ётқизувчилар бу ерда сув тагидаги техника ишларини бажарувчи бошқарма билан биргаликда ишлашмоқда. Гаъвосларни кўк брезент жийимларидан ва «бу дарёдан кечиб ўтса ҳам бўлади-ку», деб тургандай чеҳраларидан дарҳол таниб оласиз.

Булардан бири қувур ичига зўрга сиғиб ётибди, бетини кепкаси билан бернишиб, бемалол ухлайверса ҳам бўлади. Унинг шериги маъюс ҳолда оёғи билан сувни шопиллатиб ўтирибди.

Шу ерда шўрва қайнатгандай кичкина қозонларда битум эртишишти. Қуёш тирида алланга ғалати қўринади: угоҳ оқка, гоҳ яшилга ўҳшайди.

Лекин асосий воқеа Чирчиқ иккига бўлинниб ҳайқириб оқаётган ва стрелка турган жойда юз берялти. Одамлар сувни чап томонга тамом ағдариб ташлаш ва қуруғликда чукур жавлаб, қувур ётқизаш утун ўнг томондаги оқимни дамба билан бўғишига қарор бердишар.

Бу жойда ер қазувчилар хукмрон. Меҳнатнинг зўридан бульдозерлар оҳортади, болалар йиглагандек овоз чиқарди. Улар тоштупроқни худди ҳўнилизлардек сурин бориб чуқурга ағдаради.

Дарё тобора торайиб бормоқди. Чирчиқ худди шалоладек қутуриб оқмоқда. Устига ағдарилаётган бу оғирликдан қутулиш учун қирғоқни бетиним киғти билан уриб ўтади. ўз йўлини кенгайтиришга интилади.

Бир нағаслик истироҳат. Охири ҳамла олдидан бир чекиб олмоқ керак. Таомул шу. Бу сафар олдидан бир лаҳза индамай ўтиришга ўҳшайди.

Бульдозерчилар бир-бирларига папирос узатишиди, буюм лотерексининг тиражи қанчалиги ҳақида тал юритишиди. ўзлари эса дамба четини юваб, ўтириб кетаётган асов сувдан кўзларини узмайдилар. Ўйилган тупроқ ҳайҷоқ сувга тушган қандай дарҳол эриб кетади.

— Тамакидан ачиган сомон ҳиди келади-я! — деди энг ёш бульдозерчи ва энди тутатган папиросини Чирчиқка улоқтириди.

— Ўзгинаси! — дейишди ҳамма бульдозерчилар баравар.— Отланинг, йигитлар!

Ўн минут ичидаги дарё бўғилди. Сув бирдагига чўқди; ваҳимага тушган баълиқлар сув бетига сакрай бошлади. Одамлар уларни қўл билан тутиб чўнтақ ва қўйинларига тикишиди. Ҳатто гаъвослар ҳам қараб туролмадилар: ўзларини сувга уриб, балиқ қувдилар.

— Хей, бульдозерчи! Қани, бир чов-

лингни сол-чи, оғайни! — деб қичқирди аллаким.

Бульдозер түмшүгини ботириб, малла тұлқинни ҳайдаб, усач ва танга балиқтарнинг қорнини йилтиратиб қирғоққа ағдаради.

Үзи эса сөвенинб жетганидан бор овози билан:

— Ҳаммага етади, оғайнилар! — деб қичқиради ва машина ғилдіраги устида мағрур үйинга тушади.

* * *

Самолёт ходимаси эълон қилди:

— Диқкат! Нурота чўққиларидан учид ўтапмиз. «Темур дарвозаси» — ягона йўл. Афсонада: тоғдан кучли одамларгина бу чўққидан ўта олади, дейилган...

Нурота чўққиларига олти аср олдин оқсоқ Темур суворийларининг оти оёқ босган. Қоялар үзи чекиниб паҳлавон-

ларга йўл очиб берган, дейишади. Баланд чўлдига доим уруш ялови тикилган бўлар экан.

Совет қишилари Нурота тоғларини тинчлиқнаме деб ёриб ўтдилар. Улар еризими ўзгартирман деб, инсон баҳтасодатини деб тоғларни ёриб, зангори олов олиб ўтдилар. Коммунистик партия миз Программаси уларни шунга руҳлантириди.

Ийллар ўтар, балки атом лайнери-нинг ходимаси:

— Диқкат! Нурота чўққиларидан учид ўтапмиз. Ийгирманчи аср ўтала-рида қоялар тинчлик кучларига йўл очиб берди, афсонада шундай дейилган, деб эълон қиласи.

Ясси чўққи устида юпқа булут парчалари сузиб юрнити. «ИЛ-14» самолёти қорсимон булутлар орасига кириб, хира ва нурсиз тус олди. Кейин у ўнг қанотига ёнбошлади, пластмассадан қилинган стакандаги чой чайқалиб кетди.



1812—1962

Намыс ФОИИБОВ

У революция байроғини күттарди

(А. Герценнинг эстетик қарашларига доир)

1847 йилнинг январи. Ҳамма ёқ оппоқ қор билан қопланган. Тўрт от қўшилган чена чуқур из қолдириб, Россия чегасига келиб тўхтади.

Соқчилар бошлиги ченадаги кишининг ҳужжатларини имиллаб текшириб бўлгач, қоровулга қараб бош силниди. Шлагбаум кўтирилди. Чена Россия турғидан чиқиб, кўздан ғойиб бўлди.

Уз ватанида рўйшилик кўрмай, чет элга бош олиб кетаётган бу киши улуғ рус революцион демократи, машҳур материалист философ, моҳир публицист ва адабиётчи Александр Иванович Герцен эди.

Герцен студентлик чоғларидаёқ сиёсий тўғараклар ташкил этгани, унга маслакдошларини ўюштиргани учун Москва университетини тутгатиши биланоқ ҷор самодержавиесининг таъқибига учради: бир йил ўтгач эса, тўғаракнинг бошқа аъзолари билан биргаликда қамокқа олиди, сўнгра бир неча бор сурғун қилинди.

Бу уқубатлардан тинкаси қуриган олим чет элга кетиш учун рухсат сўради. Бироқ бу ўш ҳам жўнгина битмади, подшо ҳукумати Герценнинг илтимосини ижни марта рад қилди, ниҳоят, қанча таъналардан кейингина унга рухсат берилди. Шу сабабли бўлса керак, Герцен кейинчалик шундай деб ёзган эди: «Чегарадан ўтганимиздан сўнг орцага қарадим. Шлагбаум пастга туширилди. Сөвуқ шамол Россиянинг қорини бизнинг изимизга келтириб урарди».

Герцен Франция, Италия, Швейцария ва Англияда яшаб ўз фаолиятини давом эттириди ва авж олдирди, революцион ҳаракатга актив аралашди. Буни эшитган Николай I: «Ўй-жойи мусодара қилинсин, ўзини дардол Россиянга чақириб олинсин» деб фармон берди.

Бу очиқ таҳдид эди. Герцен умрининг охиригача Россияга қайтиб келолмади. У Лондонда рус босмахонасини ташкил этиб, русча варақа, китоблар ва «Полярная Звезда» альманахини нашр эта бошлади, сўнгроқ эса (1857 йилдан бошлаб) Н. П. Огарёв билан биргаликда «Колокол» журналига асос содди.

А. И. Герценнинг ҳаёти Россиядаги крепостнойлик тузуми, чоризм ва қонхўр Николай зулми даврида ўтди. Жўшиқин фаолияти, фалсафий ва адабий қарашлари билан рус меҳнаткашларини революцион йўл орқали озод қилиши учун кураш олиб борди.

Герцен фалсафанинг бош масаласини, яъни тафаккурнинг борлиққа, онгнинг табиати муносабати масаласини материалистик ҳал қилди, у идеалистларга қарама-қарши ўлароқ; материя бирламчи, онг материянинг хоссаси, хусусиятидир, деди.

Улуғ мутафаккирнинг эстетик қарашлари тўғрисида гап боргандা, шуни алоҳида таъкидлаш лозимки, унинг бадий адабиёт, санъат ва эстетиканинг бир қанча масалалари ҳақида билдирган фикрлари иктиномӣ тафаккурига бевосита болибди, уларни соҳ ҳолда, ажратиб кўрсатиш деярли мумкин эмас. Герцен санъат асарларини таҳлил қилганда, бадий дурданалариниң ичига бошлаб олиб кириб кетади-да, уларнинг гоявий моҳиятини, иқтисодий-сиёсий ҳаётдаги ва миллии маданийдаги илдизларини ғоят равшан қилиб тушунтириб беради.

Герцен эстетикага бевосита тааллуқли бўлган йирикроқ (масалан, Н. Г. Чернишевскийнинг «Санъатнинг воқеалика эстетик муносабати» сингари) асар ёзган эмас. Аммо унинг бадий адабий ҳамда образ, санъат, гўзаллик ва ҳоказолар

дацида билдирган фикрларининг мажмусаси бутун бир системани ташкил этиб, рус эстетикаси тараққиётига мұхим диска бўлиб қўшилгандир. Герценниң эстетик фикрлари унинг турли мамлакатлардан ёзгат мактубларида, кундаликларида ва айниқса, «Утмиш ва ўйлар» «Фандаги дилетантизм» ва «Нариги қирғоқдан» асарларида баён этилган.

Юқорида қайд этилганидек, Герценниң эстетик қарапшлари табиат ва ижтимоий ҳаёт ҳодисаларини, даврнинг мұхим синфиба сиёсий күчларини тушуниши ҳамда уларни баҳолай билиши билан бевосита боғлиқ холда ривожланди. Шу нуқтаи назардан, унинг эстетикасини ижодий фаолиятининг даврлари га қараб ўрганиш лозим бўлади. Бу даврларни: XIX аср 40-йилларининг биринчи ярми; 40-йилларнинг охири; 50-йиллар ва иккоят, 60-йиллар деб шартли равишда тўртга бўлиш мумкин.

Герцен 40-йиллардаги фалсафий асарларида эстетика масалаларига анча кенг урин берган. Бу даврдаги эстетик қарапшлари, аввало, материалистик йўналишга эга; у санъатнинг ривожланишига диалектик нуқтаи назардан ёндошади, санъатнинг актив ижтимоий ролини кўрсатиб беради, унинг ўзига хос хусусиятларини ва ички қонуниятларини тушуниради. Бу унинг «Фандаги дилетантизм» деган машҳур асарида яққолроқ баён этилган.

Мутафаккир ёзуви «Фандаги дилетантизм»да эстетиканинг асосий масаласига—санъатнинг турмушга муносабати, гўзалликнинг моҳияти масаласига доир мұхим фикрларни билдиради. Тўғри, у эстетиканинг бу масалалари юзасидан Н. Г. Чернишевский сингари лўнда хулосалар чиқаролган эмас, лекин унинг кўпгина мақолаларида эстетиканинг бош масаласи ҳақида билдирилган фикрлар Чернишевский хулосаларига яқинлашиб келади. У «Фандаги дилетантизм»нинг охирги мақолаларидан бирида «Исон табиий ҳодисалар билан курашиб, наслдан-наслга ўтиб келувчи умумхалқ зakovatини ривожлантиради» дейди, яъни онг, ақл-заковат табиат ривожланишининг олий маҳсулидир, деган хulosaga келади.

Шундай қилиб, Герцен, йўл-йўлакай бўлса-да, ҳаёт поэзияси, яъни унинг гўзаллиги табиатнинг ривожланишидан иборат, деган гояни илгари суради. Герценниң фикрича, гўзалликни ҳаётнинг ўзи вужудга келтиради, ҳаёт гўзалликнинг манбай ҳисобланади.

«Фандаги дилетантизм»да эстетиканинг бальзи бир масалалари бўйича билдирилган фикрлар Гегелнинг ана шу масалалар хусусида айтган фикрларига анча яқин турса-да, бирор, умуман, эстетикада Герцен методологияси Гегель тушунчасига тубдан қарама-қаршидир. Чунончи, Гегель исоният бадийи ривожланишининг айрим босқичларини

гўзаллик идеясининг кетма-кет ўзгариб турувчи шакллари деб тушунса, Герцен санъатнинг тарихий ривожланиб, ўзгариб туриши жамият ўзтиёжининг ўслилига, ижтимоий фикрларнинг, фалсафанинг ривожланишига боғлиқдир, деб тўғри хulosaga келади.

Герцен санъатни ижтимоий ҳаётнинг мұхим фактори деб тушунди. У 1842 йилдаги кундалигига театрнинг ролини қуйидаги характеристика: «Саҳна, кимдир бирорнинг таъбири билан айтганда, адабиётнинг парламенти, санъатнинг ибодатхонасидир... У замоннинг энг актуал масалаларини ҳал этади, ҳеч бўлмаганда, мухокама қиласи, амалда бунинг аҳамияти foят каттадир».

Бироқ, шуни қайд этиш зарурки. «...тарихий материализмга келиб тўхтаган» (В. И. Ленин) Герцен санъатнинг тарихий ривожланиши, тадрижий такомил қонуниятларини илмий асосда тушунтириб беролмади.

Герценниң 40-йиллар охиридаги эстетик қарапшларида 1848 йилги француз буржуза революциясиның таъсири сезилиб туради. Мутафаккир буржуза революциясининг бутун зиддиятлари ва фожиасини ўз кўзи билан кўрди, унга маълум даражада фаол аралашди. Бу воқеалар Герценниң фалсафий, ижтимоий қарапшларидаги сингари, унинг эстетикасига ҳам ўз таъсирини ўтказмасдан қололмас эди.

Маълумни, Герцен 1848 йилги француз буржуза революцияси мағлубиятга учрагач, ўз қарапшларида тушкунликка йўл қўйди, Герценга буржуазия тартиби баъзан мустаҳкам бир тарихий босқич бўлиб туюлди, шу сабабли у исоният, адабий бўлмаса-да, анча узоқ вақт ана шу босқичдан чиқолмай қолади, деб ҳисоблади. Герцен исониятнинг маънавий ривожланиши истиқболига ҳам ана шу хилда тушкунлик нуқтаи назаридан ёндошди. Бу билан у ўзининг 40-йилларнинг бошидаги материалистик эстетикасидаги асосий принципларнинг биридан маълум даражада чекинди. Юқорида қайд этилганидек, Герцен 40-йилларнинг бошида табиат ва ҳаёт гўзалликнинг манбаидир, санъатнинг ривожланиши чексиз истиқболларга эга, деган хulosaga келган эди. Бироқ 1848 йилги воқеалардан сўнг, буржуазиянинг социализм ҳақидаги пуч гаплари таъсирида, халқ ҳаётини гўзal қилиш йўлидаги бош қийинчликларни кўра билмади. У, халқ ҳаётини гўзal қилишдек олий мақсадга эришмоқ учун озчиликни ташкил этган илгор кишиларнинггина ҳаракати кифоя қиласи, деб ҳисоблади.

Лекин Герцен эстетикасининг бу даврдаги асосий тенденцияси бу эмас. У санъатнинг тарихий ривожланиши ва гўзаллик идеали чексиз истиқболларга эга, деган фикрни илгари сурабошлайди. Узининг «Нариги қирғоқдан» деган китобида цивилизация «...фикр сингари,

санъат сингари чексиз» деб ёзган эди. Герцен цивилизацияни санъат сингари чексиз дейиш билан, аввало, санъатнинг кеңи имониятларини таъкидлайди ва уни узлуксиз равишда ижодий ривожланади деб тушунади: бу тушунча Герцен эстетик қарашларининг асосидир.

Герценнинг фикрича, («Нариги қирғодан» асарида) инсон ўзига нимаики матькул бўлса, ўшаларнинг ҳаммасини саклаб ҳолишини ўстайди: чунончи, инсон туғилдими — абадий ҳаёт кечирсан дейди, севишдими — бутун умри давомида севишни ва севимли бўлиб қолишни хоҳлади... Афсуски, бундай турғуллик ҳаёт руҳига зиддир — ҳаёт инсонга яшаш, завқланиш қобилиятини ҳада қиласкан, умринг ҳам, завқланишининг ҳам қанчалик давом этишининг кафиллигини олмайди. Бутул жонли нарсаларнинг тўхтовсиз ҳаракати, узлуксиз ўзгариб туриши туфайли табиат янгилашиб, доимо кўркам ва навқирон бўлиб боради.

Чернишевский Герценнинг бу фикрини даном этириб шундай холосага келади: ҳар бир авлоднинг гўзаллиги фақат ана шу авлод учунгина хос, унинг ўсишига, эстетик эҳтиёжига мос... Кейинги авлоднинг ҳам ўзига хос, янги гўзаллиги бор, бу гўзаллик унинг ҳам ўсишига ва эстетик эҳтиёжига мос. Шуниси таажужубки, гўзаллик куи сайин янгилабди боради, у бугунги куннинг талабига шавқ-завқ баҳш этиб йўқолади, ортага эса янги кун бошланади, унинг талаблари бошқача, бу куннинг талабларини фақат янги гўзаллик қондира олади.

Шундай қилиб, Герцен француз буржуа революциясидан кейинги даврдаги эстетик қарашларда тушкунлика ва баъзи бир иккиланишларга йўл қўйган бўлса-да, санъатнинг ривожланишини умуман тўғри тушунган эди.

Герценнинг иккимой-снёсий қарашлари ва фаолияти 50-йилларга келиб анча ўзгарди, эстетикасида ҳам революцион-демократик элементлар ва тенденциялар кучайди.

Герцен эстетикасининг революцион ва материалистик характеристи янгининг туғилишидаги азоб-уқубатдан бунёдга келадиган гўзаллик ҳақидаги тушунчада айниқса яққол кўзга ташланади. Бу нарса «Ўтмиш ва йўлар»да ўз ифодасини топган. Герцен бундай дейди: «...Бизнинг устоғимиз, кенса реалист Гётега шоншарафлар бўлсин: у иффатли романтик қиз билан ҳомиладор хотинни бир қаторга юйишига журъат этди ва ўзининг қудратли шेърлари билан бўлажак она-нинг ҳомилали қаддига ҳайкал ясаб. уни навқирон аёлнинг сарв қоматига тенгглаштиришдан кўрқмади.

Ўтмиш фароғат хотириаси билан бирга муҳаббат машаққатларига, унинг бутун оғирлигига бардош бераётган, гўзал-

лигини, вақтини қўрбон қилаётган, не-не азият билан кўксидан жигарпосасига сут бераётган аёл ҳақиқатан энг нафис, энг таъсири образларданидир».

Шундай қилиб, Герценнинг фикрича, ҳусн-жамолни паймол қила оладиган қийноқ, жафо, уҷубат янги ҳуснининг янги гўзалликнинг туғилиш манбаи бўлади. Герценнинг бу фикри «Соф санъат учун», «Санъат санъат учун», «Гўзаллик гўзаллик учун» деган принципга амал қитувчи буркса эстетларининг қарашларига зиддир.

Герцен воқеликни кураши ва фожиа орқали ажэ этиришининг гоят катта аҳамиятга эга эканлигини уқтириб, адабиёт ва ҳаётда ҳажовнинг, кулгининг жуда муҳим роль ўйналигини ҳам таъкидлайди. Ўнинг фикрича, кулги ҳажва ижтимоий ҳаётнинг эскирган, ўлган ёки ўлиб бораётган, бироқ шунга қарамасдан ҳокимлик учун курашувчи унсурларига нисбатан юзага келади. Ҳажв, кулги анашу ёкилика, ўлиб бораётган унсурларга қарши қаратилган бўлади.

Герцен, бошқа улуғ революцион-демократлар сингари, буржуа эстетикасининг кулги беозор нарсадид, шу сабабли у муҳим ижтимоий аҳамиятга эга эмас, деган ногури фикрига қарши кескин курашди. У «Колокол»нинг «Смесь» («аралашига») бўлимида бундай деб ёзган эди: «Кулги эскирган ва ҳали аллақайси ҳаробага таяниб янги ҳаётнинг ўсишига тўсқинлик қилаётган... иллатларга қарши курашда қудратли қуроллардан бироридир... Кулги, умуман, ҳазиранам гап эмас ва биз уни қўлдан қўймаймиз. Кулги тарихи ёзилса гоят ажойиб иш бўлур эди. Черковда, саройда, фронтда, департамент бошлиғи олдида... ҳеч ким кулмайди. Помешчиклар боржоида крепостной хизматчилар ҳатто кулемсишар хукуқига ҳам эга эмаслар. Фақат тенг қишиларгина бир-бирларидан қулишади... Кулги қишиларни тенг қилади, бу эса юкори табақага мансуб одамларга ёқмайди; улар ўз иззат-эътиборларининг камайиб қолишидан кўрқадилар».

Эстетиканинг бир муҳим масаласи тарихда кўпчилик философларнинг диққатини ўзига тортган. Бу, келажауда ҳалқ оммаси амалга оширадиган революция маданият ва санъатни янада яшнатиб юбора оладими, ижодни ўстирадими, шахснинг эстетик эҳтиёжини қондира биладими,— деган масала эди. Герцен ҳам бу масалага қайта-қайта мурожаат қилади, лекин уни 60-йилларгача тўғри ҳал этолмади.

Герцен 60-йилларга келиб эстетиканинг бир қанча масалалари, жумладан юқоридаги масала бўйича аниқ ва умумлашган холосага келди. Герценнинг фикрича, революцион пролетариат ғаҳбарлик қилган ҳалқ оммасининг ҳаракатигина чинакам ижодий санъатни юзага келтиришда замин бўлади ва бу ҳаракат ўт-

миш санъатининг бебаҳо ёдгорликларини кўз қорачигидай асрарга ёрдам беради. Фақат ҳалқ оммасининг фаол ҳаракати ҳаётни тубдан ўзгартириб юборишта, унинг гўзаллигидан барча жишиларни баҳраманд қилишга қодирдир.

Герцен санъатнинг ҳалқчиллиги, унинг миллий характери масаласига революцион-демократизм позицияснда туриб ендошли.

В. Г. Белинский сингари, Герценнинг фикрича ҳам, санъат ҳалқ характерининг энг яхши хусусиятларини акс эттириши ва уни очиб бериши керак. Ҳақиқий санъат ҳамма вақт ўзида ҳалқнинг миллий характерини акс эттириши лозим; санъатнинг қудрати, таъсирчанлиги ҳам шу билан белгиланади.

Герцен «француз, инглиз мақомига, немис қолили»га солинган сунъий маданият ва санъатни ҳалқка тиқишириш каби космополитик уринишларни жиддий равиша қоралаган эди. Унинг тушунчасига кўра илгор санъатнинг энг муҳим сифати ҳалқ ҳаётини ҳақданий разийида акс эттириши билан белгиланади. Чинакам шоир ва санъаткор ўзининг ҳақиқий асарларида доимо ҳалқчилдир.— деб ёзган эди Герцен «Ўтмиш ва ўйлар» житобида.— Санъаткор ўз ижодида, у ўз олдига қандай мақсад ва фикрни қўйтган бўлмасин ёки у хоҳлайдими-хоҳламайдими, бундан қатъи назар, ҳалқ характерининг қандайдир бир томонини акс эттиради.

Герцен рус адабиёти ва санъатининг ҳалқчиллиги учун кураши, санъатнинг тоявий бўлишини ёқлаб ёзган кўп мақолаларида рус санъатининг илгор ғояларга содиқлиги, ижтимоий ҳаётга актив таъсир этиши, ҳалқка садоқати ва чуқур реализми билан жаҳон санъати ривожланишига улкан ҳисса қўшганлигини ҳамма вақт таъкидлар эди.

Герцен В. Г. Белинский ўйлидан бориб, санъат ва адабиётда танқидий реа-

лизм принципларини ҳимоя қилди. Белинский сингари, Герцен ҳам санъатнинг ҳаёт билан узлужисиз алоқада бўлишини маъжам турниб тарғиб этди, адабиётни илгор ғояларни тарғиб қилишда ва бу ғояларни ҳимоя қилишда сиёсий минбар деб ҳисоблади.

Герцен бадий образларнинг ҳаққонийлиги, асарнинг юқсак ғоявийлигини биринчи планга қўяди. У «Соф санъат учун» деган реакцион идеалистик назарияга қарши жиддий равиша кураш олиб бориши билан бир қаторда, натурализмга, ҳаётни шунчаки расмга туширишга қарши исён қўтарди.

Герцен, санъатнор сифатида, образ характерининг бутун моҳиятини лўнда ва аниқ ифодалай билар, образни ундаги энг муҳим хусусиятларни қамраб олгани ҳолда, бир нечта сўзлар билангина намоён қилишнинг ўддасидан чиқар эди.

В. И. Ленин Герценнинг ижодий фолиатини юқори баҳолаган эди. У ўзининг 1912 йилда ёзган «Герцен хотираси» деган машҳур мақоласида улуғ рус революцион-демократининг бутун фолиатини агрорифла өртиб берди. В. И. Ленин Герцен ижодининг бўш томонларини ва мутафаккирнинг ижодиланишларини очиқ айтаб, шу билан бирга унинг тоявий юксалишида илгари қараб интилувчи илгор тенденцияларни яққол кўрсатади. Улуғ доҳий ўша мақолада Герцен ҳақида шундай дейди: «У либерал буржуазиянинг помешчиклар подиоси билан битишуви учун эмас, балки ҳалқнинг чоризм устидан ғалаба қозониши учун кураши. У революция байрогини қўтарди» (Асарлар, 18-т. 17-бет).

Александр Иванович Герценнинг туғилганига 150 йил тўлди. Совет қишилари улуғ рус революцион-демократи, машҳур философ, оташин публицист ва адабиётчи Герценнинг туғилган кунини улуғ ҳурмат билан нишонлайдилар.



1862—1962

Собир қаҳқаҳалари



Совет Иттифоқи ҳалқлари Озарбайжон қалқининг машҳур сатирик шоирни Мирзо Али Акбар Собир Тохирзоданинг юз йиллик юбилейини ишонламоқда.

Собир Тохирзода 1862 йилда Озарбайжоннинг Шимохий шаҳрида туғилган. Унда шеърга ҳанас барвақт уйғонади, 8 ёшида шеър айта бошланди. 12 ёширида Ширвон шаҳрининг машҳур фузалоси шоир Сайд Азимдан таълим олади. Еш Собир ўзининг ўтқир зеҳи ва закоси билан устозининг дикқатини жалб этади. Устоз Сайд Азим шогирдини рағбатлантириб, форсандай таржималар қилинга даъват қиласи Собир шоир сифатида тобора камол топиб, устозининг шеърларига назиралар ёзади. Ҳатто устози Сайд Азим ҳам Собирининг баъзи шеърларига назиралар ёзиб, шогирдининг етуклигини тасдиқлайди.

Ўсмирнинг илм ва шеъриятга рағбат кўрсатишни отасига ёқмайди. У ўғлини мактабдан чиқарип олиб, савдо-тижорат ишиларига кўяди. Аммо бу ҳам ёрқин талантни сўндира олмайди. Еш шоир ташмай мустақили мутолаа қиласи.

Собир 23 ёшида Эрон ва Туркистанга саёҳат қиласи. Эроннинг қатор шаҳарларида, шунингдек Бухоро, Самарқанд, Марв ва Ашхабодда бўлади. Орадан бирмунча вақт ўтказиб Карбалога сафар қиласи. Саёҳатлар шоирнинг фикр доирасини кенгайтиради. У мусулмон шарқини кезиб, ҳамма жойда зулму зулматни, очлик-кашшоқликни, хурофот ва мутаассиблини кўриб, чуқур қайгули ўйларга ботади.

Собир Тохирзода 1901 йилда Озарбайжоннинг машҳур шоирларидан Аббос Сиҳат ва Муҳаммад Тарроҳлар билан танишади. Улар билан яқин дўст, маслаҳодш бўлиб қиласи. Бунгача Шарқ ўлкаларини кезиб, ҳаётни зийраклик билан мушоҳада қилиб юрган шоир эндиғина ўт олган тулханга ўхшарди. Бу гулханинг ловуллаб кетиши, йўлда учраган ҳамма чиркинилларни ёндириб юбориши учун енгил бир шабада кифоя эди. XX аср бошларида Бокуда нашр этила бошлаган «Мулла Насриддин» деган сатирик журнал бу гулханинг гуриллаб кетишига сабаб бўлди. Агар «Мулла Насриддин» журналини сокин кечада гулдираған момақалдироқ бўлса, Собир уни ялт этиб ёритган, тушган ерини ёндирган яшин эди.

Собир «Мулла Насриддин» журналини чиқида олдин ҳам лирик шеърлар ёзиб юрган эсада, ўзини танита олмаган эди. Унинг ўз ватанида, шунингдек Туркистанда шуҳрат толишига кўпроқ заҳаролуд сатириси сабаб бўлди.

Собир сатирасининг фазилати шундаки, у шеърни ҳамиша салбий қаҳрамон тилидан ёзади; уни рўйрост сўзлатади. Душман беихтиёр ўз-ўзини фош қиласи, ички чиркин оламини ўзи очиб беради. Собирга хос бу йўл шеърни таъсирчам қиласи, ўқувчидаги нафрат хисси уйготади.

Мана бир зарпараст образи. Бу тил учун оламда пулдан кўра муқаддас нарса йўқ. У зоҳирлан мўмин-мусулмон бўлиб кўринса-да, аслда пулга чўқинади. Унинг дини ҳам пул, имони ҳам пул, Маккаю-Мадинаси ҳам пулдан иборат.

Яхшиси, бу пулиараст ўзи сўзласин:

Нури чашмомимисан, э пул, ё
жониммисан?!
Исматим, номусим, ирзим, ғайратим,
қониммисан?!
Хурматим, фахрим, жалолим,
шавкатим, шониммисан?!
Мұсқафим, Маккам, Мадинам, қиблам,
арқониммисан?!
Мазҳабим, динимми, ойнимми,
имониммисан?!

Собир сатирасини үңиган кишининг
бенхтиёр күлгиси, хандон уриб кулиши
табиий, шу билан бирга бундай
шешерлар мутолаасидан киши йўга толади,
инсоннинг бу даражада юз тубан
кетишини кўриб одамни ғам босади.

Пулшараст — Собир яшаган даврдаги
хукмроҳ синфнинг бир намояндаси эди.
Энди бундан кўра «маданийроқ», заводчи,
фабрикант образини кўрайлик. Узларини
«миллатнинг отаси» ҳисоблаган
бу тоифа инсонликнинг ўлчови деб пулни
билади. Уларнинг наэдиди одам бўлши
учун аввал пулдор бўлиш керак.
Пули, молу дунёси бўлмаган фаъла
(ишчи)нинг ўзини инсон деб юриши фабрикантнинг
ақлига хам сизмайди. Шунинг учун фабрикант фаълага кибру
ҳаво билан бундай дейди:

Фаъла ўзуну санда бир инсонми
сонирсан?!
Пулсиз киши инсонлиги осонми
сонирсан?!
Инсон ўлонин жоҳу жалоли керак
ўлсун,
Инсон ўлонин давлату моли керак
ўлсун,
Ҳиммат демарам, эклари олий керак
ўлсун.

Боқунинг нефти бойларига ишчининг
боз кўтариб инсоний ҳуққуларини талаб
қилиши ёқмаганидек, умуман ҳалқнинг
эҳтиёжлари ҳам бегона эди. Бу Собирнинг
«На ишим вор!» радифли сатирик
шешерида зўр маҳорат билан фон этилган.
Бу шеър майдонга чиққандан сўнг
«миллат хомийлари»нинг афти-башараси
баралла кўриниб қолади.

Мана шу ажойиб шеърининг бир банди:
Миллат неча торож ўлур ўлсун, на
ишим вор?!
Душманлара муҳтоҷ ўлур ўлсун, на
ишим вор?!

Қўй, ман тўх ўлум, ўзгалар ила нади
корим,
Дунёву жаҳон оч ўлур ўлсун, на
ишим вор?!

Собир Тоҳирзоданинг инсонпарварлиги,
мехнаткаш омманинг оғир аҳдоалини
кўриб чуқур қайғуга чўмгани, унинг ҳар
бир шеърида очиқ кўриниб туради. Шуна
вақтда кўча-кўйларда хор-зор бўлиб юрган
истиқболсиз болалар ҳаётини Собирни
айнициса кўп ташвишга соларди. Шунинг
учун шоир «Чужуқ» (бала) радифли
шеърида:

Эй дарбадар кезуб юраги қон улон
чужуқ!
Бир луқма нон учун кузи гирён ўлон
чужуқ! —

дека ҳасрат-надомат билан кўйлади.

Собир Тоҳирзода ўз замонидаги ҳоким
синфнинг адолатсизлигига қарши
мардонавор кураш олиб борди.

Оғир ва мусибатли ҳаёт кечирган эҳтиоси
шоир ва курашчи Собир Тоҳирзода узок давом этган хасталикдан сўнг
1911 йилда вафот этди.

Собирнинг оташини сатирасида ёлғиз
Озарбайжон халқининг бошига тушган
кўргуликларигина эмас, Туркистон замонидаги
ижтимоий иллатлар ҳам ўз интиносини топди. Шунинг учун ўзбек зиёдлари,
шоирлари Собир ижодига юксак баҳо берадилар. Узбек сатирасининг
ривожида Собир Тоҳирзоданинг таъсири
жуда зўр. Буни шоирларимиздан Оразий,
Ҳайратий, Ҳазилкаш, Гафур Ғулом,
Собир Абдулла ва бошқаларнинг сатирик
асарларида очиқ кўриш мумкин.
Бизнинг «Муштум» журнали «Мулла
Насридин» анъаналарииниг давомчиси
бўлганидек, «Муштум»нинг илк авторлари
ҳам Собир сатирасининг муносаб давомчилари эди.

Собир Тоҳирзода Озарбайжон халқининг
бахт-саодати учун курашган жанговар
шоир эди. Унинг бебаҳо, жўшқин
сатираси, соғлом кулгилари қалбимизга
зэту ҳислар ургуни селади, биз ҳамиша
уни олқаб-олқишлиймиз.

Т. ЖАЛОЛОВ.





Мана чорак асрдан зиёд республика мизник отахон шоир ва адаблари билан бир сафда хассос шоир, моҳир таржимон, ишчан редактор Андрей Митрофанович Иванов бадиий ижод соҳасида Гайрат кўрсатиб самарали меҳнат қилиб келмоқда.

Андрей Ивановнинг ижоди Урта Осиё халқларининг ҳаёти, кураши ва меҳнати билан, Ўзбекистондаги социалистик қурилиш билан чамбарчас боғланган. Унинг шахом манбаси — ягона социалистик оиласида коммунистик жамият қураётган халқларимизнинг мустаҳкам дўйстлигидир.

Поззия мухлислари шоирининг «Исён», «Маҳбуба», «Қопқадаги учрашув», «Шу ўйланинг кузи», «Қорли Чотқол этакларида» ва «Қирлар қаҳрия» поэмаларини ҳавас билан ўқиудилар. «Исён» поэмасида 1919 йили Тошкентда бўлган оқувардиячилар фитнасининг бостирилиши аks этирилган. «Қопқадаги учрашув» поэмасининг қаҳрамони врач Алексей Краснов ҳарбий хизматдан бўшагача, узбек қишлоғига келиб, маданий фронтда фидокорлик кўрсатади. «Қорли Чотқол этакларида» поэмасида ўзбек қишлоғидаги колективлашиб

тириши ва ўткир синфий қураш даври жонланади. Поззия қаҳрамонлари — камбағал дедқонлар комсомол қиз Маҳбуба етакилигида бойлар устидан ғалаба қозонадилар.

Ўз поэтик манерасига эга бўлган лирик шоир Ивановнинг «Осиё торлари», «Мирзачўл баҳори», «Серқешиш водийларда», «Оролда марта», «Тикка қуёши» ва «Иштиёқли баҳор» тўпламларига кирган шеърлари серманзаралиги, сербўёқлиги, серзавклиги билан мароқлантиради.

А. Ивановнинг «Ажойиб болалар», «Толя ҳақида», «Оқтош» ва «Пахтазорга жеҳмон бўлиб боражиз» асарлари кичкунтойларимизнинг севикли китобларига ойланган. Шоир рус китобхонларини ўзбек классик ва совет поэзиясининг энг яхши намуналари билан таништироқда. А. Иванов опера либреттоси жанрида ҳам қалам тебратиб, «Тонг», «Данко», «Она» либреттоларини ёзган.

Талантли шоир ва сергайрат ташкилоти қаламкашимиз, оғамиз Андрей Митрофанович Ивановга 60 ёшга тўлган куни Ватанимиз ва халқимиз сабодатига ҳормайтломад ҳизмат қилиши учун янгидан-янги ижодий муваффақиятлар, сиҳат-саломатлик, узоқ умр тилаймиз.

Андрей ИВАНОВ

Терим тонги

Япроқларни юлиб шўх шамол
Бисотини тўплайди боғда.
Тонг уйғониб кўрсатар жамол,
Шудринг тарқар намхуш тупроқ-
дан.

Кампир тонгда уйғонди чўчиб,
Одатича, терим палласи
Уйғотмоқчи эди уй ичин:
Кутар ахир пахта даласи.

Ташқарида ҳурпайиб капитар
Сув ютади, кўзлари сархуш,
Қампир келин хонасин очар,
Ҳеч кимса йўқ, ўринлари бўш.

Боғ томонга очди дарчани,
Шудринг босган майсалар юзин.
Ўғил, келин, невара қани?
Кўрди фақат уч оёқ изин.

САИЕР таржимаси.

Балиқ ови

Осмондек тиниқdir мовий түлқинлар,
 Орол денгизида бошланар саңар,
 Қайиқлар сузади камондек енгил,
 Елканларин әгар тегажақ, шұх ел.
 Юк ортиб қайтмоқда қайиқлар тонғда,
 Балиқ исин олиб учар шаббода.
 Бортгача чиқади түлқин-ғалаён,
 Балиқчилар хұрсанد, құттарар сурон.
 Мана яқынлашар соҳилга қайиқ,
 Болалар қийқирар чағалай янглиғ.
 Бир ҳафта ов құлмоқ — эмасдир осон.
 Денгизда сузганга бу албат аён!..
 Ясанған чиройли қызлар, жувонлар
 Соҳилда терілмиш худди маржонлар.
 Қанчалар шириндер, қанчалар лаззат
 Севимли ёр билан учрашмоқ бу пайт.
 Юк машиналарга ортаркан балиқ, 〈
 Шұх қозоқ қызлари күйлашар қүшиқ.
 Ов шундай соз бүлгач — элда тантана,
 Қайиқлар денгизга қайтади яна.

Э. ВОХИДОВ таржимаси.

Сувчи

Құлларига иягин тираб
 Тикилмасин тепа қанча лол.
 Тун сочини оқиста тараб
 Водий узра инар bemалол.

Узоқларда йилтиллар чироқ,
 Сувчи әгат оралаб юрар.
 Қалби тошқин, у кезар үйроқ
 Тонг юлдузи сүнгунга қадар.

Сув ажойиб жүшқин бир күйчи,
 Қүшиқлари этар маҳлиә,
 Фұзасига сув тарар сувчи,
 Ҳар томчи сув ўлчөғлиқ гүё.

ГУЛЧЕХРА таржимаси.





Озод ШАРАФИДДИНОВ

Замон — қалб — поэзия

Улуғ замонаға құтлуг тарона

60-йилларнинг боши адабиёттегі тарихига шеър фасли бўлиб кирса ажаб эмас... Кейинги йиллар поэтик жиҳатдан жуда баракали бўлди. Газета ва журнал сағыфаларида босилиб турган юзлаб, әңгімелек, минглаб шеърлардан ташқары жуда күп түпламлар нашар қилинди. Кейинги биринчи йил ичидә түплами чиқмаган бирон шоир қолмади десак бўлар. Ҳатто анчадан бери поэзиямизнинг умумий хорида овози эшитилмай келаётган Гайратий, Эминжон Аббос, Ғулом Шоди каби шоирлар ҳам янги асарлар яратиши. Бу баракали ижодий ҳосилининг энг қувончли томонларидан бири шундаки, унда ёшларнинг ҳиссаси ҳам кatta. Шу йилларда Эркин Воҳидов, Сайёр, Азиз Абдураззоқ, Теша Сайдалиев, Охунжон Ҳакимов, Ҳайдиддин Салоҳ, Гулчехра ва бошқаларнинг илк китоблари билан таянишдик. Ҳозирча түплами чиқмаган, аммо дуруст дуруст шеърлари билан эътибор қозонаётган кўпгина ёшлар ҳали навбат кутиб турибди. Поэзияга дадил кириб келаётган бу пишиқ ёшлар колоннасидан қувонмай бўладими? Ахир у — поэзиямиздаги бугунги ижодий активлик, поэзия чўққиларини эгаллаш учун бораётган жанговар ҳужум үткинчи нарса эмаслигидан, поэзиямизнинг эргасига ҳам катта умид билан қарашимиз мумкинлигидан гувоҳлик беради. Ижодий активлик бугунги поэзиямизнинг характерли сифатларидан биридир. Шу ўринда қонуний савол түгилади: ҳўш, нега энди поэзияда бирдан ана шундай қўтарилиш бошланди? Қисқагина муддатда ижтимоий салмоқда эга бўлган ўйлаб поэтик түпламлар пайдо бўлганининг босиб нимада? Бунинг сабабини сўнгги йиллардаги умумий ҳайтимиздан, Ватанимизда ҳужум сурʼетган ижодкорларни руҳидан кириш керак. Поэзиядаги ижодий актив-

лик кўпмиллатли совет адабиётидаги умумий қўтарилишининг бир кўрининши, холос. Адабиёт эса сўнгги йилларда шундай кенг имкониятларга, шундай ажойиб янги шароитга эга бўлдикни, унинг дадил қадамлар билан ривожланмаслиги мумкин эмас эди.

ХХ съезддан кейин мамлакатимизда коммунистик қурилиш тез суръатлар билан авж олиб кетди. Коммунистик партия социалистик жамиятнинг янада ривожланишин таъминлайдиган катор революцион тадбирларни амалга ошириди: саноатни, қишлоқ ҳўжалигини бошқариш қайта қурилди, ҳалқ ҳўжалигини ривожлантиришга қаратилган кўпгина қатъий ва конкрет ишлар қилинди, ўн миллионлаб гектар бўз ва қўриқ ерлар ўзлаштирилди, ҳалқнинг моддий фаровонлигини таъминловчи чоралар амалга оширилди, иш куни етти соат бўлиб қолди, солиқлар бекор қилина бошлади. 50 миллионга яқин одам янги уй-жойларга жўчлаб кириди, ҳалқ маорифи қайта қурилди, унинг ҳалқ ҳаёти билан алоқаси мустаҳкамланди, совет фанининг миссиз ривожланиши учун ҳамма шароитлар яратилди, натижада илмдаги, техникадаги жуда катта мувafferиятлар Юрий Гагтарин ва Герман Титовнинг космосга парвози учун йўл очди. Буларнинг барчаси партия раҳбарлигига ижодий ташаббусни кенг авж олдириш шиори остида, ҳаётда ленинча нормаларни тиқлаш шиори остида амалга оширилди. Шу революцион ўзгаришлар натижасида XXII съезд коммунизм қурилиши Программасини қабул қилди. Давримизнинг коммунистик Манифести деб аталган бу буюк ҳужжатда Ватанимиз босиб ўтган тарихий йўл умумлаштирилган, ҳалқаро ишчилар ҳаражатининг ўсиши учун муҳим аҳамиятга эга бўлган назарий хуносалар чиқарилган, социализмдан ком-

мунизмга ўтишнинг амалий плани чизиб берилган. Шу революцион ўзгаришилар натижасида янги одам — коммунистик жамиятин актив қурадиган ва унда шайдиган одам характерининг шахланиши тезлашди. Мехнатта коммунистик муносабат, маънавий бойлик, чуқур гуманизм ва интернационализм, коммунистик принципиаллик, ҳалоллик ва тўғрилик, ҳаёт гўзаллигини чинакамига идрок этиш, оптимизм каби фазилатлар янги одам характерининг энг муҳим томонларига айланниб бормоқда. XXII съездда совет халқининг маънавий савиаси қанчалик юксалганини кўрсатувчи кўлгина факtlар келтирилди. Ҳозир Совет Иттифоқидаги ишчиларнинг 40 проценти, колхозчиларнинг 23 проценти ўтга ва олий маълумотга эга экан! Ҳозир қишлоқ жойларида 115 минг клуб, маданият саройи ва уйлари, 100 мингдан ортиқ иктухона бор экан!

Буларнинг барчаси адабиётга битмас туганмас озиқ ва илҳом бағишлади. Йижтимоий ҳаётнинг мазмунан бойигани адабиётда ҳам шунга мувофиқ ўзгаришилар тудирди. Айниқса, адабиёт олдига шахсга сифинишийиллари қўйилган сунъий ғовлар олиб ташлангач, совет ёзувчиларининг ижодий активлиги ва ташаббуси учун ҳам кенг йўл очилди.

Шахсга сифиниши адабиётимиз танасида ёқимиз жароҳатлар қолди. Тўғри, шахспарастликнинг зарарли таъсири совет адабиётини ривожланишдан тўхтатиб қололгани йўқ. Ойбенинг «Навоий» ва «Кутлуғ қон» романлари, Фағур Гуломнинг энг яхши шеърлари, Ҳамид Олимжоннинг ватанпарварлик туйгуси билан суғорилган жўшқин поэзияси, Абдулла Қаҳҳорнинг «Қўшчинор чироглари», «Шоҳи сўзана» каби асрлари, А. Мухторнинг «Оға-сингиллар» романни, М. Бобеевнинг «Эрон осмони остида» шеърлар цикли ва бошқа бир қатор асрлар айни шу йилларда бутуннитифоқ ўқувчисининг эътиборига сазовор бўлди, ўзбек адабиётининг шуҳратини жаҳон бўйлар таратди. Аммо шахсга сифинишининг зарарли таъсири бўлмагандан, бу ютуqlар бир неча баробар кўп бўларди, адабиётимизнинг умумий савиаси бениҳоя ўсади.

Хўш, шахсга сифинишининг адабиётдаги зарарли таъсири нималарда кўринали? Баъзи одамлар буни ўша йилларда ёзилган кўпгина асрларда Сталиннинг мактабанида деб биладилар. Бу — қисман тўғри. Дарҳақиҷат, ўзбек ёзувчиларининг кўпгина асрларида Сталин шахси бир томонлама, бениҳоя бўргитириб тасниирланди, бу эса ҳалқ на партиянинг хизматларини камситишга олиб келди. Бу, албатта, катта хато эди. Аммо шахсга сифинишининг адабиётдаги зарарли таъсири фақат бунда эмас. Унинг энг зарарли томонларидан бирни яна шундаки, ёзувчиларининг ҳалқ ҳаёти билан алоқаси ўша йилларда анча заифлашиб

қолди, воқеликни бутун мураккаблиги, барча қарама-қаршиликлари ва бутун ҳақиқати билан акс эттиришда ҳадиси-раш вужудга келди. Шахсга сифиниши ёркин фикрлаш имкониятларини анча торайтириб қўйди, ҳамма нарсани безаб, бўяб кўрсатишга ундади. Натижада, урушдан кейинги йилларда конфликтсизлик «назарияси» анча авж олиб кетди. Бу «назария» ёзувчидан ҳаётий қийинчиликларни, мураккабликни ҳас-пўшлишни талаб қиласарди. Шундай асрлар вужудга кела бошладики, уларнинг қаҳрамонлари сира хато қилмайдиган, сира адашмайдиган, ҳамма вақт энг тўғри тапларни тапириб юрадиган одамлар эди. Бундай қаҳрамонлар биронта жиддий ҳаётий қийинчиликка дуч келмас, биронта мураккаб проблемани ҳал қилмас эди. Кўпинча инсон учун энг зарур нарсадан — фикрлар қобилиятидан маҳрум бўларди. Шубҳасиз, бундай фарипасифат қаҳрамонлар ўқувчининг муҳаббатини қозониши у ёқда турсин, адабиётдак ихлюсини қайтарарди.

Шахсга сифиниши поэзияга ҳам ёмон таъсири ёзувчади. Поэзияда куруқ тантанабозлик ва дабдаба, хиссиз риторика ва декларативлик авж олди. Поэзия инсон қалбининг бадий ифодаси бўлиши керак бўлгани ҳолда, оддий ҳақиқатларни қофиялашдан нарига ўтмайдиган эҳтироссиз шеърлар кўп ёзиларди. Чуқур фикрлар, ўткир умумлапмалар, чинакам ҳис ва туйгулар шеърларда кам учарарди. Ҳаёт ҳақида жиддий ўйлашга ўргатмайдиган, инсон қалбининг ҳамма бойликларини ифодаламайдиган ялтироқ, хотиркам, совук ва бепарво поэзия анча кенг тарқалган эди.

Партияниң XX съезди шахсга сифиниши катта журъат ва чинакам мардлик билан фош қилди, ҳаётимизнинг ҳамма соҳаларида ленинча нормаларни тиқлади ва шахсга сифинишининг адабиётдаги зарарли оқибатларини ҳам бартараф қилишига йўл очди. Партия Марказий Комитети ва шахсан Н. С. Хрущев адабиёт ва санъат масалаларига алоҳида эътибор бермокда. Н. С. Хрущевтаги «Адабиёт ва санъатнинг ҳалқ ҳаёти билан алоқасини мустаҳкамлайлик», «Ҳалқка хизмат қилиши — совет ёзувчиларининг юксак бурчидир», «Санъат ва адабиётнинг янги муваффақиятлари сари» деган китоблари, шунингдек М. А. Шолоховнинг уйига меҳмон бўлиб борганда сўзлаган нутқи бошдан-оёқ санъат ва адабиётга ленинча ғамхўрлик билан суғорилган.

Мамлакатимиз ҳаётида юз берган улкан тарихий ўзгаришлардан озиқланган, партияниң кундаклик ленинча ғамхўрлигидан рағбатланган адабиёт янги шароитда жиддий юксалиш ўйлига қадам кўйди. Поэзиямиздаги бугунги ижодий активлик ана шу қадамнинг илк самараларидан-дир.

Поэзиядаги ижодий активлик янги эс-

тетик принципларни тасдиқлаш шиори остида ўтмоқда. Бу — табиий. Чунки коммунистик жамият курилаётган, адабиёт олдидаги янги вазифалар турган бир даврда ҳар бир шоир умумхалик курашидаги ўз ўрни ҳақида, бу курашда шеърнинг роли тўғрисида ўйлади. Узбек шоирлари бугунги ўқувчининг савиаси бениҳоя юксак, талаблари катта эканни, уни қаноатлантирувчи асарлар яратиш учун ҳаётни чуқур билиш ва катта меҳнат қилиш зарурлигини яхши билишади. Шоир Уйғун «Жавоб» шеърида совет ўқувчисини шундай тавсифлайди:

Сенинг таъбинг жуда юксакдир.
Фикринг.

Хаёлинг, юрагинг олам қадар кенг.
Дунёда ҳеч қандай ўқувчи сенга
Идрок, тасаввурда бўла олмас тент.
Талабинг: янгилик ҳар бир шеърдан,
Бой мазмун, ўтқир ҳис, теран

Фикрлар.

Сени ранжитади тақрор, эски гап,
Сийقا тушунчалар, иктир-чикирлар...

Узбек шоирлари ҳозир шоирнинг эл-юрт олдидаги масъулияти, гражданлик бурчи бениҳоя ошиб кеттанини чуқур ҳис қилишади. Янги даврда янтича ишлапши, янгича ижод қилиш орзуси кўплар қатори, масалан, Султон Акбарийнинг шеърларида асосий мазмунни ташкил қиласди. Шоир ўз меҳнатини чўян эритувчиларнинг меҳнатига ўхшатади ва янгоқ шеър билан ҳаётни безатишга қаҳиради. Шоир қалби ҳам ишчининг болгасидек тинмай меҳнат қилиши керак:

Балқаб чиққан қўёпнинг илак
нурлари каби
Шу пўлат сатрларим уфқда турсин
юксалиб,
Чўян эритиб унга шакл беришганидек
Ҳаётни безатолсан янгоқ шеърим
ила!
Ишчининг болгасидек тинмасин
юрак зарби!

Мамарасул Бобоев «Шоир қалби» шеърида шоирнинг инсоният олдидаги масъулияти ҳақида фикр юритади. Шоир қалбидаги бутун оламнинг ташвиши. Иккичининг севмиси ҳам, янги қурилган тўғон ҳам, она муҳаббати ҳам ва яна кўп нарсалар шеъриятнинг магизи бўлиши керак. Айни чоқда шоир инсон кўз ёшини, қонини тўқмоқчи бўлганларни, дунёга ўт қўймоқчи бўлдёган разилларни бирлаҳза унутмаслиги, бутун талантининг жучи билан уларга қарши курашиши керак. Шунинг учун бугун шоирнинг қоғози жанг майдони, қалами — найза. У ҳар куни, ҳар соат, ҳар лаҳза инсон баҳти учун, инсон қалби учун, бутун ер юзида гўзалликнинг тантанаси учун жанг олиб боради:

«...Яна тўкиб инсон кўз ёшни, қонин,
Дунёга ўт қўймоқ бўлар разиллар!»
Шоир даҳшати танимни қамрар,

Шунда мен бўламан жиргандай
жангга.
Қоғозим майдонга, сиёҳим қонга,
Қаламим найзага ўхшаб кўринар.

Худди шу фикрни — шоирнинг инсоният олдидаги масъулияти, гўзаллик ва тинчлик учун жавобгарлиги масаласини шоир Шайхзода ҳам, «Шоир қалби дунёни тинглар...» шеърида яхши ифодалаган. Бонча шеърларида ҳам шоир бугун шеър меҳнат гўзаллиги билан уйғунашиб кетганини, шоир шеърнинг пахтакори эканини тасдиқлайди. Шеър коммунизм қурувчилар учун хизмат қилиши керак, шоир эса гўзаллик байроқдори бўлиши лозим:

Кошки эди қўшигим бир пиёла сув
бўлса.
Чанқогини босгали йўлончига тутилса,
Шундай қўшиқ санағтай сафарнинг
катновчиси,
Шунда шоир бўлолгай гўзаллик
яловчиси!

Шоирнинг бугунги қурилишдаги ўрни ҳақида, шеърнинг маъноси ва хизмати ҳақида, ўқувчи олдидаги, замон ва ватан олдидаги масъулият ҳақида, бугун янги замона ва унга мувофиқ янти тарона зарур экани тўғрисида ўйлаш бошча қўпгина шоирлар учун ҳам хос. Тўғри, бу принциплар тамомила янги, бугун ўйлаб чиқарилган принциплар эмас. Улар поэзиямизнинг кўп йиллик тараққиёти натижасида, узоқ тажрибаларнинг умумлаштирилиши туфайли шаклланган реалистик эстетик принциплардир. Аммо поэзия янги босқичига қадам қўяётган, шахсга сифини шиллиқлар ва сассиқ алафлардан халос бўлаётган бир даврда шу реалистик принципларнинг қайтадан тасдиқланишида катта маъно бер. Бу шоирларимизнинг ҳалиқ учун қамишдан бел боғлаб хизмат қилишга тайёрлигидан далолат беради. Бу бугун поэзиянинг поэзиялигини ўлчайдиган тош анча оғирлашиб қолганинг гувоҳидир.

Узбек шоирларин шеърнинг коммунизм қурилишидаги ўрни ҳақида, шоирнинг вазифаси ҳақида куйлар, эканлар, бу орзулар фақат орзуларига қолиб кетаётгани ийӯқ. Улар бу эстетик принципларга амал қилиб, актива ижод этмоқдалар, ҳар қайси шоир ўз иштидорига, ўз талантига яраша янги даврнинг руҳини, замондошларимизнинг маънавий дунёни ифодалаш учун курашмоқда. Бу хусусият бугунги ўзбек поэзиясининг ривожланишидаги асосий тенденцияга айланиб бормоқда. Поззияда замонавий руҳ чуқурлашмоқда. Замонавийликнинг чуқурлашиши, даставвал, ўзбек шоирларининг ҳалиқ ҳаётни билан алоқаси мустажхамланганда кўринади. Шоирлар ҳаётимиздаги ҳамма жиддий ва улкан ҳодисаларга шеърий жавоб беришга, шу орқали ўз муносабатларини ифодалашга ин-

тилишмоқда. Поэзиянинг қизиқиши доирасининг кенгайиши, шоирнинг ҳаётнинг ҳамма томонлари ҳақида ўйлаши, фикрлаши учун кенг имкониятлар вужудга келгани тематик диапазонни кенгайтириди. Сўнгги йиллар поэзиясида аввалги даврда қаламга олиммаган ёки кам ишланган юлгина темалар шоирларнинг диққат марказига турди. Бир вақтлар темаларни тор, шахсий интим темалар ва сиёсий темалар деб ажратиш, шунга кўра шеърларни ҳам интим шеърлар ва сиёсий шеърлар деб бўлиш расм эди. Бунда, кўпинча, икакалов бир-бирiga қарама-карши қўйилар, муҳаббат ва бошқа туйгулар билан борғлиқ бўлган темалар анча камситилар эди. Бу ижодий практикада шунга олиб келган эдикки, қаламга олиш мумкин бўлган ва четлаб ўтиш лозим бўлган темалар пайдо бўлиб қолган эди. Ижодий ташаббусиминг ўсиши, шоирнинг ҳаёт билан алоқасининг мустаҳкамланиши, поэзия имкониятларининг кенгайиши ана шундай сунъий чекланишга барҳам берди. Бу эса поэзиямиз уғишини анча кенгайтириди. Бугун биз инсон меҳнати ва муҳаббати ҳақидаги, яхшилиж ва ёмонлик тўғрисидаги, садоқат ва нафрат, дўстлик ва қардошлиж ҳақидаги шеърларни ўйлаб учратамиз. Айниқса, поэзиямизнинг жанговарлиги ошганини, унинг замон ва жаҳон олдидағи масъулияти ошганини шундан ҳам кўриш мумкини, сўнгги йилларда халқаро тематикана ўзбек шоирларининг энг муҳим темасига айланиси бормоқда. Социализм йўлидан бораётган халқларнинг ҳаёти ҳам, революционер Кубанинг тақдирини ҳам, Осиё ва Африка халқларининг колониализмга қарши мардана кураши ҳам, жаҳон халқларининг империалистларга қарши тинчлик учун олиб бораётган жанги ҳам бутун ўзбек шоирнинг диққат марказида турилти. Шоир Ҳамид Рулом колониализмга қарши мустаҳкиллик ва тинчлик учун кураш руҳи билан суторилган «Қитъалар уйғоқ» циклини яратди. Зоҳиджон Обидов ва Душан Файзиев қардош хитой халқининг ҳаётини ажет этирувчи, дўстлик ва пролетар интернационализми гояларини куйловчи шеърлар зълон қилди. Миртепмир. Зулфия ва Шукрулло ҳам шу муҳим темани бойитувчи поэтик асарлар яратиши. Мен поэзиямизнинг тематик диапазони кенгайгани ҳақида гапирап эканман, атайин халқаро тематикани, тинчлик ва дўстлик темасини алоҳида таъкидламоқдаман. Чунки бу поэзиямизнинг савиёси ошганини, жанговарлик руҳи кучайганини, жаҳон халқларининг тақдирини билан чуқур қизиқа бошлаганини курсатади. Яна шуниси қувонарлики, бундай асарларнинг ғўлчилигига ўткир сиёсий темалар шоирнинг қалби орқали ўтади, бинобарин, унинг шахсий темасига айланиси кетади. Биз кўлгина шеърларда авторчинг тинчлик ва дўстлик ҳақида самимий, юракдан чиқарим, ўз

шахсий или ҳақида гапиргандек мўйлаганини кўрамиз. Буларнинг барчаси чинакам замонавий поэзия яратиш учун зарур бўлган бир хусусиятни — шеърда шоир шахси билан тасвирланаётган объектив воҗеликнинг чамбарчаси юшилиб кетишини таъминлади.

Менимча, поэзиянинг тематикаси ҳақида гапириб, унда қаламга олинган ҳамма темаларни санаб чиқиш шарт эмас. Аммо яна бир темани таъкидламай илож йўқ. Бу — Ленин темаси. Сўнгги йилларда Ленин темаси поэзиямизнинг марказий темаларидан бирига айланиси қолди. F. Гуломнинг «Ленин ва Шарқ» китоби, Шайхзоданинг «Мен Ленинни кўрганларни кўрганман», «Ильич қалами», «Харита», «Фақат битта мустасно», «Апрель яёми», «Октябрь — Ленин демак», «Эман дарахти» каби шеърлари, Темур Фаттоҳнинг «Ленин ҳақидаги шеърлар»и вужудга келди. Умуман, буюк доҳий ҳақида анчагина янги шеър яратмаган шоир йўқ. Бу асарлар ҳаммаси бир хил савиядаги эмас, албатта. Аммо бу ўринда поэзиямизда Ленин темасининг марказий ўрин олабошлани тасодифий эмаслигини, балки адабиёт тараққиётидаги янги тенденциялар билан боғлиқ эканини қайд қилмоқчимиз. Поэзиянинг ҳаёта яқинлашиши туфайли, шоирлар дунёқарашининг ўткирлашити туфайли Ленин темаси поэзияда қонуний ўринни эгалламоқда.

Ўзбек поэзиясидаги замонавийлик фанат тематиканинг кенгайишидагина намоён бўлмайди. Замондошимиз образига қизиқишнинг кучайиши, унинг маънавий дунёсини тўла ифодалашга интилиш, ҳаёти ҳақида, инсон ҳақида ўйларнинг чуқурлашгани, поэзиянинг интеллектуал савиёсининг ортаётгани, маҳорат масалаларига жиддий эътибор берилётгани, шаблонлар ва штамплар ўринини чинакам образлилар эгаллаб бораётгани, ниҳоят, услугублар ва стилларнинг турли туман, ранг-баранг бўлиб бораётгани ҳам поэзияда замонавий руҳининг кучайиши туфайлидир.

Ҳа, бугунги поэзиямизда, янги даврнинг мусаффо шабадаларидан тўйиб-тўйиб нафас олаётган поэзиямизда изланиш руҳи ҳукмрон, унинг қалби халқа, коммунизм қурилишига астойдил хизмат қилиш иштиёқи билан тепмоқда; замонавийлик — унинг либоси эмас, қалби; у — тараққиётнинг янги побоносига дадид қадам қўйган. Бу побоносадан янги уфқлар очилади. Поэзиямиз бу йўлдан бориб, ҳаммага манзур бўладиган, бутуниттифоқ миқёсига чиқадиган, янги-янги поэтик дурдоналар яратиши мумкин.

Поэзия ни мадан бошланади?

Юқорида айтилганлардан «поэзиямиз ҳар қандай қийинчиликларни оргда қолдириб кетилти-да, энди унинг ўсишинга халақит берадиган ҳеч нарса қолмаптида» деган хуоса чиқариб бўлмайди, албатта. Биз юқорида поэзиямизнинг янги шароитдаги етакчи тенденцияларини қайд қилдик. Бу тенденциялар авайлаб парваришланса яна ривожланиши, жуда ажойиб самаралар бериси мумкин. Аксинча, уларга эътибор берилмаса, анча сусайтиб қолини ва бир қатор салбий тенденциялар ичida йўқ бўлиб кетиши ҳам мумкин. Ҳали бу ижобий тенденциялар йўлидаға бўлиб турган, поэзиямизнинг юксак чўйқиларга кўтарилишига халақит берадиган жуда кўп камчиликлар ҳам бор. Кўпинча, бу камчиликларни пайқаб олип анча қийин Бунга баъзан заиф шеърларнинг остида аточи, хизмат кўрсатган, ҳатто йирик шоирнинг имзоли тургани ҳам халақит беради, баъзан эса ўзиқимиз ҳам ўртамиёна шеърларга жуда кўнишиб жетганимиздан, «ҳа, энди шеър ўзи шунаقا бўларкан-да» деб кўя қоламиз. Ҳолбуки, ҳозир, адабиёт олдида турган вазифалар янада мурракаблашилди, янада улугвор бўлиб бораётган бир шароитда сифат масаласи биринчи ўринга чиқяпти. Аммо, афсуски, юқори сифат учун курашга халақит берадиган ўртамиёна шеърлар ҳамон пайдо бўлиб туриши. Баъзи мисоллар келтирайлик. Шоир Ўйғуннинг янги тўпламида «Олтин куз. Гўзалдир пахтазор», деб бошлинишган шеърни ўғидик.

Шеърни тажрибали одам ёзгани сезилиб туритти: вазни пишиқ, қофиялари оҳангдор, ўршида, ҳатто дурустгина поэтик тасвир ҳам бор. Аммо юқсан поэзия борми? Биринчи бандда шоир куз келгани ҳақида, пахтазорнинг гўззалиги ва пахтанинг мўллиги ҳақида хабар беради. Бу бандда ҳали бирор янгилик йўқ, бирон чуқур фикр ҳам йўқ. Кейинги бандда бу пахталар эринмай, толмай қилинган меҳнатнинг натижаси экани айтилади. Бунда ҳам ҳали бирон янти фикр, шоирнинг ўзи кўрган, бошқа ҳеч ким кўролмайдиган нарса йўқ. Пахта толмай, эринмай қилинган меҳнатнинг сараси экани ҳаммамизга яхши маълум. Кейин пахтакорга пахтанинг аҳамияти тушунтирилади — пахтанинг ҳар бир толаси давлатга давлат, ҳалиқа куч, юрга савлат қўшиши, пахта — тинчлик ишини мустаҳкамлаши айтилади. Ўлаши керакки, бу гап пахтакорга ҳам, пахта иши билан шугулланмайдиган бошқа одамга ҳам яхши маълум. Нихоят, сўнгги бобда пахтакорнинг меҳнат туфайли қора тупроқдан олтин ундиргани такрор айтилади ва унга миннатдорчилик билдирилади.

Қўрамизки, шеърда янги, чуқур фикр йўқ, пахтакор меҳнати ҳақида шоир Ўй-

гундан бошқа ҳеч ким айтиши мумкин бўлмаган бирор гап айтилмаган.

Яна бир шеър билан танишайлик, Мирмуҳсиннинг «Ирмоқлар» тўпламида «Ўзбекистон» шеъри бор.

— Узбекистон, юртим, шарқли паҳлавон —

Утмишда хор эдинг, сийнанг дилпора. Танингни чирмовиқ нағи ураган Қуллик занжирларин қилдинг чил пора.

Уч хонлик қирғини, жангут талашлар Покиза сийнангдан оқизди кўп қон. Жаллодлар қўлидан думалаб бошлар, Топтади заминни ҳар бегу ҳар хон...

Бунда ҳам қофия, вазн жойида, ўхшатиш, сифатлашлар ва ҳатто метафоралар бор. Аммо бу шеър ҳам поэзия намунаси бўлолмайди. Шоир Ўзбекистоннинг ўтмишда хор бўлгани, Октябрь туфайли эркинликка чиққани ва баҳтиёр бўлганини айтади. Тўғри фикр, аммо шу фикрни айтиш учун шоир бўлиши шартми? Бу фикр ҳам бизга аввалдан маълум эди-ку! Уни қофияланганни учунгина шеър дейишнимиз керакми?

Мен Ўйғуннинг ҳам, Мирмуҳсиннинг ҳам бутун ижоди ҳақида галираётганим йўқ, балки шу ижоди конкрет асар ҳақида фикр юритилман. Бу асарлар поэзия намунаси бўлолмайди.

«Қофияси бут бўлса, вазн жойида бўлса, умуман, маъно ҳам бўлса, яна сенга нима керак, нега бу шеърларни поэзия қаторига қўшмайсан?» дейишлари мумкин.

Дарҳаражат, нега? Назарий житобларда шеърни кўпинча ритмик жиҳатдан уюштирилган эмоционал нутқ деб атади. Бу — тўғри. Аммо шуниси ҳам тўғрики, ҳар қандай шеър поэзия бўлавермайди. Агар поэзиянинг моҳияти вазн ва туроқлардан, қофия ва аллитерациялардангина иборат бўлгандা, маълум бир маънени маълум бир оҳангда ифодалашдан нарига ўтмаганда, дунёда шоирликдан осонроқ иш бўлмас эди. Агар шундай бўлса, ўртача саводи бор, эси бутун ҳар қандай одамини бир ҳафта ўтишиб, биноидек шоир қилиши мумкин бўларди. Ўнга ҳатто чиройли ўхшатишлар, аниқ сифатлашлар, оригинал метафоралар топши йўлини ҳам ўргатиб қўйса бўларди. Ҳолбуки, ундаи эмас. Поэзия газетанинг информация жанридан фарқ қиласи. Шоирлик — инсоннинг каеб-хунарлари ичida энг қийин, мурракбларидан бири. Шоир деган одам алоҳида фикр юритиш қобилятига, шоирлик талантига эта бўлиши лозим. Талант бўлмаса, ҳар қанча урминган билан чинакам поэзия намуналарини яратиб бўлмайди. Хўш, талант нима? Санъаткорлик талантига Л. Н. Толстой шун-

дай таъриф берган эди: талант «авторнинг дидига қараб, бирон нарсага астайдил, синчилклаб, дижат билан қарай олиши қобилиятидир, бунинг натижасида шу қобилиятга эга бўлган одам дижкитини жалб қўйган нарсаларда бошқа одамлар кўрмайдиган янги томонларни кўрадиз»¹. Чинакам санъат, поэзия ҳамиша санъаткорнинг воқеалинка янгича муносабатидан, янгича қарашибдан, янгича фикрлашидан бошлиданади. Бу ўринда шуни алоҳида таъкидлаш лоэнти, албатта, бу янгича фикрлашнинг, янгича муносабатнинг мазмуни ҳам жуда муҳим аҳамиятга эга. Агар фикрлаш янгича бўлса-ю, аммо у воқеалининг муҳим, характерли томонларни очишга хизмат қўймаса, аксинча, ҳаёт ҳақида нотўғри тасаввурлар туғдирса, бу ҳолда санъат асари ўз қимматини йўқотиб қўяди. Бинобарин, воқеалинка янгича муносабат, янгича фикрлаш дунёқараш билан, санъаткорнинг ғоявий позицияси билан чамбарчас болганиб кетади. Чинакам шоир шундай шахски, у ўзининг оригинал фикрлаши билан, предметларга янгича муносабати билан илгор, прогрессив дунёқарашдан келиб чиқиб, бизга воқеалининг энг муҳим томонларини, биз кўргатан ёки кўролмайдиган томонларини очиб беради. Чинакам шоир биринчи наебатда мутафаккирдир, ҳаёт ҳақида фикрловчи, унинг устидан ҳукм чиқарувчи философидир, чинакам поэзия эса ҳамма вақт ҳис-туйғуда айланниб кетадитан фикрдан ёки фикрга айланган ҳис-туйғудан иборатдир. Чинакам поэзия ҳамиша чуқур фалсафий умумлашмаларга бой бўлади. Бу умумлашмаларнинг формаси ҳар хил бўлиши мумкин, ундан қатъни назар, агар умумлашма бўлмаса, шеър шунчаки шеърлигича қолиб кетаверади, поэзия намунасига айланмайди. Бу фикрни исботлайдиган жуда кўп миссоллар келтириши мумкин. Қўйидаги шеърга эътибор беринг. Уни ёш шоир Эркин Воҳидов ёзган. Шеър «Пўлат» деб аталади:

У даставвал ойболта бўлди,
Сўнг замбарақ бўлиб қўйилди.
Қилич ҳам у, милтиқ ва наган.
У бомба ҳам бўлиб портлаган.
Лекин олган жаҳонни фақат
Перо бўлиб қўйилгач пўлат.

Шеърда бирон оригинал ўҳнатиши ёки сифатлаш йўқ, охирги иккى мисрадаги метафорани айтмасак, унда поэзия образ деган нарсани тополмайдимиз. Аммо шунгага қарамай бу шеър чинакам поэзия сафига қўшилади. Чунки у бошдан-оёқ образли фикрлаш асосига қурилган. Шоир пўлат ҳақида гапиради, унинг шу пайтгача бизнинг эътиборимиздан четда қолган хусусиятларини топган ва бу ку-

¹ Л. Толстой. Адабиёт ҳақида, М. 1955, 202-бет.

сусиятларни шундай тасвирлаганки, натижада инсонни улуғлайдиган, унинг кутичига ишонч билан сугорилган, тинчликни, ижодни, яратишни тасдицлайдиган умумлашма образ вужудга келган.

Хуллас, образли фикрлаши санъатнинг бошқа турлари каби поэзия учун ҳам жуда зарур ва муҳим гап, у поэзиянинг ҳам спецификасини ташкил қиласди..

Биз санъатнинг бошқа турлари билан бир қаторда поэзияни ҳам коммунистик жамият қурилишида, янги одам тарбиялашда муҳим қурол деб атаемиз. Бу жуда тўғри. Аммо ижодий практикада кўпинча шу қуролдан тўғри фойдаланиши йўлини билмаймиз, унни бир томонлама қўллаймиз. Айрим шоирлар шеърда ўқувчига бевосита насиҳат қўймасанг, унинг тарбиявий аҳамияти юлмайди деб туушунса керак. Бунинг натижасида буғунги поэзиямизда жуда кўп дидактик шеърлар пайдо бўлган. Мана, Назарматнинг «Чинор» шеъри. Шоир бир жойда сарвқомат (?), серсоя чинорни қўради-ю, унга маҳлиё бўлиб турганда, чой кўтарганди бир деҳқон келиб қолади. У шоирга (ўқувчига) насиҳат қиласди:

Үғлим, билгин, дарахт умр йўлдоши.
Хизмат қилиар инсон учун ҳар кўчкат.
Қадим ғаҳтдан чинор элда машҳурдир.
Қўпайтирдим, неча минг тупга етар.
Унса, юргда мендан қолган умрдир,
Авлодларга ёзда роҳат баҳш етар.

Кейин шоир чолга (яна ўқувчига деяверинг) гап уқтиради:

Чолга дедим:— сиз энкан бу кўчтлар,
Қад қўтариб, ясантирап дийрни,
Уссин бу ерларда неча юз йиллар,
Қанот ёзиб, яшнаб кутсин баҳорни.

Сиздан ёдгор қолса, асрлар ўтиб,
Юрт унутмас, сизни, ота, ҳеч ҷаҷон!

Шундай қилиб, бу ерда ҳамма гап кўчкат экишининг яхшилиги ҳақида кетяпти. Борингки, шеърнинг ғояси бу фикрдан кенгроц ҳам бўла қолсин (юртингга сендан ёдгор қолса, юртинг сени унутмайди) аммо бу ғоя шеърда сира очилматаш-ку! Шоир насиҳат қилишдан нари ўтмайди. Насиҳатгўйлик, дидактизмга бериллиши қўлгина шеърларнинг ҳуснига дор бўлиб тушяпти. Бир шеърда шоир пахтакорга агротехникага амал қил, техникадан фойдалан, меҳнатни ўринлатиб қилиб, ҳосилни мўлжалӣ эт, кейин яхшилаб териб ол, деб насиҳат қиласди, бошинасида бинокорга гишти пишик ташла, курган бинонг чиройли ва мустаҳкам бўлсин деб уқтирилади, учинчисида, ишчига становинг олдида маҳкам тур, дейилади ва ҳоказо. Эҳтимол, мен бу ўринда бир оз маҳоба қилаётгандирман, лекин масаланинг моҳияти шу. Дидактизмнинг кенг тарқалганига сабаб санъатнинг, поэзиянинг одамларга қайси йўл билан

таъсир қилишини ҳисобга олмаслик на-
тикасиdir. Поэзия одамнинг ҳисларини
тарбиялайди, унинг маънавий дунёсини
бойтади, шу орқали унда гўзаллик туй-
гусини уйотиб, характерини шакллан-
тиради. Агар биз поэзиянинг чинакам
қурол бўлишини истасак, унинг одам-
ларга таъсир кучи ортишини иста-
сак, дидактизм ва қуруқ насиҳатгўйлик-
дан тамом воз кечишимиз керак. Ҳаёт
ҳодисаларига янгича қараш, уларнинг
ҳеч ким кўрмаган томонларини кўра олиш
талаби шоирга, санъаткорга ҳамма вақт
изловчи, қидирувчи бўлишини тақозо
қилади. Фақат шу йўсунда қашф қилин-
ган янгиликларгина ўқувчига таъсир
кўрсатиши учун изловчи бўлиши, унинг
асарлари изланишдан иборат бўлиши
лозим. Агар у ҳамма жумбоқни ҳал қи-
либ бўлган бўлса ёки ҳамма нарсани
билиб бўлган бўлса, у ўргатса ёки атайин
эрмак бермоқчи бўлса, у таъсир кўр-
сатмайди. Фақат у излангандағина ўқув-
чи, тингловчи, томошабин шу изланиш-
ларда у билан бирекиб кетади¹.

Бугунги ўзбек поэзиясида биз ўткир
ва оригинал фикрнинг натижаси ўлароқ,
ҳаётта янгича муносабатнинг самараси
ўлароқ түғилган изловчан, ижодкор
шеърларни кўплаб учратамиз. Бундай
асарлар Зулфия, А. Мухтор, Шуҳрат,
Шурилло, Жуманиён Жабборов наби
шоирларнинг, Эркин Воҳидов, Теша
Сайдалиев, Охунжон Ҳакимов наби шеъ-
ларнинг ижодида кўп учрайди. Доимий
изланиш руҳи, ҳар бир шеърда бирон
янгилик қашф қилишга интилиш руҳи,
айниҳса Миртемир шеърида кучли.
Унинг янги тўпламига кирган шеърлар
бунинг далили бўла олади. «Лара»,
«Қалдирғоч», «Онагинам», «Киррикли-
рим», «Қирғизистон», «Мен сени...» ка-
би шеърлар ана шундай асарлардандир.
Аммо бугунги поэзияда ана шу изланиш
ва қашфиёт руҳидан маҳрум бўлган
асарлар ҳам кўп учрайди. Бундай асар-
лар кўпинча баёнчиликдан нари ўтмайди.
Уларни изловчи поэзия эмас, балки
қайд қилувчи поэзия деб аташ мумкни.
Дуруст-дуруст шоирлар ҳам баъзан ўз
ижодида мана шундай шеърларга ўрин
беришади. М. Бобоевнинг «Янgra, ру-
боб» тўпламида «Кент уфқлар» шеъри
бор. Унда шоир «Алижон» қишлоғининг
ўтмишини ва бугунини тасвирлайди.
Ўтмиша у уйлари нураб ётган, ҳар
муюшида гўнг уюб қўйилган, гадойла-
ри кўп, қизалоқлари озғин, дехқонларин-
инг юзи заъфарон, пахса деворлари

¹ Л. Н. Толстой. Тўла асарлар тўпла-
ми, 1954, 74-бет.

қийшайган, сўфиси йиглагандай асон ай-
тадиган бир қишлоқ бўлган экан. Ҳо-
зир — тўрт томони пахтазор, тракторла-
ри кўп, Ўзбек денгизи деган денгизи бор,
мактабларида болалар мазза қилиб ўқий-
ди, колхозчиларниг уйларида электр.
Хуллас:

Фаровон, тўқ ва шўх бу наслларнинг
Қўллари қудратли, ҳар ишга моҳир.
Ўтмиша ҳақ гапни сўзлаган шоир,
Обод қишлоқларни энди кўрсайдинг...
Булар ҳали ишнинг бошланишидир,
Умид-орзуяларнинг уфқлари кенг!

Ҳамма гап шу! Бу шеърда қандай из-
ланиш бор? Шоир нима янгилик топол-
тан? Шу ўзгаришининг қандай янги то-
монини очган у? У орқали қандай умум-
лашма чиқарган? Бу саволларга жавоб
бериш қийин. Шоир жуда осон йўлдан
borgan: у ўтмиши эслатади-ю, бугунги
ҳаёт белгиларини қайд қилади-қўяди.
Гўёки шу билан чинакам поэзия яратил-
гандай... «Янgra, рубоб»даги «Инсон»,
«Ўқитувчи Муҳаррам», «Катта куч»,
«Чинорлар ва боғлар» каби шеърлар
ҳам ана шундай. Қуруқ баёнчиликка,
тавсифга интилиш, поэтик қашфиётлар
ўрнига ҳаётый фактларни қайд қилиш
билан чекланиш Шуҳрат, Жуманиён
Жабборов, Назармат каби шоирларда
ҳам тез-тез учраб туради. Бу тенденция
поэзиямиздаги яна бир жиҳдий камчи-
лик билан боғлиқки, у иллюстрациячи-
ликдан иборатдир. Иллюстрациячилик
поэзиянинг бадиийлигини туширадиган,
уни қаонотдан маҳрум қилиб, риторика
ва декларацияга айлантирадиган иллат-
лардан бири. Унинг маъноси шуки, кў-
пинча шоир бирон тўғри фикрни тайёр-
лигича олади ва уни исбот қиладиган
ёки унга иллюстрация бўладиган бирор
воқеани қофиялайди. Бу камчилик, ай-
ниҳса, сиёсий жиҳатдан жуда муҳим те-
маларда — Ватан ва меҳнат, партия ва
тинчлик наби темаларда ёзилган шеър-
ларда кўп учрайди. Афтидан, бизнинг
ижодий практикамизда ҳамон партиявий-
лик, халқчиллик каби муҳим хусусият-
ларни бир томонлама, жўн тушуниш
мавжудга ўхшайди. Ҳолбуқи, поэзия
фақат мадҳия билангина ўз мақсадига,
ўқувчига чуқур таъсир кўрсатишга му-
ваффақ бўлолмайди. Энг муҳим тема-
ларда ёзганда ҳам поэзиянинг асосий та-
лаби — образли фикрлаш, теманинг ян-
ги томонларини топиш, изланиш туфай-
ли қашфиёт яратиш талаби ўз кучини
сақлаб қолади. Шу йўлдан борган шоир-
лар бу темаларни яратишда катта му-
ваффақиятларга эришадилар. Ҳусниддин
Шариповнинг «Партия билети» деган
шеъри бор. Мен уни шеъриятнинг му-

каммал намунаси деб айтмолмайман. Аммо унда мұхым темани иллюстрация орқали әмас, образлилек орқали ечишга интилиш бор. Жангчи жанг арағасида партияга киради, кейин жангда құлдан ажрайди. Шоир шу фактни тасвирлаб, кейин бадий умумлашма беради:

Қийналмай топар у, үқиб берар ёд.
Умр китобининг ўша бетини:
Құлдан ажрабди-ю боғлабди канот
Күргагига босиб партбилетини.

Шоир Шукрулло ҳам «Фахрий қоровул» шеърида қуруқ маджиябозлин йүлдан бормай, жуда кучли умумлашмага әга бұлган асар яратған. Шоир Қызил майдондан ўтгани ҳақида ҳикоя қиласы. У Мавзолей олдидә фахрий қоровулни, уларнинг алмашып туришини құрады, аммо буюк Ленин қабрини зиёрат қилувчи халқ Мавзолей олдидан сира арнайды. Шоир бундан поэтик холоса чиқаради:

Ха, фахрий қоровул қўймаслик
Мұмкин,
Иккى солдат халқнинг вакили
лекин —
Улар иккى әмас, йўқ минг-минг нафар,
Йўқ, ундан ҳам ортиқ, ҳар кун, ҳар
саҳар
Мавзолей олдига қўйган чамбаргул
Жаҳон халқин ўзи фахрий қоровул!

Мана бундай образлилек туфайли биз Лениннинг буюклигини аниқроқ қўрамиз, қўрамизгина әмас, ҳис ҳам қиласиз, шоир жаҳон халқнинг буюк инсонга мұхаббатига бизни ишонтиради. Биз шеърдан чуқур маъно тұлмиз ва эстетик завқ оламиз. Иллюстрациячилек йўли билан борилганда эса ҳамон ўзимиз билган ҳақиқатларни яна бир бор эслагандай бўламиз, холос. Фафур Гуломнинг «Ленин ва Шарқ» тўпламида қўлгина яхши шеърлар бор. Шоир ўзига хос оригинал талант билан буюк ва мураккаб темани очади. Аммо шу билан бирта унда иллюстрациячилек йўли билан ёзилган шеърлар ҳам учрайди. Масалан, «Ленин офтоби» шеърини олиш мумкин. Шоир инсоннің эрк жумбогини ечиб берган бирдан-бир таълимот Ленин фалсафаси, Ленин офтоби деган тўғри фикрни олади-ю, шеърнинг ҳамма бандларида шу фикрга иллюстрация беради ёки уни шарҳлайди.

Иллюстрациячилек, Ғайратий, Ҳолид Расул, Ўтири Рашид ижодида ҳам кўп учраб туради.

Поэзия ҳам, умуман санъат каби, во-

қелипни қўзгу янглиғ фақат устки томондан әмас, балки унинг моҳиятини акс эттиради. Поэзияни ҳам, биринчи навбатда, инсон тақдирини қизиқтиради. Шу маънода поэзиядаги замонавийлик — қундалик ҳодисаларга бевосита поэтик жавобгина әмас, балки ҳаётин тенденцияларнинг, процессларнинг ичиғига, моҳиятига кира билиш ҳамдир. Поэтик образ ҳам, умуман бадий образ каби конкрет, индивидуал, ҳиссий формада воқееликнинг мұхым характерли томонларнини ифодалайди, бинобарин, поэтик образ дүнёни билдинга шу орқали уни ўзgartириншга хизмат қиласы. Тавсиф, дидактикалык, иллюстрациячилек поэзияни энг мұхим нарсадан — образлилекдан маҳрум қилиб, унинг дүнёни билишдаги ролини ҳам, таъсир кучини ҳам пастга туширади. Машыда ишлатиладиган милтиқларнинг стволи тешиб қўйилади, улар — қўринишга милтиғу, лекин отишга ярамайды, қуроллиқ кильмайды. Дидактикалык шеърлар, тавсифий шеърлар, иллюстрация шеърлар ҳам маңа шунақа милтиққа ўхшайды. Улардан қурол ўрнида фойдаланиш қийин. Поэзия чинакам гоявий қурол, тарбия воситаси бўлиш учун таъсир кучига әга бўлиши керак. Таъсир кучи эса унинг ҳаёт мөҳиятига нечоғлиқ чуқур кира олишига боғлиқ. Бу тўғрида немис шоири И. Бекер яхши айтган эди: «Адабиёт даврининг энг мұхим тарихий проблемаларини құдратли эътиқод билан ифодалаганда ва шу йўл билан миллат онгининг ўсмишига ҳамда миллатнинг тараққийсига ёрдам бергандағина таъсир кучига, құдратли ҳукмга әга бўлади. Адабиётда халқнинг энг яхши хислатлари ифодалапганда ва шу орқали у одамларни тарбиялаганда, характерларни шакллантирганда, адабиёт құдратли кучга әга бўлади!»¹ Бунга эса поэзиядаги образлилекни ривожлантириш орқалигина эренилади. Хуллас, ҳар қандай шеър қоғииси ва вазни, турғиғи ва банди жойида бўлганни билан поэзия бўлавермайди. Чинакам поэзия билан назмбозликни бир-биридан иескин фарқ қўлиш жеради. Поэзия — талантдан бошланади. Талант эса ҳаётнинг ҳеч ким қўрмаган томонларини қўра олиш, у орқали воқееликнинг мұхим томонларини ифодалай олиш, даврининг катта проблемаларни күтариб чиқа олиш қобилиятыдир. Поэзиядаги образлилек фикрни тेरанлик билан, ҳаётга янгича муносабат билан, шу муносабатни ёхтиросли формада айтиш билан чамбарчас боғлиқ нарса.

Поэзиянинг бағри кенг...

Поэзиянинг бағри кенг... У бутун ҳаётин қамраб олади. Ҳаётдаги ҳамма нарса — катта тарихий ҳодисалар ҳам, бир шахснинг севинчи ҳам, улкан ГЭС-нинг қурилиши ҳам, дengiz тўлқинлари-

нинг мавжи ҳам, космосга парвоз ҳам, теримчининг пешона тери ҳам, олимнинг

¹ И. Бекер. Поэзия химоясига. М. 1959, 207-бет.

кашфиёті ҳам, одам умридаги илк бўса ҳам, туғилиш ва ўлиш ҳам, яхшилик ва ёмонлик ҳам поэзияга манба бўлади. Хуллас, ҳаёт ўзининг чексиз ранг-баранглиги, чексиз хилма-хиллиги, қирралари, мураккаблиги билан поэзиянинг асосий предметини ташкил қиласди. Поэзияда, лирикада буларнинг ҳаммаси лирик қаҳрамон орқали, унинг қалби орқали ифодаланади. Лирик қаҳрамон эса шеърда, поэзияда шоирнинг ўзи... Шу ўринда андан тўхтаб, бу нозик масала атрофида айтилаётган баъзи бир фикрларни ўйлаб кўрайлик. «Лирик қаҳрамон нима ва у қандай ифодаланади?» деган масалада жуда узундан-узун тортишувлар бўлган. Баъзилар «лирикада шоир ўз қалбини ифодалайди», деса, баъзилар уларга қарпин чиқиб, «сен субъективизми тарғиб қилияпсан, шоир лирикада ўз қалбини эмас, ҳалқ қалбини ифодалайди» дейди. Менинг назаримда ҳозиргача ҳам бу тортишувлар гоҳ оловдай жўш уриб, тоҳ пасайиб турнилти. Бу масала соғи назария масаласи бўлганда, уни четлаб ўтиб кетиш мумкин бўлар эди, аммо у қундалик ижодий практика билан мустаҳкам боғланган. Дарҳақиқат, шоирга, «сен ўз қалбингдагини ёзма», деб айтилса, лириканинг характеристи тамом ўзгариб кетиши мумкин. Мен бу масалани ҳал қилиб бермоқчи эмасман, фақат баъзи бир чигал фикрларга тўхтаб, ўзимнинг баъзи мулоҳазаларини айтмоқчиман. «Шарқ юлдузи» журналида (1961 йил, 9-сон) С. Мамажоновнинг «Поэзияда лирик қаҳрамон масаласи» деган мақоласи босилиб чиқди. Автор лирик қаҳрамон—шоирнинг ўзи эмас, деган тезисни исбот қилимоқчи бўлади. Унинг фикрича, шеърларда кўп учрайдиган «мен» умумлашган бадний образ, уни шоир шахсига тенглаштириш мумкин эмас. Лирик шеърда шоир «мени»дан ташқари лирик персонаж ҳам бўлиши мумкин (машҳур Назир ота). Бу фикрлар, биринчи қарашда, анча тўғрига ўхшайди. Аммо мақолани синчилкаб ўқисак, унда қарама-қаршиликларга дуч келамиз. Бу қарама-қаршиликлар лириканинг спецификасини инкор қилишга олиб бориши мумкин. Автор мақоланинг бошида ёзди: «Лириканинг асосига шоирнинг субъективни (шахсини деб ўқиш мумкин — О. Ш.) қўйиш лириканинг кенг қанот ёзиб учига, қайноқ ҳаётдаги катта воқеаларни ифодалашига сунъий тўсик бўлур эди. Агар Навоий, ёки Пушкин, Шевченко ёки Маҳтумкули, Маяковский ёки Ҳамза поэзиясининг асосига фақат уларнинг шахсий кечирма ва қарашларигина бўлиб, ўзлари яшаган даврдаги синфларнинг фикр-ўйлари кечинмалари, орзу-умидлари ифодалашмаганда эди, ҳалқ уларни севиб удуғламаган бўлар эди» Бундан автор «лирик қаҳрамон шоирнинг айнан нусхаси эмас, балки адабиётнинг бошда жанрларида бўлгани каби типик образдир, лириканинг ўз қонун-

қондаси, табиати ва хусусияти асосига яратилган бадний образдир» деган хулоса чиқаради. Аммо орадан кўп ўтмай автор ўзининг бу фикрларига қарши чиқа бошлайди. У ёзди: «Шеърда бевосита биринчи шахса «мен» номидан гапирилганда ҳам, иккинчи шахс — «сен» ҳақида сўз боргандা ҳам, ҳатто кичик воқеа асосига яруслиб, бирор маълум шахс ҳақида ҳикоя қўйувчи шеърда ҳам шоирнинг фикри ва кечирмалари бевосита ва билвосита берилади, едириб юборилади. Бусиз шеър яратилмайди. Шоир қалби ва қони (субъекти ёки шахси деб ўқиш мумкин — О. Ш.) қўшилмаган шеър шеър эмас». Демак, шоир шахсини лирика асосига қўйиш мумкин эмас, бу лирика имкониятларини торайтиради, айни чоқда шоир шахси «қўшилмаган» шеър-шеър эмас. Бу чигалликнинг маълум сабаби бор. Унга ўтмасдан аввал, Мамажоновнинг мулоҳазаларидаги бир ўринли фикри таъкидлаш лозим. Дарҳақиқат, шеърда шоир «мен» номидан гапириган бўлса, бу «мен» — шоирнинг айнан ўзи деб бўлмайди. Ҳақиқатан ҳам, лирик шеърдаги қаҳрамон, агар лирик шеър чинакам бадний асар бўлса, типик, умумлашган образ бўлади. Шундай бўлтач, бу гапларни қандай келишириш мумкин? Менингча, С. Мамажонов иккита масалани — лириканинг обьекти, предмети ва бу обьектни ифодалаш масаласини аралаштириб юборган. Бошқача айтганда, «Лирика нимани ва қандай тасвирлайди?» деган масала аралашиб кетган. Шундан, бояги қарама-қарши фикрлар туғилган. Шундан автор, Пушкинлар шахсий кечинмаларини ифодалаган деган гапни айтвoriшдан ҳадисирайди. Ҳолбуки, ҳадисирайдиган жойи йўқ. Поэзиянинг бағри кенг... У, боя айттанимиздек, ҳётнинг ҳамма томонини қамраб олади. Бу жиҳатдан, лириканинг ҳам, драманинг ҳам, эпоснинг ҳам обьекти бир — реал воқеелик, олам. Уларнинг ҳар қайсиси алоҳида-алоҳида обьектга эга бўлиши мумкин эмас. Аммо уларнинг ҳар қайсиси шу битта обьектни ўз йўли билан, специфик воситалар билан ифодалайди. Лириканинг хусусияти шуки, унда воқеелик албатта шоир шахси орқали, қалби, кечинмалари орқали ифодаланади. Лирикада ҳамма вақт исқита нарса бор — шоирга таъсир қилаёттан, унинг фикрини, ҳис туйғуларини қўзғаттган обьект ва шу обьектни қабул қилаётган, унинг бирор муҳим томонини жўраётган, унинг устидан ҳукм чиқараётган субъект бор. Шоир шеърда обьектив борлиждан (у ранг-баранг ва хилма-хил) олган таассуоти, кечинмаларини, фикрларини ифодалайди, унинг устидан ҳукм чиқаради, шу ўйлар, ҳислар, фикрлар, ҳукмлар орқали биз даврнинг муҳим томонларини билib оламиз, замондошлиаримизнинг характеристи билан танишамиз, ҳаёт

ҳақида ўйлашни, ҳис қилишни ўрганимиз. Бинобарин, шоирнинг ҳислари қанча жўшқин бўлса, фикрлари қанча салмоқли ва чуқур бўлса, шунча яхши. Бинобарин, шоир шахси қанча бой бўлса, унинг қалби қанча кеңг бўлса, юраги қанча саҳий бўлса, шунча яхши, унда у замонамиз мөҳиятини ҳам, замондошимизнинг бой ва кўп қиррали руҳий дунёсини ҳам шунча тўла ва мукаммал ифодалай олиши мумкин. Шеърда Назир ота тиғидаги қаҳрамон бўладими йўқми, ёки шоир ҳамма гапни биринчи шахс номидан айтадими—бунинг аҳамияти йўқ. Энг муҳими — шоир шахсининг бой ва кўп қиррали бўлишида, токи у орқали биз дунёни, ҳаётни мумкин қадар кўпроқ ва чуқурроқ кўрайлик. Ундан бўладиган бўлса, «лирик қаҳрамон»ни нима киламиз? Нима қилар эдик. Лирик қаҳрамон — шоирнинг ўзи бўлади-да! Агар истамасангиз, бу терминдан бутунлай воз кечиш мумкин. Аммо лирикан спекификасидан маҳрум қилиб, ҳар бир шеърда шоир «мени» билан бирга яна бир лирик қаҳрамон ва ҳатто яна битта лирик персонаж ўйлаб чиқариш учун зарурят йўқ. Бусиз ҳам мураккаб масалалар кўп.

Хозирги ўзбек поэзиясининг характерли хусусиятларидан бири шундаки, унинг марказий образи — коммунизм қураётган бугунги совет кишиисининг образи бўлиб қолди. Бу ўринда, албатта, поэзиянинг қаҳрамони ҳақида гапирганди, юкоридаги мудоҳазаларни эсда тутиш лозим. Лирик шеърда замондошимиз образи ўзига хос йўл билан ифодаланади. Шоир лирик шеърда замонамиз қаҳрамонлари образини яратар экан, албатта, шахтёр ва метачлургнинг, пахтакор ва боғбоннинг, сувчи ва тракторчининг, олим ва студентнинг, геолог ва солдатнинг, қўйингчи, коммунизм қурилишининг конкрет участкаларида ҳормай-толмай меҳнат қилаётган ҳамма касб-хунар эгалари нинг бутун ҳаётини тўла чизиб бериши шарт эмас. Ҳаётда ҳунарлар, касблар жуда кўп. Шоирнинг вазифаси ҳар қайси ҳунар кишиларининг ҳаётини муҳаррар пар чизиб бериши эмас. Аксинча, поэзияда замонамиз қаҳрамони образини яратиш ҳақида гап кетганди, биринчи нағбатда, шоир коммунизм қурувчисининг ички дунёсини, ўй ва фикрларини, тўғуру ҳисларини қанчалик чуқур очиб берадиганини ба бу орқали бугунги ҳаётнинг янгилигини, унинг етакчи тенденцияларини қанчалик чуқур идрорк этаётганини кўзда тутиш керак. Шу түктаи назардан қарасан, бугунги ўзбек поэзиясида муайян ижобий сифатлар мавжуд эканини кўрамиз. Шоирлар совет кишииси яратадиган ҳамма янгиликларга, унинг қаҳрамонлигига, фидонорона меҳнатига шеърий жавоб берилга интилмоқда. Энг яхши шеърларда бу жавоб қуруқ информа-

ция ва баёпчиликдан иборат бўлиб қолмай, кўпинча жиддий умумлашмалар даражасига кўтариляпти.

Сўнгги йиллардаги поэзиямизда инсон ва унинг тақдирни масаласига, унинг ички дунёсига эътибор тобора кучайиб бормоқда. Бу, бир томондан, шеърлардаги психологизмни кучайтираса, иккинчи томондан, поэзиядаги реализмнинг чуқурлашишига ёрдам бермоқда. Инсоннинг ички дунёсига эътиборнинг кучайиши тасодифи эмас, балки совет адабиётининг мөҳияти чуқурлашгани туфайли вужудга келган тенденция. Бу тенденция кўпчилик шоирларнинг изодига хос бўлиб, поэзияда шоир шахсининг янада тўлиқроқ, қабариқроқ ифодаланишига йўл очмоқда. Мана, Ҳамид Ғуломнинг «Қитъалар ўйғоқ» цикли. Бу цикл камчиликлардан холи эмас. Унинг ютуқ ва камчиликлари матбуотда кўрсатилди (С. И. Липкиннинг «Литературная газета»даги мақоласига қаранг) ва мен унга тўлза қўшиламан. Аммо, айни чоқда, циклда Липкин эътибор бермаган баъзи Сир ижобий тенденцияларга диққат қилиш керак. Шоир колониализмни қоралайди, ҳалдларнинг тинчлини учун курашини улуглайди, озодлик ва мустақиллик учун бош кўтарган ҳалдларга самимий муҳаббат изҳор қиласди. Биз бу цикл орқали турли қитъалардаги ўйғонишини, курашини аниқ кўргандай, юрагимиз курашлилар юраги билан баробар тепгандай бўлади. Аммо энг муҳими — узарининг лирик қаҳрамонида пассия қузатувчини эмас, эҳтироси ва жўшқин жангчини, зулмат ва жаҳолатга қарши оташия курашчанини, нафрат ва муҳаббат билан сурорилган қалб эгасини, хуллоси бугунги олижаноб, гуманист, пролетар интернационализмига содиқ, пок қалбли, ҳаётга актив муносабатда бўлувши совет кишиисини кўрамиз. Шоир бунга тасвириланадиган ҳодисаларга ўз қалбина, ўз ҳаётини дадил аралаштириб юборки орқали эришган. Циклдаги энг яхши шеърлардан бири — «Эвакуация кўприги». Шеър кўпик ҳақида, аммо:

Мавзу бўлмас эди кўпик шеърга,
Агар ўрнашмаса қалба, шуурга.

Шоир кўримсизгина бир кўпик ҳақида гапиради — у эвакуация кўприги экан — у арабларга жуда азиз, чунки инглиз мустамлакачилари шу кўпик орқали Мисрни бўшатиб чиқиб кетишиган. Шоир кўпик ва кўприклар ҳақида ўйлаб кетади, унинг ҳаёлида бутун Африкадаги кўприклар гавдаланади; уларнинг ичидаги қанча-қанча берк кўприклар, ерли ҳалқ ўтолмайдиган кўприклар бор. Шу тариқа шоирнинг поэтик ҳаёли туфайли кўз ўнгимизда ёрқин ва конкрет образ пайдо бўлади; бу поэтик образ — шоир кўзи билан кўрилган кўпик образи кучайиб боради. Унда мустамлакачиликка қарши норозилик ҳам, Африка

халқларининг батамом озод бўлишига ишонч ҳам яхши ифодаланган.

Шуҳратнинг «Кавказ дафтири» цикли мазмуни жиҳатидан ҳам, бадий хусусиятлари жиҳатидан ҳам Ҳамид Гулом шеърларидан фарқ қиласди. Аммо Шуҳрат шеърларидаги лирик қаҳрамонда ҳам биз характеристи совет ҳокимиятий йилларида шаклланган, халқлар дўстлигини муқаддас билувчи, ҳаётни ва муҳаббатни улуғловчи, шу сифатлари билан бизнинг қалбимизни ҳам чароғон килувчи замондошимиз образини кўрамиз. Шу тариқа шеърда шоир шахснинг тўла ва мукаммал ифодаланиши замонамиз кишиси учун типик бўлган маънавий хислатларни ёрқин акс эттиришга йўл очади.

Поззиямиз қаҳрамони ҳақида гапиргандা, яна икки муҳим моментни қайд қилиш лозим. Булардан биринчиси, шеърларнинг интеллектуал дараражаси чуқурлашиб бораётганидир. Бошқача қилиб айтганда, ҳозирги шеърларнинг лирик қаҳроғони ҳаёт тўғрисида, одам ҳақида кўпроқ ўйладиган бўлиб қолди, ўйлаганда ҳам юзаки эмас, анча чуқур ўйладиган, доно фикрлар айтадиган бўлиб қолди. Бу — жуда яхши.

Баъзилар поэзиянинг интеллектуаллиги деганда ғоят мураккаб ташбеҳларни, тушуниш қийин бўлган поэтик образларни, бениҳою мавқум фикрларни тушунишади. Менингча, бу тўғри эмас. Чинакам интеллектуаллик ҳаёт ҳақидағи мулоҳазаларнинг чуқурлиги ва оригиналлигига кўринади. Интеллектуалликнинг чуқурлашиши поэзияда фалсафий лириканинг кучайишига, ўтқир умумлашмаларнинг кўпайишига сабаб бўляпти. Шундай умумлашмаларга интилиш шоир Теша Сайдалиевнинг шеърларида кўп учрайди. Мана бир шеъри:

«Янги меҳмон келди дунёга»—
Кулиб дединг:—«Бўлсин муборак».—
Тўлса ҳамки кўзим зиёга,
Бу сўзингдан қонмади юрак.
О, ҳамшира!
Туғилган ўғлон—
Ўғлим отин қўяман Бунёд.
Дунёга у эмасдир меҳмон,
Уникидир бу ер, бу дунё.

Биринчи қарашда шеър оддий шеърдай кўринади-ю, аммо унинг замирида чуқур ҳаётин маъно бор — шоир инсоннинг яшаш ҳуқуқини тасдиқлади, унинг бутун ер юзининг хўжайини эканини, оламдаги неки бор, ҳаммаси инсон учун эканини таъкидлайди. Бу хусусият Миртемир, Шайхзода, Зоҳиджон Обидов, Эркин Воҳидов, Сайёр, Азиз Абдураззок каби шоирларнинг ижодида ҳам кўп учрайди.

Замонамиз қаҳрамони масаласидаги иккинчи муҳим момент шундаки, шеърларда гўзаллик туйғуси тобора биринчи ўринга чиқиб боряпти. Бу ҳам тасодифий эмас, балки сўнгги йилларда

бизнинг жамиятимиизда шахснинг ҳар томонлама ўсиши учун имконият кенгагани туфайли, совет кишисининг маънавий дунёсида юз берган ўзгаришлар туфайли вужудга келди. Бошқача бўлиши мумкин ҳам эмас. Чунки коммунизм — гўзалликдир. Бу жамиятни қурувчи инсон ҳам гўзал ва у гўзалликнинг энг зукино заршуноси. Сўнгги йилларда эстетика проблемаларининг ҳамманинг эътиборини жалб қилаётгани ҳам бекиз эмас. Хуллас, шоирлар ҳаёт ҳақиқатига амал қилиб, бугун совет кишиси образини яратар эканлар, унинг ўсиб бораётган юксак эстетик дидига, гўзаллик туйғусига алоҳида эътибор бермоқдалар. Бу тенденция шеърларда меҳнат гўзаллигини, инсон гўзаллигини, ҳаёт гўзаллигини тасдиқлаша формасида намоён бўлаётir. Айниқса, кўргина шоирлар республикамизнинг қиёфасини тасвирилаш орқали ҳаёт гўзаллигини тасдиқлашга интилади. Бу жиҳатдан М. Бобоевнинг «Богистон» шеъри характерлидир. Бу шеърдан совет кишисининг ҳаётга муҳаббати, оптимизми барқ уриб туради. Шоир Шуҳрат эса бир қатор шеърларида инсон фазилатларининг гўзаллигини, вафо ва садоқатининг гўзаллигини ифодалайди. «Умр йўлдошимга» шеърида шоир шу туйгуни ифодаловчи ғоят самимий мисралар тизган:

Ёшлигим тонгига сени учратдим,
Шу,— дедим,— кўксимда ёруг
юлдузим,
Умримни гул каби қўлингга тутдим,
Эй, умр йўлдошим, қуралай кўзим.

Бу мулоҳазаларнинг барчasi поэзияда замондошимиз образини ишлаш анча чуқурлашиб бораётганидан далолат беради. Аммо бу соҳада ҳали жиддий камчиликлар ҳам бор. Ҳамма камчиликларни санамай, фақат иккита муҳимига эътиборни жалб қилмоқчиман. Булардан биринчиси — жонли инсон туйғуларини, ҳис-ҳаяжонларини, фикрларини ифодалашдаги примитивлик. Бу камчилик шоирнинг замондошларимиз характеристини ва ҳаётини яхши билмаганидан, улар ҳақида чуқур ва маъноли гап айтишга интилмаслигидан келиб чиқади. Бундай ҳолларда шоир, кўпинча, бирор ҳаётий фактни олади-ю, «Оҳ, қаранг, қандай яхши» дейишдан нарига ўтмайди. Ёки шеърларидаги кечинмалар жуда кўп учраган, кўп айтилган эски кечинмалар бўлади. Бу камчилик, айниқса, Мирмуҳсин шеърларида кўп учрайди. Мана, унинг «Ишчилар» шеъридан бир парча:

Оддийгина костюм ичра тепадек
сийна турар,
Мускуллари ўйнаб чиқсан салчадек
қўллар қадок,
Улар кўприк, турар жойлар, ажиб
саройлар... қуравар,
Шахталарда кораяру қалблар
пахтадай оплок.

Бу парчадаги ҳис, түйгүни ёки фикрни чуқур деб бўладими? Шоир ишчиларнинг қандай мухим томонини поэтик кўз билан кўра олган? Матълум эмас. Ҳар ҳолда, бу парчадаги каби примитивизм бошқа шеърларнинг шеърларида ҳам учрайди. Айниқса, мұхаббат ҳақида ёзилган шеърларда примитивлик анча кучли. Бундай шеърларпинг кўпчилигига шоирлар ҳар хил қолнида, ҳар хил кўринишда «сени севдим, вафодор бўл, бошқа ёрни дессанг, хор бўласан» каби фикрларни ифодалашдан нарига ўтмайди.

Иккинчи мұхим камчилик — замондошимизнинг маънавий дүнёсини бутун бойлиги ва мураккаблиги билан ифодалай олмаслиkdir. Шеърларда биз бир хил ҳисларни, түйғуларни яхши ифодалаймиз, аммо иккинчи хил түйғулар ҳақида ёзиш негадир гуноҳ саналади. Шодликни, қувончни, завқни яхши ифодалаймиз, аммо ғанини, ҳазинликни, мұнгни деярли ифодаламаймиз. Мен, албатта, пессимистик кайфиятдаги шеърлар ёзилгага ёки воқеликни қора рангга бўяб тасвирлашга қақиётганим йўқ. Мен инсон кечинмаларининг кўпқиранлиги ва хилма-хиллиги ҳақида галириман. Замондошимиз образини яратайтгамда теран ўйлардан ҳам, эҳтиросли завқдан ҳам, ёнгил ҳазилдан ҳам, баъзан эса ҳасрат ва мунгдан ҳам фойдаланиш керак. Ҳа, ҳасрат, қайгу, афсус ҳам шодлик ва завқ каби табиийдир. Ахир, ойнага қараб, пешонангдаги ажинларни,

сочинигга оралаб қолган оқ толаларни кўрганда болалигини, ёшлигини қўмсаб ҳасратланмайсанми? Босиб ўтган ҳаёт йўлингни, эл олдидаги қарзингни ўйлаб кетмайсанми? Ехуд севимли ёринг сенга хиёнат қиласа, умидларнинг чипчакка чиқарса изтиробга тушмайсанми? Бирорнинг қабиҳлигини кўриб, газабга келмайсанми? Бу ҳисларнинг ҳаммаси поэзиянинг кенг ва сахий қалбига жо бўла олади.

Йирик санъаткор А. Довженко совет ёзувчиларининг II съездиде сўзлаган нутқида шундай деган эди: «Сохта иентилишларга амал қилиб, биз ижодий ўйларимиз орасидан изтиробни (страдание) қувиб чиқардик, унинг худди баҳт ва шодлик каби ҳаёт ҳақиқати эканини унтишиб қўйдик. Биз уни қийинчиликларни енгизиб деганга ўхшаш бир нарса билан алмаштиридик. Биз гўзал, порлоқ ҳаётни шу қадар истаймизки, кўпинча орзу қилинаётган ва орзиниб кутилаётган нарсаларни мавжуд, бор нарсалар деб ўйлаймиз. Бунда биз инсон ер юзида ҳаёт экан, у севар, шодланар, яратар экан, ҳамиша изтироб ҳам биз билан бирга бўлишини унтишиб қўямиз». Мен бу сўзларни фақат бир мақсадда — инсон қалбининг ҳамма томонини ифодалашдан ҳадиксирамаслик кераклигини таъкидлаш мақсадида келтирдим. Поэзияда нафрат ва муҳаббат, ғазаб ва завқ, изтироб ва умид қанча тўла акс этса, инсони образи шунча тўла очилади.

Поэзиянинг бағри кен...

Чаманзорда гул қўпайсин...

...Атир гул жуда яхши нарса, аммо унинг бир туридан гулзэр бўлмайди. Фақат атир гулдан иборат гулзор бўлиши мумкин. Аммо бундай гулзордан кўра ҳар хил гулларга бой гулзор яхшироқ эмасми! Чаманзорда атир гул ҳам, пионлар ҳам, гортензиялар ҳам, қирқ оғайнини ҳам, гулсафсар ҳам, нарцис ҳам бўлса қандай яхши! Ҳар бирининг ўз ҳиди, ўз ранги бор. Ҳа, чаманзор — гулга бойлиги билан чаманзор. Поэзияни ҳам, шартли равишида чаманзорга ўхшатсак, бир хил қолипда, бир хил услубда, бир хил манерада ёзилган шеърлар ўзи ҳар қанча яхши бўлса-да, чаманзор бўлмайди. Аксинча, бир-биринга ўҳшамаган ҳидга, рангга, оҳангга эга бўлган шеърлар, шундай шеърларни ёзадиган шоирлар қанча кўп бўлса, шунча яхши. Маяковский айтган ўша гап — гап: бизга «яхши ва ҳар хил шоирлар» керак. Хуллас, индивидуал услублар ва стилларнинг ранг-баранглигига, бойлигига эришиш турлиб, поэзияни ривожлантириш мумкин эмас. Бу масала сўнгги йилларда — адабиётимиз янги шаронтида ривожланана бошлаган даврда алоҳида аҳамият қасб этмоқда. Бунинг сабабларидан бирин шундаки, янги

шаронитда биз социалистик реализм методини талқин қилишдаги баъзи бир догмалардан, қолиллардан ҳалос бўлдик. Социалистик реализмда тажрибамиз янада бойиди. Социалистик реализм ёзувчингин шахсий ташаббусига, ўз манерасини, ўз услубини, ўз қалбини бемалол, чуқур ва атрофлича ифодалашига кенг имкон берадиган метод эканлиги тамом исбот қилинди. Яна шу нарса ҳам қатъий аён бўлиб қолдики, 1 бугунги ранг-баранг ва кўпқиrrали ҳаётни фақат хилма-хил ва бой формалардагина, турли-туман услублардагина ифодалаш мумкин. Замонавийлик талаби адабиётда стиллар ва услубларнинг ҳам хилманини ва бой бўлишини тақозо қиласи. Бизга реалистик санъатдаги ҳамма стиллар билан бир қаторда ўтири фалсафий мулоҳазаларни ҳам, чуқур ўйларни ҳам, драматизм билан сугорилган кечинмаларни ҳам ифодалашга, йирик масштабли, қабариқ образлар яратишга имкон берадиган услублар керак. Улар баъзан кўтарикин руҳ билан сугорилган, баъзан шартлилик асосига курилган бўлиши мумкин. Масаланинг бу тариқа қўйилиши сўнгги йиллар адабиётидаги бир қатор ажойиб асарларнинг вужудга келишига

йўл очди. Украин ёзувчиси М. Стельмахнинг «Тўгри ва эгри» романини эсланг. Романинг бошланишида ёки билан танишамиз. У бошдан оёқ тинчликни тасдиқлаб айтилган лирик чекинишга ўхшайди. Бу прологда, айни чоқда совет кишисининг қурдати ва гўзаллиги ҳам очилади. Прологда лиризм билан романтик руҳ чатишиб кетган. Бу — хусусият романнинг охиригача сақланади. Айнича, ёзувчи кўп ўринларда асосий қаҳрамон Марко Бессмертний образини чизишда ўткир ранглардан, кўтаринки руҳдан, лиризмдан қўрқмайди. Буларнинг барчasi романниг реалистик кучини пасайтириш у ёқда турсин, асарга таракорланмас ранг багишлади, унинг эмоционаллигини оширади. Украин драматурги Леваданинг «Фауст ва ўлим» пьесасини олайлик. (Бу асар бизда «Ассалом, юлдузлар» номи билан саҳнага қўйилди). Унда ҳаётда бўлиши мумкин бўлмаган гаплар бор: қаҳрамон девордаги осиб қўйилган суратлар билан гаплашади, суратларга жон киради, улар рамкадан чиқиб, саҳнага кириб келади, пъеса персонажларига айланади. Шунга қарамай, биз асардаги ҳамма воқеаларга чин кўнгилдан ишонамиз, авторнинг хуносалари қалбимиздан чуқур ўрин олади. Асарни чинакам реалистик асар сифатидаги қабул қиласиз. Рус ёзувчиси Аксеновининг «Ҳамкасабалар» повести эса булардан тамомила бошқача стилда ёзилган. Бундай мисолларни бошига адабиётлардан ҳам кўплаб келтириш мумкин. Бу—сўнгги йиллардаги адабий процессининг энг муҳим хислатларидан биридир.

Биз бу хусусиятни бугунги ўзбек поэзисида ҳам равшан қўрамиз. Поэзиямиз индивидуал манераларга, туригуман, бир-бира ўхшамаган услубларга бойиб бормоқда.

Бугун бизда муҳаббат ҳақидаги лирик шеърлар ҳам, жўшикин эҳтирос билан сугорилган публицистик лирика ҳам, ҳаёт ҳақидаги ўйларни ифодаловчи фалсафий лирика ҳам, ҳалқ ижодига яқин манерада ёзилган лирик қўшиклар ҳам мавжуд. Поэзияда сатирик линия ҳам ривожланаяпти. Мен масал жанринигина кўзда туатётганим йўқ. Дурустгина эпиграммалар ва сатирик шеърлардан ташқари, ёмонликни, ёзувлитики, қабиқликини қоралдиган сатирик шеърлар ҳам пайдо бўлди. Бу жиҳатдан М. Бобоевнинг «Садоқат ҳақидаги шеърлар» цикли, Шукруллонинг «Яхшилик ва ёмонлик» цикли, Сами Абдуқаҳорниң қатор сатирик шеърлари, ёш шоирлардан Ямин Қурбонов ва Олим Кўчқорбековларнинг тўпламлари диккатга сазовор. Поэзия жанрларининг бундай иенгайиб бораётгани, шубҳасиз, ўзбек шоирларининг бугунги воқееликни ҳам томонлама қамраб олишига, унинг хилма-хиллигини ва ранг-баранглигини, совет ки-

шининг бой маънавий дунёсини тўлароқ ифодалашга интилиши туфайли тутгилган ҳодисадир.

Аммо поэзия чаманинг бойлиги, мұаттарлиги фақат шу билангина белгиланмайди. Энг қувончли томонларидан бири шуки, шоирларимизнинг индивидуал услубларидаги ранг-баранглик кучайиб боряпти. Индивидуал услуб, стиль, манера, албатта, биринчи навратда, шоир шахси билан унинг воқееликка ўзича, мустақил ва оригинал қарай олиш қобилияти билан, ўзи кўрган муҳим нарсаларни оригинал формада ифода қилиб бериш истеъоди билан боғлиқ. Аввалги саҳифаларда биз бу жиҳатдан ҳам поэзиямизда катта силжишлар борлигини қайд қилдик. Шундай бўлиши мумкинки, шоир айтмоқчи бўлган гапи учун кам учрайдиган, оригинал, ўзига хос форма таnlайди, шу формани астойдил жорий қилишга интилади. Бир вақтлар бундай уринишлар кўпинча қораланар, шунга интилан шонрлар эса формализмда айбланар эди. Ҳозир эса асосиз айблашлар учун йўл ёпиқ. Аксинча, шоирнинг ўз шахсини оригинал ва кутилмаган формада ифодалашга интилиши, ўз манерасини шакллантириш учун интилиши қонуний нарса ҳисобланади.

Бундан, «формализм деган касал умуман йўқ эканда» деган маъночиқмайди, албатта. Биз ҳамон формализмга қаршимиз, чунки формализм кенг маънода адабиётнинг ижтимоий ролини инкор этади, унинг ҳаётнинг инъикоси эканини тан олмайди, поэзияни мазмунисиз, қуруқ машққа айлантириб қўяди. Аммо форма соҳасидаги ҳар қандай изланиш мүқаррар равишда формализмга олиб келмайди. Аксинча, ҳар гал бирон жиддий, муҳим ва оригинал ҳаёттый мазмун ифода қилинаётганди, шу мазмунга тўла мос келадиган, унинг ҳамма бойлигини мукаммал ифодалашга ёрдам берадиган оригинал форма ҳакида ҳам ўйлаш керак. Мана шу изланишлар процессида индивидуал услублар ва манералар шаклланади. Мен улардан баъзилари ҳақида гапирмоқчиман. Шайхзода — индивидуал манераси энг ёрқин ифодаланган шоирлардан бири. Унинг шеърларида доимо ўткир публицистик руҳ чуқур фалсафий фикрлар билан қўшилиб кетган бўлади. Шоир ҳаёт ҳодисалари ҳақида гапирганда кўп ўринда уларни ўз шахсий биографиясиининг фактларига айлантиради, иучли эҳтиросларга чулғайди. Бу жиҳатдан у Маяковскийга анча яқин туради. Шайхзода шеърларида ҳам биз кўпинча Маяковскийни сингари ўткир муболагаларни, кутилмаган деталларни учратади. Шайхзода шеърларида ҳам худди Маяковскийни сингари нотиқлик интонациялари, мурожаатлар, хитоблар кенг ўрин тутади. Буларнинг барчаси

шөренинг жанговарлик руҳини кучайтиради, унинг ўқувчилар қалбига түгри кириб боришига ёрдам беради. Ўтмишни ва бугунги ҳайти чуқур билиш, чуқур фикрлайди олиши қобилияти шоирга ҳайти фактлардан катта умумлашмалар қилишга йўл очади. Мисоллар кўрайлик. Шоирнинг «Етти йиллик балладаси» деган шеъри бор. Унда «етти» рақами поэтик детал қилиб олинган. Шоир тарихда бу рақамга кўп муносабатлар билан кўплаб мурожаат қилинганини кўрсатади-ю, кейин бизнинг етти йиллик ҳақида гапиради. Совет воқелиигига эҳтиросли мухаббат жуда чуқур умумлашма чиқаришга ёрдам берган.

Миртемир ҳам йирик шоир, у ҳам ўз шеърларида замонамиз руҳини, совет кишисининг ҳис-туйғуларини, фикрларини ифодалайди. Аммо унинг ижодий манераси Шайхзоданинга ёки бошқа бирон шоирникига ўхшамайди. Миртемир шеърлари халқ поэзиясига яқинлиги билан кишини мафтун этади. Бу яқинлик ритмикада эмас, балки бевосита ҳисларнинг ифодаланишида, халқ поэзиясидаги соддаликнинг қабул қилинганида. Шоирнинг воқеликка муносабатида, образли фикрларнида халқ поэзиясидан ўрганилган томонлар кўп. Унинг қайси бир шеърини олмайлик, шу хусусиятни кўрамиз. Мұхаббат ҳақида ёзганда ҳам («Мен сени...», «Ларза»), халқлар дўстлигини кўйлаганда ҳам («Қирғизистон», «Чагалай», «Маҳтумқули тўйида ўзбек кўзаси», «Украинамсан»), снага садоқатни ифодалаганда ҳам («Онагинам») шуни кўрамиз. «Киприкларим» шеърини эслайлик. Шоир шеърини ёш қаламашларга атаган. Унда бевосита халқ поэзиясига хос образлар ҳам йўқ, халқ шеърларида учрайдиган ритмика ҳам. Аммо шеърнинг бутун руҳиди, унинг заминида ётган образлинида халқ поэзиясининг забардаст кучи, таъсири сезилиб туради. Ўз шоирларига «киприкларим» деб мурожаат қилишнинг ўзидаёт шу руҳ бор:

Киприкларим қўнғирмикан ё қора?
Киприкларим юзтамикан ёки минг?
Киприкларим шунча азиз ва сара,
Қўзгинамнинг киприклари...

Шукрулло, М. Бобоев. Шуҳрат каби шоирлар яна бошқачароқ йўлдан борадилар. Уларда, айниқса, воқеликни майин лиризм орқали ифодалашга интилиш кучли. Бунда шоирлар кўпинча лириканинг синалган воситаларига — ерларга, тоғларга, боғларга кўпроқ мурожаат қиладилар, юракдаги ҳислар туғёнига йўлни кенг очиб қўядилар. Мен бу уч шоирни тамоман бир бирига ўхшайди демоқчи эмасман. Аммо ҳар ҳолда уларнинг ижодий манерасида маълум яқинлик бор.

Бугунги поэзиядаги қувончли ҳоллардан яна бири шундаки, айрим ёш шоирлар ҳам шеърият оламидаги дастлабки қадамлариданоқ мустақил юришга, ўз овози билан қўйлашга, ўз услубини ёки манерасини жорий қилишга интилмоқдалар. Ҳар ҳолда, Эркин Воҳидовни Охунжон Ҳакимовдан ёки Теша Сайдалиевни Сайёрдан, Азиз Абдураззоқни Ҳуснинддин Шариповдан ажратиш мумкин. Уларнинг кўпчилиги, гарчи тамомимла янги йўл кашф қилиб, шундан бораётган бўлмаса-да, оригиналлиги ва тақорордан қочиши билан таҳсинга сазовор. Мен бу ўринда Жуманиёз Жабборовнинг баъзи изланишларини маъқуллашни истардим. Дастлабки тўпламларидан кўпроқ шаблон ва трафарет йўлидан борган бу шоир кейинги пайтларда жуда тез ўсяти. Унинг сўнгги тўплами — «Тоғлар садоси» кўп томонлари билан бирга шоир овозининг мустақил бўлиб қолганини, тасвирий ранглари хилма-хиллашиб бораётганини кўрсатиши билан ҳам характеристерли. Жуманиёзнинг изланишлари ҳақида гапиранда иккичарасага эътиборни жалб қилиш керак — бир томондан, у юмордан яхши фойдаланипти. Кучли юмор билан суғорилган баъзи шеърлари анча маъқул чиқсан («Қиз йигиси»ни эсланг). Иккичинчи томондан эса, шоир романтик услугга мойиллик билдирилмоқда. Бу мойиллик айрим шеърларда қабариқ, кескин бўёкларда чизилган образларнинг туғилишига сабабчи бўлган. Бу жиҳатдан шоирнинг «Ўзбекистон маданияти»да босилган «Тўртлар қиссаси» шеъри характеристери. Шеър океан билан 49 кун тиккакатика жанг қилиб, уни енгтан тўрт баҳодир совет йигитига багишлиланган. Аммо у оддий поэтик жавоб эмас, чинакам поэзия на-мунасига айланган. Шеърдаги бандлар ҳам, ритмика ҳам янгича — улар шеърнинг романтик руҳини ифодалашга бўйсундирилган. Романтик руҳ эса образини кескин штрихлар билан чизиш, бир-бира га қарама-қарши турган океан ва тўрт йигит образини ёрқин ифодалаш орқали тутилган:

Океан — сарҳадсиз,
Океан — шафқатсиз.
Қирқ тўққиз туну кун қилди имтиҳон.
Тўрт йигит букмасдан
Оғатга асло тиз.
Турдилар зич сафда, дадил, ёимаён.
Турдилар ҳайиқмай.
Оддий бир қайиқда
Мисоли чўянидан қўйилган бир қоя.
Бу тубсиз ўпқонда.
Худудсиз ёйиқда
Ўлимни ўлдирмак бўлди зўр ғоя.

Шеърдаги ҳамма мисралар, ҳамма денталлар кўтаринки романтик руҳга эга. Фақат сўнгги мисраларгина бизни яна оддий, кундалик воқеликни қайтаради,

шу тўрт йигитнинг оддий совет кишила-
ри эканини қайд қиласди:

Бетаним! Мехрингдир
Бу мардик, бу тоқат.
Ўғиллар қизартмас юзингни сира ҳам!

Поззиямиздаги мана шундай изланиш-
ларни, албатта, ҳар томонлама қўллаб-
куватлаш керак.

Стиллар ва услубларнинг бойиб бора-
ётгани ҳақида гапирганда, бу тенден-
циянинг кенг қулоч ёйинига ҳалақит бе-
раётган айрим камчиликларни ҳам катъ-
ий таъкидлаш лозим. Ранг-баранглик ва
бойликнинг ашаддий думомни бор — бу
туссизлик, бир хилликдир. Афсуски, тус-
сизлик, бир хиллик поззиямизда ҳамон
кўп учрайди. Бу айниқса приёмларнинг
бир хиллигида, бир-бирини такрорлашда
жуда кўп кўринади.

Лирин шеърларда шундай бир приём
бор: шоир бирон предметни олади (маж-
ниун тол, дарё, булут, шалола, кўприк,
чинор ва ҳ. к.) унинг баъзи ҳусусиятла-
ри ҳақида гапиради, кейин бу ҳусусиятла-
рни одам ҳаёти билан боғлаб, бирон
хулоса чиқаради. Бу приём, умуман,
қонуний приём. Аммо у кейинги шеър-
ларда шу қадар кўп қўлланилиятки,
натижада кўп шоирларнинг шеърлари
бир-бирининг ўхшаб кетяпти. Бу бир-
хиллилик, айниқса, муҳаббат ҳақидаги
шеърларда кўп учрамоқда. Шуҳратда
ҳам, Шукруллода ҳам, Душан Файзийда
ҳам. Мамадали Умаровда ҳам бир хил
приёмнинг жуда кўп қўлланганини кў-
рамиз. Бу пиронардида, схематизмга
олиб келишин муқаррар. Буни яна бир
приёмнинг такрорида очиқ кўриш мум-
кин. Лирик шеърида шоир бугунги ҳаётини
тасвирлар экан, уни ўтмишга солишти-
ради. Бу приём ҳам ўз-ўзича зътироғза
сабаб бўлолмайди. Аммо жуда кўп так-
рорланиши натижасида схемага айланаб
кетади.. Мамарасул Бобоевнинг «Янгра,
рубоб» тўпламига кирган баъзи шеърла-
рида ана шу схемага — «кеча ва бугун»
деган схемага амал қилинган. Ўз-ўзини
ва бир-бирини такрорлап ҳам бугунги
поззиямизда тез-тез учраб туради. Бу
баъзан ҳатто кўчирмакашлик чегарасига
етиб қолади. Масалан, Шайхзода «Емон
эмас» дегани — яхши эмас» шеърида
бепарволикни, бефарқликни қаттиқ қо-
ралаб, шундай ёзади.

Ёмонлик қилмабди, аммо у мўмин
Қилган эмас экан яхшиликни ҳам.
Ушлаб бетарафлик эшатин думин,
Учқур шунқорларга жийириб бурун
Суварак қўрганда кўз юмган одам...
Ёмон эмас, аммо яхши ҳам эмас.

Энди Шукруллонинг «Яхшилик ва
ёмонлик» шеъридаги қўйидаги мисраларни кўрайлик:

Кўнглим қолди нақ мой ичгандек,
Кўрмаса ҳам ёмонлик раво.
У ёмонлик қилмас, яхшилик
Қилишни ҳам ўйламас аммо.

Фақат шу мисраларгина эмас, шеър-
даги асосий фикр ҳам айнан бир хил.
Бундай такрорнинг зарурияти йўқ эди.

Ўз-ўзини такрорлаш, бир шоирнинг
услубига механистик тарзда таълид қи-
лиш, маълум формалар, трафарет ва
шаблонлар қобигида ўралиб қолиш поэзиямизнинг дадил ривожланишига ҳала-
қит беради. Поззиянинг гуллашини таъ-
минлайдиган омиллардан бирни шундаки,
ҳар бир шоир ўз қиёфасига, ўз услубига,
ўз манерасига эга бўлсин. Зотан, чина-
кам шоирнинг бошқача бўлиши ҳам
мумкин эмас. Поззия чаманида ранг-ба-
ранг гуллар кўпайсин...

* * *

Биз мазкур мақолада сўнгги йиллар-
даги ўзбек поэзиясининг ривожланиши-
да муайян роль ўйнаётган айрим тен-
денциялар ҳақида гапирдик. Мақсад
бирор шоирнинг ижодига ёки янги тўп-
ламига баҳо бериш эмас эди. Шунинг
учун ҳам бу ўринда шоирларнинг айрим
шеърлари ҳақида айтилган мuloқаза-
ларни уларнинг бутун ижодига нисбатан
татбиқ қилиш мумкин эмас. Мен фақат
поззиямизнинг ижобий тенденцияларини
ва уларнинг ўсишига ҳалақит берәётган
айрим ҳодисаларни таълид қилдим. Бу-
гунги поэзиянинг парвози жуда дадил,
у ҳаммамизни кувонтиради, фақат бу
парвознинг бехатар бўлиши, давомли
ва янада юксак бўлиши учун бу ерда
тилга олинган салбий тенденцияларни
тезроқ бартараф қилмоқ керак.



Очил ТОҒАЕВ

Ҳаёт зиддияти ва бадиий конфликт

Бадиий адабиётда конфликт индивидуал харakterлар ўртасидаги қарама-қаршилик, бир-бирига зид манфаатлар, фикрлар, ҳис-туйгу, эҳтирослар журашидир. Бадиий конфликт ижтимоий ҳаёттеги зиддиятларнинг маълум томонларини ёритади, конкретлаштиради ва уни тушунишга ёрдам беради.

Ҳаёт зиддияти ҳар бир адабий асарда форма ва жанр хусусиятларига кўра турлича ифодаланади. Поэзияда ифодаланган бир конфликт прозада, айниқса, роман ва повестларда ҳар тарафлама кенг ва чуқур, драматургияда саҳна қонун-қоидаларига мувофиқ янада конкрет ва нескин акс этирилиши мумкин. Хуллас, бадиий асарларда конфликтнинг ифодаланиши ҳақида галирганда уларнинг жанр хусусиятларини ҳам назарда тутиш лозим.*

Лирик асарларнинг ўзига хос хусусияти шундаки, унда субъектнинг, яъни шеърининг ташки қоқеликдан олган бирлаҳзалик таассуротининг жилваси ғоят таъсири, жозибали бўёқларда намоён бўлади. «Лирика,— дейди В. Г. Белинский,— тилсиз сезгиларга сўз беради, уларга ҳаёт бағишлайди. Демак, лирик асарнинг мазмуни обьектив қоқелининг тараққиёти эмас, унинг мазмуни— субъектнинг ўзи ва у орқали ўтган ҳамма нарсадир... Нишини ўзига жазб этган, тўлқинлатган, шодлантирган, қайтуга солган, завқлантирган, овутган, ҳаяжонлантирган, қисқаси, субъектнинг маънавий ҳаётини ташкил қилган ҳамма нарсани, унда нима пайдо бўлса, барини лирика ўзининг қонуний бойлиги каби қабул қиласди».

В. Г. Белинскийнинг бу таърифида лирик асарларнинг ғоявий-бадиий моҳияти, уларда ҳаёттеги мазмуннинг ифодаланиш хусусияти конкрет кўрсатиб берилган. Лирик асарларда конфликт шоирнинг

воқеликдан олган ҳис-туйгулари, таассуроти, ички кечинмалари зиддияти формасида ифодаланади. Масалан, Ҳамза Ҳакимзоданинг «Турсуной марсияси» шеърини олиб кўрайлик. Шеърининг асосида талантли санъаткор Турсунойнинг ўз эри жоҳиyl Ҳожиқул томонидан ваҳшийларча ўлдирилиши воқеаси ётади. Шоир ўз олдига ана шу кучли драматик воқеанинеккин тўқнушувлар тарзида акс эттириши мақсад қилиб қўймайди. Зотан бундай тасвирлаш кичик шеърининг эстетик мақсадига мувофиқ ҳам эмас. Шу туфайли шеърда ҳаёттеги конфликт лирик қаҳрамон Турсуной кечинмалари, ҳис-туйгулари динамикаси — ривожида ифодаланади: лирик қаҳрамоннинг ҳаётга бўлган мұҳаббатининг, орзу-армонларининг душман томонидан барбод этилганлиги тасвирланиб, санъат ва гўззалик билан жоҳиллик ва ваҳшийлик бир-бирига қарама-қарши қўйилади; санъат ва гўззалик улуғланади. Асар қаҳрамоннинг ўлими китобхони чукур қайтуга солади ва унда хотин-қизлар озодлиги душманларига нисбатан кучли нафрат қўзгайди. Шеърда лирик қаҳрамон кечинмаларида ифодаланган конфликтнинг кульминациаси ҳаётга, санъатга, гўззаликка мұҳабbat уйғотувчи оптимистик руҳни тараинум этади. Турсуной тенгдошларини — ўзбек хотин-қизларини ҳаётни севишга, жоҳилликка қарши кураш олиб боришга чиради.

Худди шу ёки шунга ўхшаш воқеа адабиётнинг йирикроқ жанрида, масалан, драмада бошқача формада ифодаланиши мумкин.

Драманинг ўзига хос жанр хусусияти шундаки, унда инсон шахсияти, унинг тақдирли, хатти-ҳаракатлари мұхим ўрин тутади. Иштирок этувчи шахсларнинг активлигиги, уларнинг муноса-

батлари ва бир-бирита қарши ҳаракати воқеа устидан ҳукмронлик қиласы. Гүё, каналга сув бошлаб, оқимнинг олдиғаги айримғонлар ва түсікелер тозалаб, оқимдан олдинда уни бошқарып бораётгандын кишилар сингари, драмада ҳам ҳарактерлар воқеани шиддат билан олға бошлаб боради. Драмадаги бутун мұхит, ҳамма нараса ана шу ягона оқимга қатыый бўйсундирилган ҳолда шиддат билан олға — «кульминацияга қараб ҳаракат қиласы.

«Эпосдаги қаҳрамон — воқеа, драманинг қаҳрамони инсон шахсидир», деди В. Г. Белинский. Ўчиндан ҳам драмада ҳаёт зиддияти ҳарактерлар ҳаракати формасида жиҳдий ва жескин ифодаланган бўлади. К. Яшиннинг «Нурхон» драмасида конфликт «Турсуной марсияси»дагидек лирик қаҳрамоннинг бир лаҳзалик ички кечинмалари тарзида эмас, балки қаҳрамонларнинг кескин тўқнашувларида акс эттирилган. Санъатни жон-дилдан севган Нурхон бутун умрими халққа хизмат қилишга бағишлайди ва ўзининг бу ҳақ-хуқуқини қаттиқ туриб ҳимоя қиласы. Ҳақолат тимсоли бўлган отаси — Ҳожи эркин қушчанинг бу парвозига чидолмайди. Санъат билан жаҳолат ўртасидаги бу зиддият асарда дугор воқеаси ситуациясида ғоят ёрқин ва таъсирли ифодаланган. Юзларидан газаб алантаси ёғилиб турган Ҳожи ички алам ва даҳшатли изтироб билан дугор ушлаб турган қизига заҳарли пичинг қиласи ва санъат символи бўлган дугорни уриб синдиради. Бу символик деталь фожиадан қандайдир бир дарак берадётганга ўшайди. Драмадаги конфликтнинг кескинлашуви билан бу фожиа чиндан ҳам яқинлаша бошлайди. Ниҳоят санъатнинг барқ уриб очилган гули Нурхон душманлар томонидан ўлдирилади.

Дугорнинг синдирилиши символи киши қалбига қаттиқ таъсир этган фожиадан дарак бериши билан бирга, муҳым оптимистик ғояни тасдиқлашга ҳам хизмат қиласи. Бир дугорнинг синдирилиши билан санъатни йўқ қилиш мумкин бўлмаганидек, бир Нурхонни ҳалок қилиш билан ўзбек хотин-қизлари юрагида озодликка, санъатга бўлган муҳаббатни, гўзалликни барбод этиш мумкин эмас.

Бир хил зиддиятнинг иккى хил жанр намунасида ифодаланишига мисол қилиб, Ойбекнинг Улуғ Ватан уруши давридаги воқеани акс эттирган «Раиса» шеъри билан Яшиннинг «Оғтобхон» драмасини кўрсатиш ҳам мумкин.

Ҳаёт зиддиятининг эпик жанрлар, масалан, повесть, романларда акс эттирилиши ҳам ўзига хос хусусиятларга эга. Романда ҳаёт ҳар тарафлама кенг, муфассал тасвирланади. Унда воқеанинг ривожида драмадаги сингари шиддаткорлик, тез олға интилиш эмас, балки воқеа оқимида вазминлик хусусияти

сезилиб туради. Бунда қаҳрамонларнинг ҳатти-ҳаракатлари воқеани бошқарувчи эмас, балки воқеа кишиларнинг ҳатти-ҳаракатларини уюштирувчи ролини ўйнайди. Қаҳрамонларнинг ўй-фикрлари, мулоҳазалари, ички монолөглари воқеанинг оқимини секинлаштириб, баъзан тутиб туради. Гёте романда драманинг ўзига хос хусусиятлари ҳақида гапириб, «Романда воқеа секин ҳаракат қилиши ва бош қаҳрамоннинг фикрлари асосий воқеанинг тараққиётини тутиб-роқ туриши керак» дейди.

Шу туфайли, романда воқеа ва ҳаракатини асоси бўлган конфликт ҳам катта оқимнинг динамикасига мувофиқ турли-туман тўлқинланиб давом этади. Шунингдек, романда бош, ягона оқим билан гоявий-бадний жиҳатдан боғланган кичик оқимлар, яъни ёрдамчи конфликтлар ҳам амал қиласи. Драмада бош конфликт билан ажралмас бўлиб, чамбарчас қўшилиб кетган ёрдамчи конфликтлар романда маълум дараражада мустақиллар ҳам эга бўлади. Бу ёрдамчи конфликтлар драмада томошабиннинг диккатини бош конфликтдан четга тортмаган ҳолда, унинг бош конфликтдан олган умумий таассуротини кучайтиришга, ҳис-туйғусини оширишга хизмат қиласа, романдаги ёрдамчи конфликтлар китобхоннинг диккатини бирмунча вақт ўзига жалб этиб, маълум дараражада мустақил ҳис-туйгулар, фикр-мулоҳазалар туғдиради, китобхон ёрдамчи конфликт олға сурган гоявий мазмунини чуқур идрок этиб, ундан олган ҳис-туйгуларини ягона конфликтга асосланган бир бутун таассуроти билан боғлади. Масалан, Асқад Мухторнинг «Тугилиш» романидаги Садбар — Холдор — Луқмонча конфликтни курилниш бошлиги Раҳмонқулов билан илгор қурувчи ёшлар ўртасидаги бош конфликтга боғлиқ бўлиши билан бирга, мустақил эмоционал таъсир кучига ҳам эгадир. Бу севги конфликтни ўз ҳолица олиб кўрилганда бирор мустақил ҳикоя ёки повестга асос бўла оладиган ҳаётий, бадий кучга молик. Ёзувчи Константин Федин роман композициясидаги ана шу хусусиятни назарда тутиб, ёзувчи романнинг ҳар бир боби устида бирор мустақил новела устида ишлагандай жиҳдий меҳнат қиласи, деб таъкидлаган эди.

Бадий асарда конфликт турли шаклларда ифодаланиши мумкин. Унинг энг муҳим кўринишларидан бири — ҳарактерларнинг кескин ва жиҳдий тўқнашувви, бир-бирига қарши шафқатсиз кураши шаклида ифодаланишидир. Конфликтнинг бундай кўринишни кўпроқ драматик асарлар табиатига хосдир. Драмадаги қатор хусусиятларни, шу билан бирга, ҳарактерлар курашига асосланган кучли драматизмни бошқа эпик асарларда, роман, повесть, достонларда ҳам кўриш мумкин.

В. Г. Белинский «Тарас Бульба»нинг роғын буюк санъят асари дара жасига кўтарилилганинг асосий сабаби унда драматик элементнинг мўллиги дир, деб кўрсатади. Тарас Бульба ва ўғли Андрей образлари билан боғлиқ бўлган икки коллизия шу қадар кучли, таъсири ифодаланганни, уларнинг ҳар бири буюк драматик асарга арзир эди, дейди Белинский. Алишер Навоининг «Фарҳод ва Ширин» достонидаги Фарҳод билан Хусрав ўртасидаги шиддатли ижтимоий конфликтни ҳам шундай баҳолаш мумкин. Ойбекнинг «Навоий» романи ҳам Ҳусайн Бойқаро бошлиқ реакцион сарой аҳллари билан Алишер Навоий ўртасидаги шиддатли курашдан иборат кучли драматик конфликтга асосланган.

Бадиий асарда конфликт характерларнинг бевосита тўқнашувидан бошка шакллarda ҳам намоён бўлади. Ҳаёт зиддияти айrim қарама-қарши ҳис-туйгуларнинг эмоционал ифодаси, ишининг руҳий дунёси, «қалб диалектикаси»даги маънавий-психологик ҳолатларнинг акс этиши, кескин контраст томонларнинг тасвири шаклларида ҳам ифодаланиши мумкин. Айrim кичик бадиий асарларда (масалан, лирикада) конфликтнинг асосан бир хил кўриниши ифодаланса, ундан йирикроқ асарларда бошчача кўришими, повесть ёки романларда бу конфликтнинг хилма-хил кўринишлари намоён бўлиши мумкин. Конфликтнинг бундай кўринишлари унинг гоявий-бадиий функцияси билан боғлиқдир. Маълумки, бадиий асарда конфликт маълум гоявий-бадиий функцияни бажаради. Биринчидан, ҳаёт ҳақиқатини тўла ва ҳаққоний очиб беринга хизмат қиласа, иккинчидан, характерлар яратиш, кишиларга эмоционал таъсири этиш учун хизмат қиласи.

Ҳамид Олимжон «Зайнаб ва Омон» достонидаги колхоз туазумининг дастлабки давридаги эски урф-одатлар билан янги совет кишилари ахлоқи ўртасидаги конфликт орқали ЗО-йиллардаги реал воқелик, ҳаёт зиддиятларини акс этиради. Шу билан бирга, бу конфликт достонидаги Зайнаб, Собир, Омон, Анор хола каби образларнинг характер на хусусиятларини очиб беради. Шоир эркин севги масаласини ўша давр руҳи билан боғлиқ равиша бадиий талқин этади. Ўтмишда меҳнаткаш инсоннинг севги-муҳаббати оёқ ости қилинган эди. Ўзок асрлар давомида шундай бўллиб келди. Бунинг айrim гардлари Улуг Октябрь революцияси довонидан ҳам ошиб ўтди. Зайнабнинг совет давридаги эркин севгисига ижтимоий ҳаёт эмас (Зайнабнинг асосий ҳимоячиси шу янги ҳаётдир), балки ўтмиш сарқити, эскилик халақит беради. Характерлар тўқнашуви вужудга келади. Зайнабнинг эркин севгиси, ўз қарорида қатъйлиги,

иродасининг мустаҳкамлиги эскилик тарафдори Анор хола билан тўқнашувауда яққол намоён бўлади. Асардаги бу тўқнашуви, конфликт, айниқса, ижобий қаҳрамон Зайнабнинг руҳий оламида акс садо беради. Зайнаб Омонни астойдил севади ва бу севги ҳуқуқини қаттиқ туриб ҳимоя қиласи. Бу йўлда азоб чекади, лекин аҳдидан қайтмайди. Конфликтнинг қаҳрамон психологиясида акс этиши, аниқроғи бу руҳий конфликт қизнинг ўзига хос олижаноб инсоний фазилатларини, унинг бой маънавий дунёсини ифодалайди. Бу зиддиятда характернинг «қалб диалектикаси» тўла ва таъсири акс этади.

Урни келганда шуни қайд этиш керакки, достоннинг энг юксак фазилати — қаҳрамонларнинг, айниқса Зайнабнинг икки монологларининг юксак поэтик формада ҳаяжонли ифодаланишидир.

«Опа-сингиллар» романида ёаувчи асосий конфликтни характерлар тўқнашуви формасида ифодалаш билан бирга, шу конфликт таъсирида келиб чиқсан, у билан бевосита ёки билвосита боғлиқ бўлган образлар руҳий дунёсидаги психологик конфликтларга ҳам катта эътибор беради. Бон қаҳрамон Онахонга душманлар суиқасд қиласидар. Шу муносабат билан, ўзбек аёли эркига қасд қиласан душман билан янги турмушга муҳаббат туйғусининг кураши, эски зиёли инженер Доброхотовнинг чирик тасаввурлари билан янги ҳаёт кўрувчиларнинг унга яхши муносабати туфайли пайдо бўлган ҳаяжонли ҳис-туйгулар ўртасидаги зиддият, социалистик ҳаёт оқимига қарши борган ва кейинчалик чет эл разведкаси исказасига тушиб қолган Наимийнинг икки ўртасидаги талвасаси образлар руҳий оламида ифодаланган психологик конфликтлардир.

Романда конфликтнинг контраст тасвири кўринишига ҳам мисол келтириши мумкин. Ашаддий текинхўр бой Матқовул билан феодал муҳитнинг тутқуни бўлган Холнико ўртасидаги конфликтнинг ўзига хос дастлабки кўриниши кескин контраст тасвирида берилган. Жазира мақсади кунда бой ҳафса-ла билан безатилган кичкина эшакнинг устига миниб олган, унинг кетидан қонқора тер ва тупроқда ботган она қўлида боласи билан бошида тугун кўтарган ҳолда оёқ яланг иссиқ тупроқ кечиб келмоқда. Чойхонага қўниб, баҳаво салқин жойга ястаниб олган Матқовул эшакка кўк беда солишини буориб, офтобда қизиқ тупроқ устида ўлтирган она бола ҳақида ўйлаб ҳам кўрмайди.

Конфликтнинг контраст тасвири бу ҳолни қузатиб турган Жўрахонининг муштипар онага бўлган меҳр-муҳаббати, уни хўрловчига нафрят туйғулари билан.

лан қўшилиб, эмоционал таъсири янада ошади. Матқовул, Холнисо мисолида эссилик, заҳарли ўтмиш билан Жўрахон мисолида ҳаётбахш янгилик тўқнапади. Кейинчалик Жўрахон Холнисо билан учрашиб, бой билан муштилар она ўртасидаги конфликтнинг ҳал этилишига ёрдам беради.

Драматург Баҳром Раҳмоновнинг «Юраҳ сирлари» пьесасида Сурмаҳон билан Санобар ўртасида ҳам контраст шаклида ифодаланган конфликт ҳукм суради. Бу икки образ бир-бирлари билан бевосита тўқнашмайдилар. Аммо ташки безакларга зеб берган, маънавий заиф, енгилтак, танноз аёл Сурмаҳон билан юксак одоб-ахлоқ эгаси, жамоатчи Санобар ўртасидаги зиддият драмадаги асосий конфликтнинг гоявий бадиий йўналишидан, конфликтнинг ички оқимидан келиб чиқади. Чунки Саттор билан Санобарнинг оиласидаги конфликти бир томондан Сурмаҳон оиласидаги мажаро билан ҳам боғлангандир...

Асарда муҳим тарихий-ижтимоий конфликт бутун бир давр, воқеалар, инсонлар тақдирини контраст шаклда тасвирилаш орқали ҳам очиб берилиши мумкин. Уйғуннинг «Украина еллари» поэмасида Украина меҳнаткашлари билан эксплуататорлик тузум ўртасидаги кескин ижтимоий конфликт украиналилар чоннинг ўтмишдаги аяччи аҳволи ва ҳозирги социалистик тузумдаги баҳтили ҳаётидан олининг характеристи, типик воқеаларнинг контраст тасвири орқали ифодаланади ва шундай қилиб, ёзувчи социалистик жамият меҳнаткаш инсонга баҳт-саодат нелтирганинг тасдиqlайди. Социалистик воқееларни ўтмишга қараша-қарши қўйиб тасвирилаш приёми ўзбек адабиётининг социализм қуриш даври акс эттирилган асарларида кенг ўрин олган эди.

Совет адабиёти буржуа объективизми ва гоясизлигига қарши ҳамила коммунистик партияйидир. «Аввало бадиий ижодда партияйидир бўлиш — бу коммунизм учун, коммунистик партия сиёсатини турмушга татбиқ этиш учун, бинобарин, ҳалқ иши учун курашдек улуғ ишга ўзини, ўз кучларини, ўз иске тезоддларини бағишилаш демакдир»¹.

Адабиётнинг коммунистик партияйиллик принципи ёзувчидан конфликтда гоявий изчиликни, курашда иштирок этувчи кишиларнинг мавқеи ва мақсадининг, туттган позицияларининг аниқ-равшан ифодаланишини, янгиликнинг курашда асосий ва ҳал қилувчи роль ўйнашини, ҳаётда муқаррар ўрин эгаллашини кўрсатиб беришни, янгилик, яхшилик, гўзаллик тарафида ту-

риб, уни ҳимоя қилиб, кураш олиб боришни талаб этади.

Конфликт танлаши ёзувчининг партияйиллиги, эстетик идеали, бу идеални тасдиқлашга хизмат қилувчи гражданинг пафоси, тенденциозлиги масалалари билан чамбарчас боғлиқдир.

Конфликтда бир-бирига қарши курашувчи кучларни ифодалаган икки линия амал қиласди. Совет ёзувчиси ана шу линияларнинг иккаласини ҳам бетараф, лоқайд тасвирлай олмайди. Бу курашда у ўзининг дунёкараши, мавқеи, сиёсий-маънавий позициясига тўғри келадиган линия, аниқроғи, ижобий кучлар линияси тарафида турди, унинг ҳатти-ҳаракатлари, қайгу-ғам, шоду-хуррамлиги, ғалаба ва мағлубиятига шерик бўлади, у билан бирга қайгуради, қувонади. «Мен асар устида ишлатганимда, — дейди атоқли озарбайжон ёзувчиси Мехди Ҳусейн, — ўз китобимдаги қаҳрамонлар курашига гўё қўшилиб кетаман. Менинг фикримча, агар асарда авторнинг ўзи ҳам курашувчи томонлардан бирида иштирон этадиган конфликт, кураш бўлмаса, ижтимоий конфликт бўлмаса бундай асар китобхонни у қадар тўлдинлантира олмайди».

Мехди Ҳусейннинг бу сўзларида ёзувчининг тенденциозлиги, яъни маълум гоя, йўналиш, позицияни қувватлаб, кураш олиб боришдан иборат партияйиллик принципи ифодалангандир.

Бадиий ижодда коммунистик партияйиллик ёзувчининг тема танлаш ва шунга мувофиқ ҳаёт зиддиятини белгилаб, уни чуқур идрок этишидан бошилнади. Партияйиллик асарнинг гоявий йўналиши ва ёзувчининг ҳаётни тасвирилаш услубида, ҳаёт картиналари тасвири, жонли характеристерлар ва уларнинг кураш мантицида ифодаланади.

Абдулла Қадхорининг «Синчалан» повестида ифодаланган колхозга раҳбарликни яхшилаш масаласи давримиз тараққиётининг муҳим ва зарур тенденцияларидан биридир.

Бу муҳим партияйий-гоявий йўналиш биринчи навбатда колхозда партия вакили Саид образида акс эттирилган.

Ёзувчининг муҳаббати Саид тарафида. У Саиднинг Қаландаровга қарши курашида хайриҳоқ бўлиб қолмасдан, уни қувватлайди, ҳар бир ҳаракатини маъқуллайди. Қаландаровнинг ноғтўри ҳатти-ҳаракатларини Саид бинан биргаликда муҳокама қиласди ва қоралайди. Лекин ёзувчининг бу тенденциозлиги, партияйиллиги жонли характеристерлар мазмұнида табиий, мантиций ифодалангандир.

Партияйиллик, ёзувчи тенденциозлиги илгор кучларнинг курашини маъқул-

¹ Н. С. Хрушчев. Адабиёт ва санъатнинг янги муваффақиятлари сари. Ўздавнешар, 1961 й. 16-бет.

«Вопросы литературы» журнали. 1961 йил, № 12, 168—169-бетлар.

ловчи, ёмонлик, адолатсизликини қораловчи лирик чекинишларда, ички монологларда, образли публицистик нутқларда, детал ва бўёқларда ҳам ифодаланади. Бунда ёзувчининг тасвирлаётган масалага, курашга бевосита аралашуви, ўзининг актив муносабатини баён қилишдан иборат гражданлик пафоси намоён бўлади. Жонли характерлар мантиқидан бевосита келиб чиқувчи бундай жанговар хусусиятни Ш. Рашидов изодида, айниқса, «Бўрсондан кучли» романиди яққол кўриш мумкин. Рус революцион-демократарининг эстетигаси, илғор рус ёзувчларининг ижодий традицияси билан боғлиқ бўлган ва янги давр тараққиёти руҳини ифодаловчи бу ҳаётбахш хусусият социалистик реализмадабиёти асрларига сингич бормоқда.

Партияявильлик конфликтининг ҳал этилишида ҳам муҳим роль ўйнайди. Социалистик реализм адабиётида конфликтнинг ҳал этилиши янги, илғор, прогрессив кучларнинг жисмоний, маънавий ғалабасини, яхшилик ва гўзалликнинг ғалабасини эстетик тасдиқлашдан иборатдир.

Социалистик реализмнинг энг муҳим гойвий-бадиий хусусиятларидан бири — ҳаётни тарихий конкрет акс эттириш принципи бадиий асада конфликтнинг ифодаланиши масаласига ҳам тааллуқlidir. Асада конфликтнинг тарихийлиги маълум даврдаги ижтимоий-синфи, шахсий конфликтларни ўша даврнинг ўзига ҳос умумий руҳи, кишиларнинг ҳаёти ва психологияк, маънавий дунёси билан боғлиқ равишда ҳар тарафлама чуқур ва ҳаётний, ҳаққоний очиб беришдан иборатдир.

Ҳар бир тарихий даврнинг ўзига ҳос зиддият, конфликтлари бўлади. Октябрь революциясининг дастлабки йилларида мавжуд бўлган ижтимоий-синфи конфликтлар коллективлаштириш давридаги антагонистик синфи конфликтлар билан гоявий жиҳатдан умумийликка эга бўлиши билан бирга, ўзига ҳос хусусиятлари билан бир-бирларидан фарқ қиласиди. Конфликтлардаги бу умумий гоявий бирлиқ ва даврий, ижтимоий-сиёсий, психологик ўзига хослик бадиий асадларда аниқ-равшан, конкрет ифодаланиши лозим.

Мамлакатимизда совет ҳокимиятини ўрнатиш ва эксплуататор синфларни иктисодий, сиёсий жиҳатдан тор-мор келтириш, мамлакатимизда социализм куриш учун кураш давридаги қарама-қаршиликлар антагонистик, яъни муросасис синфи-ижтимоий конфликтлардан иборат эди. Мамлакатни индустралитириш ва коллективлаштириш, маданий революция, хотин-қизлар озодлити ва бошқа масалаларни ўз ичига олган бу конфликтлар Ҳамза Ҳакимзода Ниёзий, С. Айний, Ойбек, Абдулла

Қаҳҳор, Рафур Ғулом, Ҳ. Олимжон, Яшин, Асқад Мухтор, Ҳамид Ғулом, Ҳусайн Шамс ва бошқа ёзувчиларнинг асарларида бадиий акс эттирилди. 20-йиллардаги энг муҳим синфи конфликтлар, хотин-қизлар озодлиги душманларига қарши кураш, паранжига ҳужум масалалари Ҳамза Ҳакимзода ижоди ва Яшин драмаларининг гоявий-бадиий мотивларидан бирини ташкил этади.

Ҳусайн Шамснинг «Душман», Садриддин Айнийнинг «Қуллар», Абдулла Қаҳҳорининг «Қўччинор чироглари» романларида коллективлаштириш давридаги зиддиятлар ўзига ҳос хусусиятлари билан типиклаштирилди. Бу асадларда шиддатли кураш даврининг бутун жанговар руҳи ҳаёт картиналарида, кишиларнинг характерларида, уларнинг бир-бирларига қарши кураш усулларида яққол сезилиб туради. Душманларнинг коллективлаштиришга қарши ошкора тарзда эмас, балки яширин равишда кураш олиб борганиллари бу даврдаги конфликтнинг муҳим хусусиятларидан эди.

Октябрь социалистик революцияси туфайли сиёсий жиҳатдан тор-мор келтирилган душман синфи курашияни икобланган ҳолда давом эттириди. Ҳусайн Шамс «Душман» романининг гоявий асосини икобланган синфи душманнинг кирдикорларига қарши кураш пафоси ташкил этади. Асаддаги характерлар ҳам ана шу давр зиддиятига мувофиқ типиклаштирилди. Қишлоқ активлари Жўра, Норбуви ва бошқалар коллективлаштириш ишига астойдил берилган очиқ кўнгил, соддадил кишилардир. Шу сабабли улар райондан келган вакил Каримовнинг икобланган душман экзалигини сезмайдилар, қишлоқда янги ҳаёт барпо этишида у билан биргага кураш олиб бориши учун астойдил бел боғлайдилар. Аммо Каримов ўзининг яширин кирдикорлари билан олижаноб ишига зарба беради.

Асада шу асосда пайдо бўлган кучли драматизм душманларнинг ҳар қандай ифлос кирдикорларига, улар томонидан вуҷудга келтирилган қийинчилинларга қарамай, коллектив ҳаёт идеаси қишлоқ меҳнаткашлари онгига сингиб борганилгини тасдиқлайди. Қиплоқ активларининг жанговар кураши натижасида Каримов ва бошқа душманлар маглубиятга учрайди.

Абдулла Қаҳҳорининг «Қўччинор чироглари» романida колхоз тузумининг ғалабасидан кейинги зиддиятлар, колхоз тузумини сиёсий-иктисодий жиҳатдан мустаҳкамлаш учун кураш даври тасвирланади. Бу асаддаги антагонистик зиддиятларга асосланган конфликтнинг ўзига ҳос хусусияти шундаки, бунда синфи душман аввалги асадлардагага ишсебатан анча кучсиаланган, ўзининг

барча таянчларидан маҳрум бўлган эди. Унинг бу даврдаги ҳолатини чўкиб бораётган кишининг сув юзидаги чўпга ёпиши учун қылган беҳуда ҳаракатнга ўхшатиш мумкин. Бу Зуннунхўжа онласи билан Сиддиқжон ўртасидаги конфликтда яққол кўринади. Зуннунхўжанинг қароли бўлган дехқон Сиддиқжон янги муҳит ва ўз дўйстлари таъсирида бой хонадонини тарқ этиб, тенгкўрлари — янги ҳаёт қурувчилар тўпига келиб қўшилади. Афсуски, Сиддиқжоннинг ўз оиласидан, айниқса, ўғилчасидан жудо бўлиб бой уйидан чиқиб кетиши билан бошланган муҳим ижтимоий конфликт тугуни тобора кесинлашиб бориш ўринига сусайиб колади. Дарҳақиқат, асарнинг кейинги қисмларida давр ҳақиқатини тўлароқ ва чуқуроқ акс этиришга ёрдам берадиган ижтимоий конфликтларга нисбатан ёзувчининг дижқатини турмушдаги майда зиддиятлар кўпроқ жалб этганлигини танқидчилик ўз вақтида кўрсатиб ўтган эди.

Конфликтларнинг тарихийлиги халқ ҳаётининг миллӣ хусусиятларини акс этириш билан бирга, унинг ҳаётига социалистик воқелик янгиликлари, интернационал хусусиятларнинг кириб келаётганлигини, бу янгиликларнинг феодализм босқичидан социализмга ўтган халқнинг ижтимоий-сийсий, маънавий ҳаётида революционлаштирувчи роль ўйнаганлигини кўрсатади.

Эксплуататор синфлар сиёсий, иқтиодий жиҳатдан батамом тор-мор келтирилгандан кейин мамлакатимизда антогонистик конфликтларнинг келиб чиқиши учун ички замин йўқолди. Бироқ бу баъзи адабиётчиларни социалистик жамиятнинг тараққиёти қарама-қаршиликларсиз давом этади, деган хато сунгучага олиб келган вақтлари ҳам бўлди. Бу эса, адабиётда конфликтсизлик назариясини келтириб чиқарди. Совет адабиётининг тараққиётiga маълум даражада зарар келтирган конфликтсизлик назариясининг келиб чиқишига, биринчидан, баъзи ёзувчиларнинг ҳаётни ҳар тарафлама чуқур ўрганмаганликлари, ҳаёт тараққиётини марксистик идрок этмаганликлари сабаб бўлса, иккинчидан, муайян даврда шахсга сифиниш, леничча принципларнинг бузилганлиги ҳам сабаб бўлди. Айrim асарларда ҳаёт ҳақиқатига зид равишда турмуш бўяб-безаб кўрсатилди, совет халқининг ютуқ ва муваффақиятлари хеч бир қийинчиликсиз осонгина қўлга киритилган муваффақиятлар, деб тасвирланди.

Социалистик жамиятда ҳамма вақт илгор, прогрессив ҳодисалар асосий ҳи-

собланади. Бундан социалистик воқелик тасвирланган асарларда эскилик, ёмон характер ва хусусиятлар типиклаштирилмайди, деган хулоса келиб чиқмаслиги керак. Бу ҳақда фикр юритганда Ф. Энгельснинг типик шароит ва типик характер ҳақидаги машҳур формуласини ҳамма вақт эсда тутиш лозим. Совет адабиётда эскилик қолдиқлари, тараққиётдан орқада қолган ҳодисалар илгор кучлар билан зиддиятда, йўқолиб бораётган нарсалар сифатида типиклаштирилади. Чунки бундай нарсаларнинг барқарор ўрин олиши учун социалистик жамиятда типик шароит йўқ ва бўлиши ҳам мумкин эмас.

Сўз санъаткори ҳаётни, воқеликни юзаки эмас, чуқур ўрганиши натижасидагина унинг муранкаб ҳаракат қонунларини тўғри тушуниб олади.

■ В. И. Ленин 1919 йилда М. Горькийга ёзган хатидаги «...Ҳаёт зиддиятлар билан олға қараб боради, лекин жонли зиддиятлар кишининг ақлига дастлаб туюлишидан кўра кўп жиҳатдан хийла бўй, ҳар томонлама сермазмундир»¹, деган эди.

Социалистик жамиятда антогонистик қарама-қаршиликларнинг йўқолиши умуман зиддиятларнинг йўқолишини билдирилмайди. Социализм тараққиёти ҳамма вақт ўзига хос зиддиятлар билан давом этади. ■ В. И. Ленин антогонизм ва қарама-қаршиликлар ҳақида галириб, «биринчиси йўқ бўлади, иккинчиси социализмда ҳам қолади»², деган эди.

Социалистик жамият тараққиётининг ҳозирги давридаги зиддиятлари ҳақида галиргаида унинг ўзига хос иккича хусусиятини кўрсатиб ўтиш керак. Улардан бири, капитализм, ўтмиш эксплуататорлик жамиятининг маҳсули бўлган эскилик билан воқелимиздаги янгилик ўртасидаги қарама-қаршиликдан иборатdir. Ўз манфаатини давлат, халқ манфаатидан устун қўйиш, текинхўрлик, хусусий мулкчилик тенденцияси, хотин-қизларга бой-феодалларча муносабатда бўлиш ва бошқа шу каби ўтмиш сарқитлари олға ҳаракат қилишимизга тўсқинлик қиласди. Бундай эскилик сарқитлари коммунизмга томон ривожланинг процессида аста-секин йўқолиб боради. «Ижтимоий ҳаёт қоидаларини бузишдан иборат бўлган экспесларнинг асосий сабаби омманинг эксплуатация қилиниши унинг муҳтожлиги ва қашлоқлигидир. Мана шу асосий сабабни бартараф қилиш билан экспеслар ҳам муқаррар равишда «ўла» бошлиайди.

¹ В. И. Ленин. Асарлар, Ўздавнашр, 34-том, 426-бет.

² Ленинский сборник, XI том, 1931 й. 357-бет.

Биз уларнинг қай даражада тез ва қай даражада секин ўлишини билмаймиз, лекин уларнинг ўлишини биламиз. Уларнинг ўлиши билан давлат ҳам ўлади¹.

КПСС XXII съезди қабул қилган коммунизм қуриш Программасида янги коммунистик жамият кишисини тарбиялаш вазифалари белгилаб берилди. Коммунизм қурувчисининг ахлоқ кодексини ҳаётга татбиқ этиш, кишилар онгига сийндириш учун кураш эскилип сарқитларига қарши шафқатсиз кураш олиб боришни ҳам тақозо қиласди.

«Бизнинг вазифамиз.— дейди Н. С. Хрущев.— янги ахлоқ талабларини барча совет кишиларининг доимий эҳтиёжига айлантиришдан иборат. Биз ўтмиш сарқитларини бартараф қилиш учун ҳали кўп иш қилишимиз лозим. Ижтимоий ҳаётда илгор нарсалар эскилипдан, қолоқликдан ажратиб қўйилган эмас. Илгор нарса оқибат натижада енгиди, лекин ўтмиш сарқитлари олга томон ҳаракатта тўсқинлик қиласди... Ёвойи ўтлар вақтида юлиб ташланмаса тез кўпайиб кетади»².

Бадий ижодда эскилип билан янгилигининг курашини конкрет акс эттириш, ижобий кучларнинг жамиятимиз тараққиётини белгиловчи асосий тенденция эканлитигини, ҳаётда барқарор ўрин эгаллашини кўрсатиб бериш, эскилини янгиликтининг зарбаси остида тобора чекиниб, ўлиб бораётган ҳодиса сифатида ўз мебрида кўрсатиш совет ёзувчиларининг вазифасидир.

Совет жамиятидаги зиддиятларнинг ўзига хос хусусияти, иккинчидан, социалистик жамиятининг тараққиётни натижасида келиб чиқсан, порлоқ кела-

¹ В. И. Ленин. Асарлар, 25-том, 512-бет. Ўздавнашр, 1953 йил.

² Н. С. Хрущев. Совет Иттифоқи Коммунистик партиясининг Программаси тўғрисида. Ўздавнашр, 1961 йил, 82-бет.

жан сари дадил олға бораётган илгор совет кишилари билан тараққиётдан орқада қолаётган, кечаги куни режаларига мослаб қадам ташлаётган кишилар ўртасидаги зиддиятлардир. Буни биз А. Қаҳҳорнинг «Синчалак» повестиди, Ш. Рашидов, П. Қодиров ва бошқа ёзувчиларнинг асарларида кўришимиз мумкин.

Шахсга сифиниш ҳукм сурган даврда ҳаёт талаблари билан қолоқ раҳбарлик усуллари ўртасида келиб чиқсан қараш-қаршилик мамлакатимиз экономикасига маълум даражада зарар келтирди.

Партия Марказий Комитетининг 1953 йилдан кейинги пленумларида, партияниң XX—XXII съездларида шахсга сифинишнинг зарарли оқибатларига зарба берилриб, халқ хўжалигига раҳбарликнинг ленинча нормалари тикланди, янтилик ҳаётга дадил татбиқ этила бошлади. Бу ҳодиса адабиёт тараққиётига ижобий таъсир кўрсатди. Социалистик воқеаликни акс эттирган асарларимизда ҳаёт зиддиятлари гоявий-психологик кураш, кескин контраст, ички руҳий конфликтлар шахсида ифодаланмоқда. Буни Иззат Султоннинг «Имон», Сайд Аҳмаднинг «Чўл бургути» каби асарларида кўриш мумкин. «Имон» пъесасида драматургнинг маҳорати шундаки, у соғ коммунистик ахлоқ намунаси бўлган Қомилов билан жамиятимизга ёт, чиркин фикрли муноғиқ Санжаров ўртасидаги гоявий курашини, фирн-қарашлар курашини ҳақиқий пафос, эҳтирос даражасига кўтарида. Сайд Аҳмаднинг «Чўл бургути» ҳикояларида қаҳрамонларнинг характер ва хусусиятлари фавқулодда контрастли ситуациялар ва психологик ҳолатларда очиб берилади.

Ёзувчиларимиз ижодида ҳаёт зиддиятларини акс эттиришдаги бу ўзига хос хусусиятлар келажак адабиёт низомаларидан дарак беради. Дарҳақиқат, коммунизм жамияти қурила бориши билан коммунизм адабиётининг ўзига хос хусусиятлари ҳам шакллана боради.



ЖанкүйДАТАКИРУВ

Махаш БЕҚБЕРГЕНОВ

ҮЙҒОНГАН ЫЛКА

Ф. Мұсреповнинг «Үйғонган үлка» асары Ыирик, монументал асардир. Бу асарда ұар томонлама мұкаммал ишланған, камолотта етган ижобий ва салбий образлар бор. Романда тилин образ даражасига күтарилған Игилик, Жұман, Ұшаков, Рязанов, яна бошқа күплаб салбий образлар орқали ёзувчи халықта, халқ вакилларига қарши турувчи реакцион күчларни тұлалыги билан күрсатади. Халққа қарама-қарши қўйилған бу консерватив күчлар бошда жуда катта құдратга зга қилиб ифодаланади, улар воқеалар давомида аста-секин емирила бориб, халқ құдратига, янгиликнинг күчига дош беролмай қолладылар. Бу ҳол ёзувчи ўз асарыда ҳаёт мантиқини түгри акс эттирганлигини күрсатади.

Роман охирида ўз күч-құдратини, ўзининг тарихий ролини тұла тушуниб етган халқ образини аниқ-равшан күрамиз. Энди булар ұар қайсиси үзіча күрашадыған якка-ёлғыз одамлар эмас, балки умумий мақсадини бутун қалби билан сезған, билған, бир мақсад йўлида уюшқоцук билан курашаётган халқ вакиллари сифатидар.

Романда халқлар дүстлиги темаси ҳам көңг планда ёритилған. Ёзувчи рус, украин, татар халқлари вакиллари образлари орқали уларнинг қозоқ мәхнат-кашларига самимий муносабатини, қозоқ қардошларининг эксплуатацияға қарши күрашларыда улар билан бир тан, бир жон бўлиб иштирок этишларини ишонарли қилиб кўрсатиб беради. Айниқса қаҳратон қишининг бўронли күнларидан ҳориб-чарчаб келаётган рус ишчиларини қозоқ овули томонидан мәхмондўстлик, меҳр-муҳабbat билан қарши олдиниши. Мингбой исмли содда, мўмин-қобил чол рус мәхмонларига уй тўридан жой бериб, уларни мәхмон қилишига бағишланған эпизод самимийлиги билан ниҳоятда таъсирили чиқсан.

Асарда маҳорат билан кўрсатилған

типик образлар орасида ўзининг ёрқин характеристи билан Бойжон образи ажраби туради. Бойжон орқали ёзувчи замонасининг мураккаб характеристерли кишисини кўрсатади ва ўша даврнинг ярамас томонларини, иллатларини фош қиласди.

Бойжон онгидаги баъзи зиддиятларга қарамай, ижобий қаҳрамондир. У ўзининг барча умид-озрулари, мақсади билан ишчиларга хайриҳоҳ. Бойжон Қарғандан ерини рус капиталистларига сотишда ҳам аралашади, биринчи келган рус ишчиларини ҳам ўзи қарши олади. Ҳар хил яширин йигинилар, сұхбатлар ҳам Бойжон уйида ўтказилади. Биков билан Елизавета Сергеевнани озод қилганларнинг бири ҳам Бойжон эди. Хуллас, Бойжон образи ишчилар синфининг фаолияти, хатти-харакати билан органик бирликда тасвирланади. Ёзувчи Бойжон образини унинг характеристеридаги қувноқлик, галға чечанлик, нутқидаги ўтқир ҳажв, хушчақчақ юмор каби хусусиятлар орқали индивидуаллаштиради. Шуннинг учун ҳам Бойжон аралашган ҳар бир ишда унинг қўли яққол сезилиб туради.

Масалан, Куренкўзхўжанинг ўйнашдан, яъни Игиликдан бўлған боласи тўғрисида гапириб, Бойжон Куренкўзхўжага шундай дейди:

«Бу кучугингиз худди ўзингизга ўхшайди-я, сира ажратиб бўлмайди. Ишқилиб. Игиликка ўхшаб бою-бадавлат бўлсин!».

Бойжон ўзининг бу ўтқир ҳажви билан хўжани ер билан яксон қилганини китобхон дарров сезади.

Романда Бойжон каби Шило чол образи ҳам мұкаммал образлардан ҳисобланади. Тўрмушининг аччиқ чучугини кўп татиб кўрган, оқибатда дардчиллашиб қолган, мәхнаткашларнинг бошлирига кўп кулфатлар ёғдирган ижтимоий тузумнинг чириклигини англаб етган бу чол ўз умрининг қолган қисмими эксл

плуатация тузумини ағдариб ташлаш учун кураш йўлига бағишилади. Ёзувчи Шилонинг қалдиги ўчмас қаҳр-ғазаб ўтидан, аччиқ киноясидан ўша даврдаги ижтимоий адолатсизликни фош қилишда фойдаланади. Шило ишчилар орасида ўз овози, ўз табиати билан ажralиб туради. «Тортишишга чол Шило ара-лашдими бас... у ўз душманини бир ёкли қилмасдан қўймайди» дейди ишчилар. Бироқ Шило фақат қаҳр-ғазабли бўлмай, балки ўз навбатида жуда меҳрибон, дилкаш ҳам бўла олади, бу нарса унинг меҳнаткаш дўстлари билан бўлган муомаласида ёрқин кўринади. У, айниқса, қозоқ ишчиларига жуда меҳрибон ва ғамхўр.

Ёзувчи романдаги образларни уларнинг миллий характерлари билан очиб берган. Биков билан Елизавета Сергеевна да рус халқига хос хусусият ва фазилатларни кўрсан, Михайло, Катерина Неволяларда украин халқига хос оптимистик руҳини, қаҳрамонликни, қатъиятни кўрамиз. Бу ёзувчининг миллий характерлар яратишдаги изланиши натижасидир.

«Уйғонган ўлка» романнда кўзга ташланадиган янгиликнинг бири шундаки, унда Қозогистон саҳросига, қозоқ ишчиларининг орасига рус революцион-демократлари ёлтинли ғояларининг учқуни кира бошлаганини кўрамиз. Бу учқуни Қарағандага келган рус ишчилари, уларнинг кўзга кўринган вакиллари — Биков билан Елизавета Сергеевна олиб келади.

Рус ишчилари ўз кураш тажрибалирни қозоқ ишчиларига ўргатадилар, уларга дастлабки кунларданоқ ғамхўрлик қила бошлийдилар.

Шундай илгор рус ишчиларининг бири Елизавета Сергеевна — революцион кураш йўлларини босиб ўтган, гоявий жиҳатдан анча чиниқдан курашчи аёлларнинг ёрқин образидир. Унинг отаси Сергей Чайкин революцион фаолияти учун бутун умри сургунда ўтган одам. Елизавета ўшлагидан ҳаётнинг аччиқ-чучугини татиб, кўп жабр-жафолар чекади, ҳаётнинг шафқатсиз тўлқинига қарши курашади. Ҳаёт сабоқларининг ўзи Лизани курашчи қилиб тарбиялади, уни революцион йўлга бошлийди. Елизаветанинг Қарағанда ишчилари орасида олиб борган яширинча ташвиқот-тарғибот ишлари яхши натижалар беради. У Биков билан бирга «Урал тўғараги»нинг топшириқларини Қарағанда ишчилари орасида амала оширади. Елизавета қозоқ меҳнаткашларининг оғир, машак-қатли ҳаётини ўз кўзи билан кўради, уларнинг аянчли турмушига ич-ичидан ачинади, қозоқ ҳалқининг урф-одатларини чуқур ўрганиб, уларни чин қалбидан севиб қолади. Бойжон болаларига меҳрибончилиги унинг инсоний юксак фазилатларга эга эканлигини ёрқин кўрсатиб туради. Биков ҳам Елизавета сингари курашчи, ўз ҳаётини шу улуғ ишга ба-

ғишилаган одам. Биков образи орқали ёзувчи иродали, шиҷоатли, довюрак, қиинчиликларни мардона енгиб ўтвучи рус революционерларининг типик образини бермоқчи бўлган.

Биковнинг ишчилар орасида олиб борган яширип ишлари, қозоқ меҳнаткашларига кўрсатган самимий, оғаларча ғамхўрлиги романда жуда яхши тасвирланган.

Романда рус ишчилари билан бир қаторда қозоқ ишчиларининг образлари ҳам ёрқин ва таъсиричан қиқкан. Шулардан бири Буланбой образидир. Илгарилари бойининг содиқ малайи бўлиб хизмат қилган Буланбой бир тўқнашувда, олишувда ўз хатосини яққол тушуниб етади. Ёзувчи Буланбой образида меҳнат кишиларига хос бўлган кўпгина хусусият ва фазилатларни мужассамлантириб беради. У қиинчиликлар олдида тиз чўкмайдиган, сергайрат, шиҷоатли, очиқ кўнгил, дилкаш, одамнинг надр-қийматига етадиган бир йигитдир. Ёзувчи Буланбойни ҳаётнинг хилма-хил йўлларидан олиб ўтиб, унинг оддий малайдан сиёсий раҳбар даражасига кўтарилиганини жуда жонли ва ёрқин тасвирлайди. Буланбой ишчилар ўртасида катта обрў қозонади. Унинг довюраклиги, революцион курашга содиқлиги, бу курашнинг чуқур англаб етгани Биков билан Елизаветани жандарм панжасидан ажратиб олишда яққол кўринади.

Романда асосий қаҳрамонлардан ташқари, иккичи даражадаги бир гуруҳ образлар ҳақида ҳам бир-икки оғиз гапириб ўтамиш. Байшегир, Алшагир, Жабой, Сеит, Назикеш каби образлар ана шундай образлар жумласидандир. Була тўла, ёрқин кўзга ташланмасалар ҳам, лекин ҳар бири ўз хатти-ҳаракати, табииати, феъл-атвори, қайфияти билан ажralиб туради.

Байшегир, Алшагирлар илғор рус ишчиларидан таълим олиб, эски қарашлардан халос бўладилар, янги фикр, янги онг билан қуролланадилар, кураш йўлига қадам қўяшиболаган кишилар сифатида гавдаланадилар.

Була ичди Жабой образи айниқса диққатга сазовордир. Жабой ўзининг ёш умрини Иглиникнинг оғир хизматида ўтказди. Иглилик эшигига ишлаб, қўли билан қўзидан айрилган бу қирчиллама йигит қанотсиз қушдай бўлиб қолади. Жабойнинг тортган жабри-жафолари унинг қалбидаги сўнмас қасос ўтини ёндиради. Жабойдаги инсонпарварлик фазилатларини ёзувчи унинг хатти-ҳаракати, фаолияти билан боғлиқ ҳолда тасвирлайди. Жабой гўзал Назикешни севади, Назикеш ҳам уни яхши кўради, улар ўртасидаги дастлабки боблардаёт сезиб қолади. Афсуски, уларнинг орзулари ушалмайди. Жабойнинг қалби пок, самимий бўлгани билан, илгариги чиройни йўқотган, энди у ўзини Назикешга раво

күрмайды, энді унинг висолига етишни орзу құлмайды, буны бир жиноят деб билади, ёш қыз қалбини яралаши истамайды. У ўз дардина Назикешшінг онасига айтганидан кейинингина мана шундай ғамғын ўй-фиркалардан халос бўлиб, кўнгли енгил тортади. Жабойнинг биринчи қилган катта иши — ёвуз, нияти бузук Умардан ўч олиб, шу билан севишган икки ёшни (Сеит билан Назикешни) қувғиндан кутқариши ўйлаганида кўринади. Иккинчидан, у Нортой билан Итиликинг олдига бориб «ҳисобкитоб қиласиган вақт яқин қолди» деб, бойнинг юзига шартта гапиради. Лекин Жабой ҳали онгли курашчи даражасига кўтарилиган эмас эди. У революцион ишчилар ўз олдиларига қўйган мақсадни батамом тушуниб етмайди. Буни ёзувчи роман охирида кўрсатиб ўтади.

Романдаги ижобий қаҳрамонлардан бири — Назикешнинг ҳаёт йўлини ёзувчи жуда таъсири қилиб тасвирлайди. Назикеш ўша даврда барча инсоний ҳукуқлар поймоя этилиб, умри нола-фигон билан ўтиб кетган қозоқ хотин-қизларининг ёрқин вакилидир. Лекин Назикеш ўша даврдаги адолатсизликларни тушуниб, билиб турса ҳам, бироқ ўз баҳти йўлида уларга қарши дадил кураша олмайди.

Романда мұваффақиятли чиққан ижобий образлар билан бир қаторда эсда қоладиган салбий образлар ҳам бор. Инсоний қиёғасини йўқотган, меҳнаткашлар қонини зулукдай сўрган эксплуататор синф вакили Рязанов образи шулар жумласидандир.

Очкўз, хасис капиталист Рязанов орқали автор ҳукмрон синфнинг жирканч баҳарасини очиб ташлайди. Рязанов романда тасвир этилган воқеаларга бевосита аралашмайди. Унинг ҳанақа одамлигини, ўй-хәлларини, хатти-ҳараратини китобхон ташқи хабарлардан аниқ билиб боради.

Петербург, Урал томонларда юрган Рязанов сиртдан сипо, одобли, вазмин одамга ўхшаса ҳам, лекин у аслида қора ниятили, очкўз, сира дунёга тўймайдиган, мол-мұлк ортириш йўлида ҳеч нарсадан тап тортмайдиган йиртқич одам эканлигини билиш қийин эмас. Ёзувчи Рязанов билан Ушаковнинг муносабатини, Рязанов гумаштаси Сикорский орқали амалга оширган ёвуз ишларни жуда усталик билан тасвирлаган.

Романда ҳар томонлама тўла, ёрқин, мукаммал қилиб яратилган салбий образларнинг бири Никон Абрамович Ушаковдир. Бу — капиталистик дунёнинг иккинчи вакили. Авторнинг тасвир қилишича, у эндигина қаддини ростлаб келётгандай капиталист. Ушаков майда саводогарлар орасидан чиқиб, йирик саноат корхонасининг эгаси бўлишга интилаётган одам. У белоён қозоқ даласини изғиб юрган, қозоқ ерининг барча бойли-

гига қон қўйилган кўзларини тиккан оч қашқирдай бўлиб гавдаланади. Унинг қиёғасида чиркин капитализмга хос бўлган иллатлар — очкўзлик, йиртқичлик, зўравонлик ўз ифодасини топган. Ушаков нима иш қилмасин, фақат бойиш, мол-мұлк ортириш учун цилади. У ишчилар билан ҳам, қашлоқ дехқонлар билан ҳам тиллаша олади. Баъзида уларга яхшилик ҳам қилмоқчи бўлади. Унинг ўз услуби бор: одамни уриб-сўкиб, зўрлаб эмас, алдаб-сулдаб, елкасига қоқиб ишга солиш керак, дейди. У ишчиларнинг маошини камайтиргиси келмайди. Компания номидан мактаб очади, ишчилар учун ҳаммом, барак қурилсин, уларга томорқа берилсин, деб кўрсатма беради. Бундан у, албатта, ишлаб чиқариш унумини ошириши, кўпроқ капитал ортиришини кўзда тутади. Лекин ишчилар тарихида бир бирига қарама-қарши бу икки мақсаднинг иўшилиши мумкин эмас эди. Шу билан бирга ҳақиқий капитализмнинг (Рязанов) ўз қонун-коидалари бор эди. Бу — одамни шафқатсиз эксплуатация қилиш эди. Ана шулар асосида Рязанов билан Ушаков ўртасида конфликт туғилади. Ушаковнинг бирдан-бир фикрини Рязанов маъқулламайди, аксинча, қўлидан келганча қаршилик кўрсатади. Бу асосий конфликтларнинг бироқ кўринини эди.

Ушаков билан Рязанов бир синфнинг, бир дунёнинг одамлари бўлса ҳам, лекин уларнинг ички дунёлари бошка бошча. Улар мансаб билан бойлик учун бир-бирларини ямламай ютишга ҳам тайёр одамлардир.

Ушаковнинг маънавий емирилиши орқали ёзувчи буржуя соҳта демократиясининг асл баҳарасини очиб ташлайди. Ёзувчи Рязанов билан Ушаков ўртасидаги конфликтдан бир-бирини тажиб ташлашга қулай пайт пойлайдиган капиталистларнинг чиркин ахлоқини фош қилишда усталик билан фойдаланади.

Салбий образлардан бири — Сикорский ҳам ўзига хос хусусиятлари билан ётиборни жалб этади.

Юзаки қараганда, Сикорский Рязанов билан Ушаковни бир-бирига боғлаб турувчи бир танакордек бўлиб кўринади, лекин аслида у ўз мақсади, ўз йўли, ўз назари бўлган алоҳида бир образиди. Унинг айёллиги, муғомбирлиги ҳадеганда кўзга ташланмайди. Енг ичидагамма ишини битириб юради. У Рязановнинг ишончини тўла қозонгандан кейин оч қашқирдай бутун тиш-тириоғини кўрсата бошлиди. Қарагандада бўладиган ҳамма ифлос, ярамас ишлар Сикорский орқали амалга ошади Рус ишчиларини ўз юртига қайтириш керак деб таклиф кириади, миллий низолар тутдиришига қўлидан келганча уринади. Буларнинг ҳаммасини Сикорский ўзининг қора ниятига етиш, ҳукмронликни ўз қўлига олиш учун қилади.

Ёзувчи рус капиталистлари билан

бирга қозоқ бойларининг ҳам типик образларини яратган. Романдаги икки бой — Игилик билан Жуман шу жумлаға киради. Жуман патриархал эски тузумнинг феодал вакили. Езувчи бу образни чизишида ўтирир сатира ва юмордан ниҳоятда усталик билан фойдаланган. Жуманинг характеридаги қўпоплик, нодонлик, тутуруқсизлик каби сифатларни унинг иши, хатти-харакати билан чамбарчас боғлиқ ҳолда очиб берган. Езувчи Жуман образи орқали феодал тузумнинг куни битиб бораётганини кўрсатади.

Жуман патриархал эски турмушнинг феодали бўлса, Игилик замонанинг прогрессив томонларини қабул қила бошлаган, савдо-сотиқ ишлари билан шуғуллана бошлаган, капиталистик қонун-қондаларга ён боса бошлаган бойдир. Автор бу икки бойниң характеристики, уларнинг сиёсий-ижтимоий қиёфалатини бир-бирига қарши қўйибгина қолмай, балки улар психологиясини, онг даржасини, ўй-фикрларини ҳам қарама-карши қўяди.

Игилик бой қозоқ адабиётида илгари учрамаган тип. Қозоқ совет адабиётида мавжуд бўлган Қуононбой образи билан Игилик ўртасида катта тафовут бор. Бу тафовут икки адибнинг (М. Авезов билан F. Мусревонинг) маҳоратларидагина эмас, балки бу икки образнинг бир-бирини тақорроламаслигидадир. Бу икки бойниң биргина ўхшаш томони бор. У ҳам бўлса, иккаласи ҳам ҳукмрон, ҳалқ қонини зулукдай сўрадиган эксплуататор синф вакиллари. Лекин бу ҳол икки хил планда берилади. Қуононбой феодализмнинг энг кўзга кўринган догоули, узоқни кўра биладиган маккор вакилидир. Бироқ, у Жуманга ўхшамайди. Унинг иши ҳам, фикрлари доираси ҳам Жуманиннидан кенг ва бутунлай бошча-ча. Шунингдек, Қуононбой Игиликка ҳам ўхшамайди. Игилик патриархал турмушдан юз ўгириб, капитал томон интила бошлиса, Қуононбой феодалларидан нарига ўтолмайди. Шу қолоқлик қучогида,

янгиликка қарши курашда ҳалок бўлади. Игиликнинг ҳалок бўлиш куни олдинда бўлса ҳам, лекин у ҳозирги шароитга мосланиб иш кўради, янгиликка томон қадам ташпайди, у ёвуз, ашаддий йиртқич. Ҳозир унинг таянчи, суюнчики қўрадаги моллар эмас, балки капиталдир. Игилик майда-чўйда нарсаларга ўзини урмай, максимал фойдани мўлжалга оладиган бойлардан. Игилик бойнинг бошқа бойлардан яна фарқ қиласидиган томони шундаки, у ҳар бир янгиликдан ўз мангафати, ўз мақсади йўлида фойдалана олади. (Масалан, пичан ўрадиган машина, файтун, киракашлик ва бошқалар).

Шундай қилиб, езувчи ўз романида ўлимга маҳкум дунё кишиларининг ҳам, эндиғина барпо бўлаётган ва оёққа мустаҳкам турайдиган янги дунё кишиларининг ҳам портретларини санъаткорона тасвирлаб беради. Романин ўқир эканлиз, ундаги образлар худди жонлидай кўз олдингида ёрни гавдаланади.

Романинг асосий хусусиятларидан бири шундаки, ундаги характеристлар индивидуаллаштирилиб, тақоррланмас қилиб тасвир қилинади. Улар психологик жиҳатдан ҳам, хатти-харакати билан ҳам, портрети билан ҳам бир бириларидан ажralиб турадилар.

«Уйғонган ўлка» романида ҳалқ иборалари, ранг-баранг картиналар, янги ўхшатишлар сингари бадий тасвир во-ситалари кўп. Булар тасвир этилаётган во-кеанинг ҳаққонийлигини, характеристларини хусусиятларини яна ҳам конкретлаштириб беради.

«Уйғонган ўлка» романни ҳам ўзбек тилига таржима қилинаётir, М. Авезовнинг «Абай», F. Мустафининг «Қарандас» романлари сингари ўзбек китобхонлари севиб ўқидиган асарлардан бирiga айланади. Бу нарса қардош ҳалқларимиз ўртасидаги дўстликни яна ҳам мустаҳкамлашга, қозоқ ҳалқининг бой, ранг-баранг ҳаётি билан ўзбек китобхонларини янада кенг таниширишга катта имкон беради.



БАДИЙ ТАРЖИМА МАСАЛАЛАРИ

Юсуф АБДУВАЛИЕВ

«Абай йўли» ЭПОПЕЯСИННИГ ТАРЖИМАСИГА ДОИР

Бадиий таржимачилик қардош халқлар ўртасидаги маданий алоқаларни ривожлантириш, дўстликни мустаҳкамлаш йўлидаги катта воситалардан бўлиб, қардош халқлар ёзувчиларининг ижодий ютуқларидан баҳра олиш, улар билан ҳамкорликда янги ижодий ютуқларни кўлга киритишга, китобхонларнинг маънавий эҳтиёжларини қондириш, тил маданиятининг тараққий этишига, эстетик завқ ва фикрлаш қобилиятини юксалтиришга кенг имконият яратиб беради.

Ўзбекистон ёзувчилар союзининг ташаббуси билан кейинги йилларда миллий республикалар адабиётлари орасида ташкил қилинган, адабий-ижодий алоқаларнинг янги воситаси бўлган адабиёт ҳафталиклари совет бадиий таржимачилигининг миллий тиллараро самарали ривожланишига катта ҳисса қўши. Натижада кейинги икки йилнинг ўзида бир қанча тиллардан ўзбек тилига кўплаб етук асарлар таржима қилинди. Шунингдек, ўзбек ёзувчиларининг бир қанча яхши асарларини ҳам бошқа қардош халқлар китобхонлари ўз она тилларида ўқишига мусассар бўлдилар.

Кейинги йилларда қардош халқлар адабиёти намуналаридан қилинган жиддий таржималардан бири, қозоқ адабиётининг атоқли эпопеяси, ҳақли равишда қозоқ халқининг қомуси деб баҳоланган, тўрт томлик «Абай йўли» романидир. Бу асарнинг тўлиқ нашри 1959 йилда Ленин мукофотига сазовор бўлди.

Эпопея ҳозирги пайтгacha жаҳонда 30 дан ортиқ тилга таржима қилинди ва жаҳон матбуотида у ҳақда 400 га яқин тақриз ва монографиялар босилиб чиқди.

Қарийб 2000 бетлик бу йирик полотнонинг ўзбек китобхонларига тўлиқ ҳолда тақдим қилиниши — ўзбек бадиий таржимачилигининг катта ютуғидир.

Бу таржима ҳақида баъзи мулоҳазаларни ўртоқлашиш умуман қардош туркӣ тиллардан, хусусан қозоқ тилидан қилинадиган таржималарнинг сифатини яхшилашга фойда келтирас деб ўйлаймиз. Эпопеянинг I ва II китоблари ҳақида матбуотда ўз вақтида айrim мулоҳазалар билдирилган бўлса ҳам, лекин у мақолаларда таржимага берилган баҳо ҳар тарафлама тўлиқ бўлмади. Жумладан, I китоб ҳақидаги тақризда китобни тўла таҳлил қилиш ўрнига, анча юзаки фикрлар айтиш билан чекланилган.

Қарийб 10 йил давомида таржима қилинган бу асарни ўқир эканмиз, таржимоннинг ўз малакасини тобора ошира борганилигини, оригинал руҳини ўзбек китобхонига етказиб бериш учун астойдил уринганилигини кўрамиз. Кўп ўринларда бу уринишнинг яхши самаралари кўзга ташланади. Бу ҳол айниқса IV китобда аниқ сезилади.

Китоб 1960 йилда босишлиб чиқди. Унда Абай ҳаётининг сўнгги давридаги демократик харакат ва инсонпарварлик билан жаҳолат ўртасидаги кескин кураш оригиналдаги сингари моҳирона ифодаланганки, бу ўзбек китобхони хотирасида узоқ сақланиб қолади. Эпопеяни таржима қилишда Зумрад тил бойлигимиздан яхши фойдаланиб, Абайнинг маърифатпарварлигини «Билим баҳтнинг маҳкам қозиги, билимсиз баҳт аллакимлар озиғи» (IV—371-б.) деб ифодаласа, инсонпарварлигини «Яхшиликка яхшилик ҳар кишининг иши, ёмонликка яхшилик мард кишининг иши» (IV—372-б.) деган афористик ҳалқ ибораси билан равон ифода қиласди. Еки Абайнинг ота-бобоси томонидан қўшни Узоқ элига қилинган зулм ва адолатсизликлар ҳақида ўз уруғи шаънига айтган қуйидаги сўзини эслаб ўтайлик:

«Кардошлар... мени тувоҳликка тортибсизлар. Одам мансаб билан фазилат топмайди. Мансаб одам билан фазилат топади. Адолат йўл топсин, юксалсин дейман. Нақадар аччиқ бўлсада, аллакимларга малол келса-да, ҳалқ жароҳатини даволайдиган дори — фақат адолат бўлади. Дори аччиқ бўлса-да, дардни даволайди...» (IV, 305-б.)

Ўзбек тилида равон ифодаланган бу парчани ва юқоридаги каби афористик моментларни ҳақли равишда таржимоннинг ютуғи деб ҳисоблаш керак.

Лекин бу ютуқлар билан бирга таржиманинг хира томонларини, айrim жузъий ва жиддий камчиликларини ҳам кўрсатиш таржимон меҳнатига объектив баҳо беришда муҳим деб ўйлаймиз.

Тўрт китоб таржимасида учраган нуқсонлар ҳақидағи ҳамма таассуротларимизни умумлаштирганимизда, иш жараёнида таржимоннинг, бир томондан, баъзи жузъий хатоларга барҳам бера боришини, иккичи томондан, олдинги китоблардаги баъзи майдаги нуқсонларнинг кейинги икки китобда содир бўлганлигини кўрамиз. Бу кўпроқ тил қоидаларига риоя қилмаслик фактларида кўринади. Масалан, биринчи икки китобда айниқса келишик қўшимчаларининг хато қўлланиши кўп эди, кейинги икки китобда бу кам учрайди. Аммо, бунинг эвазига кейинги қисмда бошқа хил грамматик ва стилистик нуқсонлар — натижажа эргаш гапни ифодалаш учун «шундай қилиб», «шу билан бирга» боғловчилари ўрнига «шунинг билан», «унинг билан» сўзларини ўринсиз қўллаш ҳодисалари кўп. Маълумки, таржимада тил қонунларига риоя қилмаслик ҳам асар сифатига путур етказади.

Ҳар бир ҳалқнинг ўз тил хусусиятига, тарихий, ижтимоий яшаш шароитига боғлиқ ҳолда вужудга келган турли хил бадиий тасвирлаш воситалари бўлиб, бу воситалар бошқа ҳалқлар тилидаги воситалардан фарқ қиласди. Романда оригинал ва таржима тилларидаги бу хусусият баъзан ҳисобга олинмай, сўзма-сўз таржима қилинган ўринлар кўп учрайди: «Корин сочи олинмай кетган» (III, 185 ва 250-б; IV, 350-б.). «Оувл итининг думи гажак» (III, 43-б.), «Ёнлари ерга тегмай қолди» (IV, 34-б.), «Бир пақирдан шўрва ичиш» (IV, 256-б.), «Кулидан кириб косвидан чиқмоқ» (I, 283-б.) каби ибора ва ифодалар фикримизнинг далилидир. Таржимада ўз маъносини йўқотган бу ибораларнинг аслида ҳар бирининг ўз тарихи, ўз изоҳи бор. Жумладан, «Корин сочи олинмай кетиш» бирикмасини олайлик. Қозоқларда янги туғилган чақалоқ сочидан бир тутамини олмасдан, суннат тўйи ва ҳатто никоҳ

түйигача ирим учун ўстириб юриш расми бўлган. Яъни, қориндан тушган (туғилган) вақтдаги соч бир неча йиллар бўйи олинмай (қирқилемай) ўса берган. Лекин, кейинчалик бу — боланинг арзандалигини ифодалаш, «ҳаддидан ошиб кетган» маъносида ишлатиладиган идиома ҳолига кирган.

Шунингдек, «Бир пақирдан шўрва ичиш» ибораси ҳам миллӣ расм-руслан билан боғлиқ бўлиб ўзбекчада «бир охурдан ем ейиш»га, «кулидан кириб косовидан чиқиши» эса «уй хизматини кўнгилдагидек бажариши»га, «овул итининг думи тажак» ибораси ўзбекча «ўзингдан чиққан балога қайга борасан давога» деб, «ёнлари ерга тегмай қолди» ибораси «жонини қўйишга жой топа олмади» каби ўзбекча эквивалентлар билан берилса — мазмунан равон ва тушунарли бўлар эди. Таржимон икки тил лексикасида ҳам мавжуд бўлган айрим сўз ва терминларнинг икки тилда икки хил маънода ишлатилишига бефарқ қарайди. Жумладан, таржимон ишлатган «тўн», «эт осиши», «юмшамоқ», «сақланмоқ», «чивин», «Орқа», («Сари орқа») каби сўзлар оригиналда «пўстин», «норин пишириши», «ишига буюрмоқ», «хушёр бўлмоқ», «пашша», «Шарқий Қозогистон» («Сари орқа» ёки «Орқа») маънолари дадир. Буларни ўз сўзимиз экан деб, ҳаётдаги маъносини суриштиромай ишлатавериш хатога олиб келади, асардан китобхоннинг ихлосини қайташибга сабаб бўлади. Шундай осон йўл билан борган таржимон I китобдаги («Орде») «Баландликда» бобини «Юксалишда» ва «Қияда» бобини «Баландликда» деб нотўғри номлайди. Бунинг устига, ажойиб табиат манзаралари, фасл хусусиятларини тасвирловчи сұхбатлар тугалича ҳамда 8, 9, 12, 15, 16, 133, 251-бетлардаги текстлар орасидан айрим парчалар таржимада тушириб қолдирилган. Ваҳоланки, таржимонга бундай ҳуқуқ берилмайди.

Эпопеяниң кейинги қисмларида бундай ҳол учрамаса ҳам, бошқа камчиликлар рўй берган. Жумладан қозоқча «батыс», «ғарб» термини таржиманинг (III китоб) 185-бетида «шарқ», 212-бетида «шимол» деб, «хисоб чўт» ибораси «чўтка» (202-б.) деб мутлақо нотўғри таржима қилинган. IV китобнинг 117-бетига келиб эътиборсизлик шу даражага етганки, Абайнинг ўғли Мағауия бу ерда Абайнинг келини (Абдураҳмоннинг хотини) Мағрифага айланиб қолган. Бу хилдаги чалкашликлар, табиийки, китобхон фикрини чалғитади, тасвиранаётган воқеалар ҳақида тасаввурни хиралаштиради.

Қозоқ тили лексикасида рус тилидан ўтиб ўзлашиб кетган «писер» (писарь), «обоз», «трашпанка», «грузчик», «эмансипация», «председатель», «окружной суд», «самосуд», «документ», «землёмер» каби сўзлар борки буларни шу ҳолича қўллаш ўзбек тили табиатига тўғри келмайди. Чунки улар бу тилга кириб ўзлашиб кетган сўзлар эмас. Таржимада учрайдиган бу тилдаги сўзларни ўзбек тилидаги лексик эквивалентлар билан бериш ҳар жиҳатдан қулаёт бўлар эди.

Эпопея таржимаси билан танишган китобхон Зумраднинг қозоқ тилини яхши тушунишига эътироҳ билдириласа ҳам, таржимачилик маҳоратининг ҳали етилмаганлигини сезиб туради.

Қуидидаги фактларни кўриб ўтайлик:

«Пастаккина тепаликнинг қўға ва ковиллари... (шамолдан) бош эгарди». (III, 8-б.) Бу жумладаги чалкашлиқ аввало, ковил билан қўғанинг бир жойда ўсмаслигидадир. Чунки, қўға тўқайзор, шоликорликда, ковил эса — қирда, сувсиз саҳрода ўсади. Иккинчидан, ковил шамолга бош эгарлик даражада бўйига ўсмай, ер бағирлаб палак отиб ўсади. Файр табиий бу манзарани китобхон қандай қилиб кўз ўнгидага гавдалантира олсин. Сувсизликка мутлақо чидай олмайдиган қў-

ғанинг «тепалик» устида ўсишига қандай ишониб бўлади? Кўриб турибисизки, манзара гайри табиий.

Оригиналда «Қўға» ҳам, «ковил» ҳам йўқ, балки қозоқлар «коде», «селеу» деб атайдиган майса ўтлар ҳақида гап боради. Ўзбекчада бу ўтларнинг номи топилмаган тақдирда, таваккалчилик билан китобхонни чалғитгандан кўра, изоҳ бериб шу сўзларнинг ўзини ёзиш ҳам мақбул эди.

Ўзбек тилининг лугат бойлигидан самарали фойдалана олмаслик, сўзларни ўз ўрнида ишлата билмаслик каби ҳоллар қўйидаги сўз бирикмаларидан ҳам кўриниб турипти: қозоқча: Ырғызбай шетинен бай бол алды» («Иргизбойларнинг ҳаммаси бой бўлди») деган жумла — «Иргизбой авлодики бор, бир жон бир тан» (I, 73-б.) деб бузиб таржима қилинса, «мутафаккирлар» дейиш ўрнига — «ўзғир фикр эгалари» (III, 37-б.), «бефаҳм» дейиш ўрнига — «зеҳни пўстак» (III, 69-б.), «беҳаловатми?» дейиш ўрнига «шунинг жони бормикан?» (III, 360-б.), «бадавлат кишилар» дейиш ўрнига «сабаби овқат қилувчилар» (IV, 25-б.), «Юр!» — деб қўя қолди» дейиш ўрнига — «Бир оғиз қилиб «Юр!» деди» (IV, 111-б.) деб ғализ иборалар кўп қўлланилган. IV китобнинг 439-бетида «Пешона териси бир энлик келадиган яхшини кўрганим йўқ... Мана бу боланг ахирнинг ахираша жез манглай ҳамиятнинг эгаси бўлмай нима қилсин», деган ғализ жумлани ўқиб, нима ҳақида гап бораётганини билолмай гаранг бўлиб кетасан, киши. Афсуски, бундай ғализликлар кўп жойда учрайди.

Кейинги қисм таржимаси ҳам бу типдаги чалкашликлардан холи эмас. III китобда «тортиммади», «дадил боқди» маъносидаги «богелмади» сўзи «тараддулланмади» (III, 274-б.) деб, «Бурдизлик», «субутсиэлик» маъносидаги сўз — «тантилик» (69-б.), «кийим» (кебенек) сўзи — «капалак» (58-б) деб нотўғри таржима қилинган. III китобда учрайдиган бу типдаги нуқсонлар IV китобда ҳам бор. Жумладан, «бир йиғилиш» бирикмаси — «бир йил» (84-б.). Криловнинг ҳаммага маълум масалининг сарлавҳаси «Фил билан лайча» — «Фил билан қандин» деб бузиб таржима қилинган ва ҳоказо.

Оригиналдаги мазмунни нотўғри эквивалентлар билан ифодалаш, оригиналдан четга чиқиш, уни бузиб таржима қилиш учун таржимонга ҳеч қачон ҳуқуқ берилмайди. Шунинг учун ҳар бир таржимон оригинални олдиндан яхшилаб ўрганиб чиқиши лозим. Автор услубини бузмаслик, ҳарфхўрликка берилмаслик керак.

Таржимада атоқли отлар ва географик терминларни тил табиатига муносиб ўзлаштириш масаласи ҳам алоҳида аҳамиятга эга.

Хусусан, қозоқ тилидан таржима қилганда бу масалада бир моментни эътибордан четда қолдирмаслик керак. Бу — қозоқ тилида учраган термин ва атоқли отларнинг ўзбек тилида фонетик варианти бор-йўқлиги масаласидир. Шунга кўра, табиий ҳолатда терминларни ўзлаштиришнинг икки принципи келиб чиқади.

1. Агар оригиналда ўзбек тилида фонетик варианти бўлган Асан, Усен, Қожа, Ақмет, Шоқы, Аҳшоқы, Қарашоқы, Қаратобе, Ақтобе. Оспан каби атоқли от ва терминлар дуч келса, буларни Ҳасан, Ҳусан, Ҳўжа, Аҳмад, Чўққи, Оқчўққи, Қорачўққи, Қоратепа, Оқтепа, Усмон каби мазмунан мос, ўзбек китобхони учун шаклан равон фонетик вариантлар билан бериш ҳар жиҳатдан қулайдир.

2. Агар оригиналда ўзбек тилида фонетик варианти топилмайдиган Арғин, Бўкенши, Бувра каби атоқли от ва терминлар дуч келса, буларни оригиналдаги талаффуз нормасини бузмасдан ўзлаштириш керак. Бунда, оригиналдаги терминларни ифодалаган ҳарфларни эмас.

тovушларни назарда тутиш лозим. Чунки ҳар бир миллий тилнинг ўзига хос графикаси борки, бир ҳарф иккинчи тилда ҳам айнан ўша товушни ифодалай олмаслиги мумкин. Афсуски, эпопея таржимасида бу принципларнинг биронтасига ҳам риоя қилинмаган. Масалан, фонетик варианatlари бор: Ҳасан ўрнида Асан, Қасен; Ҳусан ўрнида — Усен, Қусен; Ҳон ўрнида Қон; Ҳўжа ўрнида Қўжа; Ҳудойберди ўрнида Қудайберди; Ҷекуб ўрнида — Жақиб; Тошпўлат — Тасболат; Зулайҳо, Злиқа, Зилиха деб тақдим этилган.

Фонетик варианtlари бўлмаган Жампейис, Бувра, Увоқ каби отларни ўзлаштиришда эса, таржимон қозоқ графикасининг талафуз нормаларига эмас, ҳарфларига асосланган. Натижада, бу типдаги отва терминлар на ўзбекча, на қозоқча бўлиб чиқкан.

— Қозоқ тилидан таржима қилувчилар юқоридаги талабларга қўшимча, қозоқ тили графикасидаги (айниқса унли) ҳарфларнинг қандай товушларни ифодалашини яхши аниқлаб олишлари лозим. Айниқса, қозоқ графикасидаги «а», «у», «и» ҳарфларининг ўзбек тили графикасидаги ифодасини аниқлаб олини муҳим аҳамиятга эга. Чунки бу ҳарфлар ўзбек ва қозоқ тилларида бошқа-бошқа товушларни ифодалайди.

Жумладан, ҳозирги қозоқ тили имлосида «А» ҳарфининг талафузи ўзбек тили графикасидаги «О» ҳарфининг талафузига жуда яқиндир: қазақ — қозоқ, бар — бор, қан — хон каби. (Ажратиб ёзилган мисоллар қозоқ графикасида берилди).

Ҳозирги замон қозоқ графикасидаги «у» ҳарфи очиқ бўғин ва ундошлар орасида келганда дифтонглашиб, ўзбек тилидаги «ув» биримаси талафузига мослашади, су — сув, бура-бувра, Дулат-Дувлат каби. «Ауа» (ҳаво), «тэуир» (товур), «қауын» (қовун) каби интервокаль ҳолатда бу ҳарф ўзбек тилидаги «в» каби жарангли ундош сифатида талафуз қилинади.

М. Авезов эпопеясида усталик билан фойдаланган Абай шеърларининг таржимасига назар ташланса, баъзан бу шеърий парчаларнинг руҳи йўқолиб, қандайдир қовушмаган сўзлар йиғиндисига айланиб қолганлигини сезиш қийин эмас. Бу таржимадан Абайнинг дахосини, мутафаккирлигини кўриб бўлмайди, таъсиранадиган мисрани учратмайсиз. Проза текстида юқоридаги каби хилма-хил нуқсонларга йўл қўйган таржимондан Абайнинг юксак шеърларини бутун бадиийлиги ва мусиқийлиги билан ифодалаб беришни талаб қилиш ҳам қийин, албатта. М. Авезов Абай ижодини бениҳоя чуқур ўрганиш натижасида саралаб олган бу сермазмун шеърий сатрлар фақат машҳур шеърларимиз қаламидатина мазмунан мукаммал, шаклан пишиқ ҳолда ўзбекча ифодаланиши мумкин эди.

Махсус таҳлили талаб этадиган бу (поэзия) соҳани Абай шеърларининг ўзбекча тўплами чиққанда — қардош тиллараро поэзия таржимаси сифатида текшириш ҳар жиҳатдан мақсадга мувофиқдир.

Ниҳоят таржиманинг ремарка типидаги текстларида ўзбек адабий тилининг лексик состави ва имлосига эътибор бермаслик ҳоллари учрайди: «съезд»ни — «сиёз», «уезд»ни — «ўяз», «татар»ни — «нўғой» деб берилган. «Чаласавод» маъносидаги қозоқча «думше» сўзини — «еллатак» (III, 44-б. 65-б.), «бошқа», «бегона» маъносидаги қозоқча «бетен» сўзини қандайдир — «бегин» (IV, 107, 326-б.), «тилмоч» терминини деярли ҳамма жойда «тиломоч» деб ноаниқ, ғализ эквивалентлар билан беришнинг салбий таъсири очиқ-ойдин кўриниб туради.

Шунингдек қозоқ халқынинг миллий характери ва табиий шароитига боғлиқ ҳолда вужудга келган бир қанча терминлар таржимада изоҳсиз қолган ва баъзи изоҳлар қўшимча аниқликка муҳтож. Ўзбек тилига таржима қилиб бўлмайдиган термин ва ифодаларни ўз талаффузида ўзлаштириб уларни изоҳ орқали бериш мақсадга мувофиқ бўлар эди.

Асарни қайта нашр қилишда юқоридаги камчиликлар ҳисобга олинар ва оригинал даражасида сифатли қилиб нашр этилар, деб умид қиласиз. Чунки, қайд этилган нуқсанлар қанчалик кўп ва хилма-хил бўлмасин, жиддий таҳрир қилинса тузатиладиган фактлардир.



МУНДАРИЖА

Бет		Бет	
Петрусь Бровка. «Правда»ни ўқийди Ленин. Шеър	2	Навиғ Ғойибов. У революция байро- нини жўтарди	120
Валентин Катаев. «Правда»нинг би- ринчи сони	3	Т. Жалолов. Собир қаҳқаҳалари	124
Ҳусниддин Шарипов. Қуёшга ошиқ- ман. Лирик достон	11	Андрей Иванов. Шеърлар	126
Ойбек. Болалик. Повесть	30	БАДИИ МАҲОРАТ МАСАЛАЛАРИ	
Мамарасул Бобоев. Яиги шеърлар	48	✓ Озод Шарафиддинов. Замон-ҷалб- поэзия	128
Шомил Алядин. Сизни яна қачон кўраркинман? Ҳикоя	54	Очил Тоғаев. Ҳаёт зиддияти ва ба- дий конфликт	143
Шуҳрат. Шеърлар	68	ТАНҚИД ВА ТАҚРИЗ	
М. Шолохов. Очилган қўриқ. Ро- ман	72	Махаш Бекбергенов. Уйғонган ўлка	150
Эдуардас Межелайтис. Шеърлар	93	БАДИИ ТАРЖИМА МАСАЛАЛАРИ	
Раҳим Бекниёз. Замондошларим. Очерк	96	Юсуф Абдувалиев. «Абай йўли» эпопеясининг таржимасига доир	154
Эгам Раҳим. Улкамизда баҳор. Шеър	98		
Валерий Тур. Темур дарвозаси. Очерк	106		

Масъул муҳаррир: Асқад МУХТОР.

Редколлегия: Ҳ. АБДУСАМАТОВ, Ҳаким НАЗИР, МИРМУҲСИН,
Назир САФАРОВ, Ҳамид ҒУЛОМ, ШУҲРАТ (масъул секретарь).

Техник редактор Ф. И. Илёсов.

На узбекском языке

„ШАРҚ ЮЛДУЗИ“ № 5

Орган Союза писателей Узбекистана

Объединенное издательство «Қизил Ўзбекистон», «Правда Востока»
и «Ўзбекистони Сурх»
Ташкент — 1962.

«Шарқ юлдузи» редакциясининг адреси:
Тошкент, 1 Май жўчаси, уй № 20. Телефон № 25663.

Теришга берилди 23/IV 1962 й. Босишга рухсат этилди 22/V 1962 й. Қоғоз
формати 70×108^{1/16}. Физ листи 10. Шартли босма листи 13.7 Нашриёт ҳисоб
листи 14.2 Тиражи 20860.Р01499. Нашр № Г-2371. Заказ № 772.
Баҳоси 50 тийин.

«Қизил Ўзбекистон», «Правда Востока» ва «Ўзбекистони Сурх» бирлашган
нашриётининг босмахонаси. Тошкент — 1962 йил.